



**ԱՄԵՆԱՅՆ ՀԱՅՈՑ ԿԱԹՈՂԻԿՈՍ**  
**Տ. Տ. ԳԱՐԵԳԻՆ Ա ՀԱՅՐԱՊԵՏԻ**  
**ԱՆԴՐԱՆԻԿ ՀՈՎՀԱՊԵՏԱԿԱՆ ԱՅՑԵԼՈՒԹՅՈՒՆԸ**  
**ԱՄԵՐԻԿԱՅԻ ՄԻԱՑՅԱԼ ՆԱՀԱՆԳՆԵՐ ԵՎ**  
**ԿԱՆԱԴԱ**

Ամենայն Հայոց Կաթողիկոս Ն.Ս.Օ.Տ.Տ. Գարեգին Ա Հայրապետը, ընդառաջելով Ամերիկայի Միացյալ Նահանգների Արևելյան և Արևմտյան թեմերի Առաջնորդներ Տ. Խաժակ և Տ. Վաչե արքեպիսկոպոսների, ինչպես նաև Կանադայի հայոց թեմի Առաջնորդ Տ. Հովնան արքեպիսկոպոսի միացյալ հրավերին, իր անդրանիկ հովվապետական այցելությունը տվեց վերոհիշյալ վիճակների խնամածությանն ներքո գտնվող և Մայր Հայրենիքի ու Ս. Էջմիածնի սիրով և կարոտով ապրող հայ հավատացյալ ժողովրդին սույն թվականի Հունվարի 10-ից Փետրվարի 20-ը :

Այս այցելությամբ Վեհափառ Հայրապետը ավետարանական Ճշմարիտ Հոգվի հոգածությամբ ցանկացավ ճանաչել և ճանաչվել իր զավակների կողմից, ինչպես նաև պատգամել, որ «Սուրբ Էջմիածինը առաքելություն է, և յուրաքանչյուր հայ բարոյական պարտք ունի մասնակից ու հաղորդակից դառնալու այդ առաքելությանը» :

### ՄԵԿՆՈՒՄ

Հունվարի 9-ին, երեքշաբթի, առավոտյան լուսաբացին, ժամը 05.30-ին, Վեհափառ Հայրապետը Մայր Աթոռի միաբաններից կազմված թափորով առաջնորդվեց Մայր Տաճար և իջման Սուրբ Սեդանի առջև կանոնական աղոթքից ու իր օրհնությունները միաբաններին բաշխելուց հետո ուղղևորվեց «Զվարթնոց» օդանավակայան:

Օդանավակայանում Հայոց Հայրապետին բարի երթ մաղթելու էին եկել պրն. Ծահեն Կարամանուկյանը՝ հանուն Հայաստանի Հանրապետության Նախագահի, ՀՀ-ում Միացյալ Նահանգների դեսպան պրն. Փիթր Թոմսոնը, ՀՀ-ում Մեծ Բրիտանիայի դեսպան պրն. Դեյվիդ Մյուլլերը, Կրոնից գործոց պետական կոմիտեի նախագահ պրն. Լազար Սուրյանը, Էջմիածնի քաղաքապետ պրն. Երվանդ Աղվանյանը, Առաջնորդ սրբազաններ և Մայր Աթոռի միաբաններ:

## ԱՄՍՏԵՐԴԱՄՈՒՄ

Չորս ու կես ժամյա թռիչքից հետո օդանավը վայրէջք կատարեց Ամստերդամի «Օխիփոլ» օդանավակայանում, որտեղ Վեհափառ Հայրապետին դիմավորեցին և քարի գալուստ մաղթեցին Արևմտյան Եվրոպայում Հայրապետական պատվիրակ, Ֆրանսիայի հայոց հոգևոր Առաջնորդ Տ. Գյուտ արքեպս. Նազգաշյանը, Ամստերդամի հայոց հոգևոր հովիվ Մանվել վրդ. Երկաթյանը, Ամստերդամի հայ համայնքի վարչության ատենապետ Պետրոս Սորիճյանը, հայ համայնքի անդամներ Գրիգոր Մոմճյանը, Հարություն Սիմոնյանը, Գևորգ Մեսրոպյանը, Բեղգիայից ժամանած Տեր և Տիկին Հայկ և Օաքե Ասլանյանները, Անվերս քաղաքում ՀՀ պատվո հյուպատոսը, Բեղգիայում ՀՀ դեսպանության ներկայացուցիչը, Հոլանդիայի պետության կողմից արտաքին գործերի գործավարը, Եվրոպայում «Հայկական Ավիատոդիներ» ընկերության ներկայացուցիչ Լևոն Բաղդասարյանը, իր գործակիցներով, օդանավակայանի «ՏՀ» ընկերության պատասխանատու Բերնարդ թեն Բրոկը և այլ պաշտոնական անձինք:

Նրանց ուղեկցությամբ Վեհափառ Հայրապետը առաջնորդվում է «Օխիփոլ» օդանավակայանի պատվո հյուրասրահ, որտեղ մեկ ու կես ժամյա դադարի ընթացքում հարցազրույց ունեցավ Հոլանդիայում էկումենիկ շարժման գրասենյակի պատասխանատու, «Թրաու» թերթի թղթակից պրն. Քրեյնի հետ /հետագայում այդ տեսակցությունը լույս տեսավ «Թրաու» օրաթերթում՝ ամբողջական մեկ էջով /:

Այս Վեհափառ Հայրապետը իր հայրական օրհնությունն ու հայրապետական պատգամը հղեց հոլանդահայությանը, ի մասնավորի ասելով. «Այսօր հայրենասիրություն բառին փոխարեն եկեք ընտրենք հայրենաշինություն բառը: Անոր մեջ պիտի տեսնենք մենք ճշմարիտ սերը, ինչպես Քրիստոս սիրեց և սերը ցույց տվեց ծառայելով: Ոչ թե սիրեց մտքով, սիրեց զգացումով, այլ կյանքով և գործով՝ մույնիսկ խաչով: Այս է հայրենասիրությունը՝ այն արժեքները հայրենաշինությամբ, եկեղեցասիրությամբ՝ եկեղեցականությունով, որպեսզի պայծառանա Մայր Աթոռ Սուրբ Էջմիածինը, ուրկե 1700 տարիներ Աստված մեզի կնայի: Եթե կրցեր ենք տոկալ, այսօր ամեն հույս ունինք և ամեն վճռականություն, որ օրե օր դեպի բարձունք պիտի երթանք: Այս հավատքով կողջունեմ ձեզ»: Օդանավակայանում արտասանված Վեհափառ Հայրապետի խոսքը տեսերիզի միջոցով հաղորդվեց ողջ հոլանդահայությանը:

## ԺԱՄԱՆՈՒՄ ՄԵՄ ԲՐԻՏԱՆԻԱ

Ամստերդամի օդանավակայանում կարճատև դադարից հետո, Վեհափառ Հայրապետը, ընկերակցությամբ Գյուտ սրբազանի, բրիտանական «British Airways» ընկերության օդանավով մեկնեց Մեծ

Բրիտանիայի մայրաքաղաք Լոնդոն:

Տեղական ժամանակով ժամը 14.00-ին օդանավը վայրէջք կատարեց Լոնդոնի «Հիթրո» օդանավակայանում, որտեղ Վեհափառ Հայրապետին դիմավորելու էին եկել Անգլիայի հայոց Առաջնորդ և Հայրապետական պատվիրակ Տ. Եղիշե արքեպս. Կիզիրյանը, Մեծ Բրիտանիայում ՀՀ արտակարգ և լիազոր դեսպան դոկտոր Արմեն Սարգսյանը, Քենթրբերիի արքեպիսկոպոսի ներկայացուցիչ Զոն Դենիս եպիսկոպոսը, Մեծ Բրիտանիայի համայնքների և խորհուրդների, Սուրբ Սարգիս և Սուրբ Պետրոս եկեղեցիների հոգաբարձուների և հոգևոր դասի ներկայացուցիչները:

Մեկօրյա դադարի և հանգստի համար Վեհափառ Հայրապետը հյուրընկալվեց Մայր Աթոռի բարերար լոնդոնաբնակ տիար Վաչե Մանուկյանի տանը:

### ՀԱՅ ՀԱՄԱՅՆՔԻ ՆԵՐԿԱՑԱՑՈՒՑԻՉԻՆԵՐԻ ՀԵՏ

Օրվա երկրորդ կեսին, երեկոյան ժամը 18.30-ին, Վեհափառ Հայրապետը, ուղեկցությամբ Եղիշե և Գյուտ սրբազանների, գավազանակիր Արտակ արքեպ. Տիգրանյանի և Սուրբ Սարգիս եկեղեցու հոգևոր հովիվ Շնորհք քհն. Գասպարյանի և այլ ազգայինների, մուտք գործեց Սուրբ Սարգիս Մայր եկեղեցի, որտեղ միասնական աղոթքից հետո այցելեց եկեղեցուն կից «Հայ Տուն», ուր հավաքվել էին համայնքի կազմակերպության ներկայացուցիչները՝ Ամենայն Հայոց Հայրապետի խոսքին ունկընդիր և օրհնությանը հաղորդակից լինելու համար:

«Հայ Տան» ընդարձակ սրահում Վեհափառ Հայրապետին ողջունեց և բարի գալուստ մաղթեց առաջնորդ Եղիշե արքեպիսկոպոսը: Որից հետո վեհափառ Հայրապետը խորապես հուզված իր խոսքն ուղղեց ներկաներին:

Վեհափառը հայրական ջերմ սիրով ողջունելով ներկաներին, խոսեց Մայր Աթոռ Սուրբ Էջմիածնի և Մայր Հայաստանի մասին և բացատրեց իրական կացությունը, պատասխանատվության հայեցակետով պարզելով թե՛ դրական և թե՛ բացասական կողմերը՝ մատնանշելով ու բարձրորեն գնահատելով մեր Եկեղեցու կատարած գործերը, ներկայացնելով կարիքները և խոսելով անելիքների մասին: Նորին Սրբությունը շեշտեց այն իրողությունը, որ մեր ժողովուրդը պետք է իրատես մոտեցումով կարևորի Եկեղեցու և պետության պատասխանատու անձերի տեսակետներն ու պատկերացումները: Հարկ է ամեն ինչ տեսնել և ոչ թե տեղեկությունների կտորտանքներով դիտել ու չափել կացությունը: Միասնության և համագործակցության ժամանակն է մեր այս ժամանակը, եթե ցանկանում ենք Մայր Աթոռը տեսնել



գործունյա և Հայաստանի անկախ պետությունը ապահով, ամուր և հառաջագնաց:

Հաջորդ օրը, առավոտյան, տեղական ժամանակով ժամը 11. 00-ին, հրաժեշտ տալով լոնդոնաբնակ հայությանը, Վեհափառ Հայրապետը ուղղվեց դեպի Նոր Աշխարհ, տանելով Հայոց Նորացած և Նորացող Աշխարհի ավետիսն ու Սուրբ Էջմիածնի հարազանգ դողանքների միջից լսվող մեր Տիրոջ և Հայաստանայց հոգևոր հայր Սուրբ Գրիգոր Լուսավորչի հրավեր-կանչը:

## ՎԵՀԱՓԱՌ ՀԱՅՐԱՊԵՏԸ ԱՄԵՐԻԿԱՅԻ ՄԻԱՅՅԱԼ ՆԱՀԱՆԳՆԵՐՈՒՄ

### ԱՐԵՎԵԼՑԱՆ ԹԵՄ

#### ԺԱՄԱՆՈՒՄ Ի ՆՅՈՒ ՅՈՐԶ



Հունվարի 10-ին, չորեքշաբթի օրը, Վեհափառ Հայրապետը, ընկերակցությամբ գաղազանակիր հոգեշնորհ Տ. Արտակ արեղա Տիգրանյանի, ժամանեց Նյու Ուարքի «Ինտերմեյշնլ» օդանավակայան (Նյու Ջերսի), որտեղ Վեհափառ Հորը դիմավորելու էին եկել ԱՄՆ Արևելյան և Արևմտյան թեմերի Առաջնորդներ Տ. Խաժակ և Տ. Վաչե արքեպիսկոպոսները, Կանադահայոց Առաջնորդ Տ. Հովնան արքեպիսկոպոսը, Հյուսիսային Ամերիկայում Մեծի Տանն Կիլիկիո Արևելյան թեմի Առաջնորդ Տ. Մեսրոպ արքեպիսկոպոս Աշճյանը, ՄԱԿ-ում Հայաստանի Հանրապետության լիազոր և մնայուն դեսպան Ալեքսանդր Արզումանյանը, Նյու Ջերսիի Ծերականոտականների Տան խոսնակ Չաք (Կարապետ) Հաթայանը, Վեհափառ Հայրապետի այցելության կազմակերպիչ Հանձնախմբի նախագահ պրն. Քարլ Բազարյանը, Ամերիկայի Հայկական Համագումարի նախագահ Պրն. Հրայր Հովնանյանը, Արևելյան թեմի

հոգևոր դասը, թեմական խորհրդի անդամները և այլ ազգայիններ, ինչպես նաև կառավարական ներկայացուցիչներ և թղթակիցներ:

Օդանավակայանում արդեն իսկ անակնկալ էր սպասվում. Նյու Յորքի «Սրբոց Նահատակաց» և Նյու Ջերսիի «Հովնանյան» ամենօրյա վարժարանների փոքրիկների երգչախումբը ԱՄՆ-ի և Հայաստանի Հանրապետության քայերգներով, Հայրապետական մաղթանքով և ծաղիկների մատուցմամբ ողջունեցին Վեհափառ Հայրապետին: Ամենայն Հայոց Կաթողիկոսի ժամանման առթիվ օդանավակայանի պատասխանատուները մասնավոր կերպով տրամադրել էին պետական ներկայացուցիչների և բարձրաստիճան անձնավորությունների հատուկ ընդունելության սրահը:

Այստեղ Արևելյան թեմի Առաջնորդ Տ. Խաժակ արքեպիսկոպոս Պարսամյանը բարիգալստյան խոսք ուղղեց Վեհափառին՝ մաղթելով, որ այս անդրանիկ այցելությունը Սուրբ Էջմիածնի ներկայության մոտ շունչն ու հոգին փոխանցի Միացյալ Նահանգներում բնակություն հաստատած հայ հավատացյալներին և նպաստի Հայ Եկեղեցու միության զորացմանը: Ապա Վեհափառ Հայրապետը նախ աղոթքով հայցեց Աստծուց, որ օրհնի Միացյալ Նահանգներն ու Կանադան: Փառք ընծայեց Ամենակալ Աստծուն, որ առիթ շնորհեց ամերիկաբնակ իր ժողովրդի հետ լինելու: Ապա շնորհակալության և գնահատանքի խոսք ուղղեց օդանավակայանում հավաքված հոգևորականներին, ժողովրդին և հատկապես դպրոցական փոքրիկներին և երիտասարդներին:

Այնուհետև Նորին Սրբությունը առաջնորդվեց Նյու Յորքի առաջնակարգ «Ուոլդորֆ Աստորիա» հյուրանոց:

### ԳՈՀԱԲԱՆԱԿԱՆ ԱՂՈԹՔ ՍՈՒՐԲ ՎԱՐԴԱՆ ՄԱՅՐ ՏԱԾԱՐՈՒՄ

Նույն օրը, երեկոյան ժամը 20. 00-ին, Ս. Վարդան Մայր Տաճարում տեղի ունեցավ «Հրաշափառի» արարողություն, որին մասնակցում էին հոծ թվով հայ և քույր Եկեղեցիների բարձրաստիճան հոգևորականներ (վարդապետներ և քահանա հայրեր), որոնցից շատերը հին բարեկամներն ու ծանոթներն էին Վեհափառ Հայրապետի: Աննկարագրելի էր հավատացյալների խանդավառությունն ու նրանց պարուրած ուրախությունը: Հակառակ անբարենպաստ եղանակին ու ձյունախառն մրրիկին, եկել էին իրենց հոգիները ջերմացնելու Վեհափառ Հայրապետի շնորհաբեր օրհնությամբ և Նրանով թանձրացող սուրբ և սրբացնող Էջմիածնի, ազատ և անկախ Հայրենիքի անմար ներշնչանքով:



Օտար Եկեղեցիներից ներկա էին Ռուս Օրթոդոքս, Բուլղար Օրթոդոքս, Ռուկրահնական Օրթոդոքս, Անտիոքի Պատրիարքության Հույն, Ասորի, Ղալի, Եթովպական, Արևելյան Եկեղեցիների, Հռոմեական Կաթոլիկ, Եպիսկոպոսական Եկեղեցիների ներկայացուցիչները: Հայ Ավետարանական Եկեղեցու կողմից ամերիկահայ Ավետարանական ընկերակցության վարիչ-տնօրեն վեր. Մովսես Զանբազյանը, Հայ Կաթոլիկ Եկեղեցիների Գերապայծառ Հովհաննես Դերձակյանը: Ներկա էր նաև Միացյալ Նահանգների Եկեղեցիների Ազգային Խորհրդի ընդհ. Քարտուղար դոկտ. Ջոն Գամպլը՝ մի խումբ ներկայացուցիչներով:

Տպավորիչ և մեծաշուք թափորով Վեհափառ Հայրապետը մուտք գործեց Սուրբ Վարդան առաջնորդամիստ եկեղեցի, որտեղ բարիգալստյան ջերմ և հարգալից խոսք ասաց Տ. Խաժակ արքեպս. Պարսամյանը:

Քույր Եկեղեցիների անունից՝ Հույն Օրթոդոքս Եկեղեցու Հյուսիսային և Հարավային Ամերիկաների Առաջնորդ Թակոփոս արքեպիսկոպոսը ամենաջերմ խոսքերով ողջունեց իր երկար տարիների անձնական և մտերիմ բարեկամ Վեհափառ Հայրապետին, բարձրորեն գնահատեց Հայց. Եկեղեցու առաքելությունը, ջատագովեց գործակցությունը, էկումենական առողջ ոգին և հաջողություն մաղթեց Նորին Սրբության Հայրապետական առաքելությանը:



ՎԵՀԱՓԱՐ ԷԱՅՐԱՊԵՏԻՆ ՈՂՋՈՒՆՈՒԹ Է ԹԱԿՈՎՈՍ ԱՐՔԵՊԻՍԿՈՊՈՍԸ

Այնուհետև Վեհափառ Հայրապետը տվեց իր հայրական պատգամը: Իր խոսքի երկրորդ բաժնում Գարեգին Վեհափառը անգլերեն լեզվով շնորհակալություն հայտնեց քույր Եկեղեցիների ներկայացուցիչներին և նրանց անունից ողջունող Թագովոս արքեպիսկոպոսին,

որոնցից շատերի հետ նա հին և շարունակական բարեկամություն և համագործակցություն է ունեցել և այսօր որպես Ամենայն Հայոց Կաթողիկոս ողջունում է բոլորին քրիստոնեական սուրբ սիրով: Գոհունակությունը հայտնեց, որ իր Հովվապետական այցելությունը սկիզբ է առնում այս միասնական աղոթքով: Նա ջեշտեց եկեղեցիների միջև եղբայրական հարաբերությունների և համագործակցության զարգացման անհրաժեշտությունը Աստուծո փառքի և մարդկանց խաղաղ գոյակցության համար, որով որպես Աստուծո գործակիցներ երկրում կիրականանա Տիրոջ հրաշափառ Ծննդյան ժամանակ հնչած հրեշտակների ավետիսը. «Փառք ի բարձունս Աստուծոյ եւ յերկիր խաղաղութիւն, ի մարդիկ հաճութիւն»:

Անդրադառնալով 2001 թվականին Հայ Եկեղեցու 1700-ամյակի տոնակատարությանը, բոլորին հրավիրեց մասնակցելու այդ պատմական իրադարձությանը, որովհետև այն ոչ միայն Հայ Եկեղեցու և ժողովրդի սեփականությունն է, այլև ամբողջ քրիստոնեական աշխարհի և քաղաքակիրթ մարդկության: Ավարտելով իր խոսքը, Վեհափառ Հայրապետը ներկաներին հրավիրեց «Տերունական աղոթքի»՝ ցանկություն հայտնելով, որ յուրաքանչյուրն իր լեզվով աղոթք ուղղի առ Բարձրյալն Աստված, որպես նշան և խորհուրդ «միություն այլազանության մեջ» սկզբունքին:

«Հրաշափառի» արարողությունը ավարտվեց Սուրբ Էջմիածնի Մայր Տաճարի նախկին և այժմ Սուրբ Վարդան առաջնորդանիստ եկեղեցու երգչախմբի ղեկավար Խորեն Մելիսյանի հեղինակած «Էջմիածնի Կանտատ» ստեղծագործությամբ, որ նվիրված է Ն. Ս. Օ. Տ. Տ. Գարեգին Ա Կաթողիկոսին:

Այս հոգեպարար և սրտեր միացնող արարողությունից հետո, առաջնորդարանի «Հայկ և Ալիս Գափուքյան» հանդիսասարահում տեղի ունեցավ ընդունելություն, հընթացս որի Վեհափառ Հայրապետը մտերմիկ մթնոլորտում ընդունեց հայ և օտար եկեղեցականների բարեմաղթություններն ու ուղերձները:

## ՀԱՆԴԻՊՈՒՄ ԱՐԵՎԵԼՅԱՆ ԹԵՄԻ ՀԱՅ

### ՀՈԳԵՎՈՐԱԿԱՆՆԵՐԻ ՀԵՏ

**Հինգշաբթի, հունվար 11-**ի առավոտյան ժամերգությունից հետո, Առաջնորդարանի դահլիճում Վեհափառ Հայրապետն ընդունեց հայ հոգևորական դասին, որի ընթացքում պատասխանեց նրանց կողմից իրեն ուղղված հարցերին, որոնք վերաբերվում էին ժամանակի հուզող խնդիրներին և հովվական աշխատանքներին ու դրանց կազմակերպմանը: Մտերիմ հայրական խոսքով իր հատուկ պատգամը տվեց նրանց: Վեհափառն ապա շեշտեց այն կարևոր իրողությունը, ըստ որի Հայ Եկեղեցու ավանդությունը պետք է կենդանի ձևով փոխանցել



ժողովրդին արդիական մեթոդներով, և սակայն զգույշ լինել արդիապաշտության ծայրահեղություններից, որոնք ժամանակի մեջ կգան ու կանցնեն, և չպետք է թույլ տալ, որ դրանք խաթարեն մեր Եկեղեցու հարազատ ոգին և Ավանդությունը:

### ՀԱՆՐԱՊԵՏՈՒՄ ՆՅՈՒ ՅՈՐԶԻ ՆԱՀԱՆԳԱՊԵՏԻ ՀԵՏ



Վեհափառ Հայրապետը Նյու Յորքի մահանգապետի գրասենյակում հանդիպեց մահանգապետ Տիար Զորջ Փաթթաքիին, որի ընթացքում մահանգապետը, կարևորելով և բարձր գնահատելով հայության դերը ամերիկյան երկրում ընդհանրապես և Նյու Յորքի շրջանում մասնավորապես, ասաց. «Մենք ավելի քան 50.000-ի հասնող հզոր հայկական համայնք ունենք Նյու Յորքի շրջանում: Հայաստանի անկախության լուրը մեծապես ուրախություն պարգևեց մեզ և Ձեզ հաջողություն ենք մաղթում Ձեր դժվարին, պատասխանատու և կարևոր աշխատանքի մեջ»:

Ամենայն Հայոց Հայրապետը, շնորհակալություն հայտնելով այս հանդիպման, ինչպես նաև հայության հանդեպ տաճած սիրո և համակրանքի համար, խոսեց իր՝ Նյու Յորքում գտնված տարիների մասին: Նա իր շնորհակալությունն ու գնահատանքը հայտնեց Հայոց Առաջնորդարանին և նյույորքաբնակ հայության հանդեպ ցուցաբերվող հոգածության համար: Որպես հարգանքի առհավատչյալ մահանգապետ Փաթթաքիին նվիրեց «Էջմիածնի Գանձեր» մեծադիր, գեղեցկազարդ հատորը:



## ՀԱՆԴԻՊՈՒՄ ՀԱՌԻԸՐԳ ԳԱՐԱԿՅՈՋՅԱՆ ՀԱՍՏԱՏՈՒԹՅԱՆ ՆԵՐԿԱՅՑՈՒՑԻՉՆԵՐԻ ՀԵՏ

Հունվարի 11-ին Նյու Յորքի Առաջնորդարանում ընդունեց վերջին տասնամյակներին հայ ժողովրդի կարիքներին մեծ օժանդակություն ցույց տված Հատուկ Գարակյոզյան հաստատության ներկայացուցիչներին՝ գլխավորությամբ Տիկին Բերկրուհի Սվաճյանի:

Նրանք Վեհափառ Հայրապետին տեղեկացրին հաստատության գործունեության մասին, հատկապես վերջին տարիներին Հայաստանում կատարած աշխատանքները:

Վեհափառը, որ շատ մոտից էր ծանոթ և սիրով գործակցել էր Գարակյոզյան հաստատության հետ Լիբանանում, բարձրորեն գնահատեց նրանց գործը և հատկապես նշեց այն ծառայությունները, որոնց հասույթը ընձալվում է Հայաստանի մեր ժողովրդին ատամնաքուժական և այլ ծառայությունների միջոցով:

Նա իր հուզիչ մաղթանքներում հիշեց մեծանուն և ազնվասիրտ օրիորդ Լեյլա Գարակյոզյանին, որն իր 90-ամյա հասակում էլ դեռևս շարունակում էր իր կենդանի հետաքրքրությունը և նվիրումը ցուցաբերել Գարակյոզյան հաստատության երախտարժան գործի նկատմամբ:

## ՀԱՆԴԻՊՈՒՄ ՀԱՅ ԱՎԵՏԱՐԱՆԱԿԱՆ ԵԿԵՂԵՑՈՒ ՆԵՐԿԱՅՑՈՒՑԻՉՆԵՐԻ ՀԵՏ



Նույն օրը, հունվար 11-ին, Գարեգին Վեհափառ Հայրապետն Առաջնորդարանի դահլիճում ընդունեց պաշտոնական այցելությունը Հայ Ավետարանական Եկեղեցիների ներկայացուցիչների, որոնց շարքում նաև՝ Հայ Ավետարանական ընկերակցության ընդհանուր

վարիչ-տնօրեն Վեր. Մովսես Ծանրագյանին:

Նա Վեհափառ Հայրապետին հայտնեց Հայ Ավետարանական Եկեղեցիների սերմ ու հարգանքը և անդրադարձավ այն գործակցությանը, որը ցանկանում են ունենալ միշտ և առավել ևս զարգացնել Հայաստանում Մայր Աթոռ Սուրբ Էջմիածնի հետ:

Վեհափառ Հայրապետը մախ իր շնորհակալությունները և գնահատանքը հայտնեց Հայ Ավետարանական Եկեղեցիների հարգանքի այս արտահայտության համար, ապա երկարորեն խոսեց Հայաստանում Քրիստոնեական դաստիարակության գործի կենսական կարևորության մասին: Շոշափելի տվյալներով բացատրեց, թե ինչպես Մայր Աթոռ Սուրբ Էջմիածինը հաստատել է Քրիստոնեական դաստիարակության հատուկ կենտրոն, կազմակերպել կրոնի ուսուցիչների պատրաստության դասընթացները, որը նոր ուժ է հաղորդում Հոգևոր Ընտանիքի զարգացմանը և զարկ տալիս մանկական և ժողովրդային հրատարակություններին:

Հայ Ավետարանական Եկեղեցիների ներկայացուցիչները հավաստիացրեցին Վեհափառ Հորը, որ իրենք ևս զորավիգ կլինեն այդպիսի աստվածահաճո գործերին:

#### ԱՅԹԵԼՈՒԹՅՈՒՆ ՀՈՒՅՆ ՕՐԹՈԳՈՔՍ ԵԿԵՂԵՑՈՒՆ

Հունվարի 11-ի կեսօրին Վեհափառ Հայրապետն իրեն ընկերակցող շքախմբով մեկնեց Նյու Յորքի Հույն Եկեղեցու առաջնորդարան: Մատուցում կատարվեց զոհաբանական պաշտամունք: Հունական և Հայկական շարականների երգեցողությունից հետո Յակովոս արքեպիսկոպոսը ջերմ խոսքերով ողջունեց Վեհափառ Հայրապետին: Նա շեշտեց Հայ և Հույն Եկեղեցիների և ժողովուրդների միջև գոյություն ունեցող սիրայիր փոխադարձ հասկացողության և գործակցության երևույթը:

Վեհափառ Հայրապետը պատասխան խոսքում բարձրորեն գնահատեց իր վաղեմի բարեկամին ու ամբողջ Ամերիկայում և աշխարհի միջեկեղեցական կյանքում հանրաժանոթ ու ազդեցիկ դիրք գրաված Յակովոս արքեպիսկոպոսի ազնիվ և անկեղծ արտահայտությունները: Նա հավաստիացրեց Հույն Եկեղեցու բոլոր ներկայացուցիչներին, որ Մայր Աթոռը պիտի շարունակի առավել ուժ տալ միջեկեղեցական հարաբերություններին և սերտ գործակցություն հաստատել Հույն Ուղղափառ Եկեղեցու հետ:

Հունաց արքեպիսկոպոսարանում տեղի ունեցավ ճաշկերույթ-հանդիպում՝ մասնակցությամբ Արևելյան (Eastern) Եկեղեցիների ներկայացուցիչների: Ներկա էին Հույն, Ռուս, Ռումին, Սերբ, Բուլղար, Ուկրաին Ուղղափառ Եկեղեցիների բարձրաստիճան հոգևորականներ, Նյու Յորքի կաթոլիկ Եկեղեցու հոգևոր պետ կարդինալ Զոն Օ Քոնցրի



ներկայացուցիչը, Անգլիկան Եկեղեցու եպիսկոպոսներ, «Խղճմտանքի Կոչ» Հիմնարկությունից՝ Բաբբի Արթուր Օնայերը և այլ բարձրաստիճան հոգևորականներ:

Ժաշկերույթի ընթացքում այս պատվո ընդունելության կազմակերպիչ Թակովոս արքեպիսկոպոսը, ողջունելով Վեհափառ Հայրապետին, ի մասնավորի ասաց. «Ձեր գործունեությունը հուզում է մեր սրտերն ու մտքերը: Մենք ուշի-ուշով հետևում էինք Ձեզ, երբ Դուք օգնության էիք շտապում Հայաստանի կարոտյալներին և երկրաշարժից աղետյալ երեխաներին ու ժողովրդին: Դուք Հայ Եկեղեցու կարող առաջնորդն եք այսօր»:

Վեհափառ Հայրապետը պատասխան խոսքում, շեշտելով տարբեր Եկեղեցիների միջև միության և համայնքային կապի կարևորությունը, հաստատեց. «Մենք կամ մեկ Եկեղեցի ենք, կա՛մ ընդհանրապես Եկեղեցի չենք»: Այա, անդրադառնալով Հայաստանի և Հայ Եկեղեցու ներկա կացությանը ասաց. «Սա փորձարկման մի շրջան է մեզ համար: Մենք թանգարանին պատկանող Եկեղեցի չենք, և միջեկեղեցական ոգին մեզ համար մղիչ ուժ պիտի լինի անցյալի ընդարմացած կյանքից դուրս գալու և ընթանալու դեպի նոր ու հուսալից ապագա»:

Վերջում Թակովոս սրբազանը Վեհափառին նվիրեց հույն ակադեմիկոս նկարիչ Օմիրիոսի մեկ կտավը, որը խորհրդանշում էր հայ ժողովրդի ողբերգական պատմությունը. «Մեր երկու ժողովուրդները չափազանց տառապել են, և ամեն ինչից ավելի այս պարագան է ինձ միացնում ձեզ հետ», — ավելացրեց հույն արքեպիսկոպոսը:

Վեհափառ հայրապետը Նորին Սրբազնությանը որպես մնայուն հիշատակ նվիրեց Սուրբ Էջմիածնի արծաթյա քանդակը, որպես վկայություն հայ ժողովրդի բազմադարյան քրիստոնեական կյանքի և գործունեության:

## ՀԱՆԴԻՊՈՒՄ ԱՐԵՎԵԼԹԱՆ ՌԻՂՂԱՓԱՌ

### ԵԿԵՂԵՑԻՆԵՐԻ ՆԵՐԿԱՅԱՑՈՒՑԻՉՆԵՐԻ ՀԵՏ

Հունվարի 11-ին Վեհափառ Հայրապետը հանդիպեց Արևելյան (Oriental) Ուղափառ Եկեղեցիների հոգևորականների հետ: Հանդիպմանը ներկա էին՝ Ղպտի եկեղեցուց՝ Ֆարադ Աթանասիոս, Դավիթ Բերաուի և Հակոբ Գալի վարդապետները, Ասորի Եկեղեցուց՝ Զաքարիա Նիկոլովոս արքեպիսկոպոսը և Ջոն Մենո քորեպիսկոպոսը, Եթովպիայի Եկեղեցուց՝ Մաթթիաս արքեպիսկոպոսը՝ ընկերակցությամբ Նորիս Աբսալոմ վարդապետի, Մալաբար Եկեղեցուց՝ Մար Բարնաբաս եպիսկոպոսը՝ ընկերակցությամբ Ջոնսոն Մադայի վարդապետի և այլոց: Հայ Եկեղեցուց ներկա էին Հյուսիսային Ամերիկայի արևելյան և արևմտյան թեմերի առաջնորդներ Տ. Խաժակ



և Տ. Վաչե արքեպիսկոպոսները, Կանադայի հայոց առաքնորդ Տ. Հովնաթ արքեպիսկոպոսը և այլ հոգևորականներ:

Հանդիպման ընթացքում Վեհափառ Հայրապետը շեշտեց դավանանքով և մեկ հաղորդությամբ իրար մոտ կանգնած Արևելյան Ուղղափառ Եկեղեցիների հարաբերությունների առավել սերտացման և համագործակցության անհրաժեշտությունը ընդհանրական Եկեղեցու շահին ի նպաստ և վասն փառացն Աստուծո և մարդկության բարօրության համար: Այս տեսակցությունն անցավ շատ սրտամոտ և անկեղծ երկխոսության մթնոլորտում, ուր քույր Եկեղեցիների ներկայացուցիչները հայտնեցին իրենց շնորհակալությունն ու զանազան տեսակետներ Եկեղեցիների ընդհանուր համագործակցության, և՛ այլազան խնդիրների շուրջ:

### ԸՆԴՈՒՆԵԼՈՒԹՅՈՒՆ ԱՄԵՐԻԿԱՑԻ ԵԿԵՂԵՑԻՆԵՐԻ ԱԶԳԱՑԻՆ ԽՈՐՀՐԴԻ ՆԱԽԱԳԱՀԻ ՄՈՏ

Նույն օրը, երեկոյան, Եկեղեցիների Ազգային Խորհրդի Տնօրենների վերընտրված նախագահ Ջոն Գամպլիի բնակարանում տեղի ունեցավ մեծ ընդունելություն՝ ի պատիվ Ամենայն Հայոց Հայրապետի: Ներկա էին Եկեղեցիների Ազգային Խորհրդի ղեկավարները, Եկեղեցիների Ազգային Խորհրդի Տնօրենների ժողովի փոխնախագահ Խաժակ Սրբազանը, Վաչե և Հովնաթ Սրբազանները, Ներսես քհն. Ծեպեճյանը և Կարապետ քհն. Քոչարյանը:

Ջոն Գամպլը հատուկ ճառով անդրադարձավ այս այցելության միջեկեղեցական կարևորությանը, ջերմությամբ հիշեց Ամերիկայի Եկեղեցիների Ազգային Խորհրդի մեծ պատվիրակության այցելությունը Հազաստան և պատվիրակների ստացած խոր տպավորությունները:

Մեթոդիստ Եկեղեցուց Մատթեոս Եպիսկոպոսը իր հերթին, խոսք առնելով, անդրադարձավ իր երկար տարիների սերտ





քարեկամությանը թե՛ Գարեգին Ա-ի և թե՛ նրա մախորդի՝ երջանկահիշատակ Վազգեն Ա-ի հետ:

Անդրադառնալով Խորհրդի պատվիրակության տեղեկագրին՝ Հայաստանում մեր Եկեղեցու կարիքների կապակցությամբ, մա Վեհափառին հանձնեց 25.000 դոլլարի մվիրատվություն՝ Հոգևոր Մեմարանի հանրակացարանի և առհասարակ կրթական կարիքների համար:

Եղան ըստ պատշաճի բաժականառեր: Այս բոլորի վերջում Վեհափառ Հայրապետը շնորհակալության խոսք ասաց և սրտանց գնահատեց Ազգային Խորհրդի ցուցաբերած գործնական կեցվածքը: Նա ասաց, որ ինչ կատարվում է Հայաստանում՝ որպես քրիստոնեական ծառայություն, դա պատկանում է ամբողջ քրիստոնեությանը: Այժմ մեր մպատակն է ուժ տալ հոգևորականների պատրաստության գործին և քրիստոնեական քարոզչության տարածմանը: «Զեզ մկատում ենք գործակիցներ և ոչ թե օժանդակողներ: Նոր շրջան է բացվել մեր Հայաստան աշխարհում: Այժմ մենք գտնվում ենք ստիպողական և անհետաձգելի պարտավորության առաջ՝ ոչինչ չխնայել, որպեսզի մեր Եկեղեցին, Մայր Աթոռ Սուրբ Էջմիածնով և իր բոլոր քարեկամներով, կարողանա մոր մղում տալ և պտղաբեր արդյունքներով պսակել իր Քրիստոսավանդ գործը հոգևոր վերարթնության այս շրջանում:

#### ՄԱՄԼՈ ԱՍՈՒԼԻՍ

Ուրբաթ, հունվար 12-ի առավոտյան, Վեհափառ Հայրապետը հանդիպեց ամերիկահայ և ամերիկյան թերերթերի թղթակիցների հետ, որի ընթացքում ընդհանուր գծերով ներկայացրեց իր այցելության մպատակները՝ անդրադառնալով, որ Հայաստանի ազատ և անկախ Հանրապետության հռչակումից հետո մոր դարաշրջան և գործունեության մոր դաշտ է բացվել թե՛ Հայ Եկեղեցու, թե՛ Հայաստանի Հանրապետության և թե՛ ընդհանրապես հայ ժողովրդի համար: Այսօր

յուրաքանչյուր հայ կարիք ունի կերպարանափոխության և նորոգության, որը ժամանակի հրամայականն ու թելադրանքն է, մանավանդ, որ ոչ հեռավոր ապագայում, 2001 թվականին, պիտի նշվի Հայաստանում քրիստոնեության պետական կրոն հռչակման 1700-ամյակը, և Հայ Եկեղեցին այսօր լծվել է բռնատիրական ժամանակներում իր հայրերի հավատքից ինչ-որ չափով հեռացած ժողովրդի վերաքրիստոնեացման սրբազան ու ծանր գործին: Ապա Նորին Սրբությունը, պատասխանելով թղթակիցների բազմաթիվ ու բազմազան հարցերին, մանրամասն կերպով ներկայացրեց այս ուղղությամբ կատարվող և կատարվելիք աշխատանքների պատկերը:

### ԺԱԵԿԵՐՈՒՑՔ՝ Ի ՊԱՏԻՎ ՎԵՀԱՓԱՌ ՀԱՅՐԱՊԵՏԻ՝ ԵՊԻՍԿՈՊՈՍԱԿԱՆ ԵԿԵՂԵՑՈՒ ԿՈՂՄԻՑ

Ժամը 12.30-ին Մանհաթենի «Union League Club»-ի շքեղ սրահում, ի պատիվ Ամենայն Հայոց Հայրապետի, ճաշերույթ տրվեց Եպիսկոպոսական Եկեղեցու կողմից: Ներկա էին Եպիսկոպոսական և Հայ Եկեղեցու ավելի քան քսան ներկայացուցիչներ: Ամերիկայի արևելյան թեմի առաջնորդ Խաժակ արքեպիսկոպոս Պարսամյանը հայ ժողովրդի երախտագիտությունը հայտնեց Ամերիկայի Եպիսկոպոսական Եկեղեցուն, որ իր դռները լայնորեն բացեց այն հայերի առջև, որոնք թուրքական յաթաղանից մազապուրծ ազատվելով հասան այս երկրի ափերը:

Ի բացակայություն եպիսկոպոսական Եկեղեցու Վերահսկիչ և առաջնորդ Էդմոնդ Բրաունինգի, ճառ արտասանեց Ռիչարդ եպիսկոպոս Գրին՝ մանրամասնաբար թվարկելով Գարեգին Վեհափառի ուսումնական իրագործումներն ու միջեկեղեցական գործունեությունը: Ակնարկելով աղանդավորական շարժումներին, որոնք, անարդար կերպով օգտվելով Հայաստանում տիրող դժվարին և ծանր պայմաններից, փորձում են ունեցություններ կատարել Հայ Եկեղեցուց ներս, ասաց, որ «Եպիսկոպոսական Եկեղեցին խոնարհությամբ և հիացումով փափագում է թիկունք կանգնել Հայ Առաքելական Եկեղեցուն և դատապարտում ու մերժում է նորահավատներ որսալու արտաքին քարոզիչների ծրագիրն ու գործունեությունը»: Շեշտելով ամուր բարեկամական ու համագործակցական հարաբերությունը Հայ և Եպիսկոպոսական Եկեղեցիների միջև, նա ավելացրեց. «Մենք աղոթում ենք, որ այս դերով Ձեր լուսավորչալ առաջնորդությունը բարգավաճի՝ աչքի առջև ունենալով Հայաստանի սկզբնական լուսավորությունը, որ տեղի ունեցավ ձեր առաջին Հայրապետ Սուրբ Գրիգոր Լուսավորչի ջանքերի շնորհիվ, և ում անունը Եպիսկոպոսական Եկեղեցու օրացույցում դասված է սրբոց շարքում»:

Իր պատասխան խոսքում Ամենայն Հայոց Հայրապետը,



շնորհակալություն հայտնելով այսքան ջերմ և սիրալիկ ընդունելության համար, անդրադարձավ Եպիսկոպոսական Եկեղեցու ղեկավարների և հետևորդների ցուցաբերած մեծ աջակցությանը Հայաստանի վերջին շրջանի պատմության ընթացքում: Նորին Սրբությունը մասնավորապես հիշեց նախագահ Վուդրո Վիլսոնի կարևոր նպաստը, որ «խոսեցավ արդարության լեզուն, հայկական ցեղասպանության զոհերի համար»: Վեհափառ Հայրապետը ավելացրեց՝ ասելով, թե այս դարը սկսվեց հայերի արյան հեղմամբ, բայց «ան իր լրումին կհասնի Հայաստանի անկախությամբ և նոր Կաթողիկոսի ընտրությամբ»: Ապա թվեց Հայաստանում Հայ Եկեղեցու դիմագրաված բազմաթիվ դժվարությունները և հայ ժողովրդի կարիքները՝ «իրենց առօրյա կյանքում վերստին քրիստոնյա դառնալու դժվարին ընթացքում»: Խոսքը շարունակելով, Նորին Սրբությունը ասաց. «Մենք կոչված ենք դառնալու միության ուժ մեր ժողովրդի կյանքում: Մենք կարիքը ունինք միջեկեղեցական մեր բարեկամների: Մեր կողքին կանգնեք քրիստոնեական վերանորոգման և վերարժևորման այս շրջանում»:

Հանդիպման վերջում, ի նշան եղբայրական սիրո և հարգանքի, տեղի ունեցավ հուշանվերների փոխանակում:

### ՀԱՆԴԻՊՈՒՄՆԵՐ ԱԶԳԱՅԻՆ ԱՌԱՋՆՈՐԴԱՐԱՆՈՒՄ

Հունվարի 12-ին, կեսօրից հետո, մինչև երեկո, Վեհափառ հայրապետը մի շարք հանդիպումներ ունեցավ Արևելյան թեմի Ազգային Առաջնորդարանի, Թեմական Խորհրդի և այլ թեմական կազմակերպությունների հետ:

#### 1. ՀԱՆԴԻՊՈՒՄ ՀՕՖ-Ի ԿԵՆՏՐՈՆԱԿԱՆ ՄԱՐՄՆԻ ՀԵՏ

Ժամը 15.00-ին Վեհափառը ընդունեց ՀՕՖ-ի Կենտրոնական Մարմնի անդամներին, որոնց ընկերակցում էր վարիչ-տնօրեն Եզնիկ Պալյանը: Նրանք մանրամասնորեն զեկուցեցին Գյումրիի երկրաշարժից հետո թեմի կատարած օգնության մասին թե՛ սննդամթերքի առաքման, առողջապահության, տնտեսական զարգացման, գյուղատնտեսական աշխատանքների և թե՛ Հայաստանի զարգացմանը նպատակամղված տարբեր ծրագրերի բնագավառներում, որոնց հատկացված գումարը բազմամիլիոն դոլլարների է հասնում:

Վեհափառ Հայրժապետը բարձր գնահատեց ՀՕՖ-ի կատարած աշխատանքները: Նա շերտորեն շնորհավորեց հայ համայնքի բոլոր այն անձանց և կազմակերպություններին, որոնք իրենց լայն մասնակցությունն էին բերել օժանդակության այս փրկավետ գործին: Ապա իր հատուկ գնահատանքն արտահայտեց այն կենսական աշխատանքի համար, որ տարվել է Միացյալ Նահանգների միջազգային օգնության և երկրների զարգացման աղբյուրներից կարևոր գումարներ



ապահովելու և դրանք Հայաստանի օգնությանը տրամադրելու գործին.  
«Սա ցույց է տալիս, թե մեր Առաջնորդարանը, գլխավորությամբ  
Առաջնորդ Սրբազանի և նվիրյալ ազգայինների, կարողացել է իր  
գործունեության որակով վստահությունը ջահել մտան պետական  
կազմակերպությունների, որոնց նպատակներին համաձայն կարողացել  
են իրենց բազմաթիվ ներդրումները կատարել Հայաստանի  
վերականգնման աշխատանքին»:

## 2. ՀԱՆԴԻՊՈՒՄ ԱՌԱՋՆՈՐԳԱՐԱՆԻ ՄՆԱՅՈՒՆ ՖՈՆԴԻ ՎԱՐՉՈՒԹՅԱՆ ՀԵՏ

Երկրորդ հանդիպումը տեղի ունեցավ այն մարմնի անդամների  
հետ, որը կոչված է մնայուն հիմնադրամ ապահովել և հանձնաձեռն  
հօգուտ առաջնորդարանի եկեղեցական, կրթական, մշակութային  
գործունեության: Առաջնորդ Խաժակ Սրբազանը ներկայացրեց  
ատենապետ պրն. Ֆեսայանին և վարիչ-տնօրենն պրն. Վ. Արզումանյանին, որոնք կատարված աշխատանքի մասին մանրամասն  
զեկուցեցին Վեհափառ Հայրապետին:

Գարեգին Ա Վեհափառը խորապես տպավորվեց նրանց կազմակերպչական, հետևողական աշխատանքից և պատվաբեր արդյունքից:  
«Դուք ձեր աշխատանքով տոկուն հիմքեր եք ընծայում մեր Առաջնորդարանին, որպեսզի նա ունենա նյութական լայն միջոցներ իր  
բազմաճյուղ և բազմադրյուն գործունեությունը առաջ տանելու համար»:  
Ապա գվարթ շեշտով ավելացրեց. «Որքան առավել ևս գոհ  
պիտի մնայի, եթե ձեր անձնվեր աշխատանքների մեջ նկատի  
ունենայիք նաև ձեր Մայր Աթոռը ի Սուրբ Էջմիածին: Գնահատում  
եմ ձեր սերը, նվիրումը և օժանդակությունը Մայր Աթոռին: Ծանկանում  
եմ, որ առավել ևս ծաղկի մեր բոլորի ներդաշնակ ջանքերով Մայր  
Աթոռո ծառայությունը, մասնավորաբար հայաստանյան մեր այս  
օրերում»:



### 3. ՀԱՆԴԻՊՈՒՄ ՄԻՈՒԹՅԱՆ ՀԱՆՁՆԱԽՄԲԻ ՀԵՏ

Ժամը 17.00-ին Վեհափառ Հայրապետն ընդունեց հոգևորական և աշխարհական անդամների այն հանձնախմբին, որ տարիներից ի վեր խոսակցություններ է վարում Ամերիկայում 1957 թվականից այս կողմ Կիլիկյան Աթոռի իշխանության տակ գտնվող թեմի համապատասխան հանձնախմբի հետ:

Բոլորի տեսակետները լսելուց հետո, Վեհափառն ասաց, որ առաջիկայում պետք է զորացնել խոսակցության ընթացքը, լինել փոխադարձորեն լայնախոհ, սրտաբաց և առաջնորդվել մեր ժողովրդի՝ թե՛ ամերիկահայության և թե՛ ընդհանուր Հայ Եկեղեցու բարձրագույն շահերով: Ժամանակները փոխվել են, մոր պայմաններ են ստեղծվել մեր ազգի, Եկեղեցու և Հայրենիքի համար, հետևաբար անհրաժեշտ է, որ դեպի թեմական միություն միտված ընթացքը ուժեղանա Մայր Աթոռի վերին իշխանության ներքո և միշտ անխտրական ոգով Կիլիկյան Աթոռի նկատմամբ:

### 4. ՀԱՆԴԻՊՈՒՄ ԹԵՄԱԿԱՆ ԽՈՐՀՐԴԻ ՀԵՏ

Վերջին հանդիպումը տեղի ունեցավ թեմական խորհրդի հետ, որի անդամներից ոմանք արդեն մասնակցել էին միության հանձնախմբի հանդիպմանը:

Առաջնորդ Խաժակ Սրբազանը ընդհանուր գծերով ներկայացրեց թեմական խորհրդի կազմը, գործունեությունը և կատարած աշխատանքները: Ժողովականները ազատորեն արտահայտվեցին թեմին հուզող հարցերի մասին:

Ապա Վեհափառը գնահատեց նրանց զոհողության ոգին և հետևողական աշխատանքը: Իր հիացումը հայտնեց Առաջնորդարանում ստեղծված բազմաթիվ բաժանմունքների և նրանց կազմակերպվածության համար, շնորհիվ որի ծավալվել է ընդարձակ մի գործունեություն վարչական, հոգևոր-կրոնական, կրթական-դաստիարակչական, գիտական-մշակութային, ընկերային և այլ տարածքների մեջ:

Այս հանդիպումների ավարտին տեղի ունեցավ մի ընդունելություն, որին մասնակցեցին նաև Հովվապետական այցելության կազմակերպիչ հանձնախմբի անդամները:

### ՏԵՍԱԿՑՈՒԹՅՈՒՆ ՆՅՈՒ ՅՈՐՔԻ ԿԱՐԴԻՆԱԼԻ ՀԵՏ

Ծաբաթ, հունվար 13-ի առավոտյան, Նյու Յորքի Կաթոլիկ Եկեղեցու պետ Կարդինալ Ջոն Օ Բոնըրը իր բնակարանում ընդունեց Ամենայն Հայոց Հայրապետին և պատվեց նախաճաշով: Մթնոլորտը հեռու էր պաշտոնական լինելուց, որովհետև երկու հին բարեկամներ էին հանդիպել իրար: Այս ջերմությունը շարունակվեց շուրջ երկու



Ժամ տևած հանդիպման ողջ ընթացքում, որի ժամանակ քննարկվեցին զանազան նյութեր, ինչպես Հայ Եկեղեցու կացությունը Հայաստանում, քրիստոնեական Եկեղեցիներին հուզող խնդիրներն ու դժվարությունները մախկին խորհրդային Միության հանրապետություններում և ընդհանրապես աշխարհում և կրոնական, ընկերային ու քաղաքական հոսանքները Միջին Արևելքում:

Նախաճաշին մերկա էին կաթոլիկ Եկեղեցու մի շարք բարձրաստիճան հոգևորականներ ու աշխարհականներ, իսկ Հայ Եկեղեցուց Վեհափառի պատվիրականության մաս էին կազմում խաժակ, Վաչե, Հովման Սրբազանները,

Վեհափառ Հայրապետի գալվազանակիր Արտակ արեղա Տիգրանյանը և Կարապետ քհն. Քոչարյանը:

### ՀԱՆԴԻՊՈՒՄ ՓՈՔՐԻԿՆԵՐԻ ՀԵՏ

Նույն օրը, ժամը 10.30-ին, Վեհափառ Հայրապետը Սուրբ Վարդան Մայր եկեղեցում հանդիպեց շուրջ 2000 մանուկների և պատանիների հետ: Այս հանդիպումը մասնավոր նշանակություն ուներ, քանի որ Ամենայն Հայոց Հայրապետը Միացյալ Նահանգներ ժամանելու առաջին իսկ պահին հայտարարեց, որ Սուրբ Էջմիածնից դուրս այս առաջին հանդիպումը ձոնում է երիտասարդությանը՝ ի նշանավորումն այն բանի, որ Հյուսիսային Ամերիկայի երկու թեմերը այս տարին հռչակել էին «Երիտասարդության տարի»:

Հատուկ արարողությունից և հանդիսությունից հետո, բացման ու ողջույնի խոսքով հանդես եկավ խաժակ սրբազանը. «Վեհափառ Հայրապետը գալիս է Ամկախ Հայաստանից, որտեղ ձեզ մման բազմաթիվ պատանիներ կան: Ես ուրախ եմ, որ դուք միայն դիտողներ չեք, այլ մասնակցողներ»՝ խոսքը ուղղելով մոտ 150 հոգուց կազմված երգչախմբին, որը ղեկավարում էր Մամիկոն արեղա Քիլեճյանը:

Վեհափառ Հայրապետին բարի գալուստ մաղթեցին Սուրբ Թովմաս եկեղեցու (Նյու Ջերսի) Քրիսկյան Հայ դպրոցի աշակերտուհի Թալին Պապայանը՝ հայերենով, և Սրբոց Նահատակաց եկեղեցու





(Նյու Թորք) Հայ դպրոցի աշակերտուհի Մելիսա Բրուսթերը՝ անգլերենով:

Հայրենի հողից ու ջրից կտրված այս հայ մանուկները սրտի ամբողջ տարողությամբ և մաքրությամբ, անկեղծորեն արտահայտում էին իրենց սերը համդեպ իրենց Հայրիկի, ում հպվելով և խոսք ուղղելով, հոգու սափառումով զգում էին ներկայությունը Սուրբ Էջմիածին մայրական օրրանի և Արարատի հայրական ու հսկող տարածված երկբազունիների, որոնց գրկի մեջ կամաց-կամաց վեր է հառնում բռնության շղթաները թոթափած Ազատ և Անկախ Հայաստանը:

Մեծ էր հուզումը և Հայոց Հայրապետի, որ այս փոքրիկների հայացքի մեջ կարոտի և պանդխտության դրոշմը տեսնելով համդերձ, նշմարում էր նաև ապագայի «հույսի, լույսի և նոր Հայրենիքի» տեսլականը. «Ձեր գեղեցիկ դեմքերը կտեսնեմ լուսավորված, երկնքի պայծառ արևու լույսով և ձեր ներկայությամբ ինձ ավելի թարմացած ու երիտասարդացած կզգամ: Մենք Հայաստանի զավակներն ենք՝ մեր հայացքը ուղղած ապագային և ոչ միայն անցյալին: Երբ ես ձեր աչքերում կնայիմ, կտեսնեմ պայծառ ապագան մեր Եկեղեցվո, ժողովուրդին և Հայրենիքին: Դուք այն պատուհանն եք, որում մեջեն կտեսնենք, ինչ որ պիտի գա: Երբ ես մանուկ էի ձեզի նման, բախտավոր չէի, որովհետև չուներիք ազատ և անկախ Հայաստան: Սակայն իմ մայրս միշտ անկախության մփրված երգեր կերգեր: Այսօր վերականգնացած եմ, որովհետև կտեսնեմ, որ մեր Հայրենիքը կվերստանա իր տիպական ինքնությունը: Մենք բախտավոր ենք, որ կտեսնենք այս երազին՝ իրականացումը, սակայն մենք պարտականություններ ու պատասխանատվություններ ունինք գորացնելու համար Հայաստանն ու Էջմիածինը: ԱՅՍ ԶԵՐ ԳՈՐԾՆ

Է՝ ԿԱՌՈՒՑԵԼ ԱՊԱԳԱՆ»:

Արարողությունից հետո յուրաքանչյուր պատանի մոտեցավ Ամենայն Հայոց Հայրապետին և ստացավ նրա օրհնությունը և Էջմիածնից բերված փոքրիկ խաչեր: Տասնմեկ տարեկան Վարդան Էսայանը, որ մեծապես ուրախացած էր Նորին Սրբության հետ ունեցած հանդիպումից, փափսաց. «Ինչ սքանչելի է»: Իսկ առաջնորդարանի խրիսյան վարժարանի սանուհի 17-ամյա Թամար Այդընը, թարգմանը լինելով երիտասարդների մտածումների ու զգացումների, ասաց. «Չէի սպասեր, որ Կաթողիկոսը այնքան մոտ կգա պատանիներուն, որոնք իրապես սիրեցին զինք և հավատացին, որ ան պիտի նպաստե Եկեղեցվո հառաջդիմության: Եվ միշտ կմտածեի, թե ի՞նչ պիտի պատահի Եկեղեցվո, այժմ գիտեմք, որ ազդու ջանքեր կկատարվին մեր Եկեղեցվո ապագային համար: ՎԵՀԱՓԱՌԸ ԺՈՂՈՎՈՒՐԴԻՆ ՄԱՐԴԵՆ Է»:

#### ԱՅՑԵԼՈՒԹՅՈՒՆ ՍՈՒՐԲ ԳՐԻԳՈՐ ԼՈՒՍԱՎՈՐԻՉ ՄԱՅՐ ԵԿԵՂԵՑԻ



Ընդառաջելով Հյուսիսային Ամերիկայում Կիլիկյան Աթոռի հովանավորությունը վայելող թեմի առաջնորդ Տ. Մեսրոպ արքեպս. Աշնյանի հրավերին, ընկերակցությամբ առաջնորդ սրբազանների, ինչպես նաև հայրապետական շքախմբի մաս կազմող այլ հոգևորականների, Վեհափառ Հայրապետը այցելեց Սուրբ Գրիգոր Լուսավորիչ Մայր եկեղեցի:

Հակառակ այդ օրերին Նյու Թորքի ձյունապատ ճանապարհներին ստեղծված երթևեկության դժվարությամբ, հավատացյալների խուռներամ բազմությունը ամբողջությամբ լցրել էր Մայր եկեղեցին:



Ներկա էին ՄԱԿ-ում Լիբանանի ու Սիրիայի դեսպանները՝ պա-  
Մուրաբաքն ու Մուհամադ Հալաքը, Լիբանանի խորհրդարանի նախ-  
կին հայ երեսփոխան և այժմ Մեծի Տանն Կիլիկիո Ազգային  
Կենտրոնական Վարչության անդամ պ. Անդրե Թաբուրյանը և այլ  
հոգևորական ու աշխարհիկ անդամներ:

Եկեղեցում տեղի ունեցած կանոնական աղոթքից հետո, առաջ-  
նորդ Մեսրոպ սրբազանը հանուն Կիլիկիո Աթոռի Գահակալ Արամ  
Ա Կաթողիկոսի բարի-զալստյան խոսք ուղղեց Ամենայն Հայոց  
Կաթողիկոսին: Հատկապես անդրադարձավ նրա ավելի քան քառաս-  
նամյա ծառայությանն ու վաստակին՝ Անթոնիասի դպրեվանքից մինչև  
պատմական մեծ նշանակություն ունեցող այն քայլը, որով Վեհափառ  
Հայրապետը բարձրացավ Ամենայն Հայոց Հայրապետական գահին՝  
նոր դարաշրջան բացելու համար հայրենաբնակ մեր ժողովրդի հոգևոր  
կյանքի և առհասարակ Հայ Եկեղեցու ու պատմության մեջ: Ապա  
Սրբազան Հայրը հրավիրեց Նորին Սրբությանը՝ տալու իր հայրական  
պատգամը:

Վեհափառը հուզումով ողջունեց ներկա հավատացյալներին՝  
հատկապես անդրադառնալով այն օրերին, երբ ինքը, որպես Ամերի-  
կայի Արևելյան թեմի առաջնորդ կամ որպես Կաթողիկոս Մեծի Տանն  
Կիլիկիո, նույն եկեղեցու խորանից հաճախ էր իր հայրական խոսքն  
ուղղել հավատացյալ ժողովրդին: Այժմ արդեն որպես Ամենայն Հայոց  
Կաթողիկոս նույն հարազատությունն է զգում, և ոչինչ չի փոխվել, և  
շեշտեց Հայ Եկեղեցու միասնականության և փոխադարձ սիրո  
հրամայականը:

Ժողովուրդը բարձր տրամադրությամբ լցված զգաց և տեսավ,  
որ միասնականության ապրումը խորին ապրումն է Վեհափառ  
Հայրապետի և հաղորդվեց այդ ապրումով: Արարողության ավարտին  
Մեսրոպ Սրբազանի առաջարկով Վեհափառը Կիլիկյան իշխանի և  
իշխանուհու շքանշանով պատվեց ազնվափայլ Տեր և Տիկին Հարություն  
և Ժոզեֆինա Գյուլամբեյաններին: Այդ շքանշանի կոնդակը նա տվել  
էր, երբ դեռևս Մեծի Տանն Կիլիկիո Կաթողիկոս էր, բայց առիթը չէր  
ներկայացել շքանշանները հանձնելու հարգելի բարերարներին:

## ՀԱՆԴԻՊՈՒՄ ԵՐԻՏԱՍԱՐԴՈՒԹՅԱՆ ՀԵՏ

Օրվա երկրորդ կեսին Վեհափառ Հայրապետը Նյու Յորքի  
«Մերիոթ» հյուրանոցում հանդիպեց հայ երիտասարդների և պա-  
տանիների հետ: Շուրջ երկու ժամ տևած զրույցի ժամանակ Վեհափառ  
Հայրապետը նախ խոսեց այսօրվա աշխարհում, այս չափազանց  
մեքենայացված ժամանակաշրջանում երիտասարդությանը,՝ մանա-  
վանդ հայ երիտասարդությանը սպառնացող վտանգների մասին թե՛  
Հայաստանում և թե՛ Սփյուռքում, որ տանում է դեպի անտարբերու-



թյուն հայրենական արժեքների և ժառանգության ցկատմամբ: Ապա հայրական հոգածությամբ համապարփակ և ամբողջական կերպով պատասխանեց այսօրվա երիտասարդությանը հուզող և հետաքրքրող հարցերին:

Նյու Յորք այցելության ամենամշանակալից պահերից մեկը եղավ սա, որովհետև շուրջ 400 երիտասարդներ և երիտասարդուհիներ առիթը ունեցան ազատորեն իրենց հարցումներն ուղղելու իրենց Հոգևոր Հորը և ստանալու նրա Հայրական հորդորներն ու ցուցումները, որոնք երկար տարիների փորձից էին ծնված:

Վեհափառը խոսեց երիտասարդությանը հասկանալի ոճով, մտերմական շեշտով և սրտաբաց անկեղծությամբ: Նրա գլխավոր պատգամն այն էր, որ երիտասարդությունը իր կյանքը պետք է ապրի պատասխանատվության և պարտավորության սկզբունքներով:

Երկրորդ՝ թե երիտասարդությունը չի կարող վավերական լինել, եթե չունենա ձգտում և նպատակակետ կամ արդար փառասիրություն ավելի բարձր տեղ հասնելու վճռական առաջադրությամբ:

Վերջում տրված հյուրասիրությունը առավել անկեղծություն և անմիջականություն հաղորդեց այս հանդիպմանը:

### ՀՈՒՋԻՉ ՀԱՎԱՔՈՒՅԹ՝ ՀՈԳԵՀԱՆԳԻՍՏ ՍՈՒՄԳԱՅԻԹՅԱՆ ԶՈՀԵՐԻ ՀԻՇԱՏԱԿԻՆ

Երեկոյան Սուրբ Վարդան Մայր եկեղեցում տեղի ունեցավ մասնավոր հոգեհանգստյան պաշտոն Սուրբգայիթի և Բաքվի ցեղասպանության ժամանակ զոհվածների հոգիների համար, որը մախազահում էր Ամենայն Հայոց Հայրապետը: Արարողությունը, համաժամանակյա թարգմանությամբ ներկայացվում էր նաև ռուսերեն: Հոգեհանգստյան պաշտոնին ներկա էին հարյուրավոր գաղթականներ,





որոնցից շատերը ընտանիքի անդամ կամ բարեկամ էին կորցրել 1988 թվականի այդ սոսկալի օրերին:

Վեհափառ Հայրապետը, զուգահեռ անցկացնելով այս և Մեծ եղեռնի միջև, ասաց. «Կուգեմ գիտնաք, թե անոնք, որ հոս են, մեռնելու մասին չեն մտածեր: Անշուշտ, մենք բոլորս ալ օր մը պիտի մեռնինք: Բայց ինչ որ կարևոր է՝ կյանքն է. Աստուծո պարգևը: Մենք չենք կրնար մահացած անձի մը կյանք տալ, բայց կրնանք ապրիլ այնպես, որ կյանքը իմաստ ու արժեք ունենա և նյութական գոյության հետ չփչանա: Հայոց պատմության մեջ շատ հայեր մեռած են, բայց կապրին հայոց լեզուն, մշակույթը, կրոնը, պատմությունը և հայ ազգը:



ԱՄԵՐԻԿԱՑՈՒՄ ԱՊԱՍՏԱՆԱԾ ՍՈՒՄԳԱՑԻԹՅՈՒՆԵՐ

Ասոնք հավիտենական են: Ապրեցեք այնպես, որ երբ մահը գա, միայն ձեր մարմինը առնե-տանի և ոչ թե ձեր հոգին»: Վերջացնելով իր խոսքը, Նորին Սրբությունը պատգամեց. «Աշխատեցեք ձեր ճակտի

քրտինքին ապավինելով և ոչ թե ուրիշներն օգնություն խնդրելով: Ձեր հարաբերությունը պահեցեք ձեր Եկեղեցիին և Հայաստանի հետ և հայերեն ստրվեցեք: Ուր կամք կա, այնտեղ ճամփա կա. սպասիրո /շնորհակալություն/»:

### ԱՅՅԵԼՈՒԹՅՈՒՆ ՍՈՒՐԲ ՆԵՐՍԵՍ ԴՊՐԵՎԱՆՔ



Կիրակի, հունվար 14-ի առավոտյան, Վեհափառ Հայրապետը այցելեց Նյու Ռոշելում գտնվող Սուրբ Ներսես դպրեվանք, որը կառավարվում է ամերիկյան երեք թեմերի միասնական ջանքերով և միացյալ հանձնախմբով:

Լուսահոգի Տիրամ արքեպիսկոպոսի գաղափարի և ջանքի ծնունդն էր այս դպրեվանքը, որտեղ այժմ ուսանողներ են պատրաստվում Միացյալ Նահանգների և Կանադայի տարածքում հոգևորական ծառայություն մատուցելու համար:

Օճերը ենթարկված էր հիմնական վերանորոգության, հատուկ կերպով կազմակերպված աշխատանքով՝ գլխավորությամբ դոկտ. և տիկ. Բաֆի Հովհաննիսյանների: Ամբողջությամբ գեղեցկորեն շենքի մեջ կատարվեց քացույծ Տիրամ արքեպիսկոպոսի անունով մկրտված գրադարանի: Խաժակ Սրբազանն ու Տեր Առաքել Ալշալյանը Վեհափառին ներկայացրեցին կատարված աշխատանքը:

Վեհափառը, իր հոգևոր կյանքի մեծագույն մասով կապված



լինելով դպրեվանքին, խոսեց Սուրբ Ներսես դպրեվանքին տրված կարևորության մասին: Նա ասաց, որ Տիրան արքեպիսկոպոս Ներսիսյանը պետք է առավել ճանաչվի և գնահատվի, որովհետև նա մեր ներկա ժամանակների ամենագիտնական և եկեղեցապաշտ հոգևորականներից մեկն էր, որ իր հատուկ դրոշմն է դրել մի ամբողջ հոգևորական սերնդի վրա: Առանց դպրեվանքի որևէ Եկեղեցի չի կարող իրեն վերապահված առաքելությունը սպասված արդյունավետությամբ ու օգտավետությամբ կատարել: Ահա այս հասկացողությամբ նա բարձրորեն գնահատեց դպրեվանքի համար գործողներին, բարերարներին, դասախոսներին, աշակերտներին և հովանավորներին:

### ՀԱԹՐԱՊԵՏԱԿԱՆ ՊԱՏԱՐԱԳ ՆՅՈՒ ՅՈՐԺԻ ՍԵՅՆԹՈՆ ԴԸ ԴԻՎԱՅՆ ԵԿԵՂԵՑՈՒՄ



Հետմիջօրեին Վեհափառ Հայրապետը, ընկերակցությամբ շուրջ երկու տասնյակ Հայ և Եպիսկոպոսական Եկեղեցիների հոգևորականների, «Հրաշափառի» հոգեպարար երգեցողությամբ, մուտք գործեց Նյու Յորքի հռչակավոր Սեյնթ Զոն Դը Դիվայն Մայր տաճար, ուր Հայրապետական Սուրբ պատարագ մատուցեց: Սա կաթողիկոսական ընտրությունից հետո առաջին հայրապետական Պատարագն էր, որ Վեհափառ Հայրապետը մատուցեց Հայրենիքից դուրս:

Ավելի քան 3000 հավատացյալներ էին ներկա Միացյալ Նահանգների ամենաընդարձակ Մայր տաճարում, որ հայտնի է իր մարմարյա սյուներով, գեղեցկազարդ փայտյա քանդակներով և լուսավոր ու գունավոր պատուհաններով:

Հընթացս Սուրբ Պատարագի Ամերիկայի Հայոց Արևելյան թեմի Առաջնորդ Խաժակ արքեպս. Պարսամյանը ներկայացրեց Ռիչարդ Գրին եպիսկոպոսին, որն ասաց, թե Գարեգին Ա-ի ընտրությունը «մի մեծ հույս է Հայաստանի համար», և ապա, խոսքը ուղղելով Նորին Սրբությանը, ավելացրեց. «Այս Մայր տաճարում մենք միշտ պատվո թոռն ունենք, և Դուք միշտ տեղ պիտի ունենաք մեր սրտերում»:


Այնուհետև հավատացյալ բազմությանը քարոզեց Վեհափառ Հայրապետը, շեշտելով ճշմարիտ սիրո արժեքն ու կարևորությունը: Վեհափառը ի մասնավորի ասաց. «Ըշմարիտ սերն ունի երեք միաձուլված աղբյուրներ՝ մաքուր սիրտ, մտքի բարեկամեցողություն և անկեղծ հավատք: Չկա կրոնք մը, որ սիրո մասին չի խոսիր, սակայն միայն քրիստոնեության մեջ է, որ խաչը կա՝ շոշափելի մարմնավորությունը սիրո: Ես ձեզի կու գամ որպես ձայնը Ս. Էշմիածնի, որպես ձայնը ազատ ու անկախ երկրի մը, որպես ձայնը Հայաստանի ժողովուրդին: Այս ձայնը հստակ է: Մենք պիտի մնանք ա՛յն, ինչ որ էինք մախապես, երբ ազատությունն ու անկախությունը երազ էին: Մենք այլևս այն ժողովուրդը չենք, որ անցյալին էինք՝ բաժանյալ և անհամերաշխ: Եթե մենք մեկ սիրտ ունինք, մեկ հավատք, մեկ հոգի, թող ըլլա՛մք մեկ մարմին: Իմ կարելիս պիտի ընեմ այդ միությունը հառաջ բերելու համար: Թող ձեր սերը լեցնե իմ սիրտս: Թող ես ինձի հետ տանիմ ձեր այդ սերը»:

### ՊԱՇՏՈՆԱԿԱՆ ԴԱՇԿԵՐՈՒՅԹ ԱՐԵՎԵԼՅԱՆ ԹԵՄԻ ԿՈՂՄԻՑ

Երեկոյան ժամը 20.00-ին Նյու Յորքի «Ուոլդորֆ Աստորիա» հյուրանոցում, որտեղ հանգրվանում էր Վեհափառ Հայրապետը, տեղի ունեցավ ճաշկերույթ՝ ի պատիվ Ամենայն Հայոց Կաթողիկոս Ն. Ս. Օ. Տ. Տ. Գարեգին Ա-ի: Այս հանդիսությունը գազաթնակետն էր Նորին Սրբության՝ Նյու Յորք վեցօրյա այցելության: Ավելի քան 1400 հոգի ներկա էր հյուրանոցի շքեղ «Grand Ballroom» դահլիճում: Ժողովրդի ցանկությունը, հանդիպել և հաղորդակցվել Վեհափառ Հայրապետի հետ, շատ մեծ էր և աննկարագրելի, որի վկայությունն է սպառնալից հրավիրատոմսերից հետո կազմակերպող հանձնախմբի կողմից հարյուրավոր դիմումների մերժումը՝ տեղ և հնարավորություն չլինելու պատճառով:

Նորին Սրբության բացման աղոթքից հետո, հանդիսավար կարոն Կարիպյանը ներկայացրեց ճաշկերույթի ատենապետուհի Տիկ. Շաքե Մխչյանին, որ իր բարիգալստյան խոսքում, դառնալով ողջ ամերիկահայության թարգմանը, մեծ հուզումով ասաց. «Հարյուրավոր սրտեր կսպասեն Ձեր օրհնությանը, Վեհափառ Տեր, որի կարիքը մենք ունենք ամեն բանն ավելի»:





Ապա, խոսք առնելով, Հայրապետական Այցելության կենտրոնական Հանձնախմբի ատենապետ և Հայկական Համագումարի Տնօրենների Ժողովի ատենապետ Կարլ Բազարյանն ասաց, որ «Ազատ ու Անկախ Հայաստանի հիմնադրությամբ, արդեն ժամանակն է, որ Հայ Եկեղեցին ևս իր պատյանն դուրս ելլե, վերահաստատե Եկեղեցվո ազանդությունները և առաջնորդություն տա: Մենք կրթմենք Ձեր հանձնառությունները Հայաստանի հանդեպ»: Սրտի խոսքեր ասացին նաև փաստաբան Գարեգին Արզումանյանը, Առաջնորդարանի Թեմական Խորհրդի ատենապետ, դատավոր Վինսենթ Քյուրահյանը և այլոք:

Այնուհետև ներկաները դիտեցին Վեհափառ Հայրապետի ընտրության և գահակալության առթիվ նկարահանված ութ թույն տևող ժապավենի ցուցադրությունը և մեկ անգամ ևս անդրադարձան ու վերհիշեցին այդ պատմական և բեկումնային իրադարձությունը:

«Գ. Հովնանյան Ընկերության» նախագահ Արա Հովնանյանը, որը որպես օրվա գլխավոր խոսնակ ներկայացրեց «եզական հեռանկար մը»: Կենտրոնաճալով այն բոլոր հարցերի վրա, որոնց այսօր դեմ-հանդիման է գտնվում ամերիկահայ երիտասարդությունը, խոսեց «Ամերիկայի Մագդընդլսի սերունդին մասին՝ պատրաստ կերակուրի արագ սպասարկություն, մեքենաների միջոցով դրամատան գործառնություն, ապրանքներու զանազան տեսակներ ներկայացնող գիրքերե ապսպրանք՝ նամակատան միջոցով, ինքնաշարժերու հեռաձայններ և «ֆաքս»ի գործիքներ: Այսօրվան սերունդը անա-

պարանքի մեջ է: Ժամանակն ու հանգստավետությունը ճակատագրականորեն կարևոր են, բայց կարիքը կա մաս մարդկային հոգեկան արժեքների մշակմանը մեր կյանքում, և դա Եկեղեցու դերն է»:

Ամերիկայի Հայոց Արևելյան թեմի Առաջնորդ Խաժակ Սրբազանը, ներկայացնելով Գարեգին Վեհափառին, ասաց. «Սուրբ Գրիգոր Լուսավորիչ Էջմիածինը չհաստատեց տեղական գույն մը տալու համար հայկական հողին... Էջմիածնի իրական և բնական ճակատագիրը միշտ եղած է՝ ըլլալ կեդրոնը ոչ միայն Հայաստանի, այլև երկրի վրա տարածված Հիսուս Քրիստոսի կրոնքին հայ ժողովրդի կյանքում: Էջմիածնի գործունեության դաշտը համահայկական է: Ան պետք է ուղղություն տա Եկեղեցվո, հեղինակությամբ լուծեն օրվան հարցերը, ուսուցումներ ջամբեն մարդու և Աստուծո հավիտենական հարցումներու մասին և առաջնորդություն տա յուրաքանչյուր հայ հոգիի: Այս կենսական դերը լավագույնս պիտի կատարեն արտակարգ կարողություն, խորունկ հոգևոր և բարոյական հատկություններ ունեցող առաջնորդ մը, որ զորավոր իմացականությամբ և արժանիքներով կարենա հաղորդակցիլ թե՛ համեստին և թե՛ իմաստունին հետ՝ առաջնորդ մը Տ. Տ. Գարեգին Առաջինի իմացական բարձր կարողությամբ: Եվ որպեսզի կաթողիկոսը կարենա իր պաշտոնը կատարել, ան կարիքը պիտի ունենա բանի մը, որ միայն իր հոտը կրնա տալ իրեն՝ միասնականությունը իր բոլոր զավակներու»:

Այս բոլոր խոսքերից և բարենադրանքներից հետո, ներկաներին իր հայրական օրհնությունն ու պատգամը տվեց Վեհափառ Հայրապետը՝ մախ շնորհակալություն հայտնելով Հայրապետին վայել այսքան բարձր ընդունելության և ջերմության համար, ապա շեշտելով, որ այսօրվա ազատ և անկախ Մայր Հայրենիքում և վերանորոգվող Սուրբ Էջմիածնի համար յուրաքանչյուր հայ մարդ դեր և պարտականություն ունի կատարելիք: Ապա զմահատեց թեմից ներս կատարված և կատարվող աշխատանքները՝ մաղթելով և խրախուսելով նոր եռանդով ու առավել նվիրումով իրագործել դրանք:

Վեհափառի խոսքից հետո Առաջնորդ Խաժակ սրբազանը հայտարարեց հետևյալ նվիրատվությունները. Տեր և Տիկին Գևորգ և Սիրվարդ Հովնանյան՝ 200.000 դոլար Էջմիածնի Հոգևոր Ծեմարանի վերանորոգության համար, Դոկտ. և Տիկին. Հարություն և Ծաքե Մխչյան՝ 100.000 դոլար, Տեր և Տիկին Հրայր և Աննա Հովնանյան՝ 100.000 դոլար, Ամերիկայի Հայոց արևելյան թեմի առաջնորդարան՝ 30.000 դոլար:

Այս սիրո ճաշով էլ ավարտվեց Վեհափառ Հայրապետի այցելությունը Նյու Յորքի շրջան, ուր բնակություն հաստատած հայորդիները զգացին Ամենայն Հայոց Ընդհանրական Հայրապետի հայրական ջերմ սերն ու զմահատանքը՝ որպես մխիթարություն



ստանալով նրա օրհնություններն ու սրտագին հորդորները Եկեղեցու և Հայրենիքի վերաշինության Աստվածահաճո գործում և առաքելության մեջ:

### ՆԱԽԱԾԱՇ ՆՅՈՒ ՅՈՐՔԻ ՔԱՂԱՔԱՊԵՏԻ ՄՈՏ

Երկուշաբթի, հունվար 15-ին, Նյու Յորքից մեկնելուց առաջ, վեհափառ Հայրապետը մախաճաշի հյուրը եղավ քաղաքապետ Ռուդոլֆ Ջուլիանիի՝ նրա բնակարան «Կրեյս Մենշըն»ում: Քաղաքապետի և իր Տիկնոջ՝ Ջուլիանիի կազմակերպած այս հանդիպմանը ներկա էին Հայ Եկեղեցու բարձրաստիճան հոգևորականները, Բաբբի Արթուր Շնայերը, Ռուս Ուղղափառ Եկեղեցուց՝ Հայր Լեոնիդ Կիշկովսկին, և մոտ 100 հայ և ամերիկացի հրավիրյալներ:

Քաղաքապետ Ջուլիանին իր բարիգալստյան խոսքում ասաց. «Պատշաճ էր, որ Դոկտ. Մարտին Լութեր Քինգ Կրտսերի ծննդյան հիշատակության օրը միության, համագործակցության և հարգանքի ոգով մենք հավաքվեինք այստեղ: Մենք պատվված ենք մեզ զգում՝ մեր քաղաքում ընդունելով Նորին Սրբությանը: Հայ ժողովուրդը աշխարհին ցույց է տվել, որ քաջության և վերապրելու կամքով տոգորված մի ժողովուրդ է: Ընտանիքի և Հայրենիքի, մշակույթի և ժառանգության, հավատքի և Հայ Եկեղեցվո սկզբունքների հանդեպ հայ ժողովրդի ցուցաբերած հավատարմության շնորհիվ, հարյուրավոր և հարյուրավոր տարիներ զորավոր կամքով կարողացել է դիմադրել բոլոր դժվարություններին: Հայ ժողովրդի լավատեսության և հույսի ոգու շնորհիվ է, որ կատարվել է Նորին Սրբության ընտրությունը»:

Վեհափառ Հայրապետը իր խոսքում պատմեց այն դժվարությունների մասին, որոնք հայ ժողովուրդը կրում է այսօր: Նա բարձրորեն գնահատեց Մարտին Լութեր Քինգի հիշատակը: Խոսեց քրիստոնեական հավատքին հայ ժողովրդի հավատարմության մասին: Մանրամասնաբար անդրադարձավ Հայաստանում տիրող կացությանը:

### ՎԵՀԱՓԱՌ ՀԱՅՐԱՊԵՏԸ ՎԱՇԻՆԳՏՈՆՈՒՄ

Մեկնելով Նյու Յորքից, Վեհափառ Հայրապետը ժամանեց ԱՄՆ-ի մայրաքաղաք Վաշինգտոն, ուր շատ կարևոր պաշտոնական հանդիպումներ ունեցավ:

### ՀԱՆԴԻՊՈՒՄ ՄԻՋԱԶԳԱՅԻՆ ԴՐԱՄԱՏԱՆ

#### ՆԱԽԱԳԱՀԻ ՀԵՏ

Առաջինը տեղի ունեցավ մույն օրը՝ Միջազգային Դրամատան մախագահ Ջեյմս Ուոլֆենստեյնի հետ: Նա իր սեփական բնակարանում

ճաշով պատվեց Վեհափառին: Այս առիթով Վեհափառ Հայրապետը Հայաստանի Հանրապետության կառավարության և ժողովրդի խոր գնահատանքը փոխանցեց Միջազգային Դրամատան նախագահին՝ Հայաստանին ցուցաբերած կարևոր օժանդակության համար: Նախագահ Զեյն Ուոլֆենսոնը, հանուն Միջազգային Դրամատան անձնակազմի, իր հիացումը հայտնեց Հայաստանի կառավարության նախաձեռնությունների և սկիզբ առնող սեփականաջնորդման գործընթացի համար, որոնք պիտի սատարեն տնտեսական հիմնական բարենորոգումներին:

Վեհափառ Հայրապետը ի մասնավորի ասաց. «Վերջին իմն ամիսներու ընթացքին Հայաստանի մեջ բնակություն հաստատելով, ականատես եղա Միջազգային Դրամատան կողմե Հայաստանին կատարած գնահատելի աջակցության: Քանի մը հանդիպումներ ունեցա Միջազգային Դրամատան Երևանի մեկայացուցիչ Վահրամ Ներսիսյանցի հետ, որ եռանդով ու ձեռնհասությամբ Հայաստանի մեջ գործադրության կոմե Միջազգային Դրամատան ծրագրերը: Այցելեցի կարգ մը վայրեր, մասնավորաբար երկրաշարժի գոտիի շրջանը, ուր տեսա հարյուրավոր վերակառուցված բնակարաններ, որոնք պիտի տրամադրվին երկրաշարժի պատճառով անտուն մնացած ժողովուրդին: Միջազգային դրամատունը հարազատ գործակիցի մը դեր կկատարե Հայաստանի վերակառուցման ու զարգացման կարևոր գործի մեջ»: Նորին Սրբությունը շեշտեց նաև Հայաստանի նոր Հանրապետությունում ճանապարհների շինության և տարբեր ձեռնարկությունների հաստատումն՝ ի խնդիր տնտեսական պայմանների բարելավման:

Այս հանդիպմանը Վեհափառ Հայրապետին ընկերակցում էին ՀՀ ԱՄՆ-ի դեսպան Ռուբեն Ծուգարյանը, Ամերիկայի Հայոց արևելյան թեմի Առաջնորդ Խաժակ արքեպս. Պարսամյանը, արևմտյան թեմի Առաջնորդ Վաչե արքեպս. Հովսեփյանը, Հայրապետական այցելության կենտրոնական հանձնախմբի ատենապետ Կառլ Բազարյանը, Վաշինգտոնի տեղական հանձնախմբի ատենապետ Մ. Էրքիլեսյանը և Հայկական Համագումարի գործադիր տնօրեն Ռոս Վարդյանը: Մոտ երկու ժամ տևող ճաշ-հանդիպման ընթացքին հայկական պատվիրակությունը արծարծեց հարցեր՝ Անդրկովկասում անմիջական և հետպատերազմյան շրջանային զարգացման կարիքների կապակցությամբ, որոնցում առաջնահերթ նկատվեցին փոխադրության, հաղորդակցության և վառելանյութի վերաբերյալ ծրագրերը:

Քննարկվեցին Ամերիկահայոց առաջնորդարանի Հայաստանի Օգնության Ժոնդի և Հայկական Համագումարի զարգացման մեջ եղող ընթացիկ ծրագրերը: Որպես Ամենայն Հայոց Կաթողիկոս, Նորին



Սրբությունը վերահաստատեց իր բարձր գնահատանքը Հայաստանի Օգնության Ֆոնդին, որպես ոչ-կառավարական կազմակերպություն՝ նպատակ ունենալով գորավիզ կանգնել տնտեսական ծրագրերի զարգացմանը Հայաստանի բոլոր գյուղական շրջաններում:

Նախագահ Ուոլֆենսոնը նշեց, որ ոչ-կառավարական կազմակերպությունը ամենաազդու միջոցն է և արագ դյուրություններ է ստեղծում փոքր ծրագրերի իրագործման համար, որոնք համապատասխանում են ՀՕՖ-ի նպատակներին:

Նախագահ Ուոլֆենսոնը մեծ հետաքրքրություն ցուցաբերեց շրջանային զարգացման հարցերի և Միջազգային Դրամատան համագործակցության կապակցությամբ՝ ոչ կառավարական ձեռներեց կազմակերպությունների հետ: Նա ցանկություն հայտնեց մասն աչքելել Հայաստան: Ապա շեշտեց, թե մախկին Խորհրդային Միության համարակետությունների մեջ մոր անկախություն ստացած և տնտեսապես բարենորոգվող գլխավոր երկրներից մեկը Հայաստանն է:

Նախագահ Ուոլֆենսոնի հետ ներկա էին մասն Միջազգային Դրամատան գործադիր տնօրեն Էվելին Հեթֆգենսը, մախագահի խորհրդատու Մաթ Մզհիվը և տնտեսական ծրագրավորման ու միջոցների տեղաշարժման փոխմախագահ Յոհաննես Լինը:

Հանդիպման ավարտին Ամենայն Հայոց Հայրապետը խոսեց Հայ Եկեղեցու ստանձնած դերի մասին և իր խոսքը վերջացրեց՝ ասելով. «Եկեղեցին, որ 70 տարիներե ի վեր լծացած վիճակի մը մատնված էր, այժմ թեակոխած է մերքին վերանորոգման ու բոլորին ծառայելու սահմանված առաքելության մոր ժամանակաշրջան մը»:

### ՀԱՆԴԻՊՈՒՄ ՀԱՅ ՀԱՄԱՅՆՔԻ ՀԵՏ

Դրամատան մախագահի հետ պաշտոնական տեսակցությունից հետո, Վեհափառ Հայրապետը հանդիպեց Վաշինգտոնի հայ համայնքի հետ՝ տեղի Սուրբ Մարիամ Աստվածածին եկեղեցում: Շուրջ 300 հայեր ներսից ու դրսից ուղղակի շրջապատել էին փոքրիկ եկեղեցին, ստանալու համար իրենց Հայրապետի օրհնությունը: Վեհափառ Հայրապետը հինգ եպիսկոպոսների և թեմի հոգևորականների առաջնորդությամբ «Հրաշափառ»-ով մուտք գործեց Սուրբ Աստվածածին եկեղեցի, որտեղ շերմության և ոգևորության մթնոլորտում էլ տվեց իր հայրական պատգամն ու օրհնությունը:

Նախ հոգևոր հովիվ Տեր Վրթանես քահանան շերմ խոսքերով բարի գալուստ մաղթեց Վեհափառ Հայրապետին: Ապա Նորին Սրբությունը, խոսքն ուղղելով հատկապես երիտասարդներին, շեշտեց, որ Հայ Բրիստոնության մոր դարաշրջան է բացվել, և այն կարևորելու ու արժևորելու մեջ մեծ է երիտասարդության դերը. «Այժմ Էջմիածինը Բրիստոնեական ազատության մոր պայմաններ է վայելում, և ես եկել

եմ այդ վերանորոգության հոգին ձեզ բերելու: Սիրելի Հայրենիքը մի բան է, բայց լավագույնը այդ երկիրը կառուցելն է: Հայրենիքը սիրելի՜ս հ՜նչ արժեք ունի, եթե դուք այն գործի չվերածեք սեփական հարազատությանը և չկրեք բոլոր դժվարություններն ու ծանրությունները»:

Այսպես եկեղեցու սրահներից մեկում տեղի ունեցավ հարցազրույց և երկխոսություն վեհափառ Հայրապետի հետ, որի ընթացքում Ամենայն Հայոց Հայրապետը պատասխանեց արդի աշխարհում մարդկությանը հուզող տարբեր հարցերին, միևնույն ժամանակ նաև ներկայացնելով Հայ Եկեղեցու վերաբերմունքն ու դիրքորոշումը դրանց նկատմամբ:

### ՀԱՆԴԻՊՈՒՄՆԵՐ ՀՅՈՒՐԱՆՈՑՈՒՄ

Հունվարի 15-ի հետմիջօրեին վեհափառ Հայրապետը Հյուրանոցի իր հյուրասենյակում ընդունեց «Վաշինգտոն Թայմզ» և «Վաշինգտոն Փոստ» թերթերի, ինչպես նաև «Ամերիկայի Ջայն» ռադիոկայանի թղթակիցներին, որոնց հարցումներին Հայ Եկեղեցու և հայ ժողովրդի այժմյան կացության մասին պատասխանեց հանգամանորեն:

\*\*

Նույն երեկո վեհափառ Հայրապետն ընդունեց Բալթիմորի Կարդինալ Քիլարին և իրեն ընկերակցող Եպիսկոպոսներին ու վարդապետներին: Հանգամանորեն խոսվեց Ամերիկայի Կաթոլիկ Եկեղեցու Եպիսկոպոսների Համագումարի և Հայ Եկեղեցու փոխհարաբերությունների մասին: Կարդինալ Քիլարը եղել էր այդ Համագումարի նախագահը:

Խոսակցության մյուս եղան էկումենական հարցեր, որոնք այսօր այնքան տիրական տեղ են գրավում արդի աշխարհի քրիստոնեական Եկեղեցիների կյանքում:

### ԸՆԹՐԻՔ՝ Ի ՊԱՏԻՎ ՎԵՀԱՓԱՌ ՀԱՅՐԱՊԵՏԻ

Երեկոյան «Մարիոթ» հյուրանոցի շքեղ սրահներից մեկում պաշտոնական ճաշկերույթ տրվեց՝ ի պատիվ վեհափառ Հայրապետի, որին ներկա էին ավելի քան 300 հոգի: Մեծաթիվ ելույթ ունեցողները հայտնեցին իրենց խորին ուրախությունը վեհափառ Հայրապետի շնորհաբեր այցելության առիթով:

Վեհափառ Հայրապետն իր գոհունակությունը հայտնեց մեկ անգամ ևս Վաշինգտոնում գտնվելու համար և ասաց, որ տեղի հայերը մեծ դեր ունեն կատարելու, որովհետև գտնվում են մի հզոր տերության մայրաքաղաքում:

Նա կոչ ուղղեց, որ միասնականության կարգախոսը դառնա կյանք, որովհետև դրանով միայն մենք կարող ենք հարգանք ներշնչել



բոլոր օտարներին և բարձր շահեր ապահովել մեր Եկեղեցուն, Հայրենիքին և նորանկախ պետությանը:

Վեհափառը հանգամանալից կերպով ներկայացրեց Մայր Աթոռ Սուրբ Էջմիածնի կացությունը և առհասարակ Հայաստանի ներկա դրությունը: Կոչ արեց, որ աջակցությունը Մայր Աթոռին և Մայր Հայրենիքին չհասկանալ օժանդակություն բառի տակ, այլ ըմբռնել ինքնակերտում, ինքնօգնություն գաղափարներով:

## ՀԱՆԴԻՊՈՒՄ ԳԾՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅՈՒՆՈՒՄ

Հաջորդ օրը, Երեքշաբթի, հունվար 16-ին, Նորին Սուրբ Օծության ղեկավարած պատվիրակությունը հանդիպում ունեցավ Գյուղատնտեսության նախարարությունում:

Միացյալ Նահանգների հանձնախումբը գլխավորում էր նախարարի տեղակալ Եվգեն Մուսը և որին ընկերակցում էին գյուղատնտեսության նախարարության արտաքին հարաբերությունների բաժնի ներկայացուցիչներ Գլեն Ռայթմանը, Ջիմ Նիգիստոնը և Ֆիլիպ Լիթարթը, բոլորն էլ բարձր պաշտոնյաներ, որոնք առնչվում են Հայաստանին տրվող օգնության հետ:

Նախարարի տեղակալը ողջունեց Վեհափառ Հայրապետին ու իր պատվիրակությանը և հաղորդեց նախարարի՝ Դան Գլիքմանի ողջույնները, որն այդ պահին բացակայում էր երկրից: Նա սիրով խոսեց իր Հայաստան այցելության մասին՝ ասելով. «Հայաստանը մի երկիր է, որը ես համարում եմ քրիստոնեության օրրանը»:

Նորին Սրբությունը շնորհակալություն հայտնեց նախարարի տեղակալին և իր հանձնախմբին այն շոշափելի օգնության համար, որը նրանք տրամադրում են Հայաստանին Հայ Օգնության Ֆոնդի (ՀՕՖ) միջոցով: 1992 թվականից սկսած Գյուղատնտեսության նախարարության հատկացրած նպաստերն անցնում են 70 մլն ԱՄՆ դոլարից:

Վեհափառ Հայրապետը հատկապես նշեց, որ «արտաքին օգնությունը, թեև դրա կարիքը կա, չի կարող և չպետք է փոխարինի տեղի այն ջանքերին, որով մարդիկ վաստակում են իրենց ապրուստը: Մենք զգուշորեն ենք օգտագործում օգնությունը, միայն ժամանակավոր բացը լրացնելու համար՝ առանց կախվածություն ստեղծելու. մենք ընթանում ենք երկար ժամանակ պահանջող մեր զարգացման նախագծերի իրագործման ճանապարհով»:

Պրն. Մուսը մեծ գոհունակություն հայտնեց այն բանի համար, որ ինքը կարողանում է օգնել Հայաստանին կարիքի այս պահին, և

ավելացրեց. « Ձերդ Սրբություն, մենք կիսում ենք Ձեր անհանգստությունն ու հեռատեսությունը, որ պետք չէ օգնությամբ միայն գոհանալ, երբ պայմանները կայունանան: Մենք արդեն զբաղվում ենք այնպիսի նախագծերով, որոնք վեր են զուտ պարզ և ամսիջական օգնություն լինելուց»:

ՀՕՖ-ի գործադիր տնօրեն պարոն Սիմոն Պալյանը ամփոփ ընդհանրացմամբ ներկայացրեց պարոն Մուսի զարգացման նախագծերը, որոնք զարգացողական ոգին են ներարկում Հայաստանի ժողովրդին:

Նախարարի տեղակալը և իր անձնակազմը իրենց գնահատանքն արտահայտեցին ՀՕՖ-ի ներդրած ջանքերի համար՝ ինչպես օգնությունը բաժանելիս, այնպես էլ երկար ժամանակ պահանջող զարգացման նպատակների համար այդ օգնությունը աստիճանաբար բաշխելիս:

Շուրջ մեկ ժամ տևած հանդիպման վերջում Ամենայն Հայոց Հայրապետը, ի նշան գնահատանքի, պարոն Մուսին նվիրեց Սուրբ Էջմիածնի Մայր տաճարի փայտյա մանրակերտը, իսկ տեղակալը՝ Վեհափառ Հայրապետին հանձնեց մի արծաթե զավաթ՝ Միացյալ Նահանգների Գյուղատնտեսության Նախարարություն դրոշմով:

## ՀԱՆԴԻՊՈՒՄ ԱՄՆ ՆԱԽԱԳԱՀ

### ԲԻԼ ՔԼԻՆԹՈՆԻ ՀԵՏ

Հունվարի 16-ի կեսօրին Ամենայն Հայոց Հայրապետը, Սպիտակ Տան «Օվրլ» գրասենյակում հանդիպում ունեցավ Միացյալ Նահանգների նախագահ Բիլ Քլինթոնի հետ:

Վեհափառ Հայրապետի ջրախմբին անդամակցում էին Վաչե և Խաժակ սրբազանները և Հայաստանի դեսպան Ռուբեն Շուգարյանը: Ներկա էին Ամերիկայի Ազգային Ապահովության խորհրդի գլխավոր խորհրդական Տիար Էնթոնի Լեյքը և Նախագահի մի քանի ավագ խորհրդականներ:

Բացառիկ, ջերմ և սիրալիկ այս հանդիպումը տևեց երեսուն րոպե և Վեհափառ Հայրապետի կողմից բնորոշվեց որպես մեծապես արդյունավետ:

Ամենայն Հայոց Հայրապետը իր խորին երախտագիտությունը հայտնեց Միացյալ Նահանգների դեկավարությանը, որ շարունակաբար մարդասիրական օգնություն է ուղարկում Հայաստան, և հատկապես շեշտեց նախագահ Քլինթոնի անձնապես զորավիգ լինելը Հայաստանի անկախությանը. « Տակավիճ միայն ինը ամիսն է Վեր է, որ հաստատված էմ Հայաստան՝ Հայաստանյայց Եկեղեցւոյ բարձրագույն պաշտոնին ընտրվելէ ետք: Նույնիսկ այս կարճ ժամանակաշրջանին մեջ կրցա դրական փոփոխություններ տեսնել հայ ժողո-



הרב אברהם אביש (ימין) עם הנציח משה אביש (שמאל) ביום חתונתם





הנשיא אריקסון עם ראש הממשלה יצחק מרדכי - 1978



վորդի կյանքին մեջ, որը կարելի դարձավ շնորհիվ նախագահ Լևոն Տեր-Պետրոսյանի գլխավորած պետության իմաստուն ղեկավարության և հասարակական կյանքի այլ պատասխանատուների գործակցության»:

Ապա Նորին Սրբությունը նախագահ Քրիսթոնին պարզեցատրեց «Սուրբ Գրիգոր Լուսավորչի» բարձրագույն շքանշանով՝ Հայաստանի անկախությանն ի նպաստ ցուցաբերած օժանդակության համար, ինչպես նաև հատկապես առ ի երախտագիտություն Միացյալ Նահանգների տրամադրած մեծ օգնության: Նախագահը մշեց, որ մասնավոր կապ գոյություն ունի Միացյալ Նահանգների և Հայաստանի միջև ու հույս հայտնեց, որ շնորհիվ իր հանձնառության, այդ կապը ավելի պիտի խորանա:

Վեհափառ Հայրապետը նախագահին ուղղելով խոսքը ասաց. «Ինձի համար մասնավոր երջանկություն և գեղեցիկ առիթ մըն է իմ շնորհակալության և երախտագիտության խոսքս արտահայտելու հանուն մեր Սուրբ Եկեղեցու և Հայաստանի ժողովրդի: Իսկ Ձեր միջոցով ալ՝ արտահայտելու Միացյալ Նահանգներու կառավարության և ժողովրդին»:

Նախագահ Քրիսթոնը և Ամենայն Հայոց Հայրապետը խորհրդակցեցին և իրենց խորունկ մտահոգությունները հայտնեցին Ղարաբաղի հարցի կապակցությամբ և ընդհանուր առմամբ՝ Կովկասի կացությամբ:

Նորին Սրբությունը նախագահին հայտնեց Ղարաբաղ կատարած իր այցելության, ինչպես նաև անցնող հունիս ամսին Մոսկվադուրս Կովկասի մահմեդականների ղեկավար Օեյխ Ուլ Իսլամ Փաշազադեի և Ռուս Եկեղեցու Ալեքսի Պատրիարքի հետ ունեցած հանդիպման մասին՝ ամերադառնալով, որ հարցը կրոնական բնույթ չունի: «Ղարաբաղի հայերը և ազերիները չեն կովիր քրիստոնյայի-իսլամի հարցերում համար: Հարցերը կվերաբերին մարդկային իրավանց, արդարության և ինքնորոշման», շեշտեց Վեհափառը:

Նախագահն ու Վեհափառ Հայրապետը մշեցին նաև Հայաստանի բոլոր հարևանների հետ բարելավ հարաբերություններ ունենալու կարևորությունը, ինչպես նաև համագործակցությունը արևմտյան աշխարհի հետ: Այս նեղ օրերին Հայաստանը, Ադրբեջանն ու Վրաստանը միասնաբար են դիմագրավում մի շարք դժվարություններ՝ անկախությունը առավել զորացնելու, բարգավաճելու, ժողովրդավարական վարչաձևը բարելավելու, մնալուն խաղաղություն հաստատելու և իրենց կապը ամրապնդելու միջազգային հանրակցության հետ:

Նախագահը շերտորեն ողջունեց խաղաղության այս նոր շրջանը և գնահատեց ամերիկահայ գաղութի ընծայած մարդասիրական

օժանդակությունը Հայաստանին: Նորին Սուրբ Օծությունը կոչ ուղղեց մախազահին, որ կարելին գործի համագործակցելու համար Ռուսաստանի, Եվրոպական երկրների և Հայաստանի հարևան պետությունների հետ «հաստատականությամբ աշխատելու հարցի լուծման համար՝ խաղաղ միջոցներով և բանակցություններով, որպեսզի հարկ չըլլա հարցերը կոիվի և բանակի միջոցով լուծել»:

Այնուհետև Վեհափառ Հայրապետը ավելացրեց. «Մեր Մայր Հայրենիքը՝ Հայաստանը, Սովետական Միությանն դուրս գալեն հետո, կմտնե խաղաղության և անկախության մոտ շրջանին մեջ բազմաթիվ դժվարություններ դիմագրավելով, հատկապես 1988-ի ահռելի երկրաշարժեն հետո, Ազերբեյջանի և Ղարաբաղի Հայոց միջև ծագած հարցերը, և հանրածանոթ շրջափակումը, որ ցարդ կպարտադրվի: Հակառակ ստեղծված այս չափազանց դժվարին պայմաններում, փառք կու տամ Աստուծո, մեր ժողովուրդին ցուցաբերած դիմանալու ոգիին համար»:

Վեհափառը առանձնապես խոսեց Հայց. Առաքելական Եկեղեցու բերած և առավել ևս բերելիք մասնակցության մասին մեր ժողովրդի ազգային-պետական վերականգնման գործին: Եկեղեցին այժմ լծված է հոգևոր և բարոյական առողջ սկզբունքները մեր ժողովրդի կյանքում տարածելու հիմնական աշխատանքին, ըստ Քրիստոսի Ավետարանի ուսուցումների և մեր հայրերի դարավոր և սրբազան ավանդության: Մի ազգ առանց բարոյական տոկուն հիմքերի չի կարող երկար գոյատևել, եզրակացրեց Վեհափառ Հայրապետը:

### ՎԵՀԱՓԱՌ ՀԱՅՐԱՊԵՏԸ ՓՐՈՎԻԴԵՆՍՈՒՄ

Մի քանի ժամ հետո Վեհափառ Հայրապետը մեկնեց Փրովիդենս (Ռոդ Այլենդ): Փրովիդենսի «Ուեսթին» հյուրանոցի մախասրահում Վեհափառին ողջունեցին ավելի քան 200 հոգի, որոնց թվում մի մեծ խումբ հայ երեխաներ: Բիչ հետո Վեհափառ Հայրապետը բարձրաստիճան պաշտոնյաներին, որոնք եկել էին բարի գալուստ մաղթելու, ասաց, թե «այս երեխաների ամառատ ձայնը պետք է հիշեցնի բոլորին, որ հին ազգերը անցողիկ չեն, այլ հին ազգերը կարող են միշտ մոտ լինել»: Այնուհետև տեղի ունեցավ մամլո ասուլիս:

Ապա հյուրանոցում տեղի ունեցավ կարճ ընդունելություն, որին ներկա էին Փրովիդենսի քաղաքապետ Ուինսթոն Սիանսին, Հայ և օտար Եկեղեցիների հոգևոր և աշխարհիկ ներկայացուցիչներ: Այս հանդիպման ժամանակ քաղաքապետ Սիանսին Վեհափառ Հայրապետին մվիրեց քաղաքի ոսկե բանալին: Ամենայն Հայոց Հայրապետը հիշեց, որ պարոն Սիանսին քաղաքի բանալին ևս մեկ անգամ մվիրել է իրեն սրանից 13 տարիներ առաջ՝ 1981 թվականին, երբ ինքը Փրովիդենս էր ժամանել որպես Կաթողիկոս Մեծի Տանն Կիլիկիո:



իր խոսքում Վեհափառ Հայրապետն ի մասնավորի ասաց. «Նա ինձ տվեց բանալին, բայց ինչպես որ սովորաբար անում է նա, ինձ ցույց չտվեց, թե որտեղ է գտնվում դուռը: Դուռը ձեր սիրտն է և բանալիով, ես խնդրում եմ ձեզանից, բացե՛ք ձեր սրտերը»:

Այս հանդիպումը վարեց Բրաունի համալսարանի ռեկտոր դոկտոր Վարդան Գրիգորյանը, որը ժամանակին Լիբանանի «Համազգային» ճեմարանում եղել էր Վեհափառ Հայրապետի աշակերտը: Նա ջերմ զգացումով ներկայացրեց Վեհափառ Հայրապետի անձն ու գործը և կարևորեց նրա առաքելությունը Հայաստանում և Սփյուռքում:

Ապա Վեհափառ Հայրապետն առաջնորդվեց Սուրբ Պողոս Պետրոս կաթողիկ Մայր տաճար, որտեղ տեղի ունեցավ «Հրաշափառ»-ի արարողությունը: Այստեղ Մայր տաճարի ավագները բարիգալստյան խոսքերով ողջունեց այս շնորհաբեր այցելությունը՝ այն համարելով էկոմենական մի կարևոր պահ Փրովիդենսի ժողովրդի համար:

Ներկա էին կաթողիկ, Օրթոդոքս, Բողոքական Եկեղեցիների ներկայացուցիչները և ավելի քան 1000 հավատացյալներ:

Նորին Սրբությունը տվեց իր պատգամը, նախ շնորհակալություն հայտնելով օտար հոգևորականներին՝ իրենց այս եղբայրական ջերմ վերաբերմունքի համար: Ապա խոսեց Հայ Եկեղեցու մասին՝ ընդգծելով վերանորոգության շունչը, որ այժմ տիրում է Հայաստանում: Նա ասաց, քրիստոնեական հավատքի վերաշխուժացումը Հայաստանում պետք է նկատվի ոչ թե որպես միայն Հայաստանի ժողովրդին մատուցված ծառայություն, այլև ընդհանուր քրիստոնեությանը:

Վեհափառ Հայրապետը խոր վերլուծումներ կատարեց արդի աշխարհի կյանքում առաջ եկած երևույթների և նրանց ճշգրիտ գնահատման մասին:

### ԸՆԴՀԱՆՐԱԿԱՆ ԱՂՈԹՔ ԵՎ ՀԱՆԳԻՊՈՒՄ ԵՐԻՏԱՍԱՐԴՈՒԹՅԱՆ ՀԵՏ

Չորեքշաբթի, հունվարի 17-ի առավոտյան, Վեհափառ Հայրապետը այցելեց Սուրբ Սահակ-Մեսրոպ եկեղեցի, որտեղ առավոտյան ժամերգությունից հետո, եկեղեցու սրահում տեղի ունեցավ նախաճաշ տեղի երիտասարդության հետ, որի ընթացքում հայ երիտասարդները մտերմիկ խոսակցություններով և հարցերով առավել կենդանի կերպով կարողացան հաղորդակցվել Հայոց Հայրապետի հետ:

### ՎԵՀԱՓԱՌ-ԸՆԹՐԱՊԵՏԸ ՈՒՍՏՐ ՔԱՂԱՔՈՒՄ

Հունվարի 17-ին Վեհափառ Հայրապետը Փրովիդենսից մեկնեց Մասաչուսեթս նահանգ, ուր առաջին հերթին կարճ այցելություն տվեց

Ուստի քաղաքի Սուրբ Փրկիչ եկեղեցուն: Խոստնեքամ մի բազմություն համախմբվել էր դիմավորելու իր հոգևոր Հորը: Ներկա էին նաև ուրիշ եկեղեցիների, հատկապես Կաթոլիկ, Օրթոդոքս և Բողոքական եկեղեցիների ներկայացուցիչներ:

Եկեղեցականների թափորով և «Հրաշափառ»-ի երգեցողությանը, Վեհափառը միտք գործեց Սուրբ Փրկիչ եկեղեցի, որտեղ կանոնական աղոթքից հետո Առաջնորդ Խաժակ Սրբազանը հակիրճ խոսքով Վեհափառին ներկայացրեց հավատացյալ ժողովրդին:

Նորին Սրբությունը իր պատգամը տվեց եկեղեցու բեմից՝ նախ փառք տալով Աստծուն այն հավատքի կենդանի պահպանության համար, որը նկատեց Ուստի ժողովրդի հավատարմության լավագույն փաստ:

Նա հիշեց, որ Ամերիկայի տարածքում Ուստի քաղաքը եղել էր առաջին օջախներից մեկը, որտեղ կազմակերպվել էր Հայ Եկեղեցու կյանքը և սկիզբ էր առել Հայոց Եկեղեցու Առաջնորդական թեմը: Կոչ ուղղեց ժողովրդին, հատկապես երիտասարդ սերնդին, որ շարունակեն առողջ և գործուն պահել Հայց. Եկեղեցու ավանդությունը Ուստրում:

Եկեղեցական արարողությունից հետո հովվի գրասենյակում Վեհափառն ընդունեց մամուլի ներկայացուցիչներին՝ թերթերի, հեռուստատեսության, ռադիոյի թղթակիցներին և պատասխանեց նրանց հարցերին:

Եկեղեցու սրահում ժողովուրդը համախմբվեց հյուրասիրության սեղանի շուրջ՝ ի պատիվ Վեհափառ Հայրապետի: Այստեղ քաղաքապետը խոսք ուղղեց Վեհափառին և, ի նշան հարգանքի, նրան հանձնեց քաղաքի խորհրդանշական բանալին:

Նորին Սրբությունը մտերմիկ շեշտով խոսեց ժողովրդի հետ ու իր խոր տպավորություններն ու պատկերացումները ներկայացրեց Մայր Աթոռ Սուրբ Էջմիածնի և Հայաստանի մասին՝ քաջալերելով բոլորին, որ անքակտելի կերպով իրենք իրենց կապված զգան իրենց հավատքի մայր օջախին և հայրենական արմատներին:

Այնուհետև Վեհափառ Հայրապետը, հրաժեշտ տալով Ուստի համայնքին, մեկնեց Բոստոն:

## ՎԵՀԱՓԱՌ ՀԱՅՐԱՊԵՏԸ ԲՈՍՏՈՆՈՒՄ

Կեսօրից հետո, ժամը 15.00-ին, Նորին Սրբությունը ժամանեց Բոստոն, գնալով «Շերաթոն Բոմանդըր» հյուրանոց:

## ՀԱՆԴԻՊՈՒՄ ԴՊՐՈՑԱԿԱՆ ԵՐԵԽԱՆԵՐԻ ՀԵՏ

Ժամը 16.00-ին Վեհափառը մեկնեց Ուտթոթաուն քաղաքի Սուրբ





Հակոբ եկեղեցի: Այստեղ, եկեղեցու ընդարձակ և շքեղ սրահում, հավաքվել էին ավելի քան 500 հայ դպրոցական երեխաներ շրջանի բոլոր դպրոցներից: Բացի Սուրբ Հակոբ եկեղեցու դպրոցի աշակերտներից, եկել էին նաև Սուրբ Ստեփաննոս եկեղեցու ամենօրյա վարժարանի աշակերտները, ինչպես նաև «Անարատ

Հղության» քույրերի դպրոցի երեխաները:

Դպրոցականները, առաջնորդված իրենց տեսուչների և ուսուցիչների կողմից, դրոշակներով, մեծ ոգևորությամբ և քաղցր քացականչություններով ընդունեցին իրենց հոգևոր Հորը:

Յուրաքանչյուր դպրոցից եղան հատուկ և կարճ ելույթներ, բարիգալստյան խոսքեր, արտասանություններ, երգեր, պարեր:

Այս խանդավառ մթնոլորտում Վեհափառ Հայրապետն իր հոգում կարծես մանկացյալ հոգեխառնությամբ սրտագին խոսքեր ուղղեց երեխաներին, գնահատեց նրանց բոլոր գեղարվեստական ելույթները: Հորդորեց, որ միշտ հաճախեն հայկական վարժարաններ՝ ամենօրյա, շաբաթօրյա կամ կիրակնօրյա, և ջանան նաև իրենց հետ ուրիշ հայ երեխաներ ևս բերել հայոց վարժարան, ապա Սուրբ Հակոբ եկեղեցու մեջ կարճ աղոթքից հետո մեկնեց Քեմբրիջ:

### ՊԱՏԱՐԱԳ ԵՎ ՔԱՐՈՋ ՔԵՄԲՐԻՋԻ ՍՈՒՐԲ ԵՐԲՈՐԴՈՒԹՅՈՒՆ ԵԿԵՂԵՑՈՒՄ

Երեկոյան, Քեմբրիջի Սուրբ Երրորդություն եկեղեցու հովվատանը մի պահ հանգստանալուց հետո, Վեհափառը հանդիսավոր թափորով մուտք գործեց Սուրբ Երրորդություն եկեղեցի, որտեղ Սուրբ Պատարագ մատուցվեց Առաջնորդ Խաժակ Սրբազանի կողմից:

Ներկա էին օտար եկեղեցիների ներկայացուցիչներ և հավատացյալների մի հոծ բազմություն, ինչպես նաև Մասաչուսեթս նահանգի 22 հայկական եկեղեցիների հոգևոր հովիվները: Պատարագի երգեցողությունը կատարվեց միացյալ երգչախմբի կողմից՝ ղեկավարությամբ Օշական վրդ. Մինասյանի:

Տերունական աղոթքի պահին Խաժակ Սրբազանը իր ջերմ

ուրախությունը հայտնեց Վեհափառ Հայրապետի այցելության առիթով և նրա հովվապետական ներկայությունը նկատեց մի կարևոր դեպք թեմի ամբողջ կյանքի զարգացման համար: Ապա հրավիրեց Վեհափառին՝ տալու իր պատգամը:

Վեհափառ Հայրապետը «Նախանձ տան քո կերից է գիս» ավետարանական բնաբանով սկսեց իր քարոզը Քեմքրիջի Սուրբ Երրորդություն եկեղեցում:

Մեջքերելով Հիսուս Քրիստոսի այս խոսքերը, շուրջ մեկ ժամ անդրադարձավ Ամենայն Հայոց Կաթողիկոսության պատմությանը՝ սկսելով Խրիմյան Հայրիկից, որ «ձերբազատվելով ոռոսական ցարի ազդեցութենեն, երկար շունչ մը քաշեց Հայաստանի առաջին անկախության օրերուն»: Ապա հիշատակեց ստալինյան օրերը, Խորեն Կաթողիկոս Մուրադբեկյանի նախաձեռնությամբ հասնելով մինչև «Էջմիածնաշեն» Վազգեն Ա Վեհափառը, որ «լուռ կերպով աշխատեցավ և շինեց ու բարգավաճեցուց Էջմիածինը»: Այնուհետև Նորին Սրբությունը նշեց, որ Հայաստանի անկախացումով մի նոր շրջան է բացվել, օտար ուժերը «սաքրված» են թե՛ պետության և թե՛ եկեղեցու վրայից և ժամն հասել է, որ Հայաստանյայց Առաքելական եկեղեցին դառնա հայության միակ հոգևոր կենտրոնը: Վեհափառը, խոսելով հայերենով և անգլերենով, հայտնեց, որ Սուրբ Էջմիածնի դռները բաց են ամենքի առջև, և ժամանակն է մինչև այժմ եղած խոսքերից վեր կանգնել և «հայու պարտականությունը» կատարել նորաստեղծ Հայաստանի և Էջմիածնի հանդեպ: «Նախ պարտականություն և ապա փառք», «First duty, then glory» երկու լեզվով էլ կրկնեց Վեհափառ Հայրապետը: Նորին Սրբությունը շեշտեց Ամերիկայի եկեղեցական առօրյա կյանքում կատարված անսպառ ծախսերի մասին և ավելացրեց. «Ես գիտեմ ինչ կըսեմ, ավելորդ սպառում մը կա, որ ապարդյուն է»:

Նա շեշտակիորեն ընդգծեց այն իրողությունը, որ ներկա ժամանակներում մեր քույրի ընդհանրական ուղեգիծը պետք է լինի մեր պատմության այս նոր շրջանը վերածել պատվաբեր մի շրջանի, որպեսզի գալիք սերունդները հպարտանան և հարգանք ու օրհնանք ընծայեն մեզ և իրենց հերթին լծվեն հայ ժողովրդի հավերժականության առաքելությանը:

Վերջում Վեհափառ Հայրապետը պատմեց Հայաստանի և Արցախի տարբեր գյուղեր ու ավաններ կատարած այցելությունների մասին՝ խոսելով ժողովրդի դժվար, բայց տոկոմ կյանքի մասին՝ յուրահատուկ կերպով կամարակապելով Հայրենիքը Սփյուռքի հետ:

### ԱՅԼ ՀԱՆԴԻՊՈՒՄՆԵՐ

Հունվարի 18-ի առավոտյան Վեհափառ Հայրապետը նախա-



ճաշեց հայ և օտար հոգևորականների հետ: Միջեկեղեցական մկա-  
րագիր ունեցող այս հավաքույթին Վեհափառ խոսեց ներկա ժամա-  
նակներում Եկեղեցիների միջև զարգացող այն գեղեցիկ շարժման  
մասին, որ ընդհանուր քրիստոնեության կյանքում բնորոշվել է որպես  
էկումենական շարժում: Փոխադարձ մերձեցման երևույթը արդի  
կյանքի պահանջն է Եկեղեցիներից: Եվ բնականորեն քրիստոնեական  
Եկեղեցիների միությունը կամքն ու կտակն է մեր Տիրոջ՝ Հիսուս Քրիս-  
տոսի: Նախաճաշին ներկա էին նաև քաղաքական գործիչներ, ինչպես  
ձերակոտական Ջոն Քերրին, կոնգրեսմեն Ջոզեֆ Քենեդին և Քեմբ-  
րիջի քաղաքապետ Ֆրանկ Դյուհեյը: Երեքն էլ հատուկ ելույթներով  
խորապես գնահատեցին Վեհափառ Հայրապետի մտածումներն ու  
վերլուծումները արդի կյանքի և քրիստոնեական Եկեղեցիների մասին:

\*\*

Կեսօրին Սուրբ Երրորդություն եկեղեցուն կից «Թալանյան»  
մշակութային սրահում Վեհափառ Հայրապետը ճաշի հյուրը եղավ  
եկեղեցու համայնքի: Ներկա էին ավելի քան 200 հրավիրյալներ:

Այս պահը խաժակ սրբազանի կողմից որակվեց որպես «ամ-  
սոռանալի երևույթ» և «սիրո սեղան», իսկ սեղանակիցները «սիրո  
սեղանակիցներ»: Այդ բնորոշումը բխում էր ճաշկերույթի մասնա-  
կիցների սեղմ շրջանակից և նրանց ներկայացուցչական հանգա-  
մանքից՝ Մասաչուսեթսի Հայաստանյալց Եկեղեցու քահանա հայրերով,  
ներառյալ Մեծի Տանն Կիլիկիո Աթոռին ենթակա եկեղեցիները, հայ  
ավետարանականների վերապատվելիներ, Հայ կաթոլիկների  
վարդապետը, Հոփվապետական այցելության կազմակերպիչ  
հանձնախմբի անդամներ և հայ մամուլի ներկայացուցիչներ:

Սուրբ Երրորդություն եկեղեցու հովիվ Տեր Մամբրե Գուգույանը  
հիշեց Անթիլիասի դպրեվանդյան ուսանողական օրերից (1949թ.) այն  
բացառիկ և «խարիզմատիկ» ուսանողին, որ կոչվում էր Նշան սրկ.  
Սարգիսյան, որն այսօր իր օրհնաբեր այցելությունն է տալիս ամե-  
րիկահայ գաղութին, որպես Ամենայն Հայոց Գարեգին Ա Կաթողիկոս,  
միշտ նույն հմայքով՝ «խարիզմատով»։ «Հայրապետը Հայ Եկեղեցվո  
բարձրագույն պաշտոնը ստանձնած է, երբ Հայաստան կրոնորեն իր  
բախտորոշ շրջանը: Իրեն վիճակված է լուծում գտնել ազգային շատ  
հարցերու, կրոնական հարցերու կողքին: Հոգևոր Հայր, մեզ առաջ-  
նորդն և մենք պիտի հետևինք Զեզի, որպես մեր հովիվը», իր խոսքը  
եզրափակեց Տեր Մամբրեն:

Հուզիչ և հատկանշական էր մանավանդ Վեհափառ Հայրա-  
պետի՝ Անթիլիասի դպրեվանդյան տարիների ուսուցիչ, բազմա-  
վաստակ երաժիշտ Համբարձում Պերաբրյանի հիշողությունը: Պարոն  
Պերաբրյանը տասնամյակներ առաջ ուսուցչական մի ժողովի ժամա-  
նակ ոչ միայն իր հիացումն է հայտնել Նշան Սարգիսյան ուսանողի

հանդեպ, աղև մաղթել, որ լծվի հոգևոր ծառայության, ավելացնելով, որ նա կարող է դառնալ «մեր Ամենայն Հայոց Կաթողիկոսը»:

Այնուհետև Առաջնորդ խաժակ սրբազանը, վեր հանելով օրվա խորհուրդն ու երևույթը, անհրաժեշտություն համարեց «վերադարձ մը դեպի քրիստոնեական մեր ակունքներուն» և դեպի 301 թվականը, իսկ «հայ հոգևորականության ակունքը Սուրբ Էջմիածինն է, որ դարեր շարունակ տվավ իր ավյունը հայ ժողովուրդին»: Սրբազան Հայրը իր խոսքի ավարտին ասաց. «Եթե Ամենայն Հայոց Հայրապետին հետևիլ գիտնանք, բոլոր հարցերը պիտի լուծվին»:

Վերջում իր օրհնությունը ու հայրական խորհուրդները տվեց Վեհափառ Հայրապետը՝ իր խորհրդածություններն ու մտածումները բաժանելով ներկաների հետ:

Նորին Սրբությունը, իր խոսքի սկզբում հիշելով ահաբեկչության զոհ դարձած ՄԱԿ-ի գլխավոր քարտուղարներից Դակ Համարշտոյի խոսքը, թե «սրբությունը 20-րդ դարում անցնում է գործի աշխարհի միջով», կարևորեց կամավոր և ինքնահոգաբար աշխատանքը, որը ներկաները տանում էին ներեկեղեցական կյանքում: Ապա խոսքը ուղղելով ներկաներին ասաց, որ Էջմիածինը պիտի լինի «այն, ինչ որ դուք կուզեք», և ավելացրեց, որ Էջմիածինը պիտի լինի «ներշնչման աղբյուր և հանձնառության ու վերանորոգման ուժ»: Եզրափակելով իր խոսքը, Վեհափառ Հայրապետն ասաց. «Ամենն դժվար պայմաններու մեջ կժառայես և ես առանձին ոչինչ չեմ կրնար ընել: Ինչ որ պիտի ընենք, միասին պիտի ընենք»:



Կեսօրից հետո Վեհափառ Հայրապետն այցելություն տվեց տեղի Կաթոլիկ Եկեղեցու պետին՝ Կարդինալ Լոյին, վերջինիս բնակարանում: Այստեղ երկու հոգևոր պետերը, առանձնակի խոսակցությունից հետո, իրենց ընկերակցող հոգևորականների հետ ունեցան հոգեշահ գրույց երկու Եկեղեցիների գործակցության մասին:

Բոստոնի քաղաքապետ Թոմաս Մենինոն ևս այցելեց Վեհափառ Հայրապետին և Կարդինալին ու մասնակից դարձավ ընդհանուր խոսակցությանը: Նաև տեղի ունեցավ հուշանվերների փոխանակում:



Երեկոյան ժամը 19.30-ին Վեհափառ Հայրապետը «Օերաթոն» հյուրամոցից մեկնեց «Հալլաթ Ռիշենսի» հյուրանոց, ուր տեղի ունեցավ հանդիպում երիտասարդության հետ: Նա նախ ունկնդիրը եղավ երիտասարդությանը հուզող հարցերին, որոնք ներկայացվեցին



Անտոնի Պարսապյանի, Գառնիկ Դուրգարյանի, տիկ. Հ. Քրաֆյանի, երեցկին Ա. Գուգույանի, դոկտ. Թոմաս Սամվելյանի և Գյառնի Ալեսանդրի կողմից, ապա խոսեց ինքը: Այս հավաքույթին մասնակցեցին 900 երիտասարդներ:

## ՎԵՀԱՓԱՌ ՀԱՅՐԱՊԵՏԸ ԴԵՏՐՈՅՏՈՒՄ

### ԺԱՄԱՆՈՒՄ

Ուրբաթ, հունվարի 19-ի առավոտյան, Գարեգին Ա Հայրապետը իր շքախմբով, Ալեք Մանուկյան ընտանիքի ամենական օղանավով, Բոստոնից մեկնեց Դետրոյտ:

Հակառակ ցրտին և ձյունամրրիկին, օղանավակայանում Մանուկյան «Masco» ընկերության հատուկ բաժնում ավելի քան 200 դետրոյտահայեր, գլխավորությամբ Պարետ ծ. վրդ. Երեցյանի և ընդունելության հանձնախմբի, եկել էին դիմավորելու Վեհափառ Հայրապետին: Դիմավորողների շարքում առաջին տեղը զբաղեցնում էր մեծագործ բարերար Ալեք Մանուկյանը, որը հաշվի չառնելով ֆիզիկական տկարությունը, ընդառաջ էր դուրս եկել Հայոց Հայրապետին՝ Լուսավոչի Գահի 131-րդ գահակալին, որ իր հետ բերում էր Սուրբ Էջմիածնի անմար լույսի ցուլքերը և ազատ ու անկախ Հայրենիքի շնչառության հեքը:

Օղանավակայանի հյուրասրահում Վեհափառ Հայրապետին բարի գալուստ մաղթեց Սուրբ Հովհաննես եկեղեցու հովիվ Հայր Պարետ Երեցյանը, որը մասն ալցի կազմակերպիչն ու ղեկավարն էր, ապա խոսքը տրվեց թեմի Առաջնորդ Խաժակ սրբազանին: Նա իր հերթին ձայնը այնուհետև տվեց ՀԲԸՄ-ի ցկյանն նախագահ Ալեք Մանուկյանին, որն ավելացրեց իր սրտագին խոսքերը: Հայ մեծ բարերարը մշեց, որ ինքը տարիներ ի վեր ճանաչում և հարգում է Վեհափառ Հայրապետին և որ դեռևս երջանկահիշատակ Վազգեն Վեհափառին առաջարկել է Մեծի Տանն Կիլիկիո Կաթողիկոս Գարեգին Բ-ին դարձնել աթոռակից Կաթողիկոս և այսօր իր երազանքն ու ցանկությունը իրականացած է տեսնում: Ծնորհավորելով Գարեգին Վեհափառին այս բացառիկ ընտրության առիթով, խոստացավ ամեն կերպ աջակցել նրան Մայր Աթոռի և ընդհանրապես Հայաստանյայց Եկեղեցու վերարթնացման ու վերաշխուժացման դժվարին գործում:

Օղանավակայանից Դետրոյտի ուստիկանությունը Վեհափառ Հայրապետի և իր շքախմբի ավտոշարասյանը ուղեկցեց դեպի Դիրբորոնի «Րից Քարլոն» հյուրանոց, որտեղ Վեհափառը հանդի-

պեց մամուլի և լրատվության մերկայացուցիչների հետ:

### ԱՅՑԵԼՈՒԹՅՈՒՆ ԶԱՂԱԶԱՊԵՏԻՆ

Կեսօրից հետո ավտոշարասյունը ուղևորվեց դեպի Դետրոյտի քաղաքագլխի պաշտոնական մատակարարը՝ հայտնի «Մանուկյան Բնակարան» (Manoogian Mansions) անունով: Սա Ալեք Մանուկյանի մվերն է քաղաքին, որը վերջերս վերանորոգել է մաս Բիչարդ Մանուկյանը: Նորին Սրբությանը ջերմորեն դիմավորեցին քաղաքագլուխ Դենիս Արչըրը և նրա տիկին Թրուդին և պաշտոնական այլ անձինք:

Քաղաքապետը ոչ միայն ողջունեց Ամենայն Հայոց Հայրապետին, այլև ասի, որ օգտագործեց շնորհակալություն հայտնելու Դետրոյտի հայ համայնքին իր դրական նպաստի համար քաղաքի կյանքին: Հիմնելով կաթոլիկ, քաղաքապետը ջերմ և բովանդակալից գրույցի բռնվեց Վեհափառ Հայրապետի հետ, որի համար էլ Վեհափառ Հայրապետը մեկնելուց առաջ կատակեց՝ ասելով. «Պարոն քաղաքագլուխ, Դուք ինձ վրա մեծ տպավորություն թողեցիք: Եթե երբևիցե որոշեք դուրս գալ քաղաքային ծառայությունից, եկեք ինձ մոտ և ես Ձեզ քահանա կձեռնադրեմ»:

### ՀԱՆԴԻՊՈՒՄ ԴԵՏՐՈՅՏԻ ԿԱՐԴԻՆԱԼԻ ՀԵՏ

Քաղաքապետին տեսակցելուց հետո, Վեհափառը առաջնորդվեց կարդինալ Ադամ Մայդայի մոտ, որտեղ շատ սիրալիք ընդունելություն տեղի ունեցավ՝ ի պատիվ Գարեգին Ա Վեհափառի:

Երկու հոգևոր ղեկավարների միջև տեղի ունեցավ գրույց միջեկեղեցական և Եկեղեցի և աշխարհ հարաբերությունների մասին: Վեհափառ Հայրապետը Նորին Սրբազնությանը բացատրեց Հայաստանում տիրող մոր կացությունը և դրանում Եկեղեցու ունենալիք վճռական դերակատարությունը:

### ՎԵՀԱՓԱՌ ՀԱՅՐԱՊԵՏԸ ԴԵՏՐՈՅՏԻ ՍՈՒՐԲ

#### ՀՈՎՀԱՆՆԵՍ ԵԿԵՂԵՑՈՒՄ

Վեհափառ Հայրապետը Կարդինալ Մայիդայի առանձնատնից ուղևորվեց դեպի Սուրբ Հովհաննես հայկական եկեղեցի: Ամերիկայի ամենամեծ և ամենագեղեցիկ հայկական եկեղեցիներից մեկը, ավանդական ազգային ոճով կառուցված տաճարը, լի և ալեծուխ էր Ամենայն Հայոց Հայրապետին դիմավորելու եկած հավատացյալներով և քույր Եկեղեցիների ու համայնքների մերկայացուցիչներով, որոնք միացան մաս Հայրապետական թափորին և մասնակցեցին ժամերգությանը: Առ Աստված մատուցած գոհաբանական աղոթքից հետո իր հայրական պատգամը տվեց Վեհափառ Հայրապետը:

Նա իր ուրախությունը հայտնեց Դետրոյտի ժողովրդին տված



իր այս անդրանիկ այցի համար, որով իրեն հաճելի և օգտաշահ միջոց էր տրված ճանաչելու իր հոգևոր հոտին:

Ապա բարձրորեն գնահատեց Սուրբ Հովհաննես եկեղեցու հոգևոր և ազգային, կրթական և մշակութային գործունեությունը, որ առատահոս մի աղբյուր էր եղել մեր ժողովրդի կրոնական և հայկական ապրումների առողջ և առույգ պահպանման մարզում:

Օտար եկեղեցիների ներկայացուցիչներին ևս Վեհափառ հայտնեց իր հատուկ ուրախությունը, շնորհիվ նրանց ներկայությամբ պարզված համաքրիստոնեական ոգու և միասնականության:

### ԸՆԹՐԻՔ Ի ՊԱՏԻՎ ՎԵՀԱՓԱՌ ՀԱՅՐԱՊԵՏԻ

Երեկոյան մոտ 700 դեսորոյացիներ հավաքվեցին Սուրբ Հովհաննես Մկրտիչ եկեղեցում կից սրահում՝ մասնակցելու Վեհափառ Հայրապետի պատվին տրվող ճաշկերույթին, որին ներկա էին նաև ԱՄՆ-ի ներկայացուցիչների Տան անդամներ սենատոր Կառլ Լևինը, կոնգրեսմեններ Ջո Նոլենբերգը, Սանթրըր Լևինը, ինչպես նաև մահանգային ծերակուտականներ Ջոն Զամյանը և Զորջ Հարթը (Հարությունյանը), Օուքլանդի դատախազ Ռիչարդ Թոմսոնը (Թովմասյան), Հանրապետական կուսակցության Ուելնի մախագահ Էդուարդ Հարությունյանը և այլ ականավոր հյուրեր ու հայ համայնքի ներկայացուցիչներ:

Երեկոյի հանդիսավարն էր եկեղեցու հովիվ հոգեշնորհ Տ. Պարետ Ծ. վրդ. Երեցյանը:

Կոնգրեսմեններ Նոլենբերգի և Սանթրըր Լևինի խոսքերից հետո, ողջույնի խոսք ասաց պարոն Երվանդ Ազատյանը, որը Վեհափառին անվանեց եկեղեցու միասնականության խորհրդանիշն ու այժմյան վերազարթոնքի մղիչը ուժը:

Ապա Առաքնորդ Խաժակ սրբազանը ներկայացրեց Նորին Սրբությանը, որից հետո ներկաներին իր Հայրապետական օրհնությունն ու պատգամը տվեց Վեհափառ Հայրապետը:

Իր խոսքում նախ անդրադարձավ կարևորագույն այն իրողությանը, թե մեր պատմության մեջ բացառիկ նշանակություն ունի այն, որ մեր Հայրենի աշխարհը՝ Մայր Հայաստանը, այժմ վերագտել է իր ազատությունն ու անկախությունը: Մայր Աթոռ Սուրբ Էջմիածինն այժմ կոչված է կատարելու մի այնպիսի գործ, որով կամրաման մեր ժողովրդի քրիստոնեական կյանքի հիմունքները, որոնք իրենց մեջ ունեն մեր ազգի բարոյական բարձրության և տոկունության գաղտնի ուժը:

«Ես ջերմորեն ողջունում եմ այն առողջ մոտեցումը, որով հետզհետե զարգանում է մեր ժողովրդի մեջ միասնականության կամքն ու ձգտումը: Այս օրերին այդ միասնությունը մեզ համար առօրյա հացի

պես կենսական նշանակություն ունի», - ասաց նա:

Վեհափառը պատմեց Հայ Եկեղեցու ներկայի վիճակի և Մայր Աթոռի ժողովրդանվեր ու կրթա-դաստիարակչական ծառայությունների մասին. «Ծանր է մեր գործը և այն կարելի է տանել միայն ձեր բոլորի ամբողջական և անվերապահ մասնակցությամբ»:

Դետրոյտի համայնքը թանկագին քարերից պատրաստված երկզյխանի ոսկյա արծիվ շղթայով նվիրեց Վեհափառին, որ պատրաստել էր վարպետ ոսկերիչ Սամվել Դալլաքյանը: Ընդունելով այն, Վեհափառ Հայրապետն ասաց, թե ինչպես Երուսաղեմի Գրիգոր Շղթայակիր Պատրիարքը շղթաներ կրեց իր պարանոցին, մինչև ազատեց Երուսաղեմի Սուրբ Աթոռը իր պարտքերից, այնպես էլ ինքը պիտի իր պարանոցին կրի այս շղթան, մինչև Սուրբ Էջմիածինը վերականգնացնելու իր ճիգերը արդյունավորվեն:

Խոսք առավ նաև Սուրբ Սարգիս Եկեղեցու հոգևոր հովիվ Տ. Կորյուն ավգ. քհն. Շրիքյանը և հուշանվեր ընծայեց Վեհափառին տեղի հայ համայնքի կողմից:

#### ՊԱՏԱՐԱԳ ՍՈՒՐԲ ՀՈՎՀԱՆ ՆԵՍ ԵԿԵՂԵՑՈՒՄ

Ծառաթ, հունվարի 20-ին, քաղաքի Սուրբ Հովհաննես Մկրտիչ Եկեղեցում մատուցվեց սուրբ և անմահ Պատարագ: Օրվա պատարագին էր խաժակ արքեպս. Պարսափյանը: Եկեղեցին ծիփում էր հավատացյալների բազմությամբ:

Հընթացս Սուրբ Պատարագի քարոզեց Վեհափառ Հայրապետը: Նախ փառք և գոհություն ընծայեց Աստուծո, որ այս առիթը պարզենց, Հայրենիքից ու Սուրբ Էջմիածնից բավականին հեռավորության վրա գտնվող մի այսպիսի չքմադագեղ հայաոճ Եկեղեցում հաղորդակցվելու իր գավակների հետ: Այնուհետև Վեհափառ Հայրապետն անդրադարձավ ու շեշտեց Ավետարանական «առավել կյանքի» գիտակցությամբ ապրելու անհրաժեշտությունը, որ սովորական և ամենօրյա սպառողական կյանքը չէ, այլ դրանից վեր ու գերազանց հոգեկան ու հավերժություն և անմահություն կերտող կյանքն է: Հայի համար ներկա ժամանակում այդ կյանքի առանցքը իր Սուրբ Եկեղեցին ու վերածաղկող Հայրենիքն է:

Հավարտ սրբազան արարողության, Մշակույթի ընդարձակ սրահում տեղի ունեցավ ընդունելություն և հանդիպում համայնքի զանազան խավերի հետ: Սեղանի օրհնությունից հետո, Վեհափառը հանդիպեց նաև համայնքի ամենակրտսեր ներկայացուցիչներին՝ երեխաներին: Հուզիչ էր տեսնել, թե Եկեղեցու Գերագույն Պետը ինչպես է դիմում փոքրիկներին ևս մեկ անգամ հիշեցնելով Հիսուսին, որ ասում էր, թե «Թողեք, որ այդ երեխաները ինձ մոտ գան, քանի որ նրանցն է Երկնքի Արքայությունը»:



[illegible]

### ԺԱՇԿԵՐՈՒՅԹ ԱԼԵՔ ՄԱՆՈՒԿՅԱՆԻ ՄՈՏ

«Masco» ընկերության կենտրոնատեղիում, ընկերության տնօրեն, խորհրդի նախագահ Ռիչարդ Մանուկյանը ճաշկերույթ տվեց՝ ի պատիվ Վեհափառ Հայրապետի:

Նա մի գեղեցիկ և բովանդակային խոսքով իր պատվական հոր՝ Ա. Մանուկյանի և Մանուկյան ընտանիքի կողմից իրենց մեծ ուրախությունն հայտնեց Վեհափառ Հայրապետի ընտրության համար և մաղթեց, որ նրա գահակալության տարիները լինեն բեղմնավոր տարիներ: «Մանուկյան ընտանիքը միշտ կմնա գորավիզ Մայր Աթոռ Սուրբ Էջմիածնին և ընդհանրապես Հայ Եկեղեցուն»:

Որպես նշան Վեհափառի այցի պատճառած ուրախության, նա մի «Լիմուզին» մեքենա նվիրեց Վեհափառ Հայրապետին:



ՎԵՀԱՓԱՌ ՀԱԹՐԱՊԵՏԸ ԱԼԵՔ ԵՎ ՌԻՉԱՐԴ ՄԱՆՈՒԿՅԱՆՆԵՐԻ ԵՎ ԽԱԺԱԿ ՍՐԲԱԶԱՆԻ ՀԵՏ

Այստեղ Նորին Սուրբ Օծությունը օրհնեց պարոն Ալեք Մանուկյանին՝ ասելով. «Ըստ արժանվույն ձեզ այնքան պարգևներ են շնորհվել, որ Ձեզ պարգևատրելու ոչինչ չի մնացել: Այդ պատճառով Հայաստանում ես պատրաստել եմ այս հատուկ նվերը, որի մի կողմում պատկերված է հայության հավերժության խորհրդանիշ Արարատը, իսկ մյուսին՝ Սուրբ Էջմիածնի Մայր տաճարը: Խնդրում եմ այս այնպիսի մի տեղում դրեք, որ միշտ տեսնեք ու հիշեք Ձեր հանդեպ տաճած իմ սերը, հարգանքն ու մտերմությունը»:

Ապա Վեհափառը ամենաբարձր աստիճանով գնահատեց Ա. Մանուկյանի կատարած դերը Հայ Եկեղեցու, ժողովրդի, դպրոցի, մշակույթի և Հայրենիքի վերագարթման և վերաշինման նվիրական գործում: Նա գնահատեց նաև իր զավակներին՝ Ռ. Մանուկյանին և



Հուիզ Սիմոնին, որոնք շարունակում են Մանուկյան ընտանիքի բարերարությունների ավանդույթը:

Վեհափառ Հայրապետը շնորհակալություն հայտնեց նաև Հայր Պարետին՝ իր այցը Դեղորոյտ ակադեմիայի և բարձր մակարդակով կազմակերպելու համար:

### ՀԱՆՂԻՊՈՒՄ ԵՐԻՏԱՍԱՐԴՈՒԹՅԱՆ ՀԵՏ

Ինչպես այլ վայրերում, այստեղ ևս Վեհափառը հանդիպում ունեցավ համայնքի երիտասարդության հետ, ՀԲԸՄ-ի Ալեք Մանուկյան սրահում՝ հրավիրելով հայ երիտասարդությանը լծվել մեր սուրբ Հայրերի Եկեղեցու և Հայրենիքի վերաշինության գործին, լինելով արժանի ժառանգորդներն ու կրողները նրանց թողած սուրբ «շալակի»: Մենք մեր սեփական բազկի ուժով ու երիտասարդական ավյունով և քրտինքով է, որ պիտի կերտենք մոր արշալույս՝ հայության արշալույսը:

Այս հանդիպման ընթացքում երիտասարդների կողմից Վեհափառ Հայրապետին տրվեցին բազմաթիվ և բազմապիսի հարցեր օրվա հասարակական և բարոյական խնդիրների, Հայ Եկեղեցու միության և այլ հարցերի մասին, որոնց Նորին Սրբությունը պատասխանեց ջերմ և նրբանկատ կերպով պարզելով Հայ Եկեղեցու վերաբերմունքն ու տեսակետը այս հարցերի նկատմամբ: Վերջում Վեհափառ Հայրապետն ասաց. «Ես այժմ պիտի գնամ, բայց Աստուծո ողորմությամբ մենք մորից կհանդիպենք: Միևնույն ժամանակ ես յուրաքանչյուրիդ մի փոքրիկ գրքույկ կթողնեմ, որը պատրաստել եմ ձեզ համար, և որը ակնարկներ է պարունակում Հայ Եկեղեցու մոր դարաշրջանի մասին: Վերցրե՛ք և կարդացե՛ք այն՝ մտածելով նրա բովանդակության մասին»:

Հարյուրավոր երիտասարդներ, որ հավաքվել էին այս դահլիճում, խոր գոհունակությամբ և անջնջելի տպավորություններով տոգորվեցին՝ տեսնելով իրենց հոգևոր Հոր սիրազեղ վերաբերմունքը և լսելով նրա իմաստալից հորդորները իրենց կյանքի և գործի համար:

### ՎԵՀԱՓԱՌ ՀԱՅՐԱՊԵՏԸ ՉԻԿԱԳՈՅՈՒՄ

#### ԺԱՄԱՆՈՒՄ

Հունվարի 20-ին, ժամը 21.30-ին, Նորին Սրբություն Գարեգին Ա Հայրապետը, ընկերակցությամբ Խաժակ Սրբազանի և գալագանակիր Արտակ աբեղայի, Մանուկյան ընտանիքի անձնակազմ օդանավով Դեղորոյտից ժամանեց Չիկագոյի Միդուեյ օդանավակայան: Վեհափառ Հայրապետին դիմավորելու էին եկել շրջանի

բոլոր հոգևորականները, ինչպես նաև ընդունելության հանձնախմբի անդամները: Դիմավորումը շարունակվեց «Ուեսթին» հյուրանոցում, որտեղ ջերմ ընդունելություն տեղի ունեցավ համայնքի ներկայացուցիչների հետ:

### ԵՐԻՏԱՍԱՐԳԱՑ ՀԱՎԱՔ

Կիրակի, հունվարի 21-ին, ժամը 10.15-ին, Նորին Սրբությունը «Ուեսթին» հյուրանոցի «Ուելինգտոն Բում» սրահում հանդիպեց համայնքի երիտասարդ ներկայացուցիչների հետ «Նոր դարաշրջան, Երիտասարդություն, Եկեղեցի և համայնք» թեմայի շուրջ զրուցելու համար:

Ավելի քան 300 երիտասարդ-երիտասարդուհիներ էին եկել հանդիպելու և լսելու իրենց Հայրապետի պատգամը: Վեհափառ Հայրապետի ներածական խոսքից հետո, հանդիպումը շարունակվեց մտքերի փոխանակմամբ: Տրված հարցերին Նորին Սրբությունը սպառնալիք և հանգամանալից կերպով պատասխանեց: Հարցադրվող միջոցները հետևյալներն էին. Հայ Եկեղեցու միությունը, հնարավոր գործնական փոփոխություններ Եկեղեցուց ներս, Եկեղեցին համայնք-տուն դարձնել, Եկեղեցու արարողական լեզուն, Եղեռնի մասին ուսուցում դպրոցներում, խառն ամուսնություններ և Եկեղեցու մոտեցումն ու վերաբերմունքը արդի կյանքի բարոյական հարցերի մասին և այլն:

Հստակ էր, թե երիտասարդությունն զգաց, որ Վեհափառը հոգու և մտքի համար բավարարություն տվող տեսակետներ հայտնեց վերոբերյալ միջոցների մասին: Նույն ժամանակաընթացքում, մինչ երիտասարդները դուրս էին եկել ընդմիջման, Վեհափառ Հայրապետը հանդիպեց ամենակրտսերների հետ, որոնցից շատերը իրենց ծնողների հետ էին եկել: Հայոց Հայրիկը բացատրեց նրանց իր պաշտոնը Հայ Եկեղեցում, խոսեց Էջմիածնի մասին, անդրադարձավ Հայ Եկեղեցու պատմությանը՝ սկզբից մինչև մեր օրերը: Երեխաները միաբերան արտասանեցին «Տերունական աղոթքը» և ապա մոտեցան Նորին Սրբությանը, ներկայացնելով իրենք իրենց, ու յուրաքանչյուրը Վեհափառ Հայրապետի կողմից Էջմիածնից բերված խաչ ստացավ:

### ՀԱՅՐԱՊԵՏԱԿԱՆ ՊԱՏԳԱՄ ՍՈՒՐԲ ՊԱՏԱՐԱԳԻ ԸՆԹԱՑՔՈՒՄ

Նույն օրը, ժամը 14.15-ին, Սուրբ Պատարագի թափոքը, որին մասնակցում էին քրիստոնեական հարանվանությունների 12 ներկայացուցիչներ՝ Հայ Եկեղեցու հոգևորականների հետ միասին, Վեհափառ Հայրապետին ուղեկցեց Չիկագոյի Երիցական եկեղեցի: Պատարագին էր խաժակ արքեպս. Պարսամյանը:



Հրմթացս Սուրբ Պատարագի շուրջ 1100 հավատացյալների ներկայությամբ ոգեշնչող քարոզ խոսեց վեհափառ Հայրապետը՝ Հովհաննու Ավետարանի «Ես եկի զի գկեանս ունիցին և առաել ես ունիցին» բնաբանով: Իր խոսքը հյուսելով Հայ ժողովրդի ու Եկեղեցու պատմությամբ և վեր հանելով հատկանշական դրվագները, կանգ առավ 20-րդ դարի վրա՝ ներառնելով ներկա ժամանակները: Նորին Սրբությունը համայնքին հորդորեց ապրել կյանքի որակային արժեքներով. «Ինչպիսի՞ նպատակի ենք նվիրում յուրաքանչյուրս մեր կյանքը, բացի պարզապես գոյություն ունենալուց: Ինչպե՞ս ենք արժևորում այն»: Ներկայացնելով 20-րդ դարն ու արդի ժամանակը, վեհափառ Հայրապետը հավատացյալներին հաղորդեց իր հաստատ համոզումներն ու հավատքը Հայրենիքի վերաշինության, Հայ Եկեղեցու ծաղկման ու բարգավաճման:

### ՀԱՆԴԻՊՈՒՄ ՀԱՅ ՀԱՄԱՅՆՔԻ ՆԵՐԿԱՅԱՑՈՒՑԻՉՆԵՐԻ ԵՎ ՎՐԱՍՏԱՆԻ ԽՈՐՀՐԴԱՐԱՆԻ ԱՆԴԱՄՆԵՐԻ ԷՆՑ

Ժամը 18.30-ին վեհափառ Հայրապետն ընդունեց Վրաստանի դեսպան պրն. Թերո Զափարիձեին և Վրաստանի Խորհրդարանի հայ անդամ պրն. Գիվի Շուգարովին, որը այցելել էր ԱՄՆ և Վրաստանի նախագահ Էդուարդ Շևարճնաձեի անունից եկել էր ողջունելու վեհափառ Հայրապետին: Վեհափառն այնուհետև մուտք գործեց «Ուեսթին» հյուրանոցի շքեղ դահլիճ, որտեղ հայ համայնքի հոծ բազմություն էր հավաքված:

Նորին Սրբությունը խոսք ուղղեց բոլոր հավաքվածներին, որը հիմնականում նվիրված էր Հայաստանին և Ղարաբաղին: Վեհափառը հնի և մորի համեմատությամբ նկարագրեց կյանքի պայմանները, շատ հարմարությունների պակասը և Թուրքիայի ու Ադրբեջանի կողմից շրջափակման հետևանքները, այդուհանդերձ, ավելացնելով և նշելով մի շարքը հաջողություններ, որոնք Հայաստանը արձանագրել է ազատությունից և անկախությունից հետո: Վեհափառ Հայրապետը թվարկեց մի քանի ասպարեզներ, որոնցում Հայաստանը փորձում է լուծում գտնել այսօրվա դժվարությունների համար: Նորին Սրբությունը խոսեց տարբեր ոլորտներում կատարված հատուկ ծրագրերի մասին, հատկապես նրանց, որոնք կատարվում են «Հայաստան» Համահայկական Հիմնադրամի կողմից: Վեհափառ Հայրապետը ոգևորեց և վստահություն ներշնչեց Հիմնադրամի գործունեության նկատմամբ՝ շեշտելով հատկապես Հայաստանից Ղարաբաղ կատարվող ճանապարհաշինարարությունը: Նա առանձնապես շեշտեց այս բոլորի մեջ Մայր Աթոռ Սուրբ Էջմիածնի բերելիք մեծ նպաստը հայ

ժողովրդի առողջ վերականգնման տեսանկյունից: «Հայաստանի մոր պայմանների ներքո մեր Սուրբ Եկեղեցին կոչվել է մոր դերակատարության», ասաց նա: «Մեր բոլոր ուժերը միասնաբար լծելու ենք մեր Եկեղեցու գործունեության վերաշխուժացմանը ժողովրդի առօրյա կյանքում, հատկապես մոր սերունդի կյանքում»:

Հանդիպումից հետո Նորին Սրբությունն ընդունեց բոլոր նրանց, ովքեր ցանկանում էին իրենց հարգանքը մատուցել Ամենայն Հայոց Կաթողիկոսին:

### ՏԵՍԱԿՑՈՒԹՅՈՒՆ ՔՈՒՅՐ ԵԿԵՂԵՑԻՆԵՐԻ ՆԵՐԿԱՑԱՑՈՒՑԻՉՆԵՐԻ ՀԵՏ

Հունվարի 22-ին, երկուշաբթի օրը, միջօրեին, Նորին Սրբությունը ճաշեց քրիստոնեական 11 հարանվանությունների ներկայացուցիչների հետ, որոնց թվում էին Չիկագոյի Կաթոլիկ Արքեպիսկոպոսը, Կարդինալ Ջոզեֆ Բերնարդինոյն և Սերբ Օրթոդոքս Եկեղեցու Քրիստոֆեր Միտրոպոլիտը, Եպիսկոպոսական, Լութերական, Միսիոներական Սինոդի, Երիցական, Մեթոդիստ, Հնդկ Մալաբար, Եթովպական, Ղպտի և Հայ Համայնքային Եկեղեցիների առաջնորդները: Կիսապաշտոնական մթնոլորտում տեղի ունեցավ գաղափարների փոխանակում Վեհափառ Հայրապետի և ներկաների միջև: Նորին Սրբությունը խոսեց անկախ Հայաստանում Հայ Եկեղեցու ներկա վիճակի, Հայաստանի Սահմանադրության և հեռանկարների մասին՝ հաշվի առնելով ազատ գործունեության պայմանների վերստեղծումը: Վեհափառն ասաց, որ Հայաստանում պաշտոնապես գրանցված են Հայ Կաթոլիկ և Հայ Ավետարանական Եկեղեցիները, այնուհետև նշեց տարբեր քրիստոնեական և ոչ քրիստոնեական աղանդների ներխուժումը Հայաստան՝ շեշտելով, թե Եկեղեցին պետք է հզորանա, որպեսզի ամրանա ժողովրդի հավատքը: Ապա Վեհափառ Հայրապետն անդրադարձավ Հոգևոր Ընտարանին, Մայր Աթոռի տպարանին և տպագրությանը, ընդգծեց Աստվածաշնչի ավելի լայն տարածումը Հայաստանում: Այնուհետև Նորին Սրբությունը խոսեց Հայաստանի տարբեր շրջաններ և ներքին Սփյուռքի հայ համայնքներ կատարած իր այցելությունների մասին՝ անդրադառնալով նրանց առջև ծառացած խնդիրներին:

### ՀԱՆԴԻՊՈՒՄ ԶԻԿԱԳՈՑԻ ՔԱՂԱՔԱԳԵՏԻ ՀԵՏ

Երկուշաբթի, քրիստոնեական հարանվանությունների հետ տեղի ունեցած հանդիպումից հետո, Վեհափառ Հայրապետը Չիկագոյի քաղաքապետարանում տեսակցեց քաղաքապետ Ռիչարդ Դալիի հետ: Հանդիպման ընթացքում Վեհափառ Հայրապետը նախ շնորհակալություն հայտնեց քաղաքապետին՝ իր քաղաքում հայության



այսքան ջերմ ընդունելության համար, ապա ներկայացրեց Հայաստանի ներկա իրավիճակը իր բոլոր դժվարություններով և հաջողություններով, ընդգծեց համագործակցության կարևորությունը, ինչպես նաև շեշտեց Հայ Եկեղեցու դերն ու գործունեությունը թե՛ Մայր Հայաստանում և թե՛ նրանից դուրս գտնվող աշխարհասփյուռ հայության կյանքում:

Հանդիպման վերջում տեղի ունեցավ հուշանվերների փոխանակում, որպես առհավատչյա փոխադարձ հարգանքի և շնորհակալության:

### ՊԱՇՏՈՆԱԿԱՆ ԺԱՇԿԵՐՈՒԹԹ ՀԱՅ ԽՆԱՄԱԿԱԼՆԵՐԻ ԵՎ ՀԱՅՐԱՊԵՏԱԿԱՆ ԱՅՑԵԼՈՒԹՅԱՆ ՁԻԿԱԳՈՅԻ ԿԱՐԳԱԴԻՐ ՀԱՆՁՆԱԽՄԲԻ ՀԵՏ

Երեկոյան «Ուեսթին» հյուրանոցում, ի պատիվ Վեհափառ Հայրապետի, պաշտոնական ճաշկերույթ տրվեց, որին ներկա էին 70 խնամակալներ, շրջանի հայ հոգևորականությունը և ծխական խորհրդի անդամները: Ներկա հյուրերի թվում էին Վրաստանի իշխանության ներկայացուցիչները: Այստեղ արտասանվեցին բազմաթիվ անկեղծ և սրտալից խոսքեր՝ ի նշան Մայր Աթոռի և նրա Գահակալի հանդեպ տածած հավատարմության և հարգանքի ու սիրո: Ընդունելության հանձնախմբի կողմից ջերմագին խոսք արտասանեց Դոկտ. Րաֆի Հովհաննիսյանը, որ Կարգադիր հանձնախմբի ատենապետն էր, ինչպես նաև Վեհափառի երկար տարիների անձնական բարեկամը:

Վերջում ներկաներին իր հայրական հորդորն ու պատգամը տվեց Վեհափառ Հայրապետը, խոսքի առանցք ունենալով Մայր Հայրենիքի անկախությունն ու ազատությունը և այս պայմաններում Սուրբ Էջմիածնի մորթության շունչն ու պատասխանատվության ու գործունեության առավել մեծացումը: Վերջում Վեհափառը իր ջերմ ու հայրական շնորհակալությունները հայտնեց բոլոր նրանց, ովքեր աջակցել և կազմակերպել էին Ամենայն Հայոց Հայրապետի այս բարձրագույն մակարդակի ընդունելությունը:

### ՄԵԿՆՈՒՄ ՁԻԿԱԳՈՅԻՑ

Չորեքշաբթի, հետմիջօրեին, Վեհափառ Հայրապետն ավարտելով Ամերիկայի Արևելյան թեմի հայ հավատացյալներին տված այցելությունը, Չիկագոյից մեկնեց Տորոնտո (Կանադա)՝ այնտեղ ևս իր Հայրական պատգամներն ու օրհնությունը, Մայ Հայրենիքի ազատության շունչը և Սուրբ Էջմիածնի ներկայությունը փոխանցելու տեղի հայության կարոտակնեզ զավակներին:

## ՎԵՀԱՓԱՌ ՀԱՅՐԱՊԵՏԻ ՀՈՎՎԱՊԵՏԱԿԱՆ ԱՆԴՐԱՆԻԿ ԱՅՑԵԼՈՒԹՅՈՒՆԸ ԿԱՆԱԴԱՀԱՅՈՑ ԹԵՄԻՆ

Հյուսիսային Ամերիկայի հայ գաղութներին տված իր անդրանիկ հովվապետական այցելության ծիրի մեջ, Ամենայն Հայոց Կաթողիկոս Տ. Տ. Գարեգին Ա-ը հունվարի 24-ից փետրվարի 1-ը իր օրհնաբեր և շնորհաբաշխ այցելությունը բերեց նաև կանադահայ համայնքին:

### ՏՈՐՈՆՏՈ

#### ՕՐ ԱՌԱՋԻՆ



#### ՎԵՀԱՓԱՌԸ ԿԱՆԱԴԱՀԱՅՈՑ ԹԵՄԱԿԱՆ ԽՈՐՀՐԴԻ ՀԵՏ

Գարեգին Ա Ամենայն Հայոց Կաթողիկոսը չորեքշաբթի օրը, հունվարի 24-ի հետմիջօրեին, ժամանեց Տորոնտոյի «Փիրսըն» միջազգային օդանավակայան, որտեղ դիմավորվեց եկեղեցական և աշխարհական անձանց և պաշտոնական մարմինների ներկայացուցիչների կողմից: Վեհափառ Հորն ուղեկցում էին Ամերիկայի Արևելյան թեմի Առաջնորդ Տ. Խաժակ արքեպիսկոպոս Պարսամյանը և գավազանակիր Տ. Արտակ աբեղա Տիգրանյանը:

Նորին Սրբությանը դիմավորելու էին եկել Կանադահայոց թեմի Առաջնորդ Տ. Հովհան արքեպիսկոպոս Տերտերյանը, Կիլիկյան Աթոռի հովանավորությունը վայելող թեմի Առաջնորդ Տ. Մեսրոպ արքեպիսկոպոս Աջնյանը, Վեհափառի Տորոնտո այցելության կարգադիր



հանձնախմբի ատենապետ պարոն Ժաք Ստեփանյանը, Կանադայում ՀՀ արտակարգ և լիազոր դեսպան պարոն Գառնիկ Նանագույանը, Կանադահայոց թեմի թեմական խորհրդի ատենապետ պարոն Թազվոր Հոբեյանը, ինչպես և Տորոնտոյի, Մոնրեալի, Համիլթոնի, Սենթ Ջեյմսի և Քեմբրիջի հոգևոր հայրերը և պաշտոնական այլ անձինք:

Օդանավակայանի հյուրասենյակում Վեհափառ Հայրապետին ընդունելության ընթացքում բարի գալստյան խոսք ասաց Հովնան սրբազանը:

Այնուհետև ներկաներին ողջունեց Վեհափառ Հայրապետը:

Վեհափառ Հայրապետի խոսքին հաջորդեց աղ ու հացի ավանդական օրհնությունը, որը Նորին Սրբությանը մատուցեցին ՀԲԸՄ-ի «Զարուկյան» վարժարանի սաները:

### ՍՈՒՐԲ ԵՐՐՈՐԴՈՒԹՅՈՒՆ ԵԿԵՂԵՑՈՒՄ

Նույն օրը, երեկոյան ժամը 7.30-ին, Նորին Սրբությունը հանդիսավորությամբ, «Հրաշափառ»-ի տպավորիչ արարողությամբ մուտք գործեց Ս. Երրորդություն եկեղեցի, որի մուտքի մոտ Վեհափառ Հորը բարի գալուստ մաղթեցին «Զարուկյան» վարժարանի աշակերտները: Կանոնական աղոթքից ու եկեղեցական արարողությունից հետո, բարի գալուստի սրտառույշ և մեծարանքի խոսք արտասանեց առաջնորդ Հովնան սրբազանը:

#### «Վեհափառ Տեր,

Հովվապետական Ձեր ջնորհաբեր այցելության երկրորդ հանգրվանին, ի Կանադա և այս պահում Տորոնտո քաղաքը, Ձերդ Սրբությանը կողջունենք ուրախ սրտով ու այն հավատքով, որ Ձեր անձին մեջեն պիտի տեսնենք նոր Հայաստանը, որ անվերջ կքալե դեպի հավիտենականություն: Ավելին՝ Նոր Էջմիածինը, որ հարածամ կնորոգե ու կշարժե հոգիները հայոց, զմեզ միավորելով ի Քրիստոս:

Սիրելի Վեհափառ, Ձեր անձին միջոցավ արտահայտված ժամանակին հրամայականն է՝ տեղ կանգնիլ Հայց. Առաքելական Սուրբ Եկեղեցիին, որում ինքնությունը բնորոշող ու տեսիլքի հրավիրող ոգեղեն ներկայությունը Սուրբ Էջմիածինն է, այն Էջմիածինը, որ ժամանակին-անժամանակին մեջ ծնունդ առնող յուրաքանչյուր հայու հոգիին մեջ կծնի ու պիտի ծնի որպես սնուցողը մեր գոյութենականության:

Վեհափառ Տեր, որքան երախտապարտ ենք, որ Դուք հանձն առիք այս երկար ու հոգնեցուցիչ հովվապետական այցելությունը: Մենք քաջ գիտենք, որ Ձեր բոցաշունչ խոսքերը պիտի ցնցեն շատերը ու արթնցնեն զանոնք իրենց թմբիրեն, որպեսզի հոգիի այքերով տեսնեն ու զգան Սուրբ Էջմիածնի սրտին վրա բաբախող մեր հայրերու երկիրը՝ նորանկախացյալ Հայաստանը:

Վերջերս Դուք հաճախ կհիշեք այն պատկերը, որ եթե 20-րդ դարը ծնավ յաթաղանի լուծին տակ, ապա 21-րդ դարու սեմին մեր Եկեղեցին ու Հայրենիքը Հարության տեսիլքով պիտի ապրին որպես մեկ ամբողջություն:

Սիրելի հավատակիցներ, հայրենակիցներ, պարտ ենք կարդալ ու սերտել Վեհափառի խոսքերը, որոնց մեջ կը տեսնենք ժամանակի ոգին:

Վեհափառ Տեր, որդիաբար կխոնարհինք Ձեր առաջ և կհայցենք Ձերդ Սրբության օրհնությունները, որպեսզի Ձեր խոսքերով մկրտեք մեր ժողովուրդը մոր ժամանակի ոգիով, մորանկախացալ Հայրենիքի շունչով և Մայր Աթոռ Սուրբ Էջմիածնով, որուն՝ դեպի հավիտենականություն երկարող դողանքներուն մեջ Դուք կտեսնեք վաղվան արշալույսը և դեպի այդ արշալույսը կկանգնեք ամբողջ ազգը հայոց:

Թող հավետ ապրի Մայր Հայաստանը: Ձեր այցը արձագանքն է Սուրբ Էջմիածնի: Ձեր խոսքը ճառագայթումն է Էջմիածնի հավատքի օջախին: Այս նվիրական պահը Ձեր մեջ կմիավորե բոլորս, որպեսզի հարազատորեն կապված մնանք մեր հայրերու երկրին և Սուրբ Էջմիածինը դարձնենք մեր հոգիներու լուսավորության ամենատեսական, ամենասուրբ վայրը, ուր հայ քրիստոնյան և Աստված կհանդիպին՝ Լուսավորչի տեսիլքին մեջ:

Բարի եկաք, Վեհափառ, հեղ մըն ալ Լուսավորչի կանթեղեն լույս իջեցուցեք մեր հոգիներու մեջ»:



Այնուհետև խոսք տրվեց նաև Կանադայի Անգլիկան Եկեղեցու պետ Մայքլ Փիրզ արքեպիսկոպոսին, որն իր հարգանքն ու բարեմաղթությունները հայտնեց Վեհափառ Հայրապետին՝ բարձր գնահատելով Ամենայն Հայոց Կաթողիկոսի անձն ու կարողությունները, հատկապես եկեղեցական ու միջեկեղեցական մարզերի մեջ:

Անգլիկան արքեպիսկոպոսի խոսքից հետո ներկաներին հայերեն և անգլերեն լեզուներով իր հայրական պատգամն



ուղղեց Ամենայն Հայոց Հայրապետը:

Վերջում Վեհափառ Հայրապետն ու Անգլիկան Եկեղեցու առաջնորդ եպիսկոպոսը փոխանակեցին հուշանվերներ:

«Հրաշափառի» արարողությունից և Վեհափառ Հայրապետի պատգամից հետո Սուրբ Երրորդություն եկեղեցու «Մակարոս Արթինյան» սրահում տեղի ունեցավ Վեհափառ Հոր հանդիպումը Տորոնտոյի, Միսիսագայի, Համիլթոնի, Քեմբրիջի և Սենթ Քեթրինգի ազգային-եկեղեցական կառույցները ներկայացնող վարչական մարմինների ներկայացուցիչների հետ, որտեղ խոսվեց հայ ժողովրդի ներկա կացության մասին Հայաստանի, Արցախի և արտասահմանի ողջ տարածքում:

## ՕՐ ԵՐԿՐՈՐԴ

**ՀԱՆԴԻՊՈՒՄՆԵՐ ԱՆԳԼԻԿԱՆ ԵՎ ՀՈՒՅՆ ՕՐԹՈԴՈՔՍ ԵԿԵՂԵՑԻՆԵՐԻ ԵՊԻՍԿՈՊՈՍՆԵՐԻ ՀԵՏ**



**ՀԱՆԴԻՊՈՒՄ ԱՆԳԼԻԿԱՆ ԵԿԵՂԵՑՈՒ  
ԵՊԻՍԿՈՊՈՍ ԹԵՐՆՍ ՖԻՆԼԻԻ ՀԵՏ**

Հունվարի 25-ի առավոտյան Նորին Սրբությունը հյուրընկալվեց Անգլիկան Եկեղեցու Առաջնորդ Թերնս Ֆինլի եպիսկոպոսի կողմից: Հյուրընկալություն էր կազմակերպել նաև Հունաց Օրթոդոքս Եկեղեցու պետ Սոթիրոս եպիսկոպոսը, որի ընթացքում քննարկվեցին միջեկե-



**ՀԅՈՒՐԸՆԿԱԼՈՒԹՅՈՒՆ ՍՈԹԻՐԻՈՍ ԵՊԻՍԿՈՊՈՍԻ ՄՈՏ**

*դեցական կարևոր խնդիրներ: Հանդիպման վերջում Սոթիքոս եպիսկոպոսը վեհափառ Հայրապետին ոսկեզօծ շրջանակով մի պանակե նվիրեց:*

**ՀԱՆԳԻՊՈՒՄ ՕՆԹԱՐԻՈ ՆԱՀԱՆԳԻ ԽՈՐՀՐԳԱՐԱՆՈՒՄ**



*Հետմիջօրեի ժամը 15.00-ին Նորին Սրբությանն ի պատիվ հյուրասիրություն էր կազմակերպվել Օնթարիո նահանգի խորհրդարանում, որտեղ պատշաճ մակարդակով կեսժամյա պաշտոնական*



հանդիպում տեղի ունեցավ Օմբարիոյի նահանգի կառավարիչ «Lieutenant Governor» Հենրի Զաքմանի հետ, որին ներկա էին նաև պետական ու քաղաքական դեմքեր:

### ՊԱՏԱՐԱԳ ՍՈՒՐԲ ԵՐՐՈՐԴՈՒԹՅՈՒՆ ԵԿԵՂԵՑՈՒՄ

Նույն երեկոյան ժամը 19.30-ին Վեհափառ Հայրապետը մեծաշուք թափորով, «Հրաշափառ»-ի հնչյունների ներքո մուտք գործեց Ս. Երրորդություն եկեղեցի՝ մասնակցելու Սուրբ և Ամեն Պատարագին, որտեղ ժողովրդի խումբերամ բազմությունը անհամբերությամբ սպասում էր Վեհի հետ հանդիպմանն ու հաղորդակցությանը: Օրվա պատարագիչն էր Կանադահայոց Առաջնորդ Հովնաթ արքեպիսկոպոսը:

«Հայր մեր»-ից առաջ պատարագիչ սրբազանը, բարի գալուստ մաղթելով Վեհափառ Հայրապետին, ասաց. «Վեհափառ Տեր, այս երեկո մեր բոլորին հոգիները կմիախառնվին Էջմիածնաբեր Ձեր օրհնություններով: Աղոթքի ու գոհաբանական մաղթանքի այս պահուն Ձեր անձին մեջեն կտեսնենք Նոր Էջմիածինը, որուն ձայնը Ձեր սրտին մեջ առած՝ եկած եք Սուրբ Էջմիածնի ճառագայթով վերապրեցնելու աշխարհով տարածված Ձեր հարազատ գավակները:

Ավելի քան չորս տասնամյակներ Ձեր անձը խոնարհեցնելով Աստուծո խորանին ու մեր հայրերու հավատքին առջև, Դուք այսօր, որպես ազգի Վեհափառ Հայրապետը, եկած եք ժամանակի ոգին բաշխելու մեր ազգի ու մեր Եկեղեցվո գավակներուն, որպեսզի մեր հայրերեն մեզի որպես հոգևոր ժառանգություն ու ավանդություն տրված Հայց. Եկեղեցին կանգուն ու կենսունակ դարձնող քիչի մը վերածենք մեր կյանքը: Ինչքան տեղին է Ձեր խոսքը՝ ուղղված մեր օրերու հայ քրիստոնյային. «Մեր Եկեղեցին է նաև շաղախը ազգային միության և սնուցիչ ամրապնդիչ ուժը մեր գործունեականության...»:

Վեհափառ Տեր, Ձեր գալուստը թող բարի լինի Կանադայի այս օրհնյալ հողի վրա: Տարածեցեք Ձեր օրհնությունները մեր Սուրբ Եկեղեցվո բոլոր գավակներուն վրա անխտիր: Շաղախեցեք բոլորին Քրիստոսի սիրով ու հայրենյաց շունչով այնպես, որ այս նույն ժողովուրդը դառնա նորին ծնունդն ու մարմնավորողը՝ ճանապարհ դեպի Սուրբ Էջմիածին տեսլականով:

Թող Ձեր խոսքն ըլլա այնպես, ինչպես մշակին խոփին խրոմը հողին մեջ, որպեսզի ընդարմանա արտը և պարարտ բերք տա: Փառք Կուտանք Աստուծո այս օրհնաբեր այցելության համար և հանուն թեմի հոգևորականաց, Թեմական Խորհուրդի, Թեմական պատգամավորներուն, Միակամ բոլոր մարմիններուն ու հավատացյալներուն Ձերդ Սրբության կհայտնենք որդիական մեր ջերմ սերն ու հավատարմությունը և մանավանդ գորակցությունը հայրենամկեր ու եկեղեցաշեն Ձեր բոլոր ծրագրերու իրականացման ճանապարհին»:

Ապա Սրբազան Հայրը խորան հրավիրեց Հույն Օրթոդոքս Եկեղեցու առաջնորդ Սոթիքոս արքեպիսկոպոսին: Սրբազան արքեպիսկոպոսը իր և իր համայնքի անունից բարի գալուստ մաղթեց Վեհափառ Հայրապետին, ապա անդրադարձավ հայ ժողովրդի պատմությանը, ողբերգություններին, Մեծ Եղեռնին, ինչպես նաև Հայաստանի անկախությանը և արտասահմանում ապրող հայության տազնապանքին և հայ մնալու գոյապայքարին, հայ և հույն ազգերի ու Եկեղեցիների եղբայրակցությանը՝ իր հրճվանքն ու ուրախությունը հայտնելով Գարեգին Վեհափառի Ամենայն Հայոց Կաթողիկոս ընտրության առթիվ՝ գնահատելով Վեհափառի կարողությունները և իր դրական տպավորությունը 1983 թ., վանկուվերում Վեհափառի ատենապետությամբ գումարված Եկեղեցիների Համաշխարհային Խորհրդի 6-րդ ընդհանուր համագումարից, որի փոխատենապետն էր Վեհափառը:

Այս բոլոր խոսքերից ու բարեմաղթանքներից հետո, քարոզ խոսեց Նորին Սրբությունը: Վեհափառ Հայրապետը խոսքի սկզբում գոհություն և փառք վերառաքեց Ամենակալ և Ամենախնամ Աստծուն՝ այս հոգեղից պահը պարզելու համար: Ապա գնահատանքի խոսք ասաց կանադահայոց ժրաջան առաջնորդ Հովնան սրբազանին և, դառնալով ժողովրդին, պատգամեց՝ ապրել միասնության ու միության եղբայրական հոգով: Մեր իրականության ու ժամանակների թելադրական հրամայականն է սա, որովհետև աշխարհում մկատվող հոգևոր շարժին ու նորոգության շունչին հայ ժողովուրդը չի կարող անմասն և անհաղորդ մնալ: Մեր Հայրենիքը այսօր թեև դժվարությունների և ծանր օրերի միջով է անցնում, բայց ամեն գնով կերտում է իր ազատ ու անկախ ապրելու բնական կյանքը՝ Նոր կյանքի և Նոր Հայրենիքի ու Եկեղեցու տեսլականով:



ՔՈՒՅՐ ԵԿԵՂԵՑԻՆԵՐԻ ՊԵՏԵՐԻ ԵՎ ՆԵՐԿԱԹԱՑՈՒԹԻՉՆԵՐԻ ՀԵՏ



Նորին Սրբությունը անդրադարձավ մարդու կյանքի բաղկացուցիչ ազդակներին և իմաստին՝ ազատության, եղբայրասիրության, ազգասիրության և որպես մարդ ապրելու կյանքի համար նպատակ ունենալու գաղափարին՝ կոչ ուղղելով գորավիզ կանգնել դարերով անկախություն և ազատություն կորցնելուց հետո, հայ ժողովրդի քաջարի զավակների կյանքի և արյան գնով ազատություն և անկախություն նվաճած Հայաստանի հզորացմանը և Հայց. Եկեղեցու՝ Սուրբ Էջմիածնի լույսով հայ ժողովրդի զավակների հոգիները լուսավորելու աշխատանքին:

Խոսքի երկրորդ բաժնում Վեհափառ Հայրապետը, անդրադառնալով քույր եկեղեցիների համագործակցության անհրաժեշտությանը, հայտնեց, որ Հայց. Եկեղեցին չի կարող անտարբեր մնալ այս կարևոր իրադարձության նկատմամբ և ամեն գնով սատար ու գործակից պիտի լինի այդ առաքելության ընթացքին:

Հավարտ Պատարագի Սուրբ Երրորդություն եկեղեցու «Արթինյան» սրահում տեղի ունեցավ հանդիսավոր ընդունելություն:

## ՕՐ ԵՐՐՈՐԴ

### ԱՅՑԵԼՈՒԹՅՈՒՆ «ԶԱՐՈՒԿԱՆ» ԵՎ «ՍՈՒՐԲ ԽԱՀ»

#### ԱԶԳԱՅԻՆ ՎԱՐԺԱՐԱՆՆԵՐ

Ուրբաթ օրը՝ հունվար 26-ի մեծագույն մասը տրամադրված էր դպրոցականներին և երիտասարդությանը: Առավոտյան Վեհափառ Հայրապետն այցելեց ՀԲԸՄ-ի «Զարուկյան» և «Սուրբ Խաչ» ազգային վարժարաններ, որտեղ դիմավորվեց դպրոցների պատասխանատուների, ուսուցչական կազմի և աշակերտության կողմից: Աշակերտները զեղեցիկ հայտագրով ներկայացան և յուրատեսակ բարի գալուստ մաղթեցին Հայոց Հայրիկին, որի հետ հանդիպումը դեռևս երկար ու անջինջ պիտի մնա նրանց մանկական սրտերի և հոգիների մեջ, որպես առաջին հոգևոր և ազգային սերմնացանումն ու ջրտուքը իրենց ապագա գիտակցական կյանքի համար: Վեհափառն իրեն հատուկ մտերմական անմիջականությամբ բառացիորեն գերեց մանուկներին, որոնց հիշողության ծալքերում այս հանդիպումն անկասկած պիտի դրոշմվի իբրև ազգային ինքնությունը հաստատող հուշ ու դրանից բխող գործելու նախանձախնդրություն:

Վեհափառ Հայրապետն իր սրտաբուխ և մանուկներին հասկանալի լեզվով պատգամեց այսօրվանից իսկ հասկանալ և արժևորել Մայր Եկեղեցու և Հայրենիքի դերն ու նշանակությունը: Այս երկու սրբությունները տարիք ու տարածություն չեն ճանաչում, այլ, դուրս գալով այդ շրջանակից, տարածվում են բոլորի վրա անխտիր՝ իրենց մեջ ներառնելով և պարփակելով յուրաքանչյուր հոգու, որ կոչված է հայ լինելու:

**ԱՅԹԵԼՈՒԹՅՈՒՆ ՍՈՒՐԲ ԱՍՏՎԱԾԱԾԻՆ ԵԿԵՂԵՑԻ,  
«ՀԱՅ ԿԵՆՏՐՈՆ» ԵՎ ՀՕՄ-Ի ԱԶԳԱՅԻՆ ՎԱՐԺԱՐԱՆ**



**ՎԵՀԱՓԱՌԸ Ս. ԽԱՉ ԱԶԳԱՅԻՆ ՎԱՐԺԱՐԱՆՈՒՄ**

Նույն օրը, կեսօրից հետո, ժամը 15.00-ին, Վեհափառ Հայրապետն ու իր շքախումբը այցելեցին Սուրբ Աստվածածին եկեղեցի, «Հայ Կենտրոն» և ՀՕՄ-ի ամենօրյա վարժարան:

Նորին Սրբությանը եկեղեցու մուտքին դիմավորեցին Կանադայի և Միացյալ Նահանգների Արևելյան շրջանի Կիլիկյան թեմի Առաջնորդ Մեսրոպ արքեպս. Աշճյանը, եկեղեցու հովիվ Օահեն Ծ. վրդ. Փանոսյանը, թեմական և ծխական խորհուրդների ներկայացուցիչները: Ապա, ՀՕՄ-ի ամենօրյա վարժարանից հայկական տարազներով երկու աշակերտուհիների մատուցած աղ ու հացը օրհնելուց հետո, Վեհափառ Հայրապետը անցավ իրեն ի պատիվ կանգնած ՀԲԸՄ-ի սկաուտների և ՀՀԴ Կանադայի երիտասարդական միության «Սիմոն Զավարյան» մասնաճյուղի անդամների շարքերի միջով և «Հրաշափառ» շարականի երգեցողությանը առաջնորդվեց դեպի եկեղեցու դասը:

Եկեղեցում կատարված կանոնական աղոթքից և առ Աստված գոհաբանական մաղթանքից հետո, Վեհափառ Հայրապետն իր շքախմբով առաջնորդվեց «Հայ Կենտրոնի» սրահ, ուր արդեն իսկ հավաքված էին ՀՕՄ-ի ամենօրյա վարժարանի աշակերտները և բարեպաշտ ժողովուրդը, որոնց թիվը հասնում էր շուրջ 1000 հոգու:

Սրահում Վեհափառին ուղղված բարիգալստյան և ողջույնի խոսքով հանդես եկան Սուրբ Աստվածածին եկեղեցու հովիվ Օահեն Ծ. վրդապետը, Հովնան և Մեսրոպ սրբազանները:



ՀՕՄ-ի ամենօրյա վարժարանի, «Հայ Կենտրոն»-ում գործող բոլոր միությունների և կազմակերպությունների անունից խոսք ասաց թեմի Ազգային վարչության անդամ Պրն. Հարություն Օիթիլյանը:

Այս առիթով «Հայ Կենտրոնի» կողմից Պրն. Հակոբ Զանբազյանը Վեհափառին նվիրեց կանադացի արվեստագետ Բեն Հենրիի արժեքավոր քանդակներից մեկը:

Այնուհետև, այս հուզիչ և սրտակից մթնոլորտում, ներկաներին իր հայրական պատգամն ու օրհնությունը տվեց Վեհափառ Հայրապետը և որում մասնավորապես անդրադարձավ «Հայ Կենտրոնի», հայ դպրոցի և Հայ Եկեղեցու ծրագրերին ու շինությանը՝ հիշատակելով նաև իր ներդրումը այս ափերի վրա որպես հայ գոյատևելու երեք բերդերի կառուցման գործում: Ապա իր անխառն զգացումները հայտնեց կապված Տորոնտոյի հայ գաղութի կազմակերպման աշխատանքների հետ:

Վեհափառը անդրադարձավ նաև իր եկեղեցական 44 տարիների կյանքի ուղուն և, որպես Ամենայն Հայոց Կաթողիկոս, այսօր մոր իրականության անոթն անգամ կոչ արեց՝ ամմացողը լծվել վերոհիշյալ երեք մարզերում անջահախնդիր ծառայության:

Վերջում Վեհափառ Հայրապետը դիտեց վարժարանների միջանցքներում աշակերտների ուսումնական աշխատանքների մոտչմերը:

### ՀԱՆԴԻՊՈՒՄ ՏՈՐՈՆՏՈՅԻ ՀԱՅ ԵՐԻՏԱՍԱՐԳՈՒԹՅԱՆ ՀԵՏ

Երեկոյան ժամը 18.00-ին Ամենայն Հայոց Հայրապետը հանդիպում ունեցավ Տորոնտոյի հայ երիտասարդության հետ: Օրուք 400 երիտասարդներ եկել էին ունկրնդիր լինելու Նորին Սրբության հորդորներին ու պատգամներին, որոնցում մասնավորապես շեշտվեց այսօրվա դժվար կողմնորոշվելիք ժամանակաշրջանում երիտասարդության, մասնավորապես հայ երիտասարդության դերն ու նշանակությունը, մերժումը անցողիկ, չափազանցված վայելքների ու դյուրահաճ կյանքի և անցումը հոգեկան ու հավերժակերտ առաքելության: Ընթանալ կյանքի ու տվյալ միջավայրի թելադրած ճիշտ ուղիով, որդեգրել առաջադեմ, առողջ գաղափարներ, գործոն մասնակցություն բերել կենսական կարևորություն ներկայացնող բնագավառներում, քայց միաժամանակ չկորցնել ազգային դեմքը և հպարտությանը ու արժանապատվությանը պահպանել ինքնությունը, — այս է մերօրյա երիտասարդի ընթանալիք ճանապարհը: Հանդիպման վերջում եղան նաև հարցումներ, որոնց սպառիչ կերպով պատասխաններ տվեց Վեհափառ Հայրապետը:

## ՊԱՇՏՈՆԱԿԱՆ ԺԱՇԿԵՐՈՒՅԹ «ՊԱՊԱՅԱՆ» ՀԱՆԴԻՍԱՍՐԱՀՈՒՄ

Երեկոյան ժամը 20.00-ին ավելի քան 500 հոգի էր հավաքվել ՀԲԸՄ-ի Ալեք Մանուկյան կենտրոնի «Լևոն և Փիրուզ Պապայան» հանդիսասրահում՝ մասնակցելու համար Գարեգին Ա Վեհափառին ի պատիվ կազմակերպած ճաշկերույթին:

Կանադայի և Հայաստանի Հանրապետության պետական օրհներգերի և Հայրապետական մաղթանքի կատարումից հետո, Վեհափառ Հայրապետի բացման աղոթքով սկսվեց ճաշկերույթի պաշտոնական մասը:

Հանդիսավար Պրմ. Ժակ Ստեփանյանը հանուն Կանադահայոց Առաջնորդ Սրբազանի, թեմական խորհրդի ու կազմակերպիչ մարմնի բարի գալուստ մաղթեց Վեհափառ Հայրապետին՝ ասելով. «Վեհափառ Տեր, մեր Հայրենիքի պատմական անկախությամբ ու Զերդ Սրբության Մայր Աթոռ Սուրբ Էջմիածնում զահակալությամբ, համայն հայությունը ինքզինք գտավ նոր իրականություններու առջև: Դուք անկասկած Լուսավորչի անմար կանթեղով պիտի առաջնորդեք մեր Սուրբ Եկեղեցին և հայ հավատացյալ ժողովուրդը անցյալի դժվար ու հերոսական պայմաններեն դեպի 21-րդ դարու լուսավոր ու պայծառ ապագան...»:

Ապա ելույթ ունեցան թեմական խորհրդի ատենապետ Թազվոր Հոբեյանը, ՀՀ Կանադայի լիազոր դեսպան Պրմ. Գառնիկ Նանագույանը, Ամերիկայի Արևելյան թեմի Առաջնորդ Խաժակ Սրբազանը, Կանադայի և Ամերիկայի Արևելյան Կիլիկյան Աթոռի հովանավորությունը վայելող թեմի Առաջնորդ Մեսրոպ Սրբազանը, Կանադայի Հայոց Առաջնորդ Հովնան Սրբազանը: Ելույթներով հանդես եկող թե՛ հոգևոր և թե՛ աշխարհիկ բանախոսները մեկ անգամ ևս մատնանշեցին անկախություն ձեռք բերած Հայրենիքում Հայ Եկեղեցու ունեցած ներկայիս բացառիկ իրավիճակը՝ շեշտելով այդ պայմանները առավելագույն չափով Եկեղեցու պայծառացմանը ծառայեցնելու անհրաժեշտությունը:

Վերջում Հովնան Սրբազանը, շնորհակալություն հայտնելով Վեհափառի այցելության հետ առնչված աշխատանքների մասնակիցներին, թվեց նաև այն ազգայիններին, ովքեր այս առթիվ նվիրատվություններ էին կատարել՝ Էդմոնտոնից Տեր և Տիկին Քրիս Զաքմաքչյանները, Պրմբ. Վահե և Արամ Իշմարները, Տեր և Տիկին Հակոբ Քեսթեքյանները, Տեր և Տիկին Պերո Սվազյանները և ուրիշներ:

Ապա, ներկայացնելով Վեհափառ Հայրապետին, Սրբազան Հայրը հրավիրեց Նորին Սրբությանը տալ իր հայրական պատգամը ներկա ժողովրդին:

Վեհափառ Հայրապետը նախ իր շնորհակալությունը հայտնեց այսքան ջերմ և հոգեբուխ ընդունելության համար: Այնուհետև շեշտեց





**ՎԵՀԱՓԱԹԸ Ս. ՆԵՐՍԵՍ ՇՆՈՐՀԱԼԻ ԾՔԱՆԾԱՆՆ Է ՀԱՆՁՆՈՒՄ  
ՀԱՅԿ ՍԵԼՅԱՆԻՆ**

ներկա հանգրվանի կարևորությունը, որ մեզ վրա դարերի խորքից եկած մեր ժառանգության պահպանման, նորանկախ Հայրենիքի բարգավաճման, Սուրբ Էջմիածնի փառավորման և այս բոլորը Սփյուռքից Հայրենիք միասնականության ճանապարհով առավել ևս առաջ տանելու պատասխանատվությանն է կոչում. «Ինչ որ կհավատանք՝ ապրինք և գործով արտահայտենք: Քանի կհավատանք, որ մեկ է մեր Եկեղեցին, մեկ է մեր ազգը, մեկ է մեր Հայրենիքը, ուրեմն ըլլանք մեկ և գործենք մեկությամբ», եզրափակեց Վեհափառը:

Ժաշկերույթի ընթացքում Վեհափառ Հայրապետի կողմից Պրմ. Հայկ Սեյյանը պարգևատրվեց «Ս. Ներսես Շնորհալի» շքանշանով, որպես վարձատրություն երկար տարիներ Եկեղեցուն մատուցած ծառայությունների համար:

## **ՕՐ ԶՈՐՐՈՐԴ**

**ՀԱՆԴԻՊՈՒՄ Ս. ՍԱՀԱԿ-ՄԵՍՐՈՊ ԾԱԲԱԹՕՐԹԱ ԵՎ ՀԱՅ  
ԿԱԹՈԼԻԿ ՍՈՒՐԲ ԳՐԻԳՈՐ ԼՈՒՍԱՎՈՐԻԶ ԿԻՐԱԿՆՕՐԹԱ  
ՎԱՐԺԱՐԱՆՆԵՐԻ ԱԾԱԿԵՐՏՈՒԹՅԱՆ ՀԵՏ**

Ծաբաթ, հունվար 27-ի առավոտյան ժամը 9.30-ին, Սուրբ Երրորդություն եկեղեցում Գարեգին Ա Հայրապետը հանդիպում ունեցավ Ս. Սահակ և Ս. Մեսրոպ շաբաթօրյա և Հայ Կաթոլիկ Սուրբ Գրիգոր Լուսավորիչ կիրակնօրյա վարժարանների աշակերտության և ուսուցչական կազմերի հետ:

Վեհափառ Հայրապետը, գնահատելով կիրակնօրյա դպրոցի և

շաբաթօրյա վարժարանների աշխատանքը, կարևորեց նրանց առաքելությունը: Վեհափառ թուր աշակերտներին թելադրեց սիրել մայրենի լեզուն, Հայաստանը և Հայ Եկեղեցին: Նա շեշտեց, թե «ամեն երկիր բանակ ունի իր երկրի սահմանները պաշտպանելու համար, իսկ մենք 36 հոգիանոց մի բանակ ունենք, որը պաշտպանում է հայի գոյությունը: Այդ բանակը Հայոց Այրուքենն է»: Պատվիրեց այդ տառերով պաշտպանել և պատերազմել ձուլման ու այլասերման թշնամու դեմ:

Նույն օրը, կեսօրին, ավարտելով Տորոնտո այցելությունը և Մոնրեալ մեկնելուց առաջ, Վեհափառ Հայրապետը «Հորիզոն» շաբաթաթերթին տված հարցազրույցում ասաց. «Ամհունորեն երջանիկ կզգամ, երբ կտեսնեմ մեր ժողովուրդին սիրալիք վերաբերումը Ամենայն Հայոց Կաթողիկոսի այս այցելությամբ:

Խորապես ինքզինքս կզգամ զորացած մեր ժողովուրդի հետզհետե աճող այն կամքովը, որով ինքզինքը կուզե արտահայտել այլևս գործնապես իբրև մեկ Եկեղեցի, իբրև մեկ Հայրենիք և իբրև մեկ ազգ: Ապրի՛ այս ժողովուրդը, որ այսպես գիտե ուղեանալ միության, զորակցության, փոխադարձ եղբայրության զգացումներով և Մայր Հայրենիքը՝ ազատ ու անկախ Հայաստանը, և Մայր Աթոռ Սուրբ Էջմիածինը այլևս ձերբազատված որևէ մեկ տեսակ օտար ազդեցություններից՝ կսպասե իր այն ժողովուրդին և այդ ժողովուրդին ծառայելու մեջ կտեսնե իր գերագույն արժեքն ու շահը»:

## ՎԵՀԱՓԱՌ ՀԱՅՐԱՊԵՏԸ ՄՈՆՐԵԱԼՈՒՄ

### ՕՐ ԱՌԱՋԻՆ

Շաբաթ օրը, հունվարի 27-ին, Տորոնտոյից Ամենայն Հայոց Կաթողիկոս Գարեգին Ա Հայրապետը, հետմիջօրեի ժամը 13.30-ին, ժամանեց Մոնրեալի «Դորվալ» օդանավակայան:

Օդանավի մոտ Վեհափառ Հորը բարի գալուստ մաղթեցին Քվեբեքի կառավարության Դիվանագիտական Խորհրդի գլխավոր պատասխանատու տիար Ժան Ժյուլ Գիլպոն, Ս. Գրիգոր Լուսավորիչ Մայր եկեղեցու հոգևոր հովիվ արժանապատիվ Տ. Զարեհ քահանա Զարգարյանը, Հայրապետական այցելության Մոնրեալի կազմակերպիչ հանձնախմբի ատենապետ, դոկտոր Հարություն Արզումանյանը, ինչպես նաև թեմական խորհրդի անդամներ և պատգամավորներ:

Հակառակ աննպաստ եղանակին, հավատացյալ ժողովրդի խոուներամ բազմությունը փութացել էր դիմավորելու իր Հայրապետին: Հայկական «Արմեն-Քվեբեք» և «Սուրբ Նարեկ» վարժարանների սաները հայկական տարազներով ավանդական աղ ու հաց մատուցեցին Վեհափառ Հայրապետին, որն օրհնելուց հետո, որոտ-



ընդոստ ծափող ջուլներին ուղեկցությամբ մա առաջնորդվեց օդանավակայանի հատուկ հյուրերի սպասարկության սրահը:

Այստեղ առաջնորդ Հովման արքեպիսկոպոսի՝ Մոնրեալ բարիգալստյան խոսքից հետո, Նորին Սրբությունը իր գոհունակությունը հայտնեց կրկին անգամ Մոնրեալ այցելելու առիթով, բայց այս անգամ իբրև Ամենայն Հայոց Կաթողիկոս: Այս ֆրանսերեն տպավորիչ ելույթով շնորհակալություն հայտնեց Բվերեքի և Կանադայի կառավարություններին, ինչպես նաև քաղաքապետարանին՝ հայ ժողովրդի նկատմամբ ցուցաբերած ջերմ ընդունելության համար:

Ի պատասխան Պրմ. Գիլբոն, մահանգային կառավարության անունից, բարի գալուստ մաղթեց Վեհին՝ հայտնելով, թե հայոց հոգևոր պետերի այցելությունները մեծ պատիվ և ուրախ առիթ են ու ողջունելի է իրենց համար:

### ՍՈՒՐԲ ԳՐԻԳՈՐ ԼՈՒՍԱՎՈՐԻՉ ԵԿԵՂԵՑՈՒՄ



Օդանավակայանից Վեհափառ Հայրապետը առաջնորդվեց Սուրբ Գրիգոր Լուսավորչի Մայր եկեղեցի, որտեղ բնության սաստիկ փոթորկումն անգամ տեղի էր տվել հայ հոգու առ իր Հայրապետն ունեցած անխառն սիրո ջերմության առջև և ամբողջ եկեղեցին լեփլեցուն էր ժողովրդի բազմությամբ: Այն կարծես թե օտարակենցաղ իրականության այլասերման ու ձուլման «ջրհեղեղի» մեջ մի մոտ Նոյյան Տապան էր դարձել, ուր Հայրապետի խոսքին ու պատգամին կարոտ բազում հոգիներ էին հավաքվել երկրի զանազան կողմերից:

Սուրբ Գրիգոր Լուսավորչի լուսավորյալ եկեղեցին ևս մեկ անգամ լուսավառվեց Լուսավորչի լուսատեսիլ արժանահաջորդ Գարեգին Ա Ամենայն Հայոց Կաթողիկոսի մոտերով:

Կանոնական աղոթքից հետո, Առաջնորդ Հովման Սրբազանը, լինելով ժողովրդի ակնկալիքների և ապրումների թարգմանը, իր ողջույնի խոսքում ասաց. «...Դուք եկաք բերելու համար ձայնը հայրենյաց և նոր կրակ տալու մեր սիրտերում մեջ անթեղված հավատքի ձայնին: Ձեր օրհնաբեր ներկայությունը մեզ կվերամիավորե հավիտենական Սուրբ Էջմիածնի հովանիին տակ: Դուք կհանդիսանաք նոր ժամանակի ձայնը, նորանկախացյալ մեր երկրի դողանքն ու առաքելականության ոգին՝ Սուրբ Էջմիածինը դարձնելով շաղախը ի Հայաստան և ի սփյուռս մեր ժողովրդի բոլոր գավակներում միջև:

Ձեր գալուստը բարի ի Մոնրեալ: Ձեր խոսքին ու պատգամին մեջ ի միություն կոչեք մեր ազգի ու Եկեղեցվո գավակները, որպեսզի անոնք, հավատքի ու ժականությամբ, իրենց ուներուն վրա բարձր պահեն մեր հայրերու կտակով մեզի փոխանցված հավատքի թարգմանը՝ Հայաստանյայց Առաքելական մեր Մայր Սուրբ Եկեղեցին»:

Ապա Սրբազան Հայրը հրավիրեց Վեհափառ Հայրապետին տալու իր պատգամն ու օրհնությունը: Մայր Աթոռը անվանելով «Հայոց Բեթղեհեն», Վեհափառն ասաց, թե նորանկախ ու ազատ Հայրենիքում, նույնպես ազատ ու անկաշկանդ Մայր Աթոռ Սուրբ Էջմիածնում, վերանորոգված մի կյանք է սկսվել, որը վերանորոգ մոտեցում է պահանջում, որովհետև «մորկավ էինք բաժանված», իսկ հիմա դադարել են այդ մորիկները և պահն է վերամիացման. «Նշանակալից երևույթ մըն է, թե Կիլիկյան Աթոռի Կաթողիկոս մը Ամենայն Հայոց Կաթողիկոս կընտրվի: Այսօր ես նույն մարդն եմ: Իմ հոգիս բաց է բոլորին՝ անկախաբար թե ինչ դիրքի վրա են: Բոլորն ալ տեղ ունին սրտիս մեջ: Այսօր մեր ժողովուրդը պետք ունի հոգևոր «պերեստրոյկայի»... Մենք բոլորս միասնաբար բաղարջ մը կներկայացնենք. եթե բաղարջեն կտոր մը փրթի, կչորնա: Ես ձեզի կբերեմ Էջմիածնի նոր շունչը»:

### ԱՅՑԵԼՈՒԹՅՈՒՆ ՍՈՒՐԲ ՀԱԿՈՐ ԵԿԵՂԵՑԻ

Նույն օրը, երեկոյան, Նորին Սրբությունը իր ամբողջ շքախմբով այցելեց տեղի Սուրբ Հակոբ եկեղեցի, որտեղ դարձյալ խուռներամ

ժողովուրդը լիախուռն բազմությամբ լցրել էր թե՛ եկեղեցին և թե՛ հարակից սրահը: Կիլիկյան Սուրբ Աթոռի հովանին վայելող թեմի Առաջնորդ Մեսրոպ Սրբազանը իր սրտազեղ և հուզումնալից խոսքում նախ ներկայացրեց Վեհափառ Հայրապետին, որ եղել էր վանքի իր ուսուցիչը և իրեն





եպիսկոպոս օծող Կիլիկյան Աթոռի Գահակալը: Ապա, ողջունելով Վեհափառի գալուստը, Նորին Սրբությանը կոչեց կապող օղակ Մայր Հայրենիքի, Արցախի և Սփյուռքի միջև:

Սակայն հուզմունքի ալիքը հասավ իր կիզակետին Վեհափառ Հայրապետի արտասանած խոսքով: Ամենայն Հայոց Հայրապետը ողջուններ հղեց ազատ Մայր Աթոռից, անկախ Մայր Հայրենիքից, մեր դարավոր հուշարձաններից, Արարատից ու Արցախից՝ ասելով. «Այս ճամփորդության սկսելն առաջ Սուրբ Էջմիածնի Իջման խորանին վերջին համբույրս տվի: Ահա այդ համբույրը կբաշխեմ ձեզի իբրև հաղորդություն մեր հավատքի խորանեն ու Մայր Հայրենիքեն»: Ապա հուզումնահեղձ ձայնով ավելացրեց. «Ես երբեք չեմ կրնար Կիլիկյան Աթոռը մոռնալ, ան իմ մարմնույս յուրաքանչյուր թելին մեջն է: Ես այսօր նույն անձն եմ Էջմիածնի մեջ, ինչ որ էի Կիլիկիո մեջ: Միայն թե այսօր իմ բնուս ավելի ծանր է: Այսօր պետք է աշխատենք միասնության համար: Ուրիշ ճամփա չկա: Այսօր, ահա՛, հազվադեպ պատենություն մը կտրվի մեզ կերտելու մեր նոր պատմությունը: Վա՛յ մեզի, եթե փախցնենք Աստուծո կողմն մեզի ընձեռնված այս առիթը: Անցյալին Հայրենիքի ձախորդություններն ու փորձանքները մենք կվերագրեինք բռնակալ պետությանը, որոնց ճիրաններու մեջ կգտնվեր Հայաստանը: Այսօր գո՞ւյ պիտի մեղադրենք, ո՞ւյ պիտի ըլլա մեղավորը, եթե, Աստված մի՛ արասցե, մեր անկախության և մեր մեկ բուռ Հայրենիքի գլխուն փորձանք մը գա: Սուրբ Էջմիածինը՝ մեր վանքերն ու Հայրենիքը պարզապես մեր պատմության վկաները չեն, այլ նոր հանգրվանի սեմին նոր պատմություն կերտելու հրավերներ, որովհետև պատմություն՝ նշանակում է փոփոխություն, այլապես պատմությունը պիտի դադարեր, ինչպես որ եղել էր 1920-ական թվականների քաղաքագետների և ընկերաբանների տրամաբանական եզրակացությունը, թե հայոց պատմությունը այլևս դադարեց: Նրանք սխալվել էին, սակայն և այսօր ահա հազվադեպ մի պատենություն է տրվում մեզ, կերտելու մեր նոր պատմությունը»:

### ՊԱՇՏՈՆԱԿԱՆ ԺԱՇԿԵՐՈՒԹՅՈՒՆ

Երեկոյան «Քուին Էլիզաբեթ» հյուրանոցի «Գրան Սալոնում», մոտավորապես 550 հոգու ներկայությամբ, տեղի ունեցավ պաշտոնական ճաշկերույթ՝ ի պատիվ Վեհափառ Հայրապետի:

Թեմական խորհրդի անունից ողջույնի խոսքով հանդես եկավ Պրմ. Արտո Բասմաջյանը և հույս հայտնեց, թե մեր ժողովրդի պատմության անկյունադարձային այս հանգրվանին Վեհափառի այս անդրանիկ հովվապետական այցելությունը պիտի դառնա նաև անկյունադարձային հանգրվան մեր վերջին հինգ տասնամյակների եկեղեցական պատմության մեջ: Կանադահայ երիտասարդ ու կենսունակ թեմի կողմից նա ամբողջական սեր և հավատարմություն հայտնեց

Մայր Աթոռ Սուրբ Էջմիածնին և նորանկախ Հայրենիքի պետականությանը:

Իր սրտի խոսքում Մեսրոպ Սրբազանը, անդրադառնալով, որ պատմության մեջ շատ կաթողիկոսություններ ենք ունեցել, ասաց. «Անկախաբար, թե ո՞ր միաբանության կապտկանինք, բոլորս ալ Հայ Եկեղեցու զավակներն ենք և Էջմիածնի զանգերու ղողանքը կհնչե մեր բոլորին արտերուն մեջ: Այսօր երկու իրադրություն կա մեր առջև. ա՛յն, որ ժամանակները փոխվեցան, և ա՛յն, որ Գարեգին Վեհափառը իմաստուն քայլը առավ: Աստուծո կամքն էր Հայաստան երթալ և 70 տարվան անկրոն մեր ժողովուրդին համար դառնալ նոր օրերու լուսավորիչը»:

Խաժակ արքեպիսկոպոսը, իր խոսքի համար բնաբան ընտրելով «Ազատություն եղբարց մերոց գերելոց» մաղթանքը, որ ամեն անգամ կրկնվում է Պատարագի ընթացքում, ասաց, որ այն այսօր իրականություն է Հայաստանի համար, որը ձեռք է բերվել արյան թանկ գնով և այն շաղկապվում է հոգևոր ազատության հետ, որպեսզի հարգվեն այդ ազատության բարոյական սահմանումները, և մեր ժողովուրդը առաջնորդվի առողջ, նոր դարաշրջանի կերտման, որում կենսական է Ամենայն Հայոց նորընտիր Հայրապետի դերը. «Ահա՛, նոր ճամփա մը բացված է մեր առջև, ո՛չ միայն արտաքին, այլև հոգևոր ազատության, որուն պետք է հետևինք Վեհափառին առաջնորդությամբ»:

Հաջորդ բանախոսը, Հայաստանի Հանրապետության Կանադայի լիազոր դեսպան Գառնիկ Նանագույանը, շատ դիպուկ կերպով արտահայտվեց՝ ասելով. «Վեհափառ Տեր, Ձեր ընտրությունը նշանակալից էր մեր Հանրապետության համար, և նշմարելի են կրոնական զարգացման նշանները: Ես պատկանում եմ այն սերնդին, որ թեև ուսում ստացավ աթեիստական գաղափարախոսության տակ, սակայն պապս պահեց ընտանեկան ավանդությունը: Ծնունդիցս հետո մա ինձ գաղտնի կնքել տվեց և միայն 17 տարեկանիս հայտնեց հորս: Իմ սրտի խոսքը այն է, որ Հայրենիքի բախտը Հայաստանի և Սփյուռքի ձեռքում է, ապագան մեզնից է կախված: Հայաստանը այսօր կարիքը ունի, վաղը ուշ կլինի: Այն արհեստածին կասկածը, թե արդյո՞ք պետք է օգնել, պե՞տք է ազգային տուրքը տալ՝ վնասաբեր է մեզ համար: Թուրքացիներ մարդու մեջ կա ճորտի մտայնությունը, որից պետք է ձերբազատվել: Ազատությունը կայանում է ճիշտ ընտրություն անելու մեջ: Եթե մտքերում կան կասկածներ, Վեհի այցելությունը պետք է փարատի դրանք: Մեր միասնությամբ կարող ենք Հայաստանը դրախտավայր դարձնել»:

Կանադահայոց Առաջնորդ Հովնան Սրբազանը իր խոսքը սկսեց շնորհակալությունների շարքով բոլոր նրանց, ովքեր մասնակցություն էին բերել Վեհափառ Հայրապետի այցելության հետ առնչված աշխատանքներին, և ապա շեշտեց, թե ժամանակի հրամայականն է՝





ՎԵՀԱՓԱՌԸ Ս. ԳՐԻԳՈՐ ԼՈՒՍԱՎՈՐԻՉ ԵՓԱՆՇԱՆ Է ՀԱՆՁՆՈՒՄ  
ԺԻՐԱՅՐ ԴԵՐՎԻՇՅԱՆԻՆ

տեր կանգնել Մայր Հայրենիքին ու Եկեղեցուն, մեր ազգային իսկության նկարագիրը անադարտ պահելու համար: Ելույթի ավարտին Սրբազան Հայրը հայտարարեց, թե գաղութի ծանոթ ազգայիններից տեր և տիկին Ժիրայր Դերվիշյանները Մայր Աթոռի Գևորգյան Ըմբարանին ի նպաստ նվիրում են 30.000 ԱՄՆ դոլար, ինչպես նաև հաստատում 70.000-ի հիմնադրամ, որի հասույթները պիտի օգտագործվեն Մայր Աթոռի կարիքների համար: Առ ի գնահատություն, Վեհափառը բարերարի կուրծքը զարդարեց Սուրբ Գրիգոր Լուսավորչի Ա կարգի Հայրապետական շքանշանով: Ապա Հովնան Սրբազանը «Այս երեկո հոգու ամրոց կկերտվի, որուն խարիսխը Ձեր ներկայությունն է: Ժամանակի ոգին էք, ժամանակի հրամայականը» խոսքերով հրավիրեց Վեհափառին տալու իր հայրական պատգամը:

Իրեն հատուկ հաղորդականությամբ և խորհմաստությամբ Նորին Սրբությունը զարգացրեց այն գաղափարը, թե դարերի խորքից եկած մեր ազգն ու մեր հավատքը, որի լուռ վկաներն են մեր նորանկախ Հայրենիքը, Լուսավորչահաստատ Սուրբ Էջմիածինը, Մեսրոպակերտ այբուբենը և հարյուրավոր մեր վանքերն ու հուշարձանները, այսօր մեզ բոլորիս դնում են մի նոր հանգրվանի առջև: Անցյալի հալածանքները, որոնցից վերջինը եղավ 1915-ի Ցեղասպանությունը, այլևս հետևում են մնում: Անցել են ոռնանտիզմի և «կեղտոտ հայ» կամ «սոված հայ» որակվելու շրջանները: Այսօր ջարդված ժողովուրդ չենք, այլ ազգ ու Հայրենիք կերտող ժողովուրդ ենք: Այսօր Սուրբ Էջմիածինն ու մեր հնամյա վանքերը սոսկական քարեղեն հուշարձաններ չեն,

այլ մեր պատմությունը շարունակելու հրավերներ: Այսօր մենք մեզ հետ ավելի մոտ ենք, քան երբեք: Անհրաժեշտ է ավելի ամրապնդել միասնականությունը Հայրենիքի ու Սփյուռքի միջև, եկեղեցիների, կուսակցությունների, կազմակերպությունների միջև. «Այս երեկոյթը ես կկոչեմ սիրո սեղան: Ինչպես Միամանթոն կրսե, «յուրաքանչյուրն մեկգմեկու մայվածքին մեջ իր դրախտը կտեսնե», մենք ալ պետք է Հայաստանի դրախտը տեսնենք, երբ կնայինք իրարու աչքին մեջ: Սակայն այդ դրախտը պետք է կառուցվի մե՛ր ձեռքերով: Օհնարարական ու կազմակերպչական ահավոր կարիք կա, ժողովուրդը վերաքրիստոնեացնելու կարիք: Մեր ուզածը օգնություն կամ քաղաքականություն չէ, այլ մասնակցություն: Էջմիածինը առաքելություն է, հոգեկան ու մշակութային ջրտուք, ան ո՛չ թե հաստատություն մըն է, այլ շարժում: Եվ քանի որ մեր Եկեղեցին ազգային է, ան ազգակերտումի մեջ դեր ունի: Մեր հողը չէ, որ հայկական է, այլ այդ հողին շաղախված հոգին է, որ հայկական է: Մենք միայն մեկ Հայրենիք ունինք, ո՛չ երկու, ուստի միասնաբար աշխատինք ազգաշինության համար, քանզի Հայրենիքը «քու որդվոց սուրբ քրտինքով պիտի վերաշինվի: Հիմա է ժամանակը վերապրումի»:

## ՕՐ ԵՐԿՐՈՐԴ

### ՀԱՅՐԱՊԵՏԱԿԱՆ ՊԱՏԱՐԱԳ ՍԵՆ ԺՈՋԵՖ ԵԿԵՂԵՑՈՒՄ



Կիրակի, հունվար 28-ին, Մոմրեալի հռչակավոր Օրաթուար Սեն Ժոզեֆ բազիլիկ եկեղեցում տեղի ունեցավ Հայրապետական աննախընթաց Պատարագ՝ մերկայությամբ ավելի քան 5000 հավատացյալների: Ներկա էին նաև օտար հոգևորական և պետական մերկայացուցիչներ և ՀՀ Կանադայի լիազոր դեսպանը: Երգեցո-



դրությունը կատարվում էր «Կոմիտաս» դպրաց դասի կողմից, որին իրենց մասնակցությունն էին բերում մաս Սուրբ Հակոբ եկեղեցու դպիրներն ու սարկավագները:

Արարողության սկզբնավորությանը մախ, հանուն Քվեբեքի հովվապետ կարդինալ Թյուրքոթի, Սեն Ժոզեֆի վանահայրը ողջունեց Ամենայն Հայոց Կաթողիկոսին և պատիվ համարեց աշխարհի ամենահին եկեղեցիներից մեկի Հովվապետի կողմից Պատարագի մատուցումը այս սրբավայրում: Ապա գեղեցիկ ելույթով Գարեգին Ա Հայրապետը շնորհակալություն և բարձր գնահատանք արտահայտեց քրիստոնեական այս վեհ ու սիրագեղ ոգու համար:

Հընթացս Ս. Պատարագի, ներկաներին Առաջնորդ Հովման սրբազանը ֆրանսերենով ու հայերենով ողջունեց ու ներկայացրեց Վեհափառ Հայրապետին՝ շեշտելով, թե Վեհափառի այս առաջին այցելությունը զուգադիպում է երկու կարևոր առաքելությունների՝ Հայաստանում Քրիստոնեության հաստատման 1700-ամյակի պատրաստություններին և Կանադայի հայկական գաղութի հարյուրամյակին:



Այնուհետև Վեհափառ Հայրապետը մախ ֆրանսերենով շեշտեց ոգեղեն արժեքների պահպանման կարևորությունը՝ մակերեսային, զգայաբանական և սպառողական ապրելակերպի այժմ տիրող պայմաններում: Ապա հայերեն քարոզում, որի բնաբանն էր Տաղանդների առակը (Մատթ. ԻԵ 14-30), ուր քարի ու հավատարիմ ծառան իր ստացածը կրկնապատկում է իր աշխատանքով, անդրադարձավ, որ մենք մույնպես մեզ տրված աստվածային շնորհներն ու պարգևները պետք է ի սպաս դնենք ազգաշինության ու եկեղեցաշինության համար. «Յուրաքանչյուր մարդու և

յուրաքանչյուր հայու մախախնամութենեն տրված շնորհքներն ու

կարողությունները պետք է ի սպաս դնել մարդկության և մեր ազգին ի նպաստ, մեր կյանքը իմաստավորելու համար, այլապես խոտի մման կուգանք ու կերթանք: Քրիստոնեությունը փիլիսոփայությունն է, այլ ապրելու եղանակ մը, որ կ'իմաստավորվի արդյունք առաջ բերելով: 1915-ին մեր հայրերը հացի պակասեն մեռան, իսկ այսօր մենք հացի առատութենեն կ'մեռնինք, շոսայության ու սնապաշտության կուռքերուն առատ խուցկ կծխինք: Ես Կաթողիկոս չեմ եղած ձեզ գովաբանելու համար, երբ կտեսնեմ, թե Աստուծո տված բարիքը հումպետս կվատնեք, պարտավորություն ունիմ վերաթնության հրավիրել ձեզ: Ով որ կըսե զԱստված կսիրե, բայց իր եղբայրը չի սիրեր, ստախոս է»: Այսպիսի հորդորներով Հայրապետը մատնանշեց նաև, որ ծայրահեղ աշխարհայնապաշտությունը մթազնուծ է հոգին՝ գեղեցիկ համեմատությամբ և գերազանցությամբ պարզելով և ցույց տալով այն սրբություններն ու հոգեկան արժեքները, որոնց շուրջ պարտավոր է հավաքվել ողջ հայ ժողովուրդը. «Ինչպես հին իսրայելացիներու ուխտի տապանակը երեք առարկա կ'պարունակեր՝ տասը պատվիրանները, երկինքն իջած մանանան և Ահարոնի ծաղկած գավազանը, նույնպես ալ այսօրվան տապանակը մեր սիրտն է, որուն մեջ պետք է գետեղենք Լուսավորչի կանթեղը՝ լույսը Էջմիածնի պրիսմակեն, երկինքն իջած Ա, Բ, Գ-ը և Վարդանի սուրը»:

Պատարագից հետո տաճարի ներքնասրահում տեղի ունեցավ ընդունելություն ի պատիվ Վեհափառ Հայրապետի առիթ տալով օտար հյուրերին ավելի մոտիկից ծանոթանալու Նորին Սրբությանը: Այն հնարավորություն տվեց արտի խոսք ուղղելու Վեհափառին և տպավորություններ գրանցել այցելուների Հուշամատյանում: Հյուրերի մեջ էին Մոնրեալի քաղաքապետարանի Գործադիր հանձնախմբի նախագահ Նուշիկ Էլոյանը, խորհրդականներ Հասսիկ Բելելին ու Ժակ Չատրջյանը:

### ՎԵՀԱՓԱՌ ԷՎԵՐԱՊԵՏԻ ԶՐՈՒՅՑԸ

#### ԵՐԻՏԱՍԱՐԴՈՒԹՅԱՆ ՀԵՏ

Հունվարի 28-ի երեկոյան ժամը 20.00-ին Սուրբ Գրիգոր Լուսավորիչ եկեղեցու «Մարի Մանուկյան» սրահում հավաքված մոտ 400 երիտասարդներ թերևս առաջին անգամն էր, որ երկխոսության մեջ էին մտնում Ամենայն Հայոց Կաթողիկոսի հետ: Թեև հավաքը երիտասարդների համար էր, բայց ներկաների մեջ քիչ չէին նաև տարբեր տարիքի ու հետաքրքրությունների տեր մարդիկ:

Այս հանդիպմանը մասնակցում էին Մոնրեալի հետևյալ երիտասարդական կազմակերպությունները. ACYOC-Laval, ACYOC-Montreal, AGBU, ARFYOC, SAIYA, Հայ Կաթողիկե երիտ. միություն, Թեքելան երիտ. Հանձնախումբ և Կոնկորդիա, Մաք Կիլ և Մոնրեալի համալսարանական միությունները:



իր խոսքի մեջ Նորին Արքեպիսկոպոսը հայտնեց, թե 1996 թվականը որոշված էր նկատել հայ երիտասարդության տարի, և համագործակցությամբ Հյուսիսային Ամերիկայի Առաջնորդների ծրագրեր պետք է մշակվեն հայ կյանքից ներս հայ երիտասարդին ավելի գործոն դարձնելու համար: Դյուրահաղորդ ոճով Վեհափառը կարողացավ գրավել բոլոր երիտասարդների մտքերն ու սրտերը ու հորդորեց կառչել մնալուն արժեքների, իմաստավորել իրենց կյանքը նպատակներով և իդեալներով՝ առանց տարվելու միայն զգայարամներին գոհացում տվող անցողիկ հաճույքներից:

Ներածական խոսքում Վեհափառը ծանրացավ մարդկային կյանքում հիմնական նշանակություն ունեցող մի քանի ճշմարտությունների վրա:

Առաջինն այն էր, թե երիտասարդությունը պետք է հասկանա այն հստակ զատորոշումը, որ կա ճշմարտության տեսաբանական և գոյութենաբանական հասկացողությունների միջև. «Տեսաբանականը լոկ իմացական գործողությունն է՝ մտքով կրացատրենք կամ կսահմանենք ճշմարտությունը, մինչդեռ գոյութենական իմաստը այն է, թե պետք է ճշմարտությունը ուղղակի ապրիլ, ճշմարտությունը սեփական կյանքով արտացոլել: Քրիստոս ո՛չ թե ճշմարտության մասին խոսեցավ, այլ ճշմարտություն եղավ: Ան ըսավ. «Ես եմ ճշմարտությունը» և ոչ թե «Ես գիտեմ ճշմարտությունը» կամ «Ես կխոսիմ ճշմարտության մասին»: Ըշմարտությունը մեր կյանքին ու էության մաս պետք է կազմեն»: Օգտագործելով Ներսես Ծնորհալու մեկ պատկերը, Վեհափառն ասաց, թե «Ըշմարտությունը պետք չէ անցնի մարդուն մեջեն»՝ ինչպես ջուրը կանցնի խողովակի մը մեջեն, այլ պետք է մաս կազմի մարդուս էության այնպես, ինչպես որ սպումզը կներծծե ու կպահե ջուրը»:

Երկրորդ կարևոր կետը այն էր, թե երիտասարդությունը ընդհանրապես նկատվում է որպես տենչ ու հեռանկար ունեցող սերունդ: Պատմության մեջ մեծագույն առաջադիմություններն ու սխրագործությունները եղել են երիտասարդ սերունդների կողմից և «հարկավոր է, որ երիտասարդությունը իրմե սպասած առաքելության գիտակցությունը ունենա: Մարդ երկու անգամ կծնի՝ առաջինը բնական ծնունդն է, իսկ երկրորդը այն պահն է, երբ անհատը իր էության մեջ կզգա, թե ի՞նչ բանի համար ծնած է: Յուրաքանչյուր երիտասարդ պետք է կոչում մը զգա կամ ստանա, և այդ կոչումին իրագործմանը համար պետք է պատրաստվի իր երիտասարդության օրերուն: Ի՞նչ ըրած է հայ երիտասարդությունը: Տանք ժամանակագրականորեն երկու ծայրահեղ օրինակներ: Ո՞վ կերտեց Ե դարու Ռսկեդարը և ԺԹ դարու Զարթոնքը: Պատմական հսկայական նշանակություն ունեցող երկու հեղաշրջումներ, ահա որոնք ապահովեցին հայ ազգին, եթե ոչ անպայման քաղաքական, այլ մշակութային ինքնուրույնությունն ու գոյատևումը:

երիտասարդ սերունդներ էին անոնք, կրթված օրվան մատչելի քարժրագույն ուսումնարաններում մեք, որոնք առավելաբար ունեին կոչում մը, տենչ մը, հեռանկար մը ազգին ու Հայրենիքին ծառայելու և ա՛յսպիսով իրազործեցին հսկայական նվաճումներ: Մեր այսօրվան երիտասարդությունը նվազ ընդունակ չէ: Պատմությունը սորվիլ չի բավեր, այլ պետք է պատմությունը կերտել: Մեր երիտասարդությունը օժտված է ամսահման կարողականությամբ, սակայն այս կարողակա-  
նությունը պետք է գործի վերածել՝ աշխատանքի արդյունքի»:

Գալով երրորդ կետին, նշեց, որ «երիտասարդությունը այսօր մեծ տագնապ մը կանցնե: Սա ընդհանուր երևույթ մըն է՝ ո՛չ միայն հատուկ հայ երիտասարդության: Սակայն հայ երիտասարդությունը կպարտի առավել աչալուրջ ըլլալ: Սա արդիականության տագնապն է, որուն կընկերանա, դժբախտաբար, պատասխանատվության զգացումի պակասը երիտասարդության մոտ: Այն, ինչ որ կկոչվի Արևմտյան մշակույթ, հույժ ավերիչ ազդեցություն ունի նոր սերունդին վրա, գլխա-  
վորաբար այն պատճառով, որ ամբողջ շեշտը կդնե լոկ հեշտանքի, զգայարանքներու ցանկությանց հագեցման վրա, որ կսպառնա հոգեկան ու իմացական գեղեցկություններն դատարկեցնելու ան-  
հատին կյանքը: Այն, ինչ որ կհրամցվի որպես արդիական երաժշտու-  
թյուն կամ կենցաղային վարմունքի այսպես-կոչեցյալ արդիական ու  
«ազատագրյալ» ընթացք, ունի երիտասարդությանը գերող ազդեցություն, որ միաժամանակ սպառողական հասարակության լարած ծուղակներեն մին է: Այս երևույթը ահավոր վտանգ մըն է մահ  
Հայաստանի երիտասարդության համար, որուն դեմ պետք է պայքարիլ  
կրթական ու կրոնական դաստիարակման բոլոր միջոցներով:

Սպառողական դրությունը, որ հիմնված է անխտրականորեն ապրանքի առավելագույն սպառումը քաջալերելու սկզբունքի վրա, այս անկաշկանդ գնացքով պիտի հանգի մեր երիտասարդության հոգեկան ու իմացական ուժերուն քայքայումին, եթե անոնք անփո-  
թորեն անձնատուր ըլլան անոր կործանիչ հորձանուտին: Այսու-  
հանդերձ հույժ խրախուսական է, որ տակավին կան երիտասարդ-  
ներու ստվար խումբեր, մտացի, լուրջ ու գիտակից, որոնք այս հոսան-  
քեն չեն քշված: Լուռ զանգված մը կկազմեն անոնք, հետամուտ իրենց  
կյանքի վսեմ նպատակներուն: Մեր երիտասարդները պետք է  
գիտնան, որ այս հոսանքները անցավոր են, ոչ մեկ մնայուն արժեք  
կներկայացնեն և ինչպես որ ցորենը կամելու ժամանակ զայն թիով  
օդ կնետեն, որպեսզի քամին հարդը տանի ու ցորենը մնա, նույնպես  
ալ նոր սերունդը պետք է գիտնա ցորենը պահել ու հարդը քամիին  
տալ: Հիշեցեք, երիտասարդներ, որ եթե ծառը գարնան ծաղկած չէ,  
իզուր է աշմանն անկե պտուղ սպասել»:

Այս հորդորներից հետո վեհափառը պատասխանեց հավաքված-  
ների հարցերին: Ժամանակը թույլ տվեց, որ միայն 13 երիտասարդներ



կարողանան հարցեր տալ, որոնք արտահայտում էին նրանց արդարացի մտահոգությունները: Վեհափառ Հայրապետը յուրաքանչյուր հարցին պատասխանեց հանգամանորեն՝ իր բացատրությունները ճոխացնելով անձնական փորձառության դասերով, դրանք օգտագործելով խորհուրդի և խրատի համար:

## ՕՐ ԵՐՐՈՐԴ

### ԱՅՑԵԼՈՒԹՅՈՒՆ ՄՈՆԻՏԱԼԻ ՀԱՅ ՎԱՐԺԱՐԱՆՆԵՐ

#### ՀԲԸՄ ԱԼԵՔ ՄԱՆՈՒԿՅԱՆ ՎԱՐԺԱՐԱՆ

Երկուշաբթի, հունվարի 29-ին, Գարեգին Ա Վեհափառը կեսօրվա ժամերը հատկացրեց քաղաքի հայկական վարժարաններ այցելելուն:



ԱԼԵՔ ՄԱՆՈՒԿՅԱՆ ՎԱՐԺԱՐԱՆՈՒՄ

Առավոտյան ժամը 09.30-ին Վեհափառ Հայրապետը այցելեց ՀԲԸՄ «Ալեք Մանուկյան» վարժարան, ուր նրան դիմավորեցին մեծ խանդավառությամբ:

Այս առիթով պատրաստված հանդեսը դպրոցի «Կեոնճյան» սրահում սկսեց կանադայի, Հայաստանի և ՀԲԸՄ-ի քաղերգներով՝ աշակերտների կատարումով: Բացման խոսքով հանդես եկավ տնօրենուհի տիկ. Պալյանը, որը ուրախության և ակնածանքի խոսքերով ողջունեց Ամենայն Հայոց նորընտիր Հայրապետին: Աշակերտների կողմից ներկայացված գեղարվեստական ծրագրից և ողջույնի խոսքերից հետո, ելույթ ունեցավ դպրոցի հիմնադիր և «Արմեն Բվերեք» հիմնարկի նախագահ դոկտոր Արշավիր Կեոնճյանը, որ ֆրանսերենով ներկայացրեց Վեհափառին՝ ներկաներին փոխանցելով

այս պատմական պահի իմաստն ու տարողությունը: Նա մասնավորապես շեշտեց Արարատի և Սուրբ Էջմիածնի խոր նշանակությունը յուրաքանչյուր հայի համար ու Ամենայն Հայոց Կաթողիկոսի անձը որպես խորհրդանիշ Հայաստանյայց Առաքելական Սուրբ Եկեղեցու: Ապա իր մույնիմաստ խոսքերով ելույթը ավարտեց հայերենով:

Որդիական ողջույնի խոսքով հակիրճ ելույթ ունեցավ Կանադայի Էջմիածնական թեմի առաջնորդ Հովնան արքեպիսկոպոս Տերտերյանը, որ այնուհետև հրավիրեց Վեհափառ Հայրապետին՝ ներկաներին տալու իր հայրական պատգամը:

Գարեգին Վեհափառը իրեն հատուկ տպավորիչ արտահայտություններով, աշակերտներին մատչելի և հասկանալի ռոնով, իր խոսքի սկզբից իսկ հաղորդակցության ջերմ կապ ստեղծեց՝ առիճքնելով փոքրիկներին, որոնք խանդավառությամբ պատասխանեցին իր հարցումներին: Վեհափառը հատկապես շեշտեց մայրենի լեզուն լավ սովորելու անհրաժեշտությունը, հիշեց Հայաստանի և Արցախի իրենց հասակակիցների դիմագրաված դժվարությունները և գնահատեց «Ալեք Մանուկյան» վարժարանից ներս տարված աշխատանքը՝ միլիոնավ տնօրենուհու և ուսուցչական կազմի կողմից:

Միաբերան արտասանված Տերունական աղոթքով և Վեհափառի «Պահպանիչ»-ով ավարտվեց պատմական այս հանդիսությունը:

#### ԱՅՑԵԼՈՒԹՅՈՒՆ ՍՈՒՐԲ ՀԱԿՈՒ ԱԶԳԱՅԻՆ ՎԱՐԺԱՐԱՆ

«Ալեք Մանուկյան» վարժարան այցելելուց հետո, ժամը 11.00-ին, Վեհափառ Հայրապետը իր շքախմբով այցելեց Սուրբ Հակոբ Ազգային Երկրորդական Վարդգես և Աստղիկ Սարաֆյան նախակրթարան, որտեղ ծափողջույններով և մեծ ուրախությամբ դիմավորվեց ուսուցչական կազմի և աշակերտության կողմից, վարժարանի Բաստրմաջյան սրահում:

Այս այցելությանը ներկա էին հայ և օտար մամուլի ու հեռուստատեսության ներկայացուցիչներ ու թղթակիցիներ:

Հանդիսությունը սկսեց Վեհափառի մուտքին երգված «Հրաշափառ»-ով, «Հայրապետական մաղթանք»-ով և «Էջ Միածինն ի Հօրէ» շարականներով: Այնուհետև աշակերտության անունից արտասանված խոսքից և ապա հանուն ուսուցչական կազմի վարժարանի ընդհանուր տնօրեն արն. Հակոբ Բուլգարյանի ելույթից ու ներկայացված գեղարվեստական հայտագրից հետո, Վեհափառ Հայրապետին ներկայացնելու համար ելույթ ունեցավ Սուրբ Հակոբ Մայր եկեղեցու հովիվ Տ. Ավագ քհն. Իշխանյանը: Տեր Հայրը հակիրճ խոսքով ներկաներին պատմեց Վեհափառ Հոր կողմից ավելի քան քսան տարիներ առաջ իր քահանա ձեռնադրվելու մասին, երբ որպես Գարեգին արք. Սարգիսյան առաջնորդն էր Արևելյան Ամերիկայի և Կանադայի Կիլիկյան թեմի:



Հանդիսությունը եզրափակվեց Վեհափառ Հայրապետի հուզիչ և սրտազրափ խոսքով: Վեհափառը Հայրապետական այցելության այս օրը որակեց որպես «Հայ դպրոցի օր Հովվապետական այցելության պատմության մեջ»: Ապա Վեհափառ Հայրապետը, շարունակելով իր խոսքը, անդրադարձավ այս դպրոցի ստեղծման պատմությանը, որին մասնակից է եղել մաս ինքը՝ լիմելով նրա կնքահայրերից մեկը: Ապա իր ուրախությունը հայտնեց այդ օրերից մինչև այսօր տեղի ունեցած աշակերտության աճի և մկատվող կենդանության համար: Այսօրվա սերունդը Մայր Հայրենիքի արմատների վերընձնուղուժով, Ազատ ու Անկախ պետության վերհույակուժով չէ այն, ինչ որ էր նախկինում, այլ բախտավոր, բայց միևնույն ժամանակ պարտավոր սերունդ է. «Եկեղեցի, Հայրենիք, պետություն, լեզու, ամեն բանն վեր է, ասոնց մեջ պետք է ըլլանք այնպես գոտեպնդված, որ մեր մարմինը այդ գոտիով ամուր մնա, այլապես կտկարանանք ու կթուլանանք: Ազատությունը պարտավորություն ու պարտականություն է: Հանձնառություն ստանձնել է պետք»:

Ապա Վեհափառ Հայրապետը ֆրանսերենով ամփոփ վերաշարադրեց իր խոսքը: Ավարտին, Գարեգին Վեհափառը քաջալերական ու երախտագիտական խոսք փոխանցեց Սուրբ Հակոբ Ազգային վարժարանի բարերար Տեր և Տիկին Վարդգես և Աստղիկ Սարաֆյանների՝ հիշելով, որ նրանք անշահախնդիր և առատորեն նվիրատվություններ են կատարել թե՛ Անթիլիասին և թե՛ Էջմիածնին հավասարապես:

#### ԱՅՑԵԼՈՒԹՅՈՒՆ ՀԱՅ ԿԱԹՈՂԻԿԵ ՆԱՐԵԿԹԱՆ ՎԱՐԺԱՐԱՆ



Վեհափառ Հայրապետի՝ հայ վարժարաններին տված այցելության երրորդ հանգրվանը եղավ կաթոլիկ հայերի Նարեկյան վարժարանը,

որտեղ Վեհափառի այցելությունը ողջունեցին համայնքապետ Գևորգ վրդ. Զապարյանը, վարժարանի տնօրեն Պողոս վրդ. Գազանճյանը, ուսուցչական կազմը, աշակերտությունը, ծնողները և հյուրերը:

Հանդիսավոր ընդունելության բացումը կատարեց Գևորգ վրդ. Զապարյանը: Նա, հանուն Մոնրեալի կաթոլիկ հայ համայնքի, Վեհափառին ողջունեց որպես Ամենայն Հայոց Հայրապետ՝ իր անհուն գոհունակությունը և խոր շնորհակալությունը հայտնելով այս շնորհաբեր այցելության համար, քանի որ Վեհափառը հայտագրում անխտրաբար տեղ է հատկացրել մաս կաթոլիկ հայ համայնքին: Նա իր ջերմ համոզմունքը հայտնեց, որ ամբողջ հայ ժողովուրդը միասնական ու ամբողջական ճիգերով պետք է սատար կանգնի Հայրենիքի կերտումին և իր դավանական ու վարչական բաժանումներով հանդերձ մեկ ու միասնական պետք է լինի Հայ Եկեղեցին:

Ապա աշակերտության կողմից գործադրվեց խնամքով մշակված հայտագիրը, որը խոր տպավորություն թողեց Վեհափառ Հայրապետի և ներկաների վրա:

Հանդիսության փակումը կատարեց Նարեկյան վարժարանի տնօրեն Պողոս վրդ. Գազանճյանը: Նա Վեհափառ Հայրապետին ուղղած իր ողջույնի և շնորհակալության խոսքում անդրադարձավ տարիներ առաջ Նորին Սրբության՝ Հոռմի Լևոնյան վարժարան տված այցելությանը, այն ժամանակ, երբ ինքը ուսանող էր այնտեղ, և հիշեց այն խոր տպավորությունը, որ կրել էր այժմ Ամենայն Հայոց Կաթողիկոս դարձած Գարեգին Սրբազանից:

«Այս վարժարանեն ներս,- ավելացրեց Պողոս վարդապետը,- մեր անունը կուզենք արժանապես պահել Նարեկ վարժարան: Ինչպես Նարեկացին և իր ընկերները հայ ժողովուրդին սրտին մեջ լույսը սփռեցին գիտության և աստվածաբանության, նույնպես և մենք այդ կրճենք մեր այս փոքրիկներուն սրտերուն մեջ»: Տնօրեն Հայր Սուրբը իր խոսքն ավարտեց՝ խնդրելով, որ Վեհափառ Հայրապետն իր օրհնության խոսքն ուղղի աշակերտությանն ու ներկաներին:

Վեհափառ Հայրապետը աղը, հացն ու գինին՝ ավանդական խորհրդանիշը համերաշխության և եղբայրության, օրհնելուց հետո, իրեն հատուկ պերճախոսությամբ ու պարզությամբ հայրական խոսքն ուղղեց աշակերտությանը՝ մերթ ևրանց հետ մանկանալով և մերթ իր խորիմաստ հորդորը տալով ներկաների միջոցով համայն հայ ժողովրդին՝ վեր կանգնել պառակտումներից, պահելու-պահպանելու Հայ Եկեղեցու միասնականությունը և անսակարկ կերպով նվիրվելու նորանկախ Հայաստանի հզորացման ու հավերժացման գործին: Նորին Սրբությունը ջերմորեն շնորհավորեց Նարեկյան վարժարանի աշակերտությանը այս գեղեցիկ հանդիսության համար, գնահատեց տնօրենությանը և ուսուցչական կազմին՝ վարժարանից ներս կատարած հայապահպանման սքանչելի աշխատանքի համար, և իր



օրհնությունն ու ողջույնները հղեց Մոմրեալի կաթոլիկ հայերի համայնքին:

Այս, վարժարանի զանազան մասերը այցելելուց և ուսուցչական կազմի ու աշակերտության հետ նկարվելուց հետո, Վեհափառ Հայրապետը հրաժեշտ տվեց Նարեկյան վարժարանին:

Վեհափառ Հայրապետը գաղութի այս երեք ամենօրյա վարժարաններին տված այցելություններով, ինչպես այլուր, այստեղ ևս անպատմելի ոգևորություն առաջ բերեց: Նորին Սրբությունը ակներևաբար հուզված էր՝ տեսնելով օտար միջավայրում բարբառող, հայերեն երգ ու արտասանությամբ հանդես եկող հարյուրավոր երեխաների, արժանապես գնահատելով ազգային ոգին ու հավատքը վառ պահելու ուղղությամբ կրթական այդ հաստատությունների թափած ջանքերը: Դժվար է ասել, թե այդ այցելություններից ո՛վ էր ավելի տպավորված. ի՞նչը՝ Վեհափառը, ում համար մանուկների աշխարհը հոգեկան վայելք է, թե՞ իրեն հյուրընկալողները, որոնք սրտի թրթիռով պիտի մտաբերեն սիրելի Վեհափառի՝ իրենց տված խրատները, նրա սրամիտ կատակները, բարի ու անկեղծ ժպիտը:

#### ԱՄԵՆԱԹՆ ՀԱՅՈՑ ՀԱՅՐԱՊԵՏԸ ՄՈՆԵՐԱԼԻ ՔԱՂԱՔԱՊԵՏԱՐԱՆՈՒՄ



Երկուշաբթի, հունվար 29-ի կեսօրից հետո, Մոմրեալի քաղաքապետը ճաշկերույթ-ընդունելությամբ պատվեց Ամենայն Հայոց Հայրապետին: Այդ օրը զուգադիպում էր նահանգային մոր վարչապետի և իր դահլիճի երդման արարողությանը, որի պատճառով Մոմ-

րեալի քաղաքապետ պրն. Պիեռ Բուրգը պարտավորված էր գտնվել մայրաքաղաք Քվեբեկում: Նրա բացակայության, քաղաքապետարանի խորհրդի նախագահ օր. Նուշիկ Էլոյանը բարի գալուստ մաղթեց Վեհափառ Հայրապետին և շքախմբի մաս կազմող հոգևոր և աշխարհիկ դասի ներկայացուցիչներին, ինչպես նաև տեղի քույր Եկեղեցիների առաջնորդներին և իսլամ կրոնապետին: Քաղաքական դեմքերից այս հանդիպմանը ներկա էին Կանադայի Սենատի անդամ պրն. Մարսել Բոյուտոմը, քաղաքապետի փոխանորդն ու քաղաքապետարանի խորհրդի երկու հայ անդամներ՝ տիկ. Հասմիկ Բելեյին և մեթո ժակ Չատրջյանը: Դիվանագիտական շրջանակներից ներկա էին Միացյալ Նահանգների, Ռուսաստանի և Լիբանանի հյուպատոսները:

Ֆրանսերենով արտասանված իր խոսքում օր. Նուշիկ Էլոյանը ներկայացրեց Վեհափառ Հայրապետին, ում ճանաչել էր մանկությունից, որպես նվիրումի, ծառայասիրության և մարդկային արժեքների ջատագով օրինակելի անձնավորության, միջազգային, կրոնական և ընկերային հաստատությունների աշխույժ կապերով ու փորձառությամբ օժտված հոգևորականի:

Պատասխանելույթով Վեհափառ Հայրապետն իր գոհունակությունը հայտնեց, որ աշխարհի մեծագույն քաղաքներից մեկի՝ Մոնրեալի քաղաքապետարանում երկար տարիներ առաջ իր մկրտած մանուկ աղջնակը այսօր դիմավորում է իրեն: Այնուհետև Վեհափառը խնդրեց օր. Էլոյանին՝ իր շնորհակալությունները փոխանցել քաղաքապետ պրն. Բուրգին՝ այս գեղեցիկ քաղաքում և նահանգում հայ ժողովրդի հանդեպ ցուցաբերած հյուրընկալության համար: Այնուհետև Նորին Սրբությունը ավելացրեց, թե հայ ժողովուրդը գիտի երկխոսությամբ, քան թե պայքարով համերաշխ կյանք ստեղծել, այդպես էր, որ կարողացավ համերաշխորեն ապրել Միջին Արևելյան ընդհանրապես իսլամ հյուրընկալ երկրներում և այսօր ապրում է նաև Ամերիկայի և Կանադայի ազատ երկրներում: Այսօրվա գլխավոր ընկերային մի հարցի անդրադառնալով, Վեհափառը մեջ, որ կապը խզվել է երիտասարդության հետ և այդ կապը նորոգելու համար երկխոսությունը նույպես անհրաժեշտ է:

Անդրադառնալով Միջին Արևելքին, Վեհը շեշտեց, թե այսօր այնտեղ պայքարը դադարել է, և մարդիկ փորձում են երկխոսության միջոցով ճանապարհ հարթել: Նորին Սրբությունը, ավարտելով իր խոսքը, մաղթեց, որ ժողովրդի մեջ տիրապետի մարդկային արժեքների և բարոյական սկզբունքների գիտակցությունը, որը հիմքն է կազմում մարդկային ընկերության առողջ զարգացման:

Քաղաքապետարանի բարձրաստիճան հյուրերին վերապահված տոմարը ստորագրելուց հետո, Վեհափառ Հայրապետը քաղաքապետարանին նվիրեց «Էջմիածնի Գանձեր» պատկառելի գեղեցկազարդ



հատորը և Էջմիածնի քանդակով ճենապակյա մի բաժակ՝ անձնապես քաղաքապետ պրն. Բուրգին:

Այս տեղի ունեցավ պաշտոնական ճաշկերույթ, որի ավարտին օր. Նուշիկ Էդյանը Վեհափառ Հայրապետին, հանուն քաղաքապետի, գրասեղանի գեղեցիկ ժամացույց նվիրեց՝ որպես հիշատակ Մոմրեալ այցելության: Առաջնորդ Հովնան Սրբազանի շնորհակալության խոսքով ավարտվեց այս տպավորիչ հյուրասիրությունը:

**ՀԱՆՐԻՊՈՒՄ ԱԶԳԱՅԻՆ- ԵԿԵՂԵՑԱԿԱՆ  
ԿԱՌՈՒՅԾՆԵՐԸ ՆԵՐԿԱՑԱՑՆՈՂ ՎԱՐՉԱԿԱՆ  
ՄԱՐՄԻՆԵՐԻ ՀԵՏ**



Քաղաքապետարանի ընդունելությունից հետո, Վեհափառ Հայրապետն ու իր շքախումբը փութացին Սուրբ Գրիգոր Լուսավորիչ Մայր եկեղեցի, ուր Մարի Մանուկյան սրահը ամբողջությամբ լցնող տեղի շուրջ 30 կազմակերպությունների վարչական լրիվ կազմերը եկել էին ունկնդրելու Ամենայն Հայոց Հայրապետի պատգամը և հրաժեշտ տալու նրան: Հակառակ երկար ու ծանրաբեռնված օրվա երկարատև ժամեր տևած հոգնածության, Վեհափառը խանդավառությամբ խոսեց ինքնության գիտակցության գաղափարի մասին, որ ճիշտ բնորոշվում է հաստատ մի էության հետ իր կապով, իսկ այդ հաստատուն կետը, որ երաշխավորում է սփյուռքահայի ինքնությունը, Մայր Հայաստանն է ու Մայր Աթոռ Սուրբ Էջմիածինը:

Սա Մոմրեալի հայ համայնքի վերջին հավաք-հանդիպումն էր Ամենայն Հայոց Հայրապետի հետ, որով ավարտվեց Վեհափառ Հայրապետի եռօրյա անդրանիկ հովվապետական խտացյալ այցելությունը Մոմրեալի գաղութին:

## ՎԵՀԱՓԱՌ ՀԱՅՐԱՊԵՏԻ ՄԻՕՐԾԱ ԱՅԹԸ ԿԱՆԱԴԱՅԻ ՄԱՅՐԱՔԱՂԱՔ ՕՏՏԱՎԱ

Երկուշաբթի, հունվարի 30-ին, Ամենայն Հայոց Հայրապետն իր Հովվապետական այցելության ընթացքին շքախմբով, որին մաս էին կազմում Հովնան, Խաժակ և Մեսրոպ Սրբազաններն ու թեմի եկեղեցականները, Մոնրեալից մեկնեց Կանադայի մայրաքաղաք Օտտավա:

Օտտավայի միջազգային օդանավակայանում Վեհափառ Հայրապետին դիմավորեցին Կանադայում Հայաստանի Հանրապետության դեսպան Գառնիկ Նանազույանը և Օտտավայի հայ համայնքի անդամները: Ողջույնի խոսքեր ասացին Պրն. Գառնիկ Նանազույանը և Օտտավայի ծխական խորհրդի ատենապետ Հովսեփ Մարդյանը: Ապա ներկաներին իր հայրական խոսքն ուղղեց Վեհափառ Հայրապետը, որում գոհունակություն հայտնեց այս ջերմ ընդունելության համար:

### ՏԵՍԱԿՑՈՒԹՅՈՒՆ ԿԱՆԱԴԱՅԻ ԸՆԴՀԱՆՈՒՐ ԿԱՌԱՎԱՐԻՉ ՊԱՐՈՆ ՌՈՄԵՈ ԼԱՊԼԱՆԻ ՀԵՏ

Օդանավակայանից Վեհափառ Հայրապետն ու Սրբազան Հայրերը, Հայաստանի դեսպանի ընկերակցությամբ, ուղևորվեցին դեպի Կանադայի ընդհանուր կառավարիչ Ռոմեո Լապլանի մտավայրը, ուր Կանադական կառավարության պաշտոնատարների մասնակցությամբ ջերմ ընդունելություն տեղի ունեցավ:

Վեհափառը ընդհանուր գծերով ներկայացրեց Հայաստանի հատկապես վերջին տարվա ընկերային տնտեսական վիճակը և երախտագիտություն հայտնեց Կանադայի կառավարությանն ու ժողովրդին՝ երկրաշարժից հետո Հայաստանին ցուցաբերած օգնության համար: Այնուհետև Նորին Սրբությունը շեշտեց, որ Հայաստանը այսօր ևս ակնկալում է բարեկամ Կանադայի աջակցությունն ու գորակցությունը, սակայն ոչ թե որպես մարդասիրական օգնություն, այլ զարգացման ու արհեստագիտական առաջընթացի ծրագրերի օժանդակության ձևով: Փոխըմբռնման մթնոլորտում անցած այս հանդիպման ընթացքում Վեհափառը հույս հայտնեց, որ Կանադան, լինելով աշխարհի ամենափորձառու և հեղինակավոր երկիրը խաղաղապահության ասպարեզում, այսուհետև ավելի ակտիվորեն կներգրավվի Լեռնային Ղարաբաղի հակամարտության խաղաղ կարգավորման գործընթացում: Վեհափառը հանգամանորեն անդրադարձավ նաև վերջին շրջանում Սուրբ Էջմիածնի գործունեությանը, նոր պայմաններում՝ Եկեղեցու դերի բարձրացման, Եկեղեցու և ժողովրդի միջև նոր միասնականության ստեղծմանն ուղղված ջանքերին:

Որպես Թագուհու ներկայացուցիչ՝ Կանադայի պետության գլուխը եղող ընդհանուր կառավարիչը, ջերմորեն ողջունելով Ամենայն Հայոց



Հայրապետին, մեծապես արժևորեց նրա այցելությունը Կանադա, բարձր գնահատեց Կանադայի հայ համայնքի ներդրումը երկրի կյանքի զանազան ոլորտներում: Նա վստահություն հայտնեց, որ Վեհափառի այցելությունը ակտիվ կենսագործունեության մոր ազդակ կդառնա հայ համայնքի համար, որի հետ ընդհանուր կառավարիչը մեծ հույսեր կապեց՝ հայ-կանադական երկկողմ առևտրա-տնտեսական, գիտա-մշակութային և այլ կապերի առաջխաղացման առումով: Կարելի է ասել, որ այս հանդիպումը Հայաստանի հայ-կանադական երկկողմ հարաբերությունների ընդլայնմանը:

### ԸՆԴՈՒՆԵԼՈՒԹՅՈՒՆ՝ Ի ՊԱՏԻՎ ՎԵՀԱՓԱՌ ՀԱՅՐԱՊԵՏԻ «ԵԱԹՈ ԼՈՐԻՆ» ՀՅՈՒՐԱՆՈՑՈՒՄ

Նույն օրը, կեսօրին, «Եաթո Լորին» հյուրանոցի սրահներից մեկում, ի պատիվ Վեհափառ Հայրապետի, ընդունելություն էր կազմակերպված Կանադայում Հայաստանի Հանրապետության դեսպանատան և Հայ Եկեղեցու Կանադայի թեմի առաջնորդարանի կողմից:

Ընդունելությանը ներկա էին ավելի քան 300 հոգի՝ խորհրդարանի զույգ անդամներ և սենատորներ, քաղաքական-հասարակական գործիչներ, կառավարության բարձր պաշտոնյաներ, բազմաթիվ դիվանագետներ, հայկական կազմակերպությունների ներկայացուցիչներ և Օտտավայի հայ համայնքի անդամները: Վեհափառ Հայրապետին առանձնակի ջերմությամբ ողջունեցին Լիբանանի, Իրանի, Բուլղարիայի, Եգիպտոսի, Հունգարիայի, Արգենտինայի, Ռումինիայի և Իսրայելի հավատարմատարները, բազմաթիվ այլ դիվանագետներ: Լիբանանի դեսպանը մասնավորապես Վեհափառին հանձնեց իր երկրի նախագահի հատուկ ուղերձը:

ՀՀ դեսպանի և Հովհան Սրբազանի կարճ ողջույնի խոսքերից հետո, Գարեգին Վեհափառը ներկաներին դիմեց ընդարձակ խոսքով՝ հայերեն, անգլերեն և ֆրանսերեն լեզուներով, ի մասնավորի շեշտելով, որ, արագորեն դեպի մոր հորիզոններ առաջադիմող Հայաստանի ազատ և անկախ Հանրապետության գոյության պայմաններում, ժամանակն է ձերբազատվել դարասկզբին հայ ժողովրդի ապրած մեծագույն ողբերգության պարտադրած զոհի հոգեբանությունից և ձեռք-ձեռքի տված լծվել ստեղծագործ աշխատանքի՝ ի շահ և ի բարօրություն Հայաստանի և համայն հայության: Ամենայն Հայոց Կաթողիկոսի խոսքը ունկնդրվեց լարված ուշադրությամբ և հաճախ ընդհատվեց ծափողջույններով:

## ԸՆԴՈՒՆԵԼՈՒԹՅՈՒՆ ՀԱՅԱՍՏԱՆԻ ԴԵՍՊԱՆԱՏԱՆԸ



Վեհափառ Հայրապետն իր ջրախմբով, ընկերակցությամբ հայ համայնքի անդամների, Կանադայի ընդհանուր Կառավարչի հետ պաշտոնական հանդիպումից հետո մեկնեց դեպի Հայաստանի դեսպանատուն, ուր Վեհափառը ջերմեռանդ աղոթքով օրհնեց նորահաստատ «Հայոց Տունը»: Այստեղ ունեցած իր համառոտ ելույթով Նորին Սրբությունը կրկին շեշտեց համագգային միասնականության կարևորությունը, որ իր մեկնաբանությամբ հայության բաղձանքների իրականացման, ազատ ու անկախ Հայաստանի բարգավաճման միակ գրավականն է:

### ԱՅՑԵԼՈՒԹՅՈՒՆ ՕՏՏԱՎԱՅԻ ST-PAUL ԱՍՏՎԱԾԱԲԱՆԱԿԱՆ ՀԱՄԱԼՍԱՐԱՆ

Կեսօրից հետո մեկ այլ հանդիպում տեղի ունեցավ Օտտավայի St-Paul աստվածաբանական համալսարանի արևելաքրիստոնեական հետազոտությունների հիմնարկում, որ իր տեսակի մեջ համաշխարհային խոշորագույն կենտրոններից մեկն է և Կանադայի աստվածաբանական գրականության ամենահարուստ գրապահոցն ունի: Գրադարանում պահվում են նաև Գարեգին Վեհափառի աշխատություններից մի քանիսը, որոնց անվանաթերթերին, համալսարանի ղեկավարների խնդրանքով, Վեհափառ Հայրապետը հիշատակի մակագրություններ կատարեց: Փոխադարձ պայմանավորվածություն ձեռք բերվեց համալսարանի և Սուրբ Էջմիածնի միջև ծավալելու աշխույժ համագործակցություն՝ պատրաստելու համատեղ հրատարակություններ և այլն: Վերջում, կենտրոնի Մատուռում տեղի ունեցած



արարողությունից հետո, Վեհափառ Հայրապետը հրաժեշտ տվեց Օտտավային՝ մեկնելով Վանկուվեր:

### ՎԵՀԱՓԱՌ ՀԱՅՐԱՊԵՏԸ ՎԱՆԿՈՒՎԵՐՈՒՄ



**ՎԱՆԿՈՒՎԵՐՈՒՄ՝ ՔՈՒԹՐ ԵԿԵՂԵՑԻՆԵՐԻ ՆԵՐԿԱԹԱՑՈՒՑԻՉՆԵՐԻ ՀԵՏ**

Երեքշաբթի, հունվար 30-ի երեկոյան ժամը 20.00-ին, Վեհափառ Հայրապետը ժամանեց Կանադա այցելության իր վերջին հանգրվանը՝ Վանկուվեր: Օդանավակայանում տեղի ունեցած պաշտոնական ընդունելությունից հետո, Վեհափառ Հայրապետը իր ողջ շքախմբով և դիմավորելու եկած անձնավորությունների ընկերակցությամբ ուղղվեց դեպի Սուրբ Վարդան եկեղեցի, որտեղ մուտք գործեց «Հրաշափառ»-ի հնչյունների ներքո:

Վեհափառ Հայրապետի խորիմաստ պատգամից հետո և արարողության ավարտին, հավատացյալները աջահամբույրի համար մոտեցան Նորին Սրբությանն ու ստացան նրա օրհնությունը:

\*\*\*

Չորեքշաբթի, հունվարի 31-ի երեկոյան ժամը 18.00-ին, «Christ Church Cathedral» եկեղեցում Սուրբ Պատարագ մատուցեց Խաժակ սրբազանը, իսկ քարոզ խոսեց Վեհափառ Հայրապետը՝ ի ներկայության հավատացյալ ազգայինների և օտար հյուրերի: Պատարագին հաջորդեց Նորին Սրբությանն ի պատիվ կազմակերպված ճաշկերույթ, որով եզրափակվեց Վեհափառի մեկօրյա այցելությունը այդ գաղութին:

\*\*

Հայաստանի Մեսրոպ Մաշտոցի անվան Մատենադարանի գիտաշխատողներից և այժմ Կանադայի Հայոց Առաջնորդարանում գործող Արմինե Քյոշկերյանը հետևյալ խորհրդածություններն է կատարել Վեհափառ Հայրապետի Կանադա այցելության վերաբերյալ.

«Մեր անցյալի պատմությունը պահպանած է ամուսնները եկեղեցական շատ գործիչներու, որոնք իրենց փայլուն գործունեությամբ, օրինակելի վարք ու բարքով արժանացած են նաև օտարներու բարձր գնահատանքին կազմելով պարծանքը Հայց. Եկեղեցվո: Օրինակ՝ Սուրբ Ներսես Շնորհալիի (ԺԲ դար) մասին պահպանված է տեղեկություն, թե հույն ոմն իմաստասեր Թիորիանոսը, Բյուզանդիայի Կիո Մանուել կայսեր թելադրանքով, 1170-ին կայցելել Հայաստան, Եկեղեցիներու միության շուրջ արծարծված հարցերը քննելու նպատակով: Ավանդությունը կրսե, թե լսած ըլլալով Հայոց Հայրապետի մտավոր բացառիկ կարողություններու և հարուստ գիտելիքներու մասին, Թիորիանոսը հետը կտանի բազմաթիվ գիրքեր, փորձելու համար ըսվածի հավաստիությունը: Վերադարձին, երբ կհարցնեն, թե արդյո՞ք Շնորհալու համբավը կհամապատասխաներ ճշմարտության, Թիորիանոս կպատասխանե. «Ինչպես լսած էի, այդպես ալ կա»:

Այս օրինակը բերինք, որովհետև Մայր Աթոռ Սուրբ Էջմիածնի 131-րդ զահակալեն ստացանք նույնպիսի տպավորություն, ուստի թող թույլ տրվի մեզի ըսել. «Ինչպես լսած էինք, այդպես ալ կա, դեռ քան մըն ալ ավելի»:

**ՎԵՀԱՓԱՌ ՀԱՅՐԱՊԵՏԻ ՀՈՎՎԱՊԵՏԱԿԱՆ  
ԱՅՑԵԼՈՒԹՅՈՒՆԸ ՀՅՈՒՍԻՍԱՅԻՆ ԱՄԵՐԻԿԱՅԻ  
ԱՐԵՎՄՏՅԱՆ ԹԵՄ  
(ԿԱԼԻՖՈՐՆԻԱ)**

Հիմազաբթի օրը, փետրվարի 1-ին, Գարեգին Ա Վեհափառ Հայրապետը, ամբողջացնելով կանադահայերին տված իր հայրապետական այցելությունը, ուղևորվեց Լոս Անջելոս, այցելելու Արևմտյան թեմի հավատացյալ ժողովրդին:

**ԱՅՑԵԼՈՒԹՅՈՒՆ ԿԱԼԻՖՈՐՆԻԱՅԻ ՀԱՐԱՎԱՅԻՆ ԵՐՋԱՆ**

**ԺԱՄԱՆՈՒՄ ԼՈՍ ԱՆՋԵԼՈՍ  
ՕՐ ԱՌԱՋԻՆ**

Փետրվարի 1-ին, հիմազաբթի օրը, Վանկուվերից Լոս Անջելոս ժամանեց Գարեգին Ա Ամենայն Հայոց Կաթողիկոսը՝ ընկերակցությամբ ԱՄՆ-ի Արևելյան թեմի առաջնորդ Տ. Խաժակ արք. Պար-



սամյանի, Կանադայի առաջնորդ Տ. Հովնան արքեպիսկոպոս Տերտերյանի և գավազամակիր Տ. Արտակ արեղա Տիգրանյանի:

Վեհափառ Հորդ դիմավորելու էր եկել Հայաստանյայց Առաքելական Եկեղեցու Արևմտյան թեմի բոլոր քաղաքներից ժամանած մի հոծ պատվիրակություն՝ թեմակալ առաջնորդ Տ. Վաչե արքեպիսկոպոս Հովսեփյանի գլխավորությամբ: Այնտեղ էին մաս Կիլիկյան Աթոռի հովանավորությունը վայելող Արևմտյան թեմի տեղապահ Մուշեղ Ծ. վրդ. Մարտիրոսյանը՝ ազգային վարչության անդամներով, Կալիֆորնիայի մահանգապետի ներկայացուցիչը, ՀՀ գլխավոր հյուպատոսության առաջին քարտուղարը, քաղաքական, մշակութային, մամուլի և հեռուստատեսության ներկայացուցիչներ:

Ավանդական աղ ու հացի օրհնությունից հետո, բարիգալստյան խոսքով հանդես եկավ Վաչե արքեպս. Հովսեփյանը. «Արևմտյան թեմի ամբողջ հոգևոր դասին և ժողովուրդին անունով բարի գալուստ կըսենք Ձեզի: Իմացե՛ք, Հայրապետ, որ մենք Ձեր կողքին ենք, Մայր Աթոռ Սուրբ Էջմիածնի հավատավոր գավակներն ենք, մենք Հայաստանի հավատարիմ գավակներն ենք և գորավիզ կկանգնինք Մայր Աթոռին և Մայր Հայրենիքին»:

Վեհափառ Հայրապետը չափազանց հուզված արտասանեց իր առաջին խոսքը օղանավակայանում՝ ասելով. «Այս վայրկյանին ես, որպես նորընտիր Ամենայն Հայոց Կաթողիկոս, ոտք կդնեմ ոսկյա այս մահանգին մեջ (Golden State), փառք կու տամ Աստուծո, որ արևուն հետ կողջունեմ ձեր բոլորին մայվածքները, որոնք ուղղված են ի Մայր Հայաստան, ի Մայր Աթոռ Սուրբ Էջմիածին: Իմ աչքերուս մեջ ես ոչինչ ունիմ անձնական այլևս: Ինչ որ կտեսնեք, Հայրենիքի լույսն է, Մայր Աթոռի՝ մեր բոլորի ազգային ծննդավայր և Բեթղեհեմ Սուրբ Էջմիածնի կանթեղին լույսն է, որ իմ տկար անձիս մեջեն այժմ կարտացոլա դեպի ողջ հայությունը ի Մայր Հայաստան և ի սփյուռս աշխարհի»:

Այնուհետև Վեհափառը, շարունակելով իր խոսքը, ավելացրեց. «Փառք կու տամ Աստուծո, որ ինձի շնորհեց կարելիությունը ձեզ ողջունելու այստեղ, ձեզ աղոթակից դառնալու և օրհնելու Միացյալ Նահանգաց այս երկիրը և Կալիֆորնիո մահանգը, որ մեր ժողովուրդին կյանքին մեջ իր կարևոր ներդրումը ունի: Մեր ժողովուրդի բոլոր գավակներն ալ իմ սրտիս մեջ տեղ ունին, բոլորն ալ Ամենայն Հայոց Հայրապետին զգացումներուն, մտածումներուն, գործերուն մեջ իրենց հավասար տեղն ունին»:

Փառք և գոհություն կընծայեմ Աստուծո, որ ինձ մեման խոնարհ և փոքր անձի մը տվավ այն շնորհը, որ ըլլամ առաջին հայ կաթողիկոսը, որ կարենամ ազատ ու անկախ Հայաստանեն գալ՝ ազատության ու անկախության շունչը փոխանցելու: Իմ մաղթանքն ու աղոթքն է, որ մինչև վերջին շունչս այդ ազատությունն ու անկախությունը այլևս

ստվեր չտեսնե, հարաճուն կերպով անի ու զարգանա, ասրանա, որ մենք այս աշխարհի մեջ մեր պատմությանը արժանի ազգը ըլլանք այսօր, վաղը և հավիտյան»:

### ՄԱՅՐ ԵԿԵՂԵՑՈՒՄ ԵՎ «ԱՐՇԱԿ ՏԻԳՐԱՆՅԱՆ» ՎԱՐԺԱՐԱՆՈՒՄ

Օդանավակայանից Վեհափառ Հայրապետն իր ջրախմբով ուղղվեց դեպի Արշակ Տիգրանյան վարժարան, Մայր Եկեղեցու և Ազգային Առաջնորդարանին կից, որտեղ արժանացավ ջերմ ընդունելության դպրոցի հոգաբարձության, տնօրենության և ուսուցչական կազմի, աշակերտության ու ժողովրդական բազմության կողմից: Վեհափառին դիմավորողների մեջ էին դպրոցի բարերար 90-ամյա ազգանմեր հայորդի Արշակ Տիգրանյանն ու իր տիկինը:

Վեհափառը վարժարանի մուտքին դիմավորվեց հարյուրավոր ուսանողների և ազգայինների ջերմ ծափողջույններով և առաջնորդվեց վարժարանի սրահ:

Վարժարանի տնօրեն Վարդգես Գուրոյանը վարեց աշակերտների մասնակցությամբ գործադրված հայտագիրը, որում եղան հավուր պատշաճի ուղերձ, ասմունք և երգ ու պար:

Այս կարճ հայտագրից հետո, Վեհափառը օրհնեց աշակերտությանն ու թեղադրեց. «Ձեր ամձերուն մեջեն, սիրելի փոքրիկներ, կողջունեմ ողջ սերունդը ճոր, ամբողջ Արևմտյան թեմի այս սահմաններու մեջ, բոլոր դպրոցներու մեջ ամխտիր: Նոր սերունդը կողջունեմ ամենաքաղցր սիրով, ամենախորունկ հավատքով և ամենապայծառ հույսով: Գիտե՞ք ինչու... որովհետև կու գամ Նո՛ր Հայաստանեն: Սիրելի փոքրիկներ, ձեր սրտերուն մեջեն երբեք դուրս չհանեք Ձեր Հայաստանի քույրերն ու եղբայրները: Հայաստանի փոքրիկներն, հակառակ իրենց նեղության, քաջությամբ կդիմանան: Ահա թե ինչու ես հարգանք ունիմ այս ճոր սերունդին հանդեպ: Այս ժողովուրդը չէ եղած ընկճվելու համար՝ այլ եղած է ընկճելու համար»:

Իր խոսքի ավարտին Վեհափառ Հայրապետը սիրով դարձավ դեպի բարերարներ Տեր և Տիկին Տիգրանյանները՝ ասելով. «Կողջունեմ իմ սիրելի բարեկամ և ազգային բարերար Արշակ Տիգրանյանը: Այս այն հայ մարդն է, որուն հայրը թերևս ձեզմե ջատերը չեն ճանչցած, բայց Միրհրատը ես ճանչցած եմ և այսօր հարգանք կընծայեմ իր հիշատակին, որ այսպիսի գավակ տվավ: Նա, որ Ամերիկայեն մինչև Լիբանան կու գար հայ ուսուցիչներ համախմբելու համար, ուժ կու տար, սիրտ կու տար նրանց: Արժանավոր Հոր արժանավոր զավակ»:



## ԳՈՀԱՐԱՆԱԿԱՆ ԱՂՈԹՔ ՍՈՒՐԲ ՀՈՎՀԱՆՆԵՍ ՄԱՅՐ ԵԿԵՂԵՑՈՒՄ

«Արշակ Տիգրանյան» վարժարանի հանդիսությունից հետո, վեհափառ Հայրապետը ամպիոփանու տակ, եկեղեցական թափոռով և «Հրաշափառ»-ի երգեցողությամբ առաջնորդվեց Սուրբ Հովհաննես Մայր եկեղեցի:

Այստեղ բարիգալստյան քերժ ելույթ ունենալով թեմի Առաջնորդ Վաչե Սրբազանը, վեհափառի այցելությունը պատմական որակեց և հանուն հոգևորական դասի ու ժողովրդի հաջողություն մաղթեց Հայոց Հայրապետին իր առաքելության ու նպատակների իրագործման ճանապարհին, այն դեպի 21-րդ դար առաջնորդելու հեռանկարով: Վեհափառը թելադրեց, որ վեր մնա՞նք երկրորդական նկատառումներից և միասնական ոգով, Հայ Եկեղեցի, հայ ժողովուրդ և հայ պետություն ձեռք-ձեռքի տված կերտենք, ամրապնդենք ու զորացնենք Մայր Հայրենիք Հայաստանը և շենցենք Հայց. Առաքելական Սուրբ Եկեղեցին իր Մայր Աթոռ Սուրբ Էջմիածնով:

Պատասխան խոսքում Գարեգին Վեհափառը ևս մեկ անգամ շեշտեց նորանկախ Հայրենիքի ամրապնդման կարևորությունը: Իր խոսքի համար առանցք ունենալով մեկ ժողովուրդ, մեկ Եկեղեցի, մեկ Հայրենիք կարգախոսը, Վեհափառ Հայրապետը ասաց, թե հուզումով է կանգնած այս Սուրբ Խորանի վրա, որովհետև «Հայ Եկեղեցու պետականորեն ընդունման օրեն աստի՛ն անցած տասնյոթ դարերը մեզի կնային և ծանր լուծ մը կդնեն իմ ուսերում՝ Հայ Եկեղեցվո առաքելությունը հառաջ տանելու հրամայականով»: Այա շարունակելով իր խոսքը, Վեհափառ Հայրապետն ավելացրեց, թե «Էջմիածինը քար չէ, Էջմիածինը հիշատակ չէ, Էջմիածինը միայն սրբություն չէ: Էջմիածինը առաքելություն է: Նվիրականություններ կան, որոնք ոչ մեկ սակարկության առարկա կրճան դառնալ: Այդ նվիրականություններն են Եկեղեցին, Հայրենիքը, լեզուն, գրականությունը, մշակույթը և մեր հոգևոր վերածննդյան սրբազնագույն օջախը՝ Մայր Աթոռ Սուրբ Էջմիածինը»:

## ՄԱՄԼՈ ԱՍՈՒԼԻՍ

Եկեղեցական արարողությունից հետո, ըստ ծրագրվածի, եկեղեցու հարակից «Ուզունյան» սրահում տեղի ունեցավ մամլո ասուլիս՝ ամերիկյան և հայ մամուլի ներկայացուցիչների հետ: Ներկա էին Los Angeles Times, Fresno Bee, Armenian Observer, California Courier, «Նոր Կյանք», «Նոր Օր», «Մասիս», «Ասպարեզ», «Նոր Հայաստան», «Հայ Կյանք», «Քաջ Նազար» թերթերի, ինչպես նաև հայ և ամերիկյան հեռուստակայանների ներկայացուցիչները:

Վաչե Սրբազանը ամփոփ գծերով ներկայացրեց Ամենայն Հայոց Կաթողիկոսին և ապա խոսքը փոխանցեց նրան:

Վեհափառ Հայրապետը ուրախություն հայտնեց, որ իր ժամանման առաջին օրը հանդիպում է մամուլի ներկայացուցիչների հետ, որովհետև ինքը ևս եղել է ամսագրի խմբագիր և աշխատակցել թե՛ հայ և թե՛ օտար թերթերին, հետևաբար այս հավաքականության հետ հարազատություն է զգում: Ինչ վերաբերում է իր այցելությանը, Վեհափառն ասաց. «Նպատակս է ճաննալ ժողովուրդը իբրև ապրող ներկայություն, շարժում համայնք և ոչ իբրև սոսկ մտածողներ, անուններ կամ թվեր, վիճակագրություններ, որոնք նկարագրվում են մամուլի միջոցով՝ գրավոր տեղեկագրերով: Այցելելն ետք Հայաստանի գրեթե բոլոր թեմերը, Միյուռքի հայկական գաղութներում իմ առաջին այցելությունս սկսա Հյուսիսային Ամերիկայեն, Միացյալ Նահանգներ և Կանադա, որովհետև մենք այս ցամաքամասին վրա ունինք սփյուռքահայության մեծագույն թիվը: Հետևաբար հոս եկած եմ ծանոթանալու ժողովուրդի կյանքին և միաժամանակ զանոնք հաղորդակից դարձնելու այն մոր կացության և պայմաններում մասին, որոնց ներքև կապրին այսօր մեր Եկեղեցին և ազգը Մայր Հայրենիքի մեջ: Եթե ես հոս ըլլայի տասը տարի առաջ, միևնույն անձը պիտի չըլլայի, ինչ որ եմ այսօր, Հայաստանի ազատության և անկախության հռչակումեն ետք: Մայր Աթոռ Սուրբ Էջմիածինը կոչվել է այժմ ավելի աշխույժ և պատասխանատու կերպով ժողովուրդին կյանքեն ներս գործելու, ձերբազատված լինելով խորհրդային Միության 70 տարվա տիրապետութենեն, որում մասին դուք լավապես տեղյակ եք»:

Այս հակիրճ նախաքանից հետո, մամուլ ներկայացուցիչները ուղղեցին իրենց հարցերը, որոնց Վեհափառ Հայրապետը պատասխանեց անգլերեն և հայերեն լեզուներով:

Հարցերն ընդգրկեցին հետևյալ թեմաները. Հայ Եկեղեցու միության հարցը, Հայաստանում ժողովրդավարության հարցը, ներքին Սփյուռքի այժմյան պատկերը, ադանդների ծավալած գործունեությունը Հայաստանում, Եկեղեցու ընկերային ծառայությունը, Երևանում կառուցվելիք Մայր տաճարը, Հայ Եկեղեցու 1700-ամյակի տոնակատարության ուղղությամբ նախատեսված աշխատանքները և այլն: Այս բոլորի համար Վեհափառ Հայրապետը կատարեց առարկայական վերլուծումներ և իմաստությամբ օժուկ պատասխաններ տվեց:

### ՀՈՒՐ-ԵՐԵՎԱՆԻ ԼԵՎՈՆ ԶԱՎԵՆ ՍՅՈՒՐՄԵԼՅԱՆԻ ՀԻՇԱՏԱԿԻՆ

Վեհափառ Հայրապետը փետրվարի 1-ի երեկոյան իր շքախմբի հետ ներկա գտնվեց բանաստեղծ Լևոն Զավեն Սյուրմելյանի հիշատակին նվիրված մեծարանքի հանդիսությանը: Զեռնարկը տեղի ունեցավ Գլխնդելում՝ ավելի քան հազար հոգիների ներկայությամբ:

Այս տպավորիչ ու մեծաշուք հանդիսության հանդիսավարն էր Բարսեղ Գարթայանը: Նա իրեն հատուկ ճարտարությամբ վարեց



ամբողջ երեկոն: Գլխավոր բանախոսն էր Թորգոմ Փոստաջյանը, որ Լևոն Զապեն Սյուրմելյանի մոտիկ բարեկամն էր եղել հատկապես նրա կյանքի վերջին տարիներին:

Գնահատանքի խոսքով հանդես եկան հայ համայնքի ներկայացուցիչներ, մտավորական դեմքեր և լրագրողներ, որոնք վեր հանեցին և բարձրորեն ներկայացրեցին տաղանդաշատ բանաստեղծի կերպարը:

Վերջում իր հայրական պատգամը տվեց Վեհափառ Հայրապետը, որ ներշնչված ու իրեն հատուկ պերճախոսությամբ իրար զոդեց բանաստեղծին ու նրա ստեղծագործությունը, Հայ Առաքելական Եկեղեցին, մշակույթի՝ գրքի հանդեպ սերը և ընթերցանության անհրաժեշտությունը:

### ՈՐ ԵՐԿՐՈՐԳ

#### **ՀԱՆԳԻՊՈՒՄ ԿԱԼԻՖՈՐՆԻԱՅՈՒՄ ԳՈՐԾՈՂ ՀԱՅ ԻՐԱՎԱՔԱՆՆԵՐԻ ՀԵՏ**

Փետրվարի 2-ին, ուրբաթ օրը, առավոտյան ժամը 8.30-ին, Ամենայն Հայոց Կաթողիկոս Գարեգին Ա-ն առավոտյան պաշտոնական նախաճաշ-ընդունելություն ունեցավ Կալիֆորնիայում գործող հայ իրավաբանների հետ:

Հայ իրավաբանները, որոնցից ոմանք մեծ ճանաչում ունեն ոչ միայն հայ համայնքում, այլև ամբողջ մահանգում, ներկայացրեցին իրենց կատարած աշխատանքները, ինչպես նաև ցանկություն հայտնեցին իրենց մասնագիտական պատրաստվածությամբ և կուտակած հսկայական փորձով օգտակար լինել բերել Հայրենիքի վերաշինության գործին՝ պետության իրավական համակարգը բարելավելու և զարգացնելու նպատակով:

Այնուհետև Վեհափառ Հայրապետը, գնահատելով նրանց կատարած աշխատանքը և հային վայել պարտականությունների կատարումը մի օտար երկրում, հույս հայտնեց, որ նրանց աշխատանքն ու գործունեությունը չսահմանափակվի սոսկ իրենց բնակության վայրով, այլ նաև տարածվի սեփական Հայրենիքում՝ զորացնելով և ամրապնդելով այն որպես ազատ և ժողովրդավարական մի երկիր՝ աշխարհի մյուս պետություններին համահավասար աստիճանով ու մակարդակով:

#### **ՏԵՍԱԿՑՈՒԹՅՈՒՆ ԼՈՍ ԱՆՋԵԼՈՍԻ ՔԱՂԱՔԱՊԵՏԱՐԱՆՈՒՄ**

Ժամը 9.45-ին Հայոց Հայրապետը, ընկերակցությամբ Վաչե, Հովհանն և Արիս սրբազանների ու մի խումբ հոգևորականների ու աշխարհականների, Լոս Անջելոսի քաղաքապետարանի դահլիճում հանդիպում ունեցավ քաղաքապետ Ռիչարդ Ռիրթընի, Քաղաքա-

պետական խորհրդի նախագահ Ջոն Ֆերարոյի և Քաղաքապետական խորհրդի մյուս անդամների հետ:

Վեհափառ Հայրապետին շենքի մուտքի մոտ ընդունեց պաշտոնական այցելությունների պատասխանատու տիկին Լուրտես Սաապը, որը հյուրերին առաջնորդեց քաղաքապետի հյուրասրահ:

Քաղաքապետ Ռիթթընի և Ամենայն Հայոց Հայրապետի հանդիպմանը ներկա էին նաև Քաղաքապետարանի խորհրդի նախագահ Ջոն Ֆերրարոն և փոխքաղաքապետ Բիլ Վիոլանդեն:

Հանդիպումից հետո Վեհափառ քաղաքապետի ընկերակցությամբ և իր շքախմբով ուղղվեց դեպի քաղաքապետարանի պաշտոնական սրահ, որտեղ իրեն ողջունեցին Քաղաքապետարանի խորհրդի անդամներն ու ներկաները:

Նախ քաղաքապետ Ռիչարդ Ռիթթընը շեշտեց Լոս Անջելոսի հայկական գաղութի կարևորությունն ու դրվատեց նրա բերած նպաստը քաղաքի բարգավաճման գործին: Նա նշեց, թե Լոս Անջելոսի հայկական գաղութը Միյուոքի մեծագույն հայկական գաղութն է և լայն մասնակցություն ունի քաղաքի ծաղկման ու զարգացման մեջ:



Իբրև գնահատանք և երախտագիտություն քաղաքապետ Ռիթթընը Վեհափառին նվիրեց «Ֆրանկլին Միներ» մեդալը: Քաղաքապետը անդրադարձավ նաև, թե Վեհափառ Հայրապետի նախորդ այցելությանը, երբ նա Մեծի Տանն Կիլիկիո կաթողիկոսն էր, փոխանցել էին Լոս Անջելոս քաղաքի բանալին:

Լոս Անջելոսի Քաղաքապետարանի խորհրդի կողմից բարի գալուստի խոսքերով ելույթ ունեցավ նախագահ Ջոն Ֆերարոն:

Փոխադարձաբար, Ամենայն Հայոց կաթողիկոսը շնորհակալության խոսք ուղղեց քաղաքապետին և Քա-



դաքայեւտական խորհրդին, որ այս առիթը ընծայելով ողջունեց իր՝ Լոս Անջելոս այցը: Վեհափառ Հայրապետը անդրադարձավ որպէս կաթողիկոս իր ունեցած պարտականությունների հսկայածավալ տարողությանը և ներկայացրեց Հայաստանի և հայության այսօրվա կացությունը: Վեհափառը դիպուկ դիտարկումներով նշեց, որ ամեն ընկերության կյանքում հարկավոր է ավելի լայն և ազդեցիկ տեղ տալ հոգևոր և քարոյական արժեքներին և չխեղդվել սպառողական ընկերությանը հատուկ վաղանցուկ արժեքներով և հաճոյապաշտական վարվելակերպով: Խոսքի ավարտին Վեհափառ Հայրապետը հայկական մի խաչքար նվիրեց քաղաքապետ Ռիթթընին, որպէս հիշատակ Հայ Եկեղեցուց:

Պաշտոնական արարողակարգից հետո Վեհափառ Հայրապետը հանդիպեց նաև քաղաքապետարանի պաշտոնեւորան հետ:

### ՀԱՆԴԻՊՈՒՄ ԵՐԿՈՒ ԷԱԶԱՐ ՀԱՅ ԱԾԱԿԵՐՏՆԵՐԻ ՀԵՏ

Նույն օրը, ժամը 11.00-ին, Լոս Անջելոսի քոլոր հայկական վարժարանների բարձր դասարանների աշակերտների, ինչպէս նաև օտար դպրոցներ և քոլեջներ հաճախող շուրջ 2.000-ի հասնող հայ ուսանողների մի ծովածավալ բազմություն էր հավաքվել Հոլիվուդի «Հայ Սքուլի» ընդարձակ դահլիճում:

Ներկայացվեցին գեղարվեստական հայտագիր ՀԲԸՄ-ի և այլ վարժարանների կողմից: Ապա Վեհափառ Հայրապետը տվեց իր իմաստալից պատգամը՝ մախ փառք վերառաքելով առ Աստված, որ ի դեմս այս երեխաների կանգուն և շեն է պահում հայ կյանքը այս հեռավոր և ազգապահպանմամբ իմաստով դժվարություններով լեցուն երկրում: Ապա նա, խոսքն ուղղելով երեխաներին, կարևորեց այս հյուրընկալ ափերին տիպար քաղաքացիներ և տիպար հայեր լինելու անհրաժեշտությունը՝ ավելացնելով նաև, որ այսօրվա հայ մանուկներն ու երիտասարդությունը երանելի օրեր են ապրում, որովհետև իրենց հայրերի և պապերի երազանքը իրականացել է՝ ազատ ու անկախ է Հայաստան աշխարհը, որից էլ ազատության և վերածաղկման մոր շունչ է տարածվում նաև հայոց հավատքի կենտրոն Սուրբ Էջմիածնում, որին նայում է աշխարհի չորս ծագերի հայությունը: Վեհափառ Հայրապետն ավելացրեց, որ ինքը ևս Հայրենիքում չի ծնվել, բայց մանկությունից ի վեր Հայրենիքն է իր մեջ ծնվել և այսօր այն վերածնվել է իր ազատությանը և անկախությանը: Այժմ անհրաժեշտ է մոր սնունդով աճեցնել և մեծացնել այն:

Վեհափառ Հայրապետի հայրական պատգամից և հանդիպման պաշտոնական մասից հետո, նույն դպրոցում ճաշկերույթ տրվեց ի պատիվ Գարեգին Վեհափառի և իր շքախմբի, որին մասնակցում էին նաև յուրաքանչյուր դպրոցի տնօրենը, ուսուցիչներ և մեկական աշակերտ:

## ՎԵՀԱՓԱՌԻ ՀԱՅՐԱՊԵՏԻ ԱՅՑԵԼՈՒԹՅՈՒՆԸ ԿԻԼԻԿՑԱՆ ԹԵՄԻ ՍՈՒՐԲ ԿԱՐԱՊԵՏ ՄԱՅՐ ԵԿԵՂԵՑԻ

Երեկոյան ժամը 19.45-ին Վեհափառ Հայրապետը այցելեց Մեծի Տանն Կիլիկիո հոգևոր խնամակալության տակ գտնվող Սուրբ Կարապետ եկեղեցի, որտեղ եկեղեցու բակում խոնված բազմությունը՝ շուրջ 1500 հոգի ծափողջույններով դիմավորեց Նորին Արքուքայան գալուստը:

Եկեղեցու մուտքին տեղի ունեցավ աղ ու հացի օրհնության ավանդական արարողությունը: Ապա Մեծի Տանն Կիլիկիո Արևմտյան Ամերիկայի թեմի Առաջնորդական տեղապահի, հոգևորականության, աշխարհական մարմինների, կազմակերպությունների և միությունների ներկայացուցիչների, ՀՄԸՄ-ի արի-արեմույշների, երգեցողության և զանգերի իրիկնային դողանքների ուղեկցությամբ Վեհափառ Հայրապետը ամպհովանու ներքո ուղղվեց և մուտք գործեց եկեղեցի:

Գոհաբանական աղոթքից և մաղթանքից հետո, խոսք առավ առաջնորդական տեղապահ Մուշեղ Ժ. վրդ. Մարտիրոսյանը: Նա բարի գալուստ և արևշատություն մաղթեց Ամենայն Հայոց Հայրապետին հանուն Հայաստանի, Արցախի և համայն հայ ժողովրդի բարգավաճման՝ ասելով. «Մեզմե շատեր սնած են Ձեր շունչով, շատերի համար եղած եք ներշնչանքի աղբյուր և տեսիլք ունեցող հոգևորական: Հետամուտ մույն այդ տեսիլքին կգործեք իբրև մոր օրերու խրիմյան Հայրիկ: Ձեր օրհնաբեր ներկայությամբ պատմությունն է, որ կկերտենք այսօր: Ձեր գահակալության տարիներուն ի՛նչ փոփոխություններ կրնան ըլլալ հայ ժողովուրդի կյանքին մեջ: Հուսով ենք մեր ժողովուրդի նախը պիտի առաջնորդեք խաղաղության մասկահանգիստ, մեկ Հայրենիքի տեսլականով»:

Իր խոսքի ավարտին Մուշեղ Ժ. վրդ. Մարտիրոսյանը Գարեգին Ա Ամենայն Հայոց Կաթողիկոսին որպես հիշատակ նվիրեց Մեծի Տանն Կիլիկիո Կաթողիկոսության ոսկյա հուշամեդալը: Ապա Հայր Սուրբը հրավիրեց Վեհափառ Հայրապետին տալու իր պատգամը:

Նորին Արքուքայունը մեծ հուզմունքով սկսելով իր խոսքը, նախ եղբայրական ողջույններ հղեց Մեծի Տանն Կիլիկիո Հայրապետ Արամ Ա-ին՝ մաղթելով, որ Մեծի Տանն Կիլիկիո Աթոռը մնա ծաղկուն և պտղառատ, որովհետև այդ Աթոռը մեծ դերակատարություն է ունեցել մեր պատմության մեջ:

Վեհափառ Հայրապետը վերհիշեց դարասկզբի մեծ ողբերգությունները, որով որոշ քաղաքագետներ այն համոզմանը հանգեցին, թե Հայոց Պատմությունն ավարտված է: Սակայն, ինչպես նշեց Վեհափառը, քաղաքագետները մարգարեներ չեն: Հայ ժողովուրդը կարողացավ բարձրանալ ու Սարդարապատով երկնել իր անկախությունը: Դեպքերի բերումով կորցրեցինք անկախությունը, որին հաջորդեցին 1937 թվականի և Համաշխարհային Երկրորդ պատերազմի զոհերը:



Ծեղտելով ներկա պատմական պահի կարևորությունը, Վեհափառն ասաց. « Եթե մեկը կարծե, թե ամեն ինչ անփոփոխ է, ոչինչ կհասկնա պատմությունն: Ինչպե՞ս փառք չտանք Աստուծո, որ սեղով սկսած դարը կփակվի նոր անկախությունով: ՄԱԿ-ի բազմաթիվ դրոշակներու կողքին կտեսնենք Հայոց Եռագույնը, որ մեր ինքնությունը կխորհրդանշե»: Պատմական պահի կարևորությունը ընդգծելով, Նորին Սրբությունը մատնանշեց Սուրբ Էջմիածնի առանձնահատուկ տեղը այսօրվա և ապագայի կերտման գործում՝ ասելով. « Էջմիածինը միայն սրբություն չէ, Էջմիածինը միայն պատմություն չէ: Էջմիածինը առաքելություն է, ո՛չ թե ավանդություն, ո՛չ թե հիշատակ: Այն գործունություն է՝ հակաաստվածյան մի բռնական վարչակարգի բերած հետքերը մեր ժողովուրդի հոգիի վրայեն կամաց-կամաց վերցնելու, որ ժողովուրդը գտնե իր դիմագիծը, որ Գրիգոր Լուսավորիչ տվավ մեզի: Սուրբ Էջմիածինը հայկական Բեթղեհեմ կկոչեմ ես: Այն կոչված է հայ ժողովուրդի կյանքի մեջ բարանորոգումներ կատարելու»:

Նա հատուկ կերպով շեշտեց հետևյալ իրողությունը. « Դուք ինձ լավ կճանաչեք, որովհետև ես իբրև հոգևորական սնվել և կազմավորվել եմ Կիլիկյան Աթոռի դպրեվանքում: Երկար տարիներ ծառայել եմ այդ Աթոռին որպես միաբան՝ արեղա, վարդապետ, եպիսկոպոս և Կաթողիկոս: Ես իմ բաժինը բերել եմ նաև այս թեմի գործունեությանը, անձամբ եմ օժել այս եկեղեցին, ինչպես ուրիշ եկեղեցիներ այս թեմում: Այսօր, որպես Ամենայն Հայոց Կաթողիկոս, ես կմնամ մույն անձը՝ մույն, մեկ և անբաժան Եկեղեցու որպես առաջին սպասավոր:

Մայր Աթոռ Սուրբ Էջմիածինը ամբողջ հայության կպատկանի, և իմ սրտի մեջ տեղ ունիմ մեր Եկեղեցու զավակները առանց խտրության: Պատմական այս նոր դարաշրջանին, մեր բոլորից պահանջված է միության ամրապնդում և միասնության գործնական արտահայտություն»:

Խոսելով Հայաստանի տարբեր շրջաններ և Արցախ կատարած իր հովվապետական այցելությունների մասին, Գարեգին Վեհափառն ասաց. « Հայաստանը դժվար օրեր կապրի: Պարտք զգացի հաղորդակցվելու ժողովուրդիս հետ և ճանչնալու զայն: Տեսա դժվարությունները, և ուխտս ավելի ամրացավ: Այդ ժողովուրդին ծառայելը ամենամեծ պատիվն է ինձի համար, ի գին ամեն զոհողության, մույնիսկ, եթե պետք ըլլա կյանքով»:

Անդրադառնալով մեր ժողովրդի առաջընթացին, Վեհափառը կարևորագույն նշանակություն ընծայեց հոգեկան կերպարանափոխությանը, որ մեզ ազգովին վերելքի պիտի առաջնորդի, պատգամելով. « Կերպարանափոխությունը ազգի մը մեծ արժանիքներեն մեկն է: Մեր Եկեղեցին իր հոգևոր առաքելության կողքին ազգակերտումի դեր ունի: Եկեք շինենք լուսի խորանը մեր հավատքով»:

Արտահույզ իր խոսքերի ավարտին Վեհափառ Հայրապետը Մուշեղ

Հայր Սուրբին հանձնեց Սուրբ Էջմիածնից բերած սկիհ՝ որպես խորհրդանիշ սիրո, զոհողության և միության:

Ապա դպրաց դասի կատարմամբ հնչեցին «Կիլիկիա»-ն և «Մեր Հայրենիք»-ը՝ ժողովրդի ձայնակցությամբ, որին հաջորդեցին Կաթողիկոսական օրհնությունը և Աբհամբույրը:

Այդ երեկո Հոյիվուդի Սուրբ Կարապետ փոքրիկ եկեղեցին և այնտեղ խոնաված բազմությունը վկան եղան պատմական մի պահի: Ամենայն Հայոց Հայրապետի խոսքերը վստահորեն արձագանքվեցին մերկաներից յուրաքանչյուրի սրտում և կարելի էր լսել լռության միջից հնչող պատասխանը:

Բարի գալու՛ստ, Վեհափառ Տեր:

### ԾԱԵԿԵՐՈՒՅԹ ՔԵՍԱՊԹԻ ՀԱՅՐԵՆԱԿԻՑՆԵՐԻ ՀԵՏ



Վեհափառ Հորը հաճելի անակնկալ մատուցեցին քեսապցի հայրենակիցները: Ուրախ օրը փետրվարի 2-ին, Քեսապի Ուսումնասիրաց Միությունը նախաճաշի հրավիրեց Նորին Սրբությանը, որին մերկա էին շուրջ 400 քեսապցի հայրենակիցներ: Հայ Ավետարանական եկեղեցու «Սվազյան» սրահում տեղի ունեցած այս հայրենակցական հավաքը ուներ յուրահատուկ բնույթ: Մթնոլորտը ավելի ազգականական և ընկերային էր, քան պաշտոնական: Վեհափառ Հայրապետն այստեղ ևս տվեց իր պատգամը՝ շեշտելով բոլոր հայերի, անկախ ծննդավայրից ու բնակության վայրից, արյունով և անունով մեկ և մեկ լինելու պարագան: Գարեգին Վեհափառը իր պատգամը տվեց՝ մասամբ արտահայտվելով մահ Քեսապի բարբառով:

Ամենայն Հայոց Հայրապետն իր սրտի խոսքն ասելուց հետո իր համազուղացիներին, «Ս. Մեսրոպ Մաշտոց» շքանշանով պատվեց Տիկ. Զվարթ Արեղյանին իր 41 տարվա ծառայության համար, որպես



հայոց լեզվի, պատմության և գրականության ուսուցչուհի հայ դպրոց-ներից մեկը, Բելրոուքից մինչև Լոս Անջելոս: Իսկ Դոկտ. ժակ Աբդուլ-յանին պարգևատրեց «Սուրբ Ներսես Շնորհալի» շքանշանով՝ հայությանը իր մոտ 50 տարվա անշահախնդիր ծառայության համար:

## ՕՐ ԵՐՐՈՐԴ

### ՓԱՍԱԴԵՆԱՑԻ ՔԱՂԱՔԱՊԵՏԱՐԱՆՈՒՄ

**Շաբաթ օրը, փետրվարի 3-ին, ժամը 10.30-ին, հակառակ տեղացող անձրևին, խուռներամ բազմություն էր հավաքվել Փասադենայի քաղաքապետարանի մուտքի մոտ:**

Այստեղ Վեհափառ Հայրապետը արժանավայել կերպով և սիրազեղ ծափողջույններով ընդունվեց քաղաքապետ Բիլ Փափարյանի և իրեն դիմավորելու եկած հարյուրավոր հայերի կողմից, որոնք ներկայացնում էին ամերիկահայության տարբեր խավերը: ՀՄԸՄ-ի Փասադենայի «Ազատամարտ» մասնաճյուղի արհմերի և արենույշների կարգապահ շարքերի ուղեկցությամբ Վեհափառը, մուտք գործելով քաղաքապետարանի դարպասից, նախ իր հարգանքը մատուցեց մուտքի մոտ գտնվող Վիետնամի վետերանների հուշարձանին ու ապա բարձրացավ դահլիճ, ուր արդեն իսկ խոնված էր իրեն սպասող հոծ բազմությունը:

Քաղաքապետարանի դահլիճում ընդունելության պաշտոնական բացումը կատարելով, շրջանի Հայ Դատի Հանձնախմբի ներկայացուցիչ Ահիդա Դիմիշյանը բարի գալուստ մաղթեց Վեհափառին՝ հիշելով, որ դեռևս երկու տարի առաջ Նորին Սրբությունը Փասադենա էր այցելել որպես Մեծի Տանն Կիլիկիո Գահակալ, իսկ այսօր՝ իբրև Ամենայն Հայոց Կաթողիկոս:

Այնուհետև բարիգալստյան խոսքով ելույթ ունեցավ քաղաքապետ Բիլ Փափարյանը: Նա նախ շնորհակալություն հայտնեց Վեհափառին՝ Փասադենա քաղաքին շնորհած իր օրհնաբեր այցելության համար՝ նշելով, որ Փասադենան, ընկալյալ սովորության համաձայն, այսօր քաղաքի բանալի պիտի չհամձնի Վեհափառ Հայրապետին այն պարզ պատճառով, որ այս քաղաքը դռան կարիք չունի, այլ «Ընդհակառակը մեր ժողովուրդը հյուրասեր է ու ազնիվ... և քաղաքի պարզ բանալիին փոխարեն, որ հիմնականին մեջ բարի գալուստի խորհրդանիշ մըն է, մեր բոլոր բնակիչները իրենց սրտերը բացած են Ձեզի և Ձեր խաղաղության ու սիրո պատգամին»:

Ողջունելով Վեհափառի այս այցելությունը, նա մասնավորաբար շեշտեց երիտասարդությանն ուղղված Վեհափառ Հայրապետի պատգամը, «որովհետև Ամերիկայի մեջ ապրող երիտասարդությունը տազնապալի շրջան մը կդիմագրավե», ասաց նա: Երիտասարդության այդ տազնապաների մեջ նա մասնավորեց «հոգևոր արժեքներու

և նյութական կարիքներու պայքարը»՝ ավելացնելով, որ «բոլոր անոնք, որոնք կարիքը ունին առաջնորդության, շատ պիտի օգտվին Զեր հորդորեն»:

Ապա խոսք առավ Վեհափառ Հայրապետը, որ ներկաներին ողջունելուց և իր նախորդ այցելությունը հիշելուց հետո, ասաց. «Այժմ ես հայերով ներխուժված Փասադինայի մեջ եմ»՝ անմիջապես ավելացնելով, թե «Մի՛ վախճաք, մենք ներխուժող ժողովուրդ չենք, մենք ուրիշներու կողմե միշտ ներխուժված ենք մեր Հայրենիքին մեջ»: Նա բացատրեց իր խոսքն ասելով, որ հայության ներխուժումը նշանակում է մասնակցություն խաղաղության, կյանքի և ստեղծագործության:

Վեհափառ Հայրապետը շնորհավորեց Փասադինայի նոր քաղաքապետ Բիլ Փափարյանին, որ իր նախորդ այցելության ժամանակ Քաղաքապետական խորհրդի անդամ էր, իսկ այժմ կոչված է ավելի կարևոր պատասխանատվության,՝ և միշտ առաջադիմելով ու վեր բարձրանալով ժողովրդին ծառայելու գիտակցությունն ակնարկելով Նորին Սրբությունը հայտարարեց. «Ա՛յդ, ես կկոչեմ հայկական ոճ»:

«Վարդերի քաղաք» կոչված Փասադինային անդրադառնալով, Վեհափառը հիշեցրեց, որ «երկիրը, ուրկե ես կուգամ, վարդերու երկիր չէ, ոչ ալ մեղրի երկիր: Վարդեր ունի, բայց վարդերն ունին իրենց փուշերը: Մենք կվերականգնվինք 70 տարվան ամբողջատիրական պետութենեն»: Հայաստանի ազատության և անկախության մասին խոսելով, Նորին Սրբությունը այսօրվա Անկախ Հայաստանի Հանրապետությունը նկատեց մեր երազի իրականացումը ու փառք տվեց Աստուծո, որ «մեզ բոլորս ականատեսը ըրավ այդ մեծ նվաճումին, որուն համար մեծ թիվով հերոսներ իրենց կյանքերը տվին, մեծ թիվով բանաստեղծներ իրենց լավագույն բանաստեղծությունները գրեցին, մեծ թիվով մայրեր ազատության «Օրոր»-ը երգեցին, մեծ թիվով ալեհերներ ըսին՝ «Հայ ծերուկը ցուպը ձեռին լալով խնդրում էր, Հայրենիքի ազատություն տեսնել ու մեռնել»:

Իր խոսքում Վեհափառը մեկ անգամ ևս վերահաստատեց իր հանձնառությունը Սուրբ Էջմիածնի Մայր Աթոռի ու Հայաստանի նկատմամբ՝ եզրակացնելով, որ իբրև «Նոր, Ազատ և Անկախ Հայաստանի մեջ ընտրված առաջին Ամենայն Հայոց Կաթողիկոս, սիրտս ոչ մեկ ձևի խտրություն կճանչնա, ոչ մեկ հայու նկատմամբ: Հայ Եկեղեցվո բոլոր զավակները ես կնկատեմ զավակները Մայր Աթոռ Սուրբ Էջմիածնի, ինչպես կնկատեի, երբ էի Կիլիկյան Աթոռի Կաթողիկոս»:

### ՎԵՀԱՓԱՌ ՀԱԹՐԱՊԵՏԸ ՀԲԸՄ-Ի «ԱԼԵՔ ՄԱՆՈՒԿԾԱՆ» ԿԵՆՏՐՈՆՈՒՄ

Նույն օրը, առավոտյան ժամը 11.30-ին, Ամենայն Հայոց Հայրապետը իր օրհնաբեր ներկայությամբ պատվեց ՀԲԸՄ-ի



Փասադենայի «Ալեք Մանուկյան» կենտրոնը:

ՀԲԸՄ-ի «Ալեք Մանուկյան» կենտրոնի մուտքի մոտ Նորին Սրբությանը դիմավորեցին ՀԲԸՄ-ի Հարավային Կալիֆորնիայի Շրջանային հանձնաժողովի անդամները:

Ընդունելության սրահում բարիգալստյան խոսք ասացին Բարսեղ Գարթայանը, որ մաս հանգամանորեն մերկայացրեց միության պատասխանատուներին, Ատենապետ Կարո Ատոմյանը և Սինան Սինանյանը:

Իր խոսքում Վեհափառ Հայրապետը նշեց, թե գալիս է Դեմոկրատից, որտեղ սիրալիկ հանդիպում էր ունեցել ազգային անգուգական բարերար և ՀԲԸՄ-ի ցկյանս պատվակալ նախագահ տիար Ալեք Մանուկյանի ու նրա որդու՝ ՄԱՍԲՕ Ընկերության Տնօրեն Խորհրդի նախագահ Ռիչարչ Մանուկյանի հետ և իր բարձր գնահատականը հայտնեց այն ջերմ ընդունելության համար, որ Ալեք և Ռիչարդ Մանուկյանները վերապահել էին իրեն:

Գարեգին Վեհափառը գերազանց գնահատականով արտահայտվեց ազգաշեն այն բացառիկ գործունեության մասին, որը Բարեգործականը ծավալում է գլխավորությամբ նախագահ Լուիզ Սիմոն Մանուկյանի նվիրյալ առաջնորդության, արտաշխարհում և հատկապես Հայրենիքում, մասնավորաբար ճգնաժամային այս օրերին, երբ Միությունը իր նյութական ու բարոյական միջոցները ի սպաս է դրել Հայրենիքի ազատության և անկախության ամրապնդմանը և Սուրբ Էջմիածնի պայծառացմանը: «Ես եկած եմ իմ տունս», ասաց Վեհափառ Հայրապետը և հատկապես շեշտեց ՀԲԸՄ-ի հետ ունեցած իր երկար տարիների սերտ գործակցությունը, Բարեգործականի Դարունի Հակոբյան Օրիորդաց Վարժարանի իր ուսուցչության օրերից մինչև այսօր: «Այդ փոխհարաբերությունը ամեն օր այլ ավելի կգարգանա ու կգորանա», ասաց Վեհափառը և հորդորեց միութենական պատասխանատուներին ու անդամներին՝ շարունակելու իրենց Աստվածահաճո հայրենասիրական գործը ի նպաստ Մայր Հայրենիքի ու Սուրբ Էջմիածնի:

### ՍԻՐՈ ՍԵՂԱՆ ՓԱՍԱԴԵՆԱՅԻ ՀԲԸՄ-Ի ԿԵՆՏՐՈՆՈՒՄ

Փասադենայի Հայ Բարեգործական Ընդհանուր Միության կենտրոնում Վեհափառ Հայրապետը, Ծխական Խորհուրդների և եկեղեցիների Տիկնանց վարչությունների անդամների հետ հանդիպելուց հետո Դինչպես մաս Պոլսահայ Միություն, ՀԲԸՄ-ի վարչություն, այցելեց Ս. Գրիգոր Լուսավորիչ եկեղեցի, ուր «Հրաշափառ»-ով դարաց դասի կողմից առաջնորդվեց դեպի Ս. Խորան:

Այստեղ Վեհափառ Հայրապետը իր պատգամը տվեց հավաքված հավատացյալ բազմությանը, հորդորելով արժանի ծառանգորդները լինել Սուրբ Գրիգոր Լուսավորչի, ում անունը տարածվել է մինչև

Ամերիկայի հեռավոր ափերը ի դեմս Սուրբի անունը կրող այս եկեղեցու: Լուսավորչի հավատքի պտղաբերումն է այսօրվա հայությունը, որն այժմ առավել պատասխանատվությամբ պիտի լծվի Եկեղեցու և Հայրենիքի վերաշինության գործին, որի սրբացած հողին որպես ոռոգման անսպառ ու կենսատու ջուր եղավ Մեծագործ Սուրբի պարզկա արցունքը:

Ապա Թաղական խորհուրդը եկեղեցու վերնասրահում սիրո-սեղան ճաշկերույթով պատվեց Ամենայն Հայոց Կաթողիկոսին: Ներկա էին եկեղեցու հովանու ներքո գործող հարակից կազմակերպությունները:

### ՀԱՆԴԻՊՈՒՄ ՀԱՅ ԵՐԻՏԱՍԱՐԳՆԵՐԻ ՀԵՏ

Կեսօրից հետո ՀԲԸՄ-ի Կենտրոնում Վեհափառ Հայրապետը նախագահեց Հայց. Եկեղեցու Երիտասարդական կազմակերպության նախաձեռնած երիտասարդական հավաքին, որին ներկա էին ավելի քան 600 երիտասարդներ:

Գեղարվեստական կոկիկ հայտագրի գործադրումից հետո, երիտասարդներին իր պատգամը ուղղեց Ամենայն Հայոց Հայրապետը: Շեշտելով երիտասարդության առջև ժամանակակից աշխարհի հարուցած դժվարություններն ու տագնապները, Նորին Սրբությունը անդրադարձավ ընտրելու կարողությանն ու կարևորությանը՝ զանազանեղ անցողիկը մնալուցից ու հավիտենականից, ապրել հոգևոր արժեքների գիտակցությամբ, որ այսօր ամենուր կարճես թե տեղատվություն է ապրում, և կյանքը գնալով ավելի աշխարհայնացում է: Եզրափակելով իր խոսքը, Վեհափառ Հայրապետն ասաց. «Իմ երիտասարդ եղբայրներ և քույրեր, եթե դուք ճշմարտապես հավատում եք գիտության և ծառայության, ուրեմն մատուցեք ձեր աշխատակցությունը ձեր համայնքին և ժողովրդին, Հայրենիքին ու Եկեղեցուն»:

Հանդիպման վերջում Վեհափառ Հայրապետը պատասխանեց տարբեր կազմակերպություններ ներկայացնող երիտասարդ-երիտասարդուհիների հուզող այժմեական հարցերին:

### ՎԵՀԱՓԱՌ ՀԱՅՐԱՊԵՏԻ ԱՅՑԵԼՈՒԹԵՈՒՆԸ ՓԱՍԱԳԵՆԱՅԻ ՀՄՄ-Ի ԿԵՆՏՐՈՆ

Երիտասարդական հավաքից հյուրանոց վերադառնալու ճանապարհին Վեհափառն այցելեց ՀՄՄ-ի Կենտրոն, որտեղ գտնվում են նաև ՍԴՀԿ գրասենյակները և «Մասիս» շաբաթաթերթի խմբագրատունը:

Վեհափառը դիմավորվեց որոտընդոստ ծափերով և ծաղկեփառներով և ապա առաջնորդվեց ՀՄՄ-ի Տան հյուրասրահ, ուր արժանացավ քացառիկ և ջերմ ընդունելության:

Գաբրիել Մոլոյանը Վեհափառ Հայրապետին ներկայացրեց ՍԴՀԿ-ի Կենտրոնի և Վարչի Մարմնի պատասխանատու անդամներին, ինչ-



պես մասն ՀՄՄ-ի «Նոր Սերունդ» Մշակութային Միության, «Կայծ» երիտասարդական Միության, «Մասիս» շաբաթաթերթի «Նոր Սերունդ» հեռուստամասի և այլ ենթակազմակերպությունների բաժինների աշխատակիցներին և վարիչներին:

Ողջույնի սրտաբույս խոսքով հանդես եկավ ՍԴՀԿ Վարիչ Մարմնի ատենապետ Տիրան Ընդերճյանը:

Պատասխան խոսքում Ամենայն Հայոց Հայրապետը պարզեց մեր Եկեղեցուն ու ժողովրդին հուզող հարցերը՝ շեշտը դնելով հայության միասնականության անհրաժեշտության վրա, մատնանշելով, որ այսօրվա Ազատ ու Անկախ Հայաստանն է միասնության և միատեղ քայլելու ճանապարհը, որը մեր անցյալից եկող և դեպ ապագան գնացող հարազատ ուղին է:

Նա խոսեց մասն Հայ Եկեղեցու, Մայր Աթոռ Սուրբ Էջմիածնի գործունեության վերաշխուժացման անհրաժեշտության մասին:

### ՊԱՇՏՈՆԱԿԱՆ ԾԱՇԿԵՐՈՒԹՅՈՒՆ

#### «ՍԵՆՁՐԻ ՍԻՔԻ ՓԼԱՋԱ» ՀՅՈՒՐԱՆՈՑՈՒՄ

Փետրվար 3-ի երեկոյան «Սենյորի Սիքի Փլազա» հյուրանոցի շքեղ սրահներից մեկում հավաքվել էին 1500 հայ և ամերիկացի հյուրեր՝ պաշտոնական ճաշկերույթով պատվելու Ամենայն Հայոց Հայրապետին:

Պատվո սեղանին Վեհափառ հայրապետի կողքին տեղ էին գրավել Վաչե Սրբազանը, Կալիֆորնիայի մախկին մահանգապետ Ջորջ Դեռքմենջյանը տիկնոջ հետ, ՀՀ հյուպատոս Արմեն Բայբուրդյանը, Հովհան Սրբազանը, Կիլիկյան թեմի առաջնորդական տեղապահ Մուշեղ Ծ. վրդ. Մարտիրոսյանը, Ազգային Թեմական Խորհրդի ատենապետ Ալեն սրկ. Ջենտյանը, Լոս Անջելոսի Կաթոլիկ համայնքի Առաջնորդ Կարդինալ Մահոնին, Ղպտի Եկեղեցու Առաջնորդ Սերապիոն Եպիսկոպոսը, Եպիսկոպոսական Եկեղեցու Առաջնորդ Ֆրեդերիկ Պորշը, Վեհափառ Հայրապետի դիմապորտման հանձնախմբի ատենապետ և օրվա հանդիսավար Ռոբերտ Պարսամը տիկնոջ հետ, և Արևմտյան Թեմի եկեղեցական դասը:

Գարեգին Վեհափառը հոտնկալս ծափողջույններով մուտք գործեց սրահ, ապա «Կոմիտաս» և «Խաչատրյան» միացյալ երգչախմբերը կատարեցին Միացյալ Նահանգների և Հայաստանի Հանրապետության օրհներգերը:

Հանդիսավար պրն. Պարսամը մախ հրավիրեց Կալիֆորնիայի փոխկառավարիչ Գրեյ Դելվիսին, որը կարդաց կառավարիչ Փիթ Ուիլսոնի ողջույնի գիրը:

Հայտնի իրավաբան Ուոլթեր Քարապյանը ներկայացրեց սրահում գտնվող ամերիկացի քաղաքական դեմքերին, որոնց մեջ էին Լոս Անջելոսի գլխավոր Օերիֆ Շարման Բլոկը, ընդհանուր դատախազ

Գիլ Գասեթին, Լոս Անջելոս գաղափարի վերականգնման Մայք Անտոնովիչին և Ջե Թարոսլավսկուն, Կալիֆորնիայի Գերագույն Դատարանի անդամներ Արմանդ Արաքյանին և Մարվն Բաքսթերին և այլոց:

Ողջույնի խոսքերով հանդես եկան Կաթոլիկ, Ղպտի և Եպիսկոպոսական Եկեղեցիների Առաջնորդները: Կոռ ելույթ ունեցավ նաև Առաջնորդ Վալեն Սրբազանը՝ հայտնելով Թեմի ժողովրդի սերն ու հարգանքը իրենց Վեհափառի հանդեպ, որի լավագույն օրինակն էր այդ օրը սրահում ազգային բոլոր կուսակցությունների, կազմակերպությունների և համայնքների ներկայացուցիչների անխտիր ներկայությունը: Սրբազան Հայրը ապա հրավիրեց Ամենայն Հայոց Հայրապետին՝ փոխանցելու իր պատգամը:

Նորին Սրբությունը շուրջ մեկ ժամ տևող ելույթի ընթացքում հայերեն և անգլերեն լեզուներով անդրադարձավ հայ ժողովրդի ազգային ու եկեղեցական այժմեական բոլոր հարցերին, նորանկախ Հայրենիքի այսօրվա կյանքին, ազգային միասնականությանը և մի շարք այլ հարցերի:

Գարեգին Վեհափառն իր պատգամը սկսեց շնորհակալություն հայտնելով Վալեն արքեպիսկոպոսին և կազմակերպիչ հանձնախմբին, ապա, իր խոսքն ուղղելով ներկաներին, ասաց. «Պատիվ ձեզի, որ գիտեք Ամենայն Հայոց Կաթողիկոսը ողջունել միասնական սիրտով»: Շարունակելով իր խոսքը, Վեհափառ Հայրապետն ավելացրեց. «Նոր առավոտ մի ծագեցավ մեր երկրի ու մեր ազգին համար: 20-րդ դարը սկսավ հայկական եղեռնով, մեզ պարտադրվեցավ սփյուռքը ու ապա սև ամպերու ետևեն երևցավ անկախության լույսը Հայաստանի վրա: Խորհրդայնացումեն ու Երկրորդ Համաշխարհային պատերազմեն ետքը, որու ընթացքին տվինք 300.000 զոհեր, լույսը դարձյալ ծագեցավ: Փա՛ղք, ով Աստված, նոր ու անկախ Հայաստանին համար»:

Խոսելով Հայաստանի ներկայի մասին, Վեհափառն ասաց. «Ես կուզամ Սուրբ Էջմիածնեն, որ այսօր ազատ ու անկախ է իր Հայրենիքի պես: Այդ անկախությունը արդեն չորս տարեկան է ու այժմ ազգակերտման ու պետականության կերտման ժամանակն է: Ժողովրդավարությունը ազատութենեն ավելի է: Ժողովրդավարությունը պատասխանատվություն կնշանակե»:

Անդրադառնալով մեր ազգային ներքին կացությանը Նորին Սրբությունն ասաց. «Ժամանակները կփոխվին, և եթե մենք ալ չփոխվինք, արժանի չենք ըլլալ պատմություն կերտելու: Հայաստանի և Սփյուռքի միջև պատերը պետք է փշրվին ու ես իմ ամբողջ ուժս պիտի նվիրեմ Հայրենիքին մինչև վերջին շունչս»:

Վեհափառը հանգամանորեն խոսեց Էջմիածնի Մայր Աթոռի ներկայիս կենսալից ընթացքի մասին: Կոչ ուղղեց ժողովրդին զորավիզ կանգնել իր հոգևոր սրբը:

Վեհափառի պատգամով և ժողովրդի հոտնկալս ծափահա-



րուքյուններով էլ ավարտվեց այս պաշտոնական ճաշկերույթը:

## ՕՐ ՉՈՐՐՈՐԳ

### ՀԱՅՐԱՊԵՏԱԿԱՆ ՍՈՒՐԲ ՊԱՏԱՐԱԳ ՍՈՒՐԲ ՊԵՏՐՈՍ ԵԿԵՂԵՑՈՒՄ

Փետրվարի 4-ին, կիրակի օրը, Ամենայն Հայոց Հայրապետ Գարեգին Ա Կաթողիկոսն իր ամդրանիկ Պատարագը մատուցեց Հարավային Կալիֆորնիայի Վեն Նայսի Ս. Պետրոս Եկեղեցում: Սուրբ Սեդանին սպասարկում էին Վաչե և Հովհանն արքեպիսկոպոսները:

Սուրբ և ամմահ Պատարագին ներկա հյուրերի թվում էին նաև Հույն Օրթոդոքս և Ղպտի համայնքների առաջնորդները:

Հընթացս Ս. Պատարագի Նորին Սրբությունը հոգեշունչ քարոզ խոսեց՝ «Ես եմ հացն կենաց» բնաբանով: Վեհափառը խոր վերլուծումներով բացատրեց հաց բառի իմաստը՝ ֆիզիկական և հոգևոր տեսանկյունից: Ծեշտեց հոգևոր հացի կարևորությունը, «որի սակավությունից է տառապում աշխարհը»: Քրիստոսով բերված և Ավետարանով մեզ փոխանցված այդ հացի օջախը մեր Սուրբ Եկեղեցին է: Այդ հացի պատրաստության և մատակարարման առաքելությանն է կոչված Մայր Աթոռ Սուրբ Էջմիածինը:

Ապա Վեհափառը խոսեց Հայրենիքի իրական կացության մասին՝ շեշտելով վերաշինության անմիջական և անհետաձգելի կարևորությունը. «Բոլոր հայերում պարտականությունն է այդ»:

Այնուհետև կոչ ուղղեց գորավիզ լինել «Հայաստան» Համահայկական Հիմնադրամին և վստահել նրան. «Ամեն ինչ կրնանք ընել, եթե միասին գործենք: Ոչինչ կրնանք ընել, եթե միասին չի գործենք: Եթե միասնաբար գործենք, այդ ժամանակ արժևորած կլինենք ազատությունն ու անկախությունը», եզրափակեց Գարեգին Վեհափառը:

Նույն օրը տասնյակ հազարավոր հայեր, նույն ժամին, հետևեցին Սուրբ Պատարագին՝ շնորհիվ «24 ժամվա հեռուստատեսություն» ընկերության ստեղծած պատեհության, երբ հայկական որոշ սրահներում և եկեղեցիներում գետեղված էին հատուկ լայնապաստառ հեռուստացույցներ՝ մեծապես դյուրացնելով նշանակալից այս արարողությունից անմասն չմնալու բաղձանքը:

### ՎԵՀԱՓԱՌ ՀԱՅՐԱՊԵՏԻ ԱՅՑԵԼՈՒԹՅՈՒՆԸ

#### «ԱՍՊԱՐԵԶ»-Ի ԽՄԲԱԳՐԱՏՈՒՆԸ

Նույն օրը, կեսօրից հետո, ժամը 16.30-ին, Վեհափառ Հայրապետը ժամանեց ՀՀԴ Արևմտյան Ամերիկայի օրգան «Ասպարեզ» օրաթերթի խմբագրատուն և ընդունվեց Կենտրոնական Կոմիտեի, «Ասպարեզի» խմբագրական կազմի, Մեծի Տանն Կիլիկիո Կաթողիկոսության Արևմտյան Ամերիկայի թեմի առաջնորդական

տեղապահ Մուշեղ ծ. վրդ. Մարտիրոսյանի, Ազգային վարչության, Հոգաբարձության, ՀՕՄ-ի, ՀՄԸՄ-ի և «Համազգային» կենտրոնական և շրջանային վարչությունների ներկայացուցիչների և գաղութային ներկայացնող ավելի քան հարյուր պատասխանատուների կողմից:

«Ասպարեզ» օրաթերթի շրջափակում բոլոր ներկաները հարազատորեն ու սիրայի ծափողջույններով դիմավորեցին Ամենայն Հայոց Հայրապետին: Ողջույնի իր խոսքում թերթի խմբագիր Ժան Գոսազյանը, բարի գալուստ մաղթելով Վեհափառ Հայրապետին, նշեց, թե անկախ այն իրողությունից, որ Վեհափառ անծանոթ չէ մեզ, սակայն այս առաջին անգամն է, որ Ամենայն Հայոց Կաթողիկոսը այցելում է խմբագրատուն, և ուրախ ենք մեր տան մեջ իր ներկայությամբ:

Ի պատասխան բարիգալստյան խոսքի, Վեհափառ Հայրապետն ասաց. «Շատ շնորհակալ եմ և խորապես ուրախ կզգամ ինքզինքս, որ այս անգամ գալով մոր պատասխանատվությանս մեջն ինքզինքս երբեք հեռացած չեմ զգար այն շրջանակեն, այն բարեկամներու և գործակիցներու ընտանիքեն, որ այս հաստատություններով արտահայտվող ընտանիքը եղած է և որում հետ կյանքիս կարևոր մեկ մասը անցուցած եմ: Նույն սիրով և մեծ ուրախությամբ կողջունեմ ձեզ այսօր:

Գիտեմ, թե ինչպես մվիրված եք դուք մեր ժողովուրդի ծառայության և ես իմ գնահատանքի խոսքս կուղղեմ ձեզի այն բոլոր աշխատանքներուն համար, որ կտանիք հատկապես մեր ժողովուրդի հայկական դիմագծության առողջ պահպանության հիմնական առաքելությամբ: Այսօր՝ ուրախ եմ նաև, որ ձեզի կրեքեմ Հայրենիքին շունչը»:

Այնուհետև Վեհափառ Հայրապետն առաջնորդվեց խմբագրի գրասենյակը, որտեղ առանձին-առանձին ընդունեց ներկա բոլոր կազմակերպությունների և միությունների ներկայացուցիչներին, որից հետո խորհրդակցական հանդիպում ունեցավ ՀՀ Դ. Բյուրոյի անդամ Աբո Պողիկյանի և Կենտրոնական Կոմիտեի կազմի հետ:

Ապա «Ասպարեզ»-ի խմբագրատան մեջ համախմբված միությունների և կազմակերպությունների ներկայացուցիչները առիթ ունեցան լսելու Վեհափառ Հայրապետի սրտի խոսքը, որում ի մասնավորի Նորին Սրբությունն ասաց. «Հիմա մոր իրադրության առջև ենք բոլորս: Հրապարակային խոսքերուս մեջ ըսի և այստեղ ալ, այս մտերմական շրջանակին մեջ կուզեմ կրկնել, որ որևէ հաստատություն, որևէ կազմակերպություն, որևէ միություն, որևէ ազգ., և մուսուլմանական որևէ եկեղեցի չի կրնար ժամանակներու հոլովույթին հետ չքալել: Այսօրվա ազատ և անկախ Հայրենիքի և ազատությամբ գործող Մայր Աթոռի՝ այդ երկու կարևորագույն արժեքներու հանդեպ թե՛ Հայաստանի և թե՛ արտերկրի հայը պետք է ունենա փոփոխության, պետք է ունենա առաքելության հստակություն, թե ինչպես կրնան գորացնել այդ երկու մվիրական սրբությունները՝ մեկը Եկեղեցին և մյուսը Հայրենիքը, իր անկախ Հանրապետությամբ: Հայաստանի և Սփյուռքի միջև տարբե-



րությունները զուտ մշակութային են և էության ու ոգիի տարբերություն են չեն տեսներ և հայության մեջ բաժանում չեն կրնար ըմբռնել: Հարցերում մեջ կրնանք տարբերություններ ունենալ, ատիկա բնական է, բայց հայության մեջ ճեղք են չեն կրնար հասկնալ: Որևէ մարմնի մեջ որևէ ճեղք այդ մարմնին ամբողջությամբ կվնասե և կրնա ամոր գործունեությունը նույնիսկ վտանգել: Հետևաբար այդ ոգիով կողջունեմ ձեզ և դուք ձեր Կաթողիկոսը ունիք այնտեղ՝ Ամենայն Հայոց Գահի վրա, ես ալ ձեզ ունիմ իբրև մեր ժողովուրդը առանց խտրության, դասակարգային կամ եկեղեցական կամ քաղաքական: Ապրի՛ք, հազար ապրիք և այդ ոգիով ապրիք: Կկարծեմ, որ բոլորս ալ այս օրերու դժվարությանց մեջեն կանցնինք և կհասնինք այնտեղ, ուր չեն ըսեր դժվարություն չենք ունենար, որովհետև չկա մարդկային ընկերություն, որ դժվարություն չունենա, բայց կգիտնանք գոնե նախընտրություններ կատարել, առաջնահերթություններ ճշտել, էականը երկրորդականեն զատորոշել և ընդհանրականին տալ ուժը, որուն մեջ մասնավորը գտնե իր արժեքը»:

### ԱՅՑԵԼՈՒԹՅՈՒՆ ՆԱՀԱՏԱԿԱՑ ՀՈՒՇԱՐՁԱՆ ԵՎ ՍՈՒՐԱ ՍԱՐԳԻՍ ԵԿԵՂԵՑԻ

«Ասպարեզ» օրաթերթի խմբագրություն այցելելուց հետո, վեհափառ Հայրապետն իր ջախսքով ուղղվեց դեպի Մոնտեռելյոյի Նահատակաց Հուշարձան, որտեղ ծաղիկների գետեղումից հետո կատարվեց հոգեհանգստյան արարողություն՝ ի հիշատակ Եղեռնի զոհերի:

Այստեղ, խոր հարգանք ընծայելուց հետո ցեղասպանության զոհերի հիշատակին, Նորին Սրբությունը բարձրորեն գնահատեց ներկաների հավատարմության ոգին մահատակների կտակին և հայ ժողովրդի արդար դատին:

Ապա այցելեց Սուրբ Սարգիս եկեղեցի, որտեղ հոծ բազմության ներկայությամբ Նորին Սրբությունը օժեց եկեղեցու Սուրբ Մկրտության Ավագանը և Սուրբ Սարգիս զորավարի պատկերը, օրհնեց օրվա մատաղը և իր հայրական պատգամը փոխանցեց ներկա հավատացյալներին, շնչտելով օրվա՝ Սուրբ Սարգսի տոնի խորհուրդը և կոչ ուղղեց ներկաներին ապրել մահատակաց օրինակով Հայրենիքի և Եկեղեցու բարգավաճման, առավել կենսավորման ու զորացման գիտակցումով:

### ՕՐ ՀԻՆԳԵՐՈՐԴ

#### ԱՅՑԵԼՈՒԹՅՈՒՆ «ԱՐԱՐԱՏ» ՏՈՒՆ

Փետրվարի 5-ը վեհափառ Հայրապետի համար եղավ ծանրագրադ օրերից մեկը:

Առավոտյան ժամը 08.00-ին վեհափառ Հայրապետն այցելեց Լոս Անջելոսում հայ տարեց սերնդին հոգատար խնամատարական ծառա-

յություններ մատուցող հաստատություն՝ «Արարատ» նվիրական անունով ճանաչված ծերանոց:

Ի պատիվ Հայոց Հայրապետի պաշտոնական նախաճաշ էր կազմակերպվել, որին ներկա գտնվեցին ավելի քան 400 հոգի՝ պատասպարյալներ, բարերարներ, բարեկամներ և Վեհափառի շքախմբի անդամները:

Հոգաբարձության ատենապետի և տնօրենի բարիգալստյան ջերմ խոսքերից հետո, Նորին Սրբությունը զգացված սրտով իր պատգամը տվեց ներկաներին: Նա առանձնապես իր խոսքն ուղղեց հայ հայրիկներին և մայրիկներին՝ ասելով նրանց, որ մեր ազգը երբեք չի կարող մոռանալ իր տարիքավոր անդամներին և նրանց խնամքը համարում է իր սրտի պարտքն ու պատիվը. «Դուք երջանիկ պետք է լինեք, որովհետև ձեր երկար տարիների նշոյություններից և տառապանքներից հետո, այսօր տեսնում եք հայ ժողովրդի վերածնության շքեղ երևույթը թե՛ Մայր Հայրենիքում և թե՛ արտասահմանում: Ջե՛րն է առաջին իրավունքը ուրախ լինելու, որովհետև դուք տառապեցիք, տքնեցիք, որպեսզի ձեր գավակներն ու թոռները բարեկեցիկ կյանք ունենան և իրենք իրենց զգան միջտ կապված և նվիրված իրենց Եկեղեցուն և ազգին: Ես մոր Հայրենիքից լույս և հույս եմ բերել ձեզ: Հրճվեցե՛ք և աղոթեցե՛ք առ Աստված, որ կենսունակ կյանքով վերածաղկի Մայր Աթոռ Սուրբ Էջմիածինը և մեր Մայր Հայրենիքը իր մոր Հանրապետությամբ»:

### ԳԱՐԵԳԻՆ Ա ԿԱԹՈՂԻԿՈՍԻ ԱՅՑԸ ՀՀ ՀՅՈՒՊԱՏՈՍՈՒԹՅՈՒՆ

Իր Հովվապետական առաջին այցով Կալիֆորնիայում գտնվող Ամենայն Հայոց Կաթողիկոս Գարեգին Վեհափառը փետրվարի 5-ին այցելեց Լոս Անջելոսում ՀՀ Գլխավոր Հյուպատոսություն: Նորին Սրբությանն ուղեկցում էին Վաչե արքեպս. Հովսեփյանը, Հովնան արքեպս. Տերտերյանը և այլ հոգևոր հայրեր:

Վեհափառ Հայրապետը ծանոթացավ հյուպատոսության աշխատակիցների հետ և օրհնեց Հայաստանի պետական ներկայացուցչությունը: Հյուպատոսարանի ընդունելությունների սրահում տեղի ունեցած զրույցի ընթացքում գլխավոր հյուպատոս Արմեն Բալթորդյանը, բարի գալուստ մաղթելով Վեհափառ Հայրապետին, նշեց այն կարևոր դերն ու նշանակությունը, որ ունի Հայ Առաքելական Եկեղեցին, Մայր Աթոռ Սուրբ Էջմիածինը մեր իրականության մեջ: Վեհափառի այս պատմական այցը հյուպատոսը գնահատեց որպես ժողովրդի խանդավառության և հոգևոր գործության մի հզոր աղբյուր:

Վեհափառ Հայրապետն իր խոսքում ասաց, որ գտնվելով հյուպատոսությունում՝ Հայաստանյան հողի վրա, իրեն զգում է ինչպես տանը. «Ինձ համար բոլորովին մոր զգացում է, երբ Հայաստան երկրից



դուրս գալով տարբեր պետություններում ինձ դիմավորում են Հայաստանի Հանրապետության դեսպանները, իսկ այստեղ՝ Կալիֆորնիայի հողում, Հայաստանի գլխավոր հյուպատոսը»:

Նորին Սրբությունն անդրադարձավ ման Հայոց անկախ պետության ներկա իրավիճակին և նշեց, որ, չնայած բոլոր դժվարություններին և փորձություններին, Հայաստանը վստահ քայլերով առաջ է շարժվում: Վեհափառ Հայրապետն առանձնացրեց այն երկու գործոնները, որոնք մեծապես պայմանավորում են Հայաստանի առաջընթացը. դրանք են՝ երկրի կայունությունն ու ապահովությունը: Իսկ ինչ վերաբերում է տնտեսական բարեփոխումներին, ապա դրանք տեսանելի են ոչ միայն առօրյա կյանքում, այլև լսելի բազմաթիվ օտարերկրյա մասնագետների կարծիքներում:

Հանդիսությունների սրահ էին հրավիրված ման «Հայաստան» Համահայկական Հիմնադրամի Արևմտյան Ամերիկայի տեղական հանձնախմբի ղեկավարներն ու անդամները: Վեհափառ Հայրապետը նշեց Հիմնադրամի առանձնահատուկ կարևորությունը՝ շեշտելով, որ սա այն կառույցն է, որին յուրաքանչյուր հայ պարտավոր է բերելու իր մասնակցությունը: Նորին Սրբությունն ավելացրեց, որ որպես հոգևոր առաջնորդ իր բոլոր ջանքերը կնեղում, որպեսզի ապահովվի հայոց ազգովին մասնակցությունը Հիմնադրամի ծրագրերին:

Իր խոսքում «Հայաստան» Համահայկական Հիմնադրամի Արևմտյան Ամերիկայի հանձնախմբի նախագահ Ռաֆի Ուրֆալյանը համառոտ ներկայացրեց Արևմտյան ափում Հիմնադրամի կատարած աշխատանքներն ու հեռանկարները: Այնուհետև հայտարարեց, որ հայտնի բարերար, ծնունդով Սասունից Հարություն Սիմոնյանը 200.000 դոլար է նվիրել Հիմնադրամին՝ Թալինի շրջանի Ոսկեթափ գյուղում դպրոց կառուցելու նպատակով:

Վեհափառ Հայրապետը բարձր գնահատելով Հարություն Սիմոնյանի բարերարությունը և ընդհանրապես առանձին անձանց կողմից խոշոր գումարներով Հիմնադրամի ծրագրերին մասնակցելը, միևնույն ժամանակ նշեց, որ յուրաքանչյուր հայ իր հնարավորության սահմաններում պետք է իր մասնակցությունը ունենա Հիմնադրամի աշխատանքներին: Գարեգին Վեհափառը մասնավորապես անդրադարձավ Հիմնադրամի կողմից Գորիս-Ստեփանակերտ մայրուղու կառուցմանը՝ կանգ առնելով այս համազգային կառույցին բոլորիս պարտադիր մասնակցության անհրաժեշտության վրա:

### ՎԵՀԱՓԱՌ ԷԱԹՐԱՊԵՏԸ ՍԱԿՐԱՄԵՆՏՈՑՈՒՄ

Հյուպատոսարանից Գարեգին Վեհափառը, ընկերակցությամբ Վաչե և Հովնան սրբազանների ու շքախմբի մյուս անդամների, հատուկ իրեն տրամադրված անձնական օդանավով մեկնեց Սակրամենտո՝ Կալիֆորնիա նահանգի մայրաքաղաք:

Օդանավակայանում նրան դիմավորեցին Արիս Էպս. Շիրվանյանը, տեղի հոգևոր հովիվ Եղիա քհն. Հայրապետյանը և հայ համայնքի ներկայացուցիչները:

Նորին Սրբությունը օդանավակայանից ուղղակիորեն առաջնորդվեց Կալիֆորնիա նահանգի նահանգապետարանի շենք, որտեղ դիմավորվեց նահանգի Խորհրդարանի նախագահի կողմից: Այստեղ վեհափառ Հայրապետը բազմաթիվ առանձնակի հանդիպումներ ունեցավ Կալիֆորնիայի Համագումարի և Կոնգրեսի անդամների հետ և ապա առաջնորդվեց Խորհրդարանի սրահ, որտեղ հավաքվել էին թե՛ Համագումարի և թե՛ Կոնգրեսի անդամները:

Նախագահի հրավերով, այս միացյալ միստին ելույթ ունեցավ վեհափառ Հայրապետը և առաջին հերթին իր գոհունակությունն հայտնեց, որ գտնվում է Կալիֆորնիա նահանգի գերագույն ժողովի այս պատմական կենտրոնում:

Իր ճառում նա խոսեց Հայաստանի անկախությանը ստեղծված մոր իրադրության մասին՝ ասելով, որ դա հայոց պատմության մեջ դարձակետային նշանակություն ունեցող երևույթ է, որ ամբողջ ազգի վերանորոգության բարիքն է բերում ազատության և անկախության պայմանների ներքո. «Ծիշտ է, որ բազում դժվարությունների միջից է անցնում մեր մոր Հայրենիքը, տնտեսական, ընկերային, քաղաքական պայմանները ծանր են, բայց զարգացման ընթացքը դեպի բարելավում օրեօր առավել է շեշտվում»: Ապա շնորհակալություն հայտնեց Ամերիկյան պետությանը և ժողովրդին, հատկապես Կալիֆորնիա նահանգի ցույց տված զորակցության համար, և մաղթեց, որ օրեօր առավել բարգավաճի Կալիֆորնիայի նահանգի կյանքը:

Այնուհետև վեհափառը անդրադարձավ Հայց. Եկեղեցու կացությանը և բերելիք նպաստին Հայաստանի և հայ ժողովրդի վերակենդանության այս ճակատագրական շրջանում: Խոսեց 1700-ամյակի մասին և ասաց, որ 1700 տարիների քրիստոնեական հավատքի ներգործությունը Հայաստանում վերստին է արժևորվում Մայր Աթոռ Սուրբ Էջմիածնի օրից օր աշխուժացող հոգևոր ծառայության միջից: Իր խոսքի վերջում վեհափառն անդրադարձավ նաև արդի աշխարհում և արդիապաշտ կյանքի պայմաններում հոգևոր արժեքների տեղատվությանը և հորդորեց, որ բոլոր պատասխանատու անձերը իրենց գործունեության մեջ առավել ևս կարևորեն հոգևոր և բարոյական առողջ կյանքի սկզբունքների և ապրելակերպի ընթացքը:

## ՎԱՀԱՓԱՌ ՀԱԹՐԱՊԵՏԸ ՍԱԿՐԱՄԵՆՏՈՅԻ ՍՈՒՐԲ ՀԱԿՈՔ ԵԿԵՂԵՑՈՒՄ

Կառավարական տուն այցելությունից անմիջապես հետո, Նորին Սուրբ Օծությունը ուղղվեց դեպի հայոց Սուրբ Հակոբ եկեղեցի, որտեղ երկու հանդիպում ունեցավ ժողովրդի հետ:



Նախ եկեղեցում կատարվեց գոհաբանական աղոթք, որին ներկա գտնվեցին նաև ոչ հայկական եկեղեցիներից, հատկապես, Կաթոլիկ եկեղեցուց ներկայացուցիչ հոգևորականներ:

Հոգևոր հովիվ Նիկոլայ Բախանյանի բարիգալստյան սրտալից խոսքից հետո, Վեհափառը հոգելից քարոզով քաջալերեց հավատացյալներին, որ իրենց մասնակցությունը եկեղեցու կյանքին վերածեն շարունակական ընթացքի և ոչ թե պատահական դեպքերի:

Ապա եկեղեցում կից սրահում ճաշկերույթ տրվեց ի պատիվ Վեհափառ Հայրապետի: Այստեղ նա մտերմական շեշտով խոսեց ժողովրդի հետ և մանրամասն տեղեկություններ տվեց նրանց Հայաստանում եկեղեցական և աշխարհիկ կյանքի իրական կացության մասին:

Նորին Սրբությունն ասաց, որ վերածնության շունչն է այժմ տարածվում ողջ հայության կյանքում, և Սակրամենտոյի հայությունն էլ պարտավոր է մասնակից դառնալ և իր նպաստը բերել այս պայծառ երևույթին:

### ՎԵՀԱՓԱՌՆ ԶԱԹՐԱՊԵՏԻ ԱՅՑԵԼՈՒԹՅՈՒՆԸ ԼԱՍ ՎԵԳԱՍԻ ԶԱԹՈՒԹՅԱՆԸ

Փետրվարի 5-ին, երեկոյան ժամը 18.30-ին, Գարեգին Վեհափառը ժամանեց Լաս Վեգասի օդանավակայան, որտեղ ծխի հովիվ Տ. Օահե ավ. քհն. Սեմերճյանը, ըստ հայկական սովորության, Վեհափառին ներկայացրեց ավանդական հացն ու աղը օրհնության համար, ապա, հանուն Լաս Վեգասի հայության, բարի գալուստ մաղթեց Նորին Սրբությանը:

Վեհափառ Հայրապետն իր շքախմբով առաջնորդվեց Հումաց Հովհաննես Մկրտիչ եկեղեցի, որտեղ դպրաց դասը «Հրաշափառ»-ով դիմավորեց Հայոց Կաթողիկոսին: Կանոնական աղոթքից հետո Առաջնորդ Վաչե Սրբազանը ներկայացրեց Հույն եկեղեցու հովիվ Իլայա Քաթրիին: Վերջինս, բարի գալուստ մաղթելուց հետո, երգեց Հումարեն Հայրապետական Մաղթանքը: Ապա Սրբազան Հայրը հանգամանորեն ներկայացրեց Վեհափառ Հայրապետին:

Վեհափառը հուզիչ և ներշնչուն խոսքերով ասաց.

Ա. Անհրաժեշտ է, որ հայորդիները մեցուկ լինեն Հայաստանի այսօրվա անկախությանը: Այն ոչ մի կուսակցության չի պատկանում, այլ բոլորինն է:

Բ. Անկախությունը, որ այսօր 70-ամյա բռնատիրությունից հետո վայելում է Հայաստանը, պետք է պահվի որպես նվիրականագույն արժեք, հարգանք, զորավիզ լինենք, քաջալերենք և հպարտ լինենք ինչպես մյուս ազգերը:

Գ. Անկախության պտուղը սկսել է վայելել Հայոց. եկեղեցին, քացեղով նորանոր եկեղեցիներ հայրենի աշխարհում և նաև ազատորեն քարոզել, աղոթել և Հոգևոր Ըմբարանը զարգացնել նոր ուժերով:

Դ. Այդ մարզում իր գերագույն աստիճանի դերն ունի Սուրբ Էջմիածինը, հայ ժողովրդի հավատքի կենտրոնը, հույսը և սերը: Հարկավոր է խմբվել նրա հովանու ներքո, նրանից հոգևոր լույս և ջերմություն ստանալու համար:

Ե. Այս ամենը կարելի է իրագործել միայն ու միայն հայ ժողովրդի միասնականությանը, համագործակցությանը, բարոյական ու նյութական զոհողությանը:

Զ. Իբրև ազատ ու անկախ Հայաստանում ընտրված առաջին Ամենայն Հայոց Կաթողիկոս. «սիրտս ո'չ մեկ խտրություն կճանճա ոչ մեկ հայու նկատմամբ: Հայ Եկեղեցվո բոլոր զավակները ես կնկատեմ զավակները Մայր Աթոռ Սուրբ Էջմիածնի, ինչպես կնկատեի, երբ Կիլիկյան Աթոռի Գահակալ էի»: Հավարտ Վեհափառի հայրական խոսքերի, դպրաց դասը երգեց «Հայրապետական Մաղթանքը», որից հետո շքախումբը մեկնեց մեծ բարերար պրն. Քրք Գրգորյանի կողմից տրամադրված «Էմ Զի Էմ» հյուրանոցի հանդիսասրահը որտեղ հավաքված շուրջ 400 ազգայիններ դիմավորեցին Վեհափառ Հայրապետին: Հյուրասիրությունը ընծայվեց՝ հյուրանոցի գլխավոր կազմակերպիչ ունենալով տիկ. Աիդա Եսենեջյանին:

Այստեղ ծխական խորհրդի ատենապետ պրն. Գառնի Օվյանը ներկայացրեց պատվո սեղանի անդամներին և մատնանիշ արեց Շահեալ. քահանայի մատուցած ծառայությունը այս համայնքից ներս: Ապա մեկ անգամ ևս շնորհակալություն հայտնեց Հունաց Եկեղեցու հովվին, որ ամսվա երկրորդ կիրակիներին Լաս Վեգասի հայ համայնքին տրամադրում է իրենց եկեղեցին:

Վաչե Սրբազանի ներկայացնող խոսքից հետո, Վեհափառ Հայրապետը տվեց իր պատգամը՝ շեշտելով ծխի ներսում խաղաղությանը ապրելու անհրաժեշտությունը, «Մեկ կրոնք, մեկ Եկեղեցի, մեկ ազգ և մեկ Հայրենիք ասելը ճշմարիտ իմաստ կզգենու, երբ ապրինք այդ կարգախոսի համաձայն:

Վեհափառ Հայրապետի «Պահպանիչ»-ով էլ ավարտվեց այս օգտաշահ ու կարևոր հավաքույթը, որից հետո Վեհափառը նույն օդանավով վերադարձավ Լոս Անջելոս:

## ԱՅՑԵԼՈՒԹԹՈՒՆ ԿԵՆՏՐՈՆԱԿԱՆ ՇՐՋԱՆ

### ՓԵՏՐՎԱՐ 8-10

Երեքշաբթի, փետրվարի 8-ի առավոտյան, Վեհափառ Հայրապետը Ֆրեզնո մեկնելու համար ուղղվեց դեպի Լոս Անջելոսի միջազգային օդանավակայան, որտեղ նրան սպասում էր Սասուն վրդ. Զմրուխտյանի և ընդունելության հանձնախմբի ատենապետ դոկտ. Վարուժան սրկ. Ալթըքարմաքյանի առաջնորդությամբ Ֆրեզնոյից ժամանած հատուկ ինքնաթիռը:



### ՎԵՀԱՓԱՌ ԼԱՅՐԱՊԵՏԸ ՖԵԶՆՈՅԻՄ

Փետրվարի 6-ին երեքշաբթի օրը, բազմամարդ էր Ֆեզգնոյի օդանավակայանը: Եկել էին դիմավորելու Ամենայն Հայոց 131-րդ գահակալին:

Վեհափառ Հայրապետը, ընկերակցությամբ Առաջնորդ Տ. Վաչե արքեպս. Հովսեփյանի, Կանադայի Առաջնորդ Տ. Հովնան արքեպս. Տերտերյանի և գաղազանակիր Տ. Արտակ արքեպ. Տիգրանյանի, կեսօրվա ժամը 12.00-ին ժամանեց Ֆեզգնոյի օդանավակայան: Ավանդական աղ ու հացի օրհնությունը կատարելուց հետո, Նորին Սրբությունը ներկա հավատացյալ հարյուրդիներին հղեց իր հայրական պատգամը.

«Լ'յս արևին տակ ես աչքերս դեպի երկինք կբարձրացնեմ ձեր աչքերում ընդմեջեն և փառք կուտամ Աստուծո, որ այս օրը շնորհեց ինձի 44 տարվան իմ ծառայությանս մեջ: Կուգամ տեղե մը, որ մեր բոլորին ծննդավայրն է, այն տեղեն, ուր մենք ծնանք որպես քրիստոնյա ազգ, երկիր մը, որում մեջ ապրեցին մեր մայրնիք և որի անկախության համար երազեցինք, որ կկոչվի Հայաստան, որ այսօր կորոշի իր ապագան առանց ճնշումի և կաշկանդման: Գալիք օրերում ձեր բոլորին հարցումներում պատասխանելու ժամանակ պիտի ունենամ և, մանավանդ, ձեզ լսելու:

Մի քանի տարիներ առաջ հոս եղա որպես Մեծի Տանն Կիլիկիո Կաթողիկոս, այսօր եկած եմ որպես Ամենայն Հայոց Կաթողիկոս, բայց ես մույն անձն եմ առանց վարանումի, որովհետև կուգամ մույն Եկեղեցիին ամուսնով, մույն Եկեղեցիին համար»:

Օդանավակայանում արտասանած խոսքից հետո, Վեհափառ Հայրապետը հանդիպեց թերթերի թղթակիցների հետ՝ պատասխանելով զանազան հարցումների, մատնանշելով Հայց. Եկեղեցու կացությունն ու դերը Անկախ Հայաստանում:

### ՎԵՀԱՓԱՌ ԼԱՅՐԱՊԵՏԸ ՖԵԶՆՈՅԻ ՍՈՒՐԲ ՊՈՂՈՍ ԵԿԵՂԵՑՈՒՄ

Ժամը 14.00-ին Վեհափառ Հայրապետը «Հրաշափառ»-ով մուտք գործեց Ֆեզգնոյի Սուրբ Պողոս Եկեղեցի՝ հոգևորականների, դպրաց դասի և սարկավագների առաջնորդությամբ:

Արևմտյան թեմի Առաջնորդ Վաչե արքեպիսկոպոսի բարիգալստյան խոսքից հետո, եկեղեցու հովիվ Սասուն վրդ. Զմրուխտյանը անգլերենով արտահայտեց իր և իր ծուխի ուրախությունը Ամենայն Հայոց Հայրապետի այցելության առիթով:

Այնուհետև իր օրհնության խոսքն ու պատգամը փոխանցեց Վեհափառ Հայրապետը՝ ասելով. «Փառք կուտամ Աստուծո, որ այս օրվան արժանացա: Բոլորս որպես մեկ հոգի, մեկ սիրտ և մեկ հավատք լլլանք կողք-կողքի, միացյալ հոգով»: Խոսելով այսօրվա ազատության շնչով

ապրող Հայրենիքի ու նրանից անբաժան Սուրբ Էջմիածնի մասին, Վեհափառը վեր հանեց երջանկահիշատակ Վազգեն Ա Կաթողիկոսի գործունեությունը, որպես Էջմիածնաշեն Հայրապետի, և ավելացրեց, թե այսօր մեր Հոգևոր Մեսարանում 110 աշակերտներ են պատաստվում, որպեսզի վաղվա մեր Եկեղեցու հովիվները լինեն և առաջնորդեն մեր ժողովրդին. «Ես ինչպե՞ս կրնամ մինակս իմ վրա դրված այս ծանր պարտականությունը տանիլ առանց ձեր օժանդակության և օգնության»: Ապա Սուրբ Էջմիածնի պատմական ակնարկը կատարելով՝ Նորին Սրբությունը հուզումնախառն ասաց. «Ոտքի կանգնի՞նք Աստուծո առջև որպես մեկ Եկեղեցի և մեկ ազգ: Աստված պիտի չնեղե մեզի, եթե բոլորս ձեռք-ձեռքի չտանք և արժանի պիտի չըլլանք ուրեմն ազատ ու անկախ ըլլալու»:

Վեհափառը իր խոսքը եզրափակեց գոհունակություն և ուրախություն հայտնելով Վաչե և Տաթև Սրբազաններին, Մյուռոն Ժ. վարդապետին և Սասուն վարդապետին ու բոլոր հարանվանությունների ներկայացուցիչներին, որոնք եկել էին նրան դիմավորելու և իրենց հարգանքն ընծայելու:

Արարողությունից հետո հավատացյալ ժողովուրդը եկավ համբուրելու Վեհափառ Հայրապետի Աջը՝ ստանալով Սուրբ Էջմիածնից բերված խաչեր:

## ՕՐ ԵՐԿՐՈՐԴ

### ՎԵՀԱՓԱՌ ՀԱՅՐԱՊԵՏԸ ՍՈՒՐԲ ԳՐԻԳՈՐ ԼՈՒՍԱՎՈՐԻՉ ԵԿԵՂԵՑՈՒՄ

Փետրվարի 7-ին, չորեքշաբթի, առավոտյան ժամը 9.30-ին, «Հրաշափառ»-ի արարողությամբ Հայոց Հայրապետը մոտեց գործեց Ֆաուլթրի Ս. Գրիգոր Լուսավորիչ եկեղեցի, ուր նրան անհամբերությամբ էր սպասում հավատավոր ժողովուրդը:

Եկեղեցու հոգևոր հովիվ Տ. Գևորգ քհն. Առաքելյանը գեղեցիկ ուղերձով իր սրտագին բարիգալստյան խոսքն ուղղեց Վեհափառ Հայրապետին նրան ներկայացնելով իր հոգևոր հոտի անդամներին, հատկապես նոր սերունդի՝ երեխաների և պատանիների աշխույժ մասնակցությունը Եկեղեցու կյանքում թե՛ կիրակնօրյա վարժարանի և թե՛ եկեղեցական արարողությունների միջից:

Երեխաները ևս իրենց նվերներն ընծայեցին Վեհափառին և իրենց կենսուրախ ներկայությամբ խոր հրճվանք պատճառեցին նրան:

Ապա Հայոց Հայրապետը ջերմ խոսքերով ողջունեց եկեղեցու կենսունակ կյանքը և հատուկ խոսք ուղղեց նաև երեխաներին: Մասնավոր կերպով շեշտեց այն ճշմարտությունը, որ եկեղեցին եկեղեցի է իր հավատացյալներով: «Դա՛ է կենդանի եկեղեցին», ասաց նա:



Նորին Սրբությունը շեշտեց նաև այսօրվա պահի կարևորությունը, որ յուրաքանչյուր մարդ և առավել ևս հայ մարդ իր պարտականությունների կատարման ճանապարհին աչքի առջև պիտի ունենա հարափոփոխ ժամանակների առաջ բերած հրամայականները: Ներկայիս այդ հրամայականն է ապրել ազատագրված Հայրենիքի գորացման և Գրիգոր Լուսավորչի Տեսիլքի շողարձակում Սուրբ Էջմիածնի վերածաղկման գաղափարով: Տարակարծություններ և հարցերի բազմաթիվ ընկալումներ կարող են լինել, սակայն դրանք էական նշանակություն պիտի չունենան, այլ շաղախված պետք է լինեն սիրո և միության անխախտելի և ամենագոր գիտակցությամբ:

### ՎԵՀԱՓԱՌԻ ՀԱՅՐԱՊԵՏԸ ՍՈՒՐԲ ՍԱՀԱԿ-ՄԵՍՐՈՊ ԵԿԵՂԵՑՈՒՄ

Ժամը 10.40-ին, դարձյալ «Հրաշափառ»-ի արարողությամբ Նորին Սրբությունը մուտք գործեց Բիթլիի Ս. Սահակ-Մեսրոպ եկեղեցի: Խոսումերան բազմությունն անկարագրելի սիրով և ըղձաճքով էր սպասում իր Հովվապետին:

Եկեղեցում ողջույնի խոսք ասաց եկեղեցու ծխական խորհրդի նախագահ Զերրի Արապյանը նշելով, որ այս օրը մեծ ուրախության և բերկրանքի օր է այս ծխի համար, «կարծում եմ այն պատմական է ոչ միայն այս փոքրիկ համայնքի, այլև ողջ շրջանում ապրող հայության համար: Մենք մեծ պատիվ ենք համարում Ձեր այցելությունը մեզ, որովհետև Ձերո Սրբության այդքան բազմազբաղ ժամանակում չմոռացաք այցելել և օրհնել նաև մեր փոքրիկ եկեղեցին ու համայնքը: Սրանից 36 տարիներ առաջ, 1960 թ. Հուլիսին, մեզ այցելեց Վազգեն Ա Երջանկահիշատակ կաթողիկոսը և այսօր՝ 36 տարիներ հետո մեզ օրհնելու է եկել Նորին Սուրբ Օծություն Գարեգին Ա-ը:

Ընդհանրապես և Աստված թող գորացնի Ձեզ»:

Խոսքի սկզբում Վեհափառ Հայրապետը նախ իր ընդհանրապեսությունը հայտնեց այսքան ջերմ և սրտամոտ ընդունելության համար և փառք վերընծայեց առ Աստված, որ իրեն բերել է այսպիսի ժողովրդին ծառայելու: Ապա շարունակելով խոսքը Նորին Սրբությունն ասաց. «Այս դարը, որ կրացվի իբրև լույսի շրջան մեր Հայոց պատմության, մեր բոլորի պարտքն է ուր ալ ըլլանք, ինչ ալ ըլլանք, ինչ ժամանակի մեջ ալ որ ապրինք, ինչ տեսակի մասնագիտություններ ալ ունենանք՝ այսօրվա հրամայականն է մեր ամբողջական և մեկ հայության պատկանելիության տակ գործել, այլապես արժանի չենք Աստուծո այս մեծ տուրքին՝ մեր ազատության և անկախության»:

## ՎԵՀԱՓԱՌ ՀԱՅՐԱՊԵՏԸ ԵՂԵՄԻ ՍՈՒՐԲ ԱՍՏՎԱԾԱԾԻՆ ԵԿԵՂԵՑՈՒՄ

Ժամը 12.00-ին Ն.Ս.Օծությունը, եկեղեցական թափորով և «Հրաշափառի» երգեցողությամբ, մուտք գործեց Եղեմի Ս. Աստվածածին եկեղեցի՝ հանդիպելու իր հոտի հավատավոր զավակներին, բաշխելու հայրական պատգամ-հորդորները:

Եղեմի Սուրբ Աստվածածին եկեղեցու հոգևոր հովիվ Տ. Ստեփաննոս քհն. Դինգիլյանը սրտագին խոսքով իր և իր հոգևոր հոտի երախտագիտություն հայտնեց Վեհափառ Հայրապետին՝ Եղեմի եկեղեցու հավատացյալների հանդեպ նրա ցույց տված հայրական սիրո և հոգածության համար:

Նորին Սրբությունն իր քարոզ-խոսքում ասաց, որ առաջին անգամն է մեկ առավոտվա ընթացքում երեք եկեղեցիներ այցելում և փառք ու գոհություն հայտնեց Ամենաբարձրյալն Աստուծո, որ այս գեղեցկագույն առիթն ընծայեց հաղորդվելու իր ժողովրդի բոլոր զավակների հետ:

Նա ավելացրեց, որ ինքը շատ է լսել Եղեմի հայոց եկեղեցու անցյալի դերի մասին և ուրախ է տեսնելով այսօր եկեղեցին լեցուն հավատացյալների բազմությամբ: Նա ասաց, որ պատմության ընթացքը միշտ փոփոխությունների շարան է: Այդ փոփոխություններից ամենակարևորներից մեկը մեր Մայր Հայրենիքի վերանկախացումն է և նրա մեջ Մայր Աթոռ Սուրբ Էջմիածնի վերածաղկումը և առաքելության վերաշխուժացումը. «Կապված մնացեք ձեր մորը և Ավետարանի շունչը զգացեք նրա դարավոր գործունեության սուրբ ավանդությունից»:

## ԵՐԻՏԱՍԱՐԴԱՑ ՀԱՎԱՔ ՍՈՒՐԲ ՊՈՂՈՍ ԵԿԵՂԵՑՈՒՄ ՎԵՀԱՓԱՌ ՀԱՅՐԱՊԵՏԻ ՆԱԽԱԳԱՀՈՒԹՅԱՄԲ

Երեկոյան ժամը 5.30-ից մինչև 7.30-ը Վեհափառ Հայրապետը նախագահեց երիտասարդաց հավաքը, որ տեղի ունեցավ Ֆրեզնոյի Ս. Պողոս եկեղեցու ընդարձակ սրահում: Հրավիրվածների թվում էին Ֆրեզնոյի շրջանի Հայաստանյայց եկեղեցու երիտասարդաց կազմակերպությունների ամրամները, համալսարանական ուսանողները, Կիրակնօրյա վարժարանի աշակերտությունը և շրջանի ողջ երիտասարդությունը:

Եկեղեցում կատարված ժամերգությունից հետո, Վեհափառ Հայրապետն ամենաքաղցր սիրով ընդունեց Ֆրեզնոյի շրջանի երիտասարդ սերնդի իր զավակներին: Մտերմիկ և զվարթախոհ խոսքերով քաջալերեց նրանց, որ իրեն դիմեն այժմեական խնդիրներին վերաբերող հարցումներով: Ուղղված հարցերը վերաբերվում էին հատկապես Հայ եկեղեցու կյանքում կանանց մասնակցությանը, եկեղեցում հայերեն և անգլերեն լեզուների գործածությանը, որոնց Վեհափառ



Հայրապետը հանգամանալի բացատրություններ տվեց, որոնք ծափահարություններով ընդունվեցին՝ աներկաների կողմից:

Իր խոսքի վերջում նա կոչ ուղղեց երիտասարդներին, որ գիտենան ընտրել կյանքում այն, ինչը որ հոգևոր, բարոյական արժեք ունի, և զոհ չգնան ամեն տեսակ մակերեսային ճաշակների և ախորժակների, բարքերի և սովորությունների, որոնք հաճախ թունավորում են մեր կյանքը՝ աներկայումս Ամերիկայում և նաև այլ երկրներում:

## ՕՐ ԵՐՐՈՐԴ

### ՎԵՀԱՓԱՌ ՀԱՅՐԱՊԵՏԻ ԱՅՑԵԼՈՒԹՅՈՒՆԸ ՀԱՅ ՏԱՐԵՑՆԵՐԻ ՏՈՒՆ

Ֆրեզմոյում գտնվելու Հովվապետական այցելության երրորդ օրը՝ հինգշաբթի, փետրվարի 8-ի առավոտյան ժամը 9.45-ին, Վեհափառ Հայրապետն սկսեց համայնքի նախ ամենատարեցներին՝ հայ կյանքի բազմաթիվ ծայրերին ու իրադարձություններին ակամատես եղած հայ տատիկներին ու պապիկներին տված տեսակցությամբ, այցելելով Կալիֆորնիայի Հայ Տարեցների Տուն: Այստեղ ևս Նորին Սրբությունը շրջելով և, կարելի է ասել, առանձին-առանձին զրուցելով ու տեսակցելով տարիների մտավածքն իրենց ուներին ու աչքերին ունեցած ծերունիների հետ, պատմեց նրանց այսօրվա ազատությամբ ու անկախությամբ ապրող Հայաստանի ու Սուրբ Էջմիածնի մասին, որ հենց նրանց երազանքն է եղել, ոգևորեց և հուզեց նրանց սրտերը՝ ասելով, որ նրանք երջանիկ սերունդ են, քանի որ ակամատես լինելով հայ իրականությանն դժբախտություններին, այսօր դեռ իրենց աչքերը աշխարհին չփակած Հայրենիքի ազատության համար ցուպը ձեռքերին լալով տենչալու անհրաժեշտությունը չունեն, որովհետև Հայրենիքն այլևս ազատ է և աշխարհի բոլոր ժազերից կոչում ու կանչում է իր զավակներին գալու, հավաքվելու՝ որպես մեկ սիրտ ու մեկ հոգի ապրելու համար:

### ԱՅՑԵԼՈՒԹՅՈՒՆ ՖՐԵԶՆՈՅԻ ՀԱՄԱԳԱՂՈՒԹԱՅԻՆ ՀԱՅԿԱԿԱՆ ԳՊՐՈՑ

Ժամը 11.45-ին Վեհափառ Հայրապետը եղավ Ֆրեզմոյի Համագաղութային Հայկական դպրոցում, ծանոթացավ ուսուցչական և աշակերտական կազմերին, տվեց իր հայրական պատգամը՝ դարձյալ շեշտելով, որ հայ կյանքը այս օրերին արևմտյան օտար մշակույթի պայմաններում, Հայրենիքից բազմաթիվ կիլոմետրեր հեռավորության վրա վերաշխուժացում է ապրում, որի վկայությունն են այն բազմաթիվ դպրոցները, որոնք Նորին Սրբությունն այցելեց իր Հովվապետական շրջագայության ընթացքում: Վեհափառ Հայրապետը շնորհակալություն հայտնեց և խրախուսեց ուսուցչական կազմին իրենց կատա-

րած ինքնանվեր աշխատանքի համար, ապա խոսքն ուղղելով աշակերտությանն ասաց, որ ամուր փարվեն իրենց հայրերի լեզվին, հավատքին ու մշակույթին:

### ԱՄԵՆԱԹՆ ՀԱՅՈՑ ՀԱՅՐԱՊԵՏԸ ՖԻԵԶՆՈՅԻ ՍՈՒՐԲ ԵՐՐՈՐԴՈՒԹՅՈՒՆ ԵԿԵՂԵՑՈՒՄ

Հետմիջօրեին, ժամը 13.45-ին, Վեհափառ Հայրապետը «Հրաշափառ» շարականի երգեցողությամբ մուտք գործեց Մեծի Տանն Կիլիկիո հոգևոր խնամակալության մերքո գտնվող Ֆրեզոնյի Ս. Երրորդություն եկեղեցի: Եկեղեցականների և դպիրների թափորով Նորին Սրբությունն առաջնորդվեց եկեղեցու դաս, որտեղ, կանոնական աղոթքից հետո, բարիգալստյան ջերմ խոսք արտասանեց եկեղեցու հոգևոր տեսուչ Տ. Մյուռոն ծ. վրդ. Ազնիվյանը: Ներկա էր նաև Լուս Ամշելոսից ժամանած առաջնորդական տեղապահ Մուշեղ ծ. վրդ. Մարտիրոսյանը, որն իր կարգին, հանուն իր թեմի իշխանության, սրտագին սիրով ողջունեց Վեհափառ Հայրապետի այցելությունը:

Վեհափառ Հայրապետը, խորապես հուզված ժողովրդի ջերմագին ընդունելությունից փառք տվեց Աստծուն, որ մի անգամ ևս իրեն առիթ տրվեց այցելելու Ֆրեզոնյի շրջանի այս պատմական եկեղեցին: Նա հիշեց, որ ինքը բազում անգամներ է գտնվել այս եկեղեցում որպես Կիլիկիո Աթոռի Կաթողիկոս, և թե այս այցելությունը որպես Ամենայն Հայոց Կաթողիկոս իրեն գերազույժ աստիճանի ուրախություն է պատճառում:

Հատուկ կերպով շեշտեց, որ Եկեղեցու միությունը սոսկ գաղափար չէ, այլ կյանքով արտահայտված իրականություն. «Ժամանակները կփոխվեն և մենք պետք է գիտնանք այդ փոփոխություններից համապատասխան վերաբերում ցույց տալ: Ներկայումս մեր Մայր Հայրենիքում և հայ կյանքի մեջ առաջ եկած հիմնական փոփոխությունների լույսի տակ մեր Եկեղեցին պետք է գործի որպես մեկ Եկեղեցի, որպեսզի կարողանանք պատմական այս մոր շրջանը արժեքներ մեր Եկեղեցու և ժողովրդի զարգացման սիրույն»:

### ՊԱՇՏՈՆԱԿԱՆ ԴԱԾԿԵՐՈՒԹՅՈՒՆ ՊԱՏԻՎ ՎԵՀԱՓԱՌ ՀԱՅՐԱՊԵՏԻ «ՔՈՆՎԵՆՇՆ ՍԵՆՔՐԻ» ՍՐԱՀՈՒՄ

Երեկոյան ժամը 19.00-ին «Քոնվենշնըն Սենթրի» սրահում տեղի ունեցավ պաշտոնական ճաշկերույթ՝ ի պատիվ Վեհափառ Հայրապետի, որին ներկա էր հազարից ավելի հայրենակարոտ հայերի մի մեծ բազմություն: Տեղի ունեցած ողջույնի և շնորհակալության խոսքերից հետո, ներկաներին իր հայրական հորդորներն ուղղեց Վեհափառ Հայրապետը՝ պատգամելով ապրել հային վայել մկարագրով ու կենցվածքով, առանց փոքրիկ և չնչին հարցերի մեջ մխրճվելու և կորչելու: Ապա Նորին Սրբությունը որպես բացառիկ



զնահատանը Մայր Եկեղեցու բարերար պրն. Վահան Ծամյանին շնորհեց Հայ Եկեղեցու բարձրագույն՝ Սուրբ Գրիգոր Լուսավորիչ շքանշանը. « Վահան Ծամյան, այս հին օրերու հայրենասեր պատանին, այսօր կ'պատվենք զինք հայրենասեր ընտրյալներու շքանշանին մեջ, որպես հայության հարազատ զավակներեն մեկը, որ իր շարունակական սրտաբուխ մատուցումներով եղած է Անթիլիասի շքանշանի արժանացած բարերարներեն և համանույն հայրենասիր զգացումներով կշարունակե իր նյութական մասնակցությունը բերել այսօր մեր Նորանկախ Հայրենիքի ու մոր օրերու Բերդենես Սուրբ Էջմիածնի կարիքներուն»։ Որպես սրտաբուխ արտահայտություն իր եկեղեցանվեր զգացումներին, բարերարը 100.000 դոլարի մի իշխանական նվիրատվություն կատարեց Մայր Աթոռ Սուրբ Էջմիածնին։

Այնուհետև այս բարձր պարգևատրման ու ընծայած պատվի համար Վեհափառ Հայրապետին շնորհակալության խոսք ասաց պրն. Վահան Ծամյանը՝ վստահեցնելով, որ իր կարողությունների ողջ սահմաններում պիտի սատար կանգնի այն դժվար և ծանր առաքելությանը, որ ստանձնել է Վեհափառ Հայրապետը։

Այս խանդավառ մթնոլորտում էլ ավարտվեց ի պատիվ Վեհափառ Հայրապետի տրված ճաշկերույթը։

## ՕՐ ՉՈՐԲՈՐԳ

### ԱՅՑԵԼՈՒԹՅՈՒՆ ՖՐԵՋՆՈՅԻ ՔԱՂԱՔԱՊԵՏԱՐԱՆ

Ուրբաթ, փետրվարի 9-ի առավոտյան ժամը 09.45-ին, Նորին Սրբությունն այցելեց Ֆրեզնոյի քաղաքապետարան, ուր հանդիպում ունեցավ քաղաքապետի և նրա օգնականների հետ։ Քաղաքապետ Զիմ Փաթերսոնի հետ Վեհափառ Հայրապետին դիմավորեց նաև Ֆրեզնոյի գավառապետ Տիրան Խոլիկյանը։ Այս հանդիպումը մտերմական ընտանեկան բնույթ ստացավ այն պատճառով, որ քաղաքապետը շատ մոտիկ հարաբերություններ էր մշակել հայ համայնքի զավակների հետ, և քաղաքապետարանի անձնակազմում, պաշտոնեության զանազան խավերում կային մեծ թվով հայեր։

Տեղի ունեցավ սրտաշարժ հյուրասիրություն, որի ընթացքում հուշանվերներ փոխանակվեցին Վեհափառ Հայրապետի և քաղաքապետի միջև։

### ԴԱՍԱՆՈՍՈՒԹՅՈՒՆ ՖՐԵՋՆՈՅԻ ՀԱՄԱԼՍԱՐԱՆՈՒՄ

Ժամը 11.45-ին Վեհափառ Հայրապետն իր շքախմբով այցելեց Ֆրեզնոյի Պետական Համալսարան, որտեղ դասախոսական ընդարձակ հանդիսասարահում տեղի ունեցավ դասախոսական հավաքույթ։

Համալսարանի հայկական ամբիոնի վարիչ- տնօրեն դոկտ. Տիգրան Գույումջյանը հանգամանալից կերպով ներկայացրեց Վեհափառ

Հայրապետի անձն ու գործը: Նա երկար տարիներ անձամբ ճանաչած լինելով Վեհափառ Հայրապետին, նրա անձի մեջ ողջունեց ոչ միայն հոգևորական սպասավորը, այլ նաև գիտնական, ակադեմական մի անձնավորության, որը նվիրված է եղել Հայ Եկեղեցու աստվածաբանության ուսումնասիրության գործին:

Վեհափառ Հայրապետը շուրջ մեկ ժամ տևող իր դասախոսության ընթացքում խոսեց Հայ Եկեղեցու ներկա կացության մասին: Նախ վեր հանեց այն իրողությունը, որ Հայ Եկեղեցին և մշակույթը միշտ զարգացել են հաղորդակից լինելով ընդհանուր Եկեղեցու և համամարդկային մշակույթի հետ: Մեր պատմության այն դարերը, որոնք շփումի և հաղորդության դարեր են եղել, միշտ պսակվել են մեծամեծ իրագործումներով և ճանաչվել են որպես Ոսկե կամ Արծաթե դարեր և կամ Վերածնության շարժում անուններով:

Ե դարի մեր պատմիչներից դիպուկ մեքքերումներ կատարելով Վեհափառն ասաց, թե քրիստոնեական հավատքի դերն ու ազդեցությունը ստեղծագործականորեն հզոր է եղել մեր ժողովրդի պատմության մեջ՝ հատկապես շեշտելով Աստվածաշնչի և քրիստոնեական գրականության ու ծեսի ազդեցությունը մեր ժողովրդի կյանքում:

Գալով մերօրյա Հայաստանին, նա ասաց, թե չի կարելի, որ տարբեր ընթացք ունենա մեր այսօրվա կյանքը ազատ ու անկախ պետության ստեղծումով մեր Մայր Հայրենիքում. «Մեր Առաքելական Եկեղեցին և Մայր Աթոռ Սուրբ Էջմիածինն այսօր կոչվել են նոր դերակատարության, բայց նույն և ամփոփելի ուղղվածությամբ: Այսինքն՝ լիցքավորել ու կենսավորել հայության կյանքը քրիստոնեական հավատքին ներշնչանքով և Ավետարանի ուսուցումներով»:

Դասախոսության ավարտին նա սիրով պատասխանեց եղած հարցումներին: Դասախոսությանը ներկա էին համալսարանի պրոֆեսորներ, ուսանողներ և հայ համայնքի անդամներ:

## ՍՈՒՐԲ ՊԱՏԱՐԱԳ ՖՐԵԶՆՈՅԻ ՍՈՒՐԲ ՊՈՂՈՍ

### ԵԿԵՂԵՑՈՒՄ

Նույն երեկոյան ժամը 18.30-ին Ֆրեզնոյի Ս. Պողոս եկեղեցում հանդիսավոր պատարագ մատուցվեց: Պատարագիչն էր Կանադայի Հայոց թեմի Առաջնորդ Հովնան արքեպս. Տերտերյանը:

Պատարագի ընթացքում Վեհափառ Հայրապետը տվեց իր պատգամը, որի մեջ շեշտեց քրիստոնեական հավատքի ազնվացուցիչ դերը մարդկության և մասնավորաբար հայության կյանքում:

Իր քարոզի ավարտին նա հայտնեց, որ, ի գնահատություն եկեղեցու հոգևոր հովիվ Տ. Սասուն վրդ. Զմրուխտյանի նվիրյալ ծառայության և ի պատասխան եկեղեցու հոգաբարձության և թեմակալ Առաջնորդ Վաչե Սրբազանի խնդրանքի, նրան շնորհում է Մայրագույն Վարդապետական աստիճան, որը հատուկ արարողությամբ տրվելու է թեմի



Առաջնորդի կողմից: Հավատացյալները ջերմ ծափերով ողջունեցին Վեհափառ Հայրապետի այս հայտարարությունը:

### ՕՐ ՀԻՆԳԵՐՈՐԴ

Փետրվարի 10-ի շաբաթ առավոտյան, ժամը 08.00-ին, Ս. Պողոս եկեղեցում Վեհափառ Հայրապետի օրհնությունն ստացան Կիրակնօրյա վարժարանի աշակերտությունը, Ֆրեզնոյի շրջանի ուսանողությունն ու երեխաները:

Նորին Սրբությունը հայրական քաղցր խոսքերով խանդավառեց նրանց և կոչ ուղղեց, որ գիտենան Աստծուց տրված շնորհները արժարժել, այսինքն՝ իրենց կյանքով, ուսումով և գործով արժեցնել:

\* \*

Ժամը 10.30-ին Վեհափառ Հայրապետը մեկնեց Հյուսիսային շրջան (Սան Ֆրանցիսկո), որը վերջին հանգրվանն էր Նորին Սրբության Արևմտյան թեմին տրված այցելության:

### ԱՅՑԵԼՈՒԹՅՈՒՆ ՀՅՈՒՍԻՍԱՅԻՆ ԸՐՋԱՆ

(ՍԱՆ ՖՐԱՆՑԻՍԿՈ)

ՓԵՏՐՎԱՐԻ 10-13

### ՕՐ ԱՌԱՋԻՆ

Փետրվարի 10-ին, շաբաթ օրը, առավոտյան ժամը 11.30-ին, Վեհափառ Հայրապետն իր շքախմբով ժամանեց Սան Հոգեի օդանավակայան: Այստեղ Նորին Սրբությանը դիմավորեցին Արիս եպս. Օիրվանյանը և շրջանի հոգևոր ու աշխարհիկ դասի մերկայացուցիչները: Ավանդական աղ ու հացի օրհնությունից հետո, Նորին Սրբությունը մերկաներին բաշխեց իր հայրական պատգամը:

### ՎԵՀԱՓԱՌ ՀԱՅՐԱՊԵՏԸ ԿՈՒՊԵՐՏԻՆՈՑԻ ՍՈՒՐԲ

ԱՆԴՐԵԱՍ ԵԿԵՂԵՑՈՒՄ

Կեսօրին, ժամը 12.00-ին Հայոց Հայրապետը «Հրաշափառի» երգեցողությանը մուտք գործեց Կուպերտինոյի Ս. Անդրեաս Հայաստանյայց եկեղեցի, որտեղ ընդունվեց խուռն բազմությանը և կատարվեց գոհաբանական աղոթք իր այցելության համար:

Եկեղեցու հոգևոր հովիվ Տ. Վազգեն քհն. Մովսիսյանը ջերմ խոսքերով ողջունեց Վեհափառ Հայրապետի շնորհաբեր այցելությունը և նրան հրավիրեց, որ իր հայրական խոսքն ուղղի հավատացյալ ժողովրդին:

Վեհափառը նախ հայտնեց իր շնորհակալությունները և ապա ասաց, որ «առաջին անգամն է, որ Ամենայն Հայոց Կաթողիկոսը այցելում է Սան Հոգեի այս շրջան: Բարձրորեն գնահատեց հոգևոր հովվին, հոգաբարձուներին, որ այս եկեղեցու կառուցումով և նրա

հոգևոր սպասավորությամբ մեծ բարիք են ընծայել մեր ժողովրդի կրոնական և ազգային կյանքին:

Վեհափառը իր հատուկ գնահատանքը հայտնեց դպրաց դասին, ՀՄԸՄ-ի սկսնակներին և նոր սերնդի անդամներին, որոնք եռանդուն փնտրելի մեջ են պահում հայ համայնքի կյանքը այդ շրջանում:

Ապա հանգամանորեն ներկայացրեց Մայր Հայրենիքի կացությունը և Մայր Աթոռի դերակատարության բարերար ազդեցությունը հայրենաշինության շարժումին, որը ծավալվել է անկախության վերգտնումից հետո:

\*\*\*

### ԾԱԾԿԵՐՈՒՅԹ-ԸՆԴՈՒՆԵԼՈՒԹՅՈՒՆ

Եկեղեցական արարողությունից անմիջապես հետո Վեհափառն իր շքախմբով առաջնորդվեց եկեղեցու ներքնահարկի ընդարձակ սրահ, որտեղ ճաշկերույթ, ընդունելություն տեղի ունեցավ ի պատիվ Նորին Արքունիքի:

Սույն հավաքույթը եղավ ման հանդիպում երիտասարդ սերնդի հետ: Երիտասարդներից շատերը հարցումներ ուղղեցին Վեհափառ Հայրապետին: Նա բոլորին գոհացում տվեց իր իմաստուն պատասխաններով:

### ԱՅՑԵԼՈՒԹՅՈՒՆ ՍՈՒՐԲ ՀՈՎՀԱՆՆԵՍ ԵԿԵՂԵՑԻ

Երեկոյան ժամը 18.00-ին Նորին Ա. Օծությունը «Հրաշափառի» ուղեկցությամբ մուտք գործեց Սան Ֆրանցիսկոյի Ա. Հովհաննես եկեղեցի:

Տեղի ունեցավ գոհաբանական աղոթք, որից հետո եկեղեցու հոգևոր տեսուչ Տ. Արիս եպս. Շիրվանյանը Վեհափառ Հայրապետին ներկայացրեց Սուրբ Հովհաննես եկեղեցու համայնքը և նրա պատմությունը: Ապա, ջերմորեն ողջունելով Վեհափառի այցելությունը, Նորին Արքունիքը հրավիրեց տալու իր պատգամը:

Վեհափառը, խորապես ազդված ժողովրդի հոծ բազմությունից, նախ փառք տվեց Աստծուն, որ իրեն հնարավորություն ընձեռեց անձամբ ճանաչելու Սուրբ Հովհաննես եկեղեցու հավատացյալներին և իրազեկ դառնալու նրանց սերտ կապվածությանը իրենց Մայր Եկեղեցու հետ:

Նա ասաց, որ ներկա ժամանակները մեր ժողովրդի պատմության մեջ կարևորագույն մի շրջան են բացել, որի առաջ ամեն մի հայ սիրո և նվիրումի գգացումով միության և ամբողջականության գաղափարականով պետք է արտահայտի իր սերը և նվիրաբերումը հանդեպ իր Մայր Եկեղեցու և իր Մայր Հայրենիքի:



### ՀԱՆԴԻՊՈՒՄ ԵՐԻՏԱՍԱՐԴՈՒԹՅԱՆ ՀԵՏ

Նույն երեկոյան ժամը 19.00-ին Վեհափառ Հայրապետը նախագահեց Հայաստանյայց Եկեղեցու Երիտասարդաց Կազմակերպության նախաձեռնությամբ կազմակերպված հավաքին, որին մասնակցելու էին եկել Սան Ֆրանցիսկոյի բոլոր կազմակերպությունների ներկայացուցիչները, համալսարանական ուսանողները, Կիրակնօրյա վարժարանի աշակերտությունը և շրջանի ողջ երիտասարդությունը: Հավաքը տեղի ունեցավ եկեղեցում կից սրահում: Երիտասարդության կողմից ներկայացվեց հատուկ հայտագիր: Այնուհետև բազմաբնույթ հարցեր ուղղվեցին Հայոց Հայրապետին, որոնք լրջորեն հուզում են այսօրվա երիտասարդությանը:

Նորին Սրբությունը, հանդես գալով ներածական խոսքով, լայնորեն և մանրամասնորեն ներկայացրեց այսօրվա պատմական ժամանակաշրջանը իր պահանջներով և հրամայականներով, որում մեծապես կարևորեց Հայ Եկեղեցու դերն ու ստանձնած առաքելությունը, որը կարող է իմաստավորվել մոր սերնդի՝ երիտասարդության եռամդուն և անմեացող մասնակցությամբ ու նվիրումով: Ապա Վեհափառ Հայրապետն իրեն հատուկ իմաստությամբ և բազմակողմանի քննությամբ պատասխանեց և գոհացում տվեց բոլոր հարցադրումներին:

### ՕՐ ԵՐԿՐՈՐԴ

#### ՍՈՒՐԲ ՊԱՏԱՐԱԳ ՀՈՒՆԱՑ ՍՈՒՐԲ ՀԱՄԲԱՐՁՄԱՆ ՏԱՃԱՐՈՒՄ

Փետրվարի 11-ին, կիրակի օրը, հետմիջօրեի ժամը 13.30-ին, Օգնտի Հույն Օրթոդոքս Եկեղեցու Սուրբ Համբարձման Մայր տաճարում մատուցվեց Սուրբ և Անմահ Պատարագ: Ներկա էին շուրջ 1000 հավատացյալներ, որոնք ժամանել էին շրջանի Սուրբ Վարդան, Սուրբ Գրիգոր, Սուրբ Հովհաննես, Սուրբ Հակոբ, Սուրբ Անդրեաս եկեղեցիներից: Ներկա էին նաև քույր Եկեղեցիների ներկայացուցիչները: Պատարագիչն էր Արևմտյան թեմի Առաջնորդ Վաչե արքեպիսկոպոսը:

Պատարագի ընթացքում եկեղեցու վանահայր Թովմաս Փարիսը բարիգալստյան ջերմ խոսքերով ողջունեց Ամենայն Հայոց Հայրապետին:

Այնուհետև ներկաներին իր հայրական խոսքն ուղղեց Վեհափառ Հայրապետը՝ նախ շնորհակալություն հայտնելով եկեղեցու վանահորը իր անկեղծ խոսքերի համար, որոնց թանձրացյալ արտահայտությունն է այս Տաճարի պատրաստակամ տրամադրումը Սուրբ Պատարագի մատուցման և հայության մի փոքրիկ մասի մեկտեղվելու և իրենց Հայրապետի օրհնությունը ստանալու համար: Ապա Ամենայն Հայոց Հայրապետը շնորհակալություն հայտնեց քույր Եկեղեցիների

ներկայացուցիչներին, որոնք եկել էին աղոթակից դառնալու Հայոց Հայրապետին:

Ապա, խոսքն ուղղելով հայ հավատացյալներին, հորդորեց հավաքվելու Մայր Եկեղեցու և Մայր Հայրենիքի շուրջը՝ առանց շահադիտական նպատակների, այլ իրական և անշահախնդիր գործելակերպով, որից առավել փայլ կստանան և կծաղկեն այս երկու սրբությունները՝ մեր ինքնության և հավերժության ամենամեծ օրրանները:

Սուրբ Պատարագի մատուցումից հետո Վեհափառ հանդիպեց քույր Եկեղեցիների ներկայացուցիչների հետ, որը անցավ կիսաապշտոնական մթնոլորտում, որովհետև նրանցից շատերի հետ նա տարիների բարեկամություն ուներ:

### ՊԱՇՏՈՆԱԿԱՆ ԺԱՇԿԵՐՈՒԹԹ Ի ՊԱՏԻՎ ՎԵՀԱՓԱՌ ԼԱՅՐԱՊԵՏԻ

Հավարտ Ս. Պատարագի, երեկոյան ժամը 17.30-ին, ի պատիվ Վեհափառ Հայրապետի, պաշտոնական ճաշկերույթ տրվեց Հունաց Ս. Համբարձման Մայր տաճարի գեղեցիկ սրահում, որին ներկա էին մոտ 530 հոգի:

Ամենայն Հայոց Հայրապետը, քննարակությամբ Վաչե Արիս և Հովնան սրբազանների, և քույր Եկեղեցիների ներկայացուցիչներ՝ Ամերիկայի Հույն Օրթոդոքս Եկեղեցու Արևելյան հատվածի վիկար Մելեթիոս Վեբեր վարդապետի, Ամերիկայում Կաթոլիկ Եկեղեցու միջեկեղեցական հարցերի պատասխանատու Ջերրի Օ Ռուրկի և Ղպտի Ուղղափառ Եկեղեցու ներկայացուցիչ Հայր Ուահրի, մուտք գործեց սրահ, որտեղ ծափողջույններով դիմավորվեց ներկաների կողմից: ԱՄՆ-ի և Հայաստանի Հանրապետության պետական հիմնների կատարումից հետո, ներկայացվեց նաև հատուկ գեղարվեստական հայտագիր:

Այնուհետև Առաջնորդ Վաչե սրբազանը հանգամանորեն ներկայացրեց Ամենայն Հայոց Կաթողիկոս Գարեգին Ա- ին՝ հրավիրելով նրան տալու իր հայրական հորդորներն ու օրհնությունը:

Վեհափառ Հայրապետը նախ, ի նշան գնահատանքի, Հայ Եկեղեցու բարձրագույն՝ Սուրբ Գրիգոր Լուսավորչի շքանշանով պարգևատրեց համայնքի բարերարներից Փոլ Վարնումին:

Ծաշկերույթի վերջում օրհնության խոսք ասաց Վեհափառ Հայրապետը, որում մասնավորաբար շեշտեց պատմական պահի կարևորությունը, որի ճիշտ գնահատումով կկարողանանք կերտել պայծառ և լուսավոր ապագա: Ծեշտեց, որ հարցերին վերաբերվել իրատեսականորեն և առարկայական կերպով և ոչ թե վերացական ու մանր հաշիվներով փորձել մոտենալ դրանց: Այսօր Հայոց Եկեղեցին իր անկախ Հայրենիքի հետ միասին վերաթոնացման և վերաշխուժացման շրջան է ապրում և կարիքն ունի իր բոլոր զավակների աջակցությանը



ու մասնակցությամբ և հետևաբար անհրաժեշտ է նրան բոլոր առումներով թիկունք և գորավիզ կանգնել: Այս երկու սրբությունները անհատներին չեն պատկանում, այլ ամբողջ ժողովրդին հավաքաբար, և այս հավաքականության մեջ ամեն մեկը պարտավոր է իր կարելիք բերել նրանց վերածաղկման ու կենսավորման գործում:

## ՕՐ ԵՐՐՈՐԳ

### ԱՅՑԵԼՈՒԹՅՈՒՆ ԳՌՈՒԶՅԱՆ-ԶԱՔԱՐՅԱՆ ՎԱՐԺԱՐԱՆ

Փետրվարի 12-ին երկուշաբթի օրը, առավոտյան ժամը 10.00-ին, Վեհափառ Հայրապետն այցելեց Գոռույան-Ջաքարյան Վասպուրական հայկական վարժարան: Այստեղ դպրոցի աշակերտները մեծ ցնծությամբ դիմավորեցին իրենց Հայրիկին: Ներկայացվեց շատ գեղեցիկ մի ծրագիր՝ հագեցած բանաստեղծություններով և երգերով: Ապա Նորին Սուրբ Օծությունը, հուզված երեխաների խանդավառ ներկայությունից, իր հայրական խոսքն ուղղեց նրանց՝ պատգամելով ապրել իրենց հայրերի հավատքով: Նա ուրախությամբ նշեց այն փաստը, որ այստեղ հայ կյանքը, ուր որ ինքը գնաց, տեսավ աշխույժ և գործունյա ու պատգամեց ապրել մույն ոգևորությամբ ու եռանդով՝ ի շահ մեր Եկեղեցու և Հայրենիքի վաղվա օրվա պայծառության:

Վերջում Վեհափառ Հայրապետը «Սուրբ Ներսես Շնորհալի» շքանշանով պարգևատրեց դպրոցի բարերար պարոն Գրիգոր Գոռույանին՝ իր կատարած հայրենամարտ գործի համար:

### ԱՅՑԵԼՈՒԹՅՈՒՆ ՔԱՂԱՔԱՊԵՏԱՐԱՆ

Ժամը 11.00-ին Նորին Սրբությունն այցելեց Սան Ֆրանցիսկոյի քաղաքապետարան, որտեղ հանդիպեց քաղաքապետ Ուիլի Բրաունին և պաշտոնական այլ անձանց հետ:

Տեղի ունեցած ջերմ ընդունելությունից հետո, Վեհափառ Հայրապետն իր շնորհակալությունները հայտնեց քաղաքապետին՝ հայ համայնքի նկատմամբ ցուցաբերած ուշադրության համար: Ապա Նորին Սրբությունը նկարագրեց Հայ Եկեղեցու ներկա կացությունը, թե այն համայնատիրական տարիներին եղել է հալածական վիճակում և այսօր Հայաստանի անկախությամբ մեր Սուրբ Եկեղեցին նոր պայմանների մեջ է գտնվում և իր ուժերի գերլարումով լծվել է ոչ միայն Մայր Հայրենիքի սահմաններում, այլև նրանից դուրս ապրող իր զավակներին Աստուծո խոսքով հովվելու և մխիթարելու առաքելությամբ:

### ԺԱՅԿԵՐՈՒԹԹ-ՀԱՆԳԻՊՈՒՄ

Կեսօրվա ժամը 13.00-ին Նորին Սուրբ Օծությունը Սիրո սեղանի շուրջ հանդիպում ունեցավ հոգևորականների, Ծխական խորհուրդների, Եկեղեցիների վարչական մարմինների և բարերարների հետ:

Վեհափառ Հայրապետը բարձրորեն գնահատեց նրանց կողմից թեմից ներս տարված աշխատանքները, կոչ ուղղեց նրանց՝ առավել ջանդրությամբ գործել Մայր Եկեղեցուն ի նպաստ, որպեսզի որպես կատարյալ ազգ և Եկեղեցի կարողանանք ներկայանալ Աստծուն և մարդկությանը: Մեր ժամանակները դժվար են և այդ դժվարության հաղթահարման գիտակցությունն է, որ մեզ պետք է մղի միասնական կերպով և ամբողջական ներդրումով ապրել և գործել Մայր Հայրենիքի և Եկեղեցու համար:

### ԱՅՑԵԼՈՒԹՅՈՒՆ ՍՈՒՐԲ ԳՐԻԳՈՐ ԼՈՒՍԱՎՈՐԻՉ ԵԿԵՂԵՑԻ

Երեկոյան ժամը 17.00-ին Վեհափառ Հայրապետը «Հրաշափառ» շարականի երգեցողությամբ մուտք գործեց Սան Ֆրանցիսկոյի Կիլիկյան Աթոռի հովանավորությունը վայելող Ս. Գրիգոր Լուսավորիչ եկեղեցի: Խոսում երանք բազմությունը ցնծությամբ դիմավորեց իր Հայրապետին, որին ճանաչել էր երկար տարիներ:

Եկեղեցու հովվի բարիգալստյան ջերմ և սրտառույ խոսքից հետո, Ամենայն Հայոց Հայրապետը տվեց իր հայրական պատգամը: Նա նախ գոհություն և փառք հայտնեց Ամենաբարձրյալն Աստծուն, որ առիթ ընծայեց հանդիպելու իր հոտի ժողովրդի հետ հայկական այս գեղեցիկ տաճարում: Ապա, խոսքն ուղղելով հավաքված բազմությանը, Նորին Սրբությունը շեշտեց մեկ Եկեղեցի և մեկ ժողովուրդ ճշմարտությունը, որ հայ ժողովուրդը չունի երկու Եկեղեցի, այլ մեկ ամբողջական Եկեղեցի: Մենք պարզապես պարտավոր ենք ունկնդիր լինելու ժամանակի ձայնին, որովհետև ժամանակները առաջ են գնում և այլ բան թելադրում մեզ, և մենք չենք կարող ետ մնալ նրանից: Այսօր նոր պայմաններում է հայտնվել Մայր Հայրենիքը, և այդ դաշտի վրա նոր դերակատարություն է ստանձնել նաև Մայր Եկեղեցին, հետևաբար մեր անձնական նեղ հաշիվներով ու հարցերով չփորձենք ձախողել նրանց առաջընթացը, այլ գորավիզ լինենք նրանց:

### ԱՅՑԵԼՈՒԹՅՈՒՆ ՕԳԼՆՏԻ ՍՈՒՐԲ ՎԱՐԴԱՆ ԵԿԵՂԵՑԻ

Նույն օրը երեկոյան ժամը 20.00-ին, Վեհափառ Հայրապետը, հավատացյալների հոծ բազմության ուղեկցությամբ, «Հրաշափառ»-ի երգեցողությամբ, մուտք գործեց Օգլնտի Ս. Վարդան եկեղեցի: Սա Վեհափառ Հայրապետի Արևմտյան թեմում գտնվելու վերջին հանգրվանն ու հանդիպումն էր հայ հավատացյալների հետ:

Կատարված գոհաբանական աղոթքից հետո, բարիգալստյան խոսք ասաց եկեղեցու հովիվ Մեսրոպ քահանա Սարաֆյանը: Ապա Վեհափառ Հայրապետը մեծ ոգևորությամբ, մի տեսակ որպես հրաժեշտի խոսք, պատգամեց ապրել իրենց հայրերի հավատքով ու սիրով, նրանց ստեղծագործ կամքով: Ոչ մի բան չկարողացավ ընկճել և



հուսահատեցնել նրանց և առավել ևս չի կարող ընկճել ու հուսահատեցնել նաև մեզ, որովհետև մենք տեսանք Հայրենիքի ազատագրությունը, Մայր Եկեղեցու վերստին աշխուժացումը: Ժամանակները մեզ են սպասում, և մենք պիտի լինենք նրանց ճարտարապետները:

Այնուհետև հանդիպում տեղի ունեցավ նաև շրջանի երիտասարդության հետ, որի ընթացքում Նորին Սրբությունը պատասխանեց նրանց հուզող բոլոր հարցերին:

### ՄԵԿՆՈՒՄ

**Փետրվարի 13-ին** երեքշաբթի օրը, Գարեգին Ա Մայրագույն Պատրիարք և Ամենայն Հայոց Կաթողիկոսը Կալիֆորնիայից մեկնեց Ամերիկայի Արևելյան թեմ՝ Ֆլորիդա Նահանգ:

### ԺԱՄԱՆՈՒՄ

Ամենայն Հայոց Հայրապետը փետրվարի 14-ին ժամանեց Ֆլորիդա և պատշաճ կերպով ընդունվեց Հմայակ Եպիսկոպոս Հիմնոյանի, Օշական վրդ. Գյուլգյույանի և Զավեն ա. քհն. Արզումանյանի կողմից, որոնց ընկերակցում էին ընդունելության հանձնախմբի անդամները՝ գլխավորությամբ ատենապետ Խաչատուր Ղազարյանի, և համայնքի ներկայացուցիչները:

Օդանավակայանում Վեհափառ Հայրապետն օրհնեց ավանդական աղն ու հացը և առաջնորդվեց ընդունելության դահլիճ, ուր բարիգալստյան խոսք արտասանեց դոկտ. Զավեն ա. քհն. Արզումանյանը՝ բովանդակ Ֆլորիդայի հայ համայնքի անունից:

### ԺԱՄԱՆՈՒՄ ՄԱՅԱՄԻ

Փետրվարի 16-ին, Վեհափառ Հայրապետը ժամանեց Մայամի, որտեղ հաճելի անակնկալ էր սպասվում Ամենայն Հայոց Հովվապետին: Ժամանելով Մայամի, Նորին Սրբությունը այցելեց Հայոց Սուրբ Հովհաննես Մկրտիչ եկեղեցի, որը առաջին եկեղեցին է Ֆլորիդայում՝ հիմնադրված 1953 թվականին:

Հաջորդ օրը, փետրվարի 17-ին, Հայոց Հայրապետին վերապահված էր նախազահելու և օրհնելու այն հողը, որտեղ Աստուծո մոր Տուն և հայի ինքնարտահայտման վկայություն պիտի կառուցվեր: Վեհափառ Հայրապետին ընկերակցում էին Խաժակ և Հմայակ Սրբազանները, Մայամիի Հովհաննես Մկրտիչ եկեղեցու հոգևոր հովիվ Օշական վարդապետ Գյուլգյույանը, գաղազանակիր Արտակ արեղա Տիգրանյանը, Սուրբ Ներսես դպրեվանքի ուսանողությունը և ուրիշներ:

Տերունական աղոթքից և կատարված հողի օրհնության արարո-

դուրսումից հետո, ողջույնի և շնորհակալության խոսք ասաց Առաջնորդ խաժակ Սրբազանը՝ շեշտելով պահի կարևորությունն ու հոգևոր ուրախությունը ամերիկաբնակ հայորդիների համար:

Ապա Վեհափառ Հայրապետը մեծ ներշնչումով և ապրումով տվեց իր պատգամը՝ ուժեղ կերպով շեշտելով այն գաղափարը, որ մենք մյուսական եկեղեցին կառուցելու միջից պարտավոր ենք վերաշինել հոգևոր եկեղեցին՝ Աստուծո, Քրիստոսի, Սուրբ Ավետարանի և մեր հայրերի Ավանդությունների ճանապարհով:

Նորին Սրբությունը մշեց, որ ինքը առաջին անգամն է լինում Ճյորրիդայում և Մայամիում, ու հատկանշական է, որ այն պսակվեց և մշանավորվեց այսպիսի սրբազան արարողությամբ:

## ՎԵՀԱՓԱՌ ՀԱՅՐԱՊԵՏԸ ԲՈԿԱ ՌԱՏՈՆՈՒՄ

### ՍՈՒՐԲ ԴԱՎԻԹ ԵԿԵՂԵՑՈՒՄ



Փետրվարի 18-ին, Բուն Բարեկենդանին, Վեհափառ Հայրապետն այցելեց մահ Բոկա Ռատոն, որտեղ տեղի Սուրբ Դավիթ հայ եկեղեցում մասնակցեց Սուրբ Պատարագի և իր պատգամը տվեց հավաքված ավելի քան 1200-ի հասնող հայերին:

Պատարագը մատուցեց Ամերիկայի Արևելյան թեմի Առաջնորդ խաժակ արք. Պարսամյանը, որին սպասարկում էին Օշական վարդապետը և Զավեն ավագ քահանան:

«Հայր Մեր»-ից առաջ խորան քարձրացավ Հայոց Հայրապետը և տվեց իր հոգեշունչ քարոզը Մեծ Պահքի մասին՝ խոսելով մահ



նորանկախ Հայաստանի և Մայր Աթոռի նոր ուղիներով ընթանալու և միացյալ ճիգերով Հայրենիքի ու Սփյուռքի իրար լրացնելու հրամայականների մասին:

Սուրբ Պատարագից անմիջապես հետո, թափորը «Հայրապետական Մաղթերգի» երգեցողությամբ Վեհափառին առաջնորդեց դեպի դուրս, ուր մեկ այլ սքանչելի արարողություն էր վերապահված նրան:

Այստեղ Նորին Սրբությունը կատարեց Ալեք և Մարի Մանուկյան դպրոցի շենքի հիմնարկեքը՝ ի ներկայություն տիար Ալեք Մանուկյանի, որ, հակառակ իր 95-ամյա տարիքին, մեկ օր առաջ հասել էր Բոկա Ռոտա՝ ներկա լինելու այս իրադարձությանը:

Արարողությունից հետո Զավեն ա. քահանան անակնկալ կերպով հրավիրեց իրավաբան Արսեն Խանամիրյանին, որը, Ֆիլադելֆիայից գալով, ի նպաստ կառուցվելիք շինության 50.000 դոլարի փոխգիր հանձնեց:

Հողի օրհնությունից հետո Վեհափառ Հայրապետին շնորհակալության և երախտագիտության խոսք ասաց Սուրբ Դավիթ եկեղեցու հովիվ Զավեն քհն. Արզումանյանը՝ նշելով, որ Վեհափառ Հայրապետի այցելությունը մեծ պատիվ է իրենց համար, որ գործելու նոր լիցք ու կենդանություն պիտի հաղորդի:

Այնուհետև հավաքվածներին իր օրհնությունն ու պատգամը տվեց Վեհափառ Հայրապետը՝ շեշտելով, որ եկեղեցին և դպրոցը հայ ժողովրդի կյանքում մշտապես անբաժան ու միաձուլված են եղել, և այդ դարերի կնիքն էր, որ այսօր մի օտար երկրի հողում թանձրանում և մարմնավորվում է որպես կենդանի և շոշափելի վկայություն մեր հայրերի տեսիլքների:

### ԱԶԱՀԱՄԲՈՒՅՐ

Կեսօրվա ճաշից հետո ներկա հոծ բազմությունը կրկին հավաքվեց եկեղեցու մոտ, Վեհափառ հայրապետի հատուկ տաղավարի շուրջ, ուր աշակերտները երգեցին ու ստացան Հայրապետի կողմից բաշխված խաչերն ու օրհնությունները: Աջահամբույրի համար թուրք առանձին-առանձին մոտեցան Վեհափառին, որից հետո Տեր Զավենը մի անակնկալ ևս հայտնեց՝ հրավիրելով արվեստագետ Հակոբ Գասպարյանին, որ իր մեծ ստեղծագործությունը «Կոմիտաս Վարդապետը խաչքարերի մեջ և քառագագաթ Արագածի ստորոտը» հսկա պաստառը, ի պատիվ Վեհափառ Հայրապետի, նվիրեց Սուրբ Դավիթ եկեղեցուն:

### ՈՂՋԵՐԹԻ ԾԱՅԿԵՐՈՒԹԹ Ի ՊԱՏԻՎ ՎԵՀԱՓԱՐ ՀԱՅՐԱՊԵՏԻ

Երեկոյան 400 ներկաներ ճաշկերպով պատվեցին Ամենայն Հայոց

ՏԵԼ ԿԻՐՈՍ ՈՒՍՏԱՄԸ ՈՒՍՏԱՄԸ ՄԻՆԱՍՏԱՐԸ ԳԻՊՐԻԵ ԿԻՐՈՍ ԶԻՆԱԿԱՎԵՐՈՒՄԸ ԿՏԱՆՈՒՄԸՆԸ ՄԻՓԵՆԵՐԻՆ





Հայրապետին: Երկա էին խաժակ և Հմայակ Սրբազանները, Հույն Ուղափառ Եկեղեցու վանահայրը, հայ հոգևորականներ և համայնքի ներկայացուցիչներ: Հանդիսավար խաչատուր Ղազարյանը ներկայացրեց պատվո հյուրերին, որոնց մեջ էին տիար Ալեք Մանուկյանը, տիկ. Հելեն Մարտիրոսյանը, Արմեն և Դիաննա Մելքոնյանները, Արաքսի Ղազարյանը, Գևորգ և Սիրվարդ Հովնանյանը տեր և տիկ. Կառլ Բազարյանը և այլոք:

Այնուհետև Առաջնորդ Սրբազանը ներկայացրեց Ամենայն Հայոց Հայրապետին՝ հայտնելով թեմի շնորհակալությունը իր տված հովվապետական անդրամիկ այցելության համար ու բարի երթ մաղթեց Նորին Սրբությանը:

Ապա Վեհափառ Հայրապետը տվեց իր հայրական պատգամը՝ շեշտելով հայ ժողովրդի ներկան ու անմիջական ապագան Հայաստանի Հանրապետության գծած մոր ուղուն համընթաց դարձնելուն և Սուրբ Էջմիածնի ու Հայաստանյայց Եկեղեցու դիմագրավելիք նորանոր իրողությունները, որոնք կյանքն է առաջադրում: Վեհափառը բոլորին թելադրեց՝ առաջանալ աներեր եռանդով, անխառն հույսով, անխախտ հավատքով ու անվեհեր քայլերով դեպի միացյալ ժողովրդի ու պայծառ ապագայի լուսատու մպատակը:

Իր խոսքում Նորին Սրբությունը շնորհակալությամբ հայտարարեց, որ իրավաբան Արսեն Խանամիրյանը իր խնամքին հանձնված Պոլ Կարապետյանի կտակից 200.000 դոլար է հատկացրել Սուրբ Էջմիածնին: Հայրապետը ծանուցեց նաև տեր և տիկ. Սարգիս Սուվաճյանի նվիրաբերած 50.000 դոլարի մասին, որ հատկացվել է Հայաստանի վանքերի վերակառուցմանը:

Այսպիսի ջերմ և անկեղծ մթնոլորտում էլ ավարտվեց այս սրտամոտ հանդիպումը:

### ՎԵՀԱՓԱՌ ԶԱԵՐԱՊԵՏԻ ԶԱՆԴԻՊՈՒՄԸ ՄԱԿ-Ի ԳԼԽԱՎՈՐ ՔԱՐՏՈՒՂԱՐ ԲՈՒՏԲՈՍ ՂԱԼԻԻ ՀԵՏ

Փետրվարի 20-ին, Միացյալ Նահանգներ Հայրապետական այցելությունից հետո և Սուրբ Էջմիածին վերադառնալուց առաջ, Ամենայն Հայոց Հայրապետը այցելեց Միացյալ Ազգերի Կազմակերպության կենտրոնատեղի, որտեղ հանդիպեց ՄԱԿ-ի գլխավոր քարտուղար Բուտրոս Ղալիի հետ:

Վեհափառ Հայրապետին ընկերակցում էին ՄԱԿ-ի մոտ Հայաստանի Հանրապետության մշտական ներկայացուցիչ Ալեքսանդր Արզումանյանը, Ամերիկայի գույգ թեմերի և Կանդայի Հայոց թեմի Առաջնորդներ Վաչե, Խաժակ և Հովնան Սրբազանները:

Հանդիպման ընթացքում Ամենայն Հայոց Հայրապետը իր գնահատանքն ու շնորհակալությունը հայտնեց հայ ժողովրդին և

Հայաստանի Հանրապետությանը ՄԱԿ-ի գորակցության համար՝ շոշափելով Անդրկովկասի տարածաշրջանի խաղաղության, հատկապես Լեռնային Ղարաբաղի հիմնախնդրի խաղաղ լուծման հարցերը:

ՄԱԿ-ի գլխավոր քարտուղարը, դրականորեն գնահատելով Հայոց Հոգևոր Առաջնորդի այցելությունը ԱՄՆ և ՄԱԿ-ի կենտրոնատեղի, խոսեց Արցախյան խնդրի մասին՝ ասելով, որ ինքը ուշիուշով հետևում է Լեռնային Ղարաբաղի հարցի կարգավորման ուղղությամբ եվրոպական և այլ կազմակերպությունների, լիազորված պետական այրերի և Ռուսաստանի Դաշնության ձեռնարկած քայլերին: «Մենք պիտի ջանանք մոտ ապագայում խաղաղ ճանապարհով լուծել այդ բարդ խնդիրը», վերջում ավելացրեց գլխավոր քարտուղարը:

Հանդիպումից հետո Վեհափառ Հայրապետը շրջեց կառույցի ներսում և մեծ հուզումով և ներքին ուրախությամբ առիթ ունեցավ



նստելու մասն Հայաստանի Հանրապետությունը ներկայացնող ժողովասեղանի առջև: Կենտրոնատեղիում, ինչպես Վեհափառն ասաց, «հայության դարավոր երազանքը մարմին էր զգեցել: Հայաստանի անկախությամբ Հայոց Պետությունը մուտք էր գործել ընդհանուր ազգերի մեծ ընտանիք: Եվ այսօր այդ ընտանիքի պաշտոնատեղիում ծածանվում է հայության պատվի և ինքնության արտահայտության վկայագիր սրբազան Եռագույնը»: ՄԱԿ-ում Հայաստանի Հանրապետության լիազոր և մշտական ներկայացուցիչ Ալեքսանդր Արզումանյանը պաշտոնական ճաշկերույթ տվեց ի պատիվ Վեհափառ Հայրապետի:



### ՎԵՐԱԴԱՐՁ ՄԱՅՐ ԱԹՈՒ ՍՈՒՐԲ ԷԶՄԻԱԾԻՆ

ՄԱԿ-ի գլխավոր քարտուղարի հետ վերջին և շատ կարևոր հանդիպմամբ էլ ավարտվեց Ամենայն Հայոց Կաթողիկոս Ն.Ս.Օ.Տ.Տ. Գարեգին Ա Վեհափառի անդրանիկ Հովվապետական այցելությունը ԱՄՆ և Կանադա, որը սահմանափակված չէր միայն հայ հավատացյալներին այցելությամբ, այլ տեղի ունեցան բազմաթիվ և բազմազան հանդիպումներ այդ երկրների եկեղեցական և պետական-պաշտոնական ամենաբարձր մակարդակների և ներկայացուցիչների հետ, որով լավագույնս ներկայացվեց Մայր Հայաստանն ու Եկեղեցին հաշս օտար պետությունների և Եկեղեցիների:

1996 թվականի փետրվարի 23-ին, ավարտելով իր շրջագայությունը, Վեհափառ Հայրապետը վերադարձավ Մայր Աթոռ՝ ճոր լիցք ու ճոր տեսիլքներ բերելով իր հետ Հայրենաբնակ իր ժողովրդին:

